




ჩვენს მსოფლიოში

გამოდის თვეში ორჯერ პარასკევით

ფასი 1,50 ლარი

17 აპრილი 2015

№ 8 (242)



ზვიად გამსახურდიას ასი დღე
რა დარჩენიათ აქ მოხუცებს?!
შექსპირული ტრაგედიის გმირი
ზელიმხან მაღრაძის მოთხრობა
გოგი ჭიაბრიშვილის გულაგიანა
ლაშა-გიორგის პორტრეტისათვის
ყუმუხური პოეზიის დიდოსტატი
არქიტექტურული პოეზიის ვნება
ვარლამ შალამოვის ნოველები
ინტერვიუ მარინე ვეკუასთან
ლალი ხვედელიანის ლირიკა



შინაარსი

რედაქტორის გვირგვინი	2	არქიტექტურული პოეზიის ვნება (შოთა ბოსტანაშვილის უცნაური მედიტაციები)
მხსარან-ინტერვიუ	3	მარინე ვეკუა „მომთმინება და წინსვლა“ (მომამზადა მარიამ მეზურნიშვილმა)
დაუვიწყარი სახელები	5	ნინო ქუთათელაძე დღეს ის ჩვენიან არის... (ლევან გოთუას დაბადებიდან 110 წლისთავის გამო)
პროზა	8	ზელიმხან მალრაძე საზღვაპი სიზაბავრაში
პირი და პედინაწარა	13	როსტომ ჩხეიძე ძველი სიზულის სანიღუმლოება (ზევიად გამსახურდიას ასი დღე)
პოეზია	28	შოთა ბოსტანაშვილი აქეთქება (ლექსი და ლექსიკონი)
აინტროლა	33	გიზო თავაძე ძალიან დამინტარანსა თემურ ბაბუნას ნიგნით („ჯერომ სელინჯერი — ნამდვილი ბრძოლა“)
უსხოთის სხოვრაპიდან	34	ლალი ხვედელიანი მინდელსონის მარში და სხვა ლექსები
ინტორიის თათრი ლაქაბი	36	დავით ხიზამბარელი რა დარჩენით ამ მოსუცეპს? (კორმაკ მაკარტი)
რეპორტაჟი	39	ლელა ჯიყაშვილი ბადნიერი ყოფნა (გოგი ჭიაბრიშვილი)
მომუსიონით მორა მხარასან	45	ეკა ბუჯიაშვილი ძალიან ქართული სეპდა (ნარდგინება ოთარ ჩხეიძის ნოველების კრებულისა „შესანდობარნი“)
სილუაბი	49	როზა დევდარიანი ქურხული ნონსანსი (ბექა ქურხულისა და გიორგი შენგელაიას სატირული ზღაპარი „ცოცხზე გადამჯდარი მეფე“)
კაპანისი გავაზა	52	გურამ ბენაშვილი ლიტარატურული ვიტრაჟები (გურამ ასათიანი, გივი გეგეჭკორი, რეზი თვარაძე, ჯანსულ ჩარკვიანი)
ასალი ნიგნები	58	ნონა აბაშაძე ყუმუსური პოეზიის დიდოსტატი (ანვარ აჯიევი)
პირაპლი შთაგაქდილება	60	გივი ხორნაული უკვალოდ არ ჩაივლის (შთაბეჭდილება ეკა ქადაგიძის პუბლიცისტურ კრებულზე „ძირს ომერტა!“)
საპართელოს გავაზა	61	როზეტა გუჯეჯიანი ძველი ქართული ყოფის სურათები („მზე შინა და მზე გარეთა. ქართული ხალხური დღეობა-დღესასწაულები და წეს-ჩვეულებები აღწერილი ბავშვებისათვის“)
ასალი თარგანაწი	62	ნინო ჩხიკვიშვილი თბილი სიჩუმა... (ყურნალ „ჩვენი მწერლობის“ 2015 წლის 20 თებერვლის ნომერში გამოქვეყნებული თამარ შაიშმელაშვილის ლექსების გამო)
ამ მთისა და იმ ბარისა	62	ნინო ვახანია შექსპირული ტრაგედიის გირი (ზუგდიდიდან ხაშურამდე)
	66	ვარლამ შალამოვი პატარ-პატარა ნოველები
	71	სინამდვილისა და სიგარტლის გამოქანელი



ორკვირული ჟურნალი

მისამართი: თბილისი, ჩუბინაშვილის #41

რედაქცია: (995 32) 296 20 62

რეკლამა: (995 93) 65 93 68

გავრცელება: (995 92) 25 94 94

ელ-ფოსტა: info@mtserloba.ge



www.facebook.com/chveni.mtserloba

„ჩვენი მწერლობის“ მომდევნო ნომერი გამოვა 2015 წლის 1 მაისს

დაარსებულია
ომეგა ჯგუფის მიერ
2000 წლის ივლისში

დამფუძნებელი
ზაზა ოქუაშვილი



დაბეჭდილია სტამბაში
ომეგა თავი

პ.სარაჯიშვილის ქუჩა 17,
თბილისი საქართველო
ტელ: 00 995 32 53 12 77
ფაქსი: 00 995 32 53 08 33
ელ-ფოსტა: orders@omegategi.ge
www.omegategi.ge

მთავარი რედაქტორი

როსტომ ჩხეიძე

პროზის რედაქტორი

ივანე ამირხანაშვილი

პოეზიის რედაქტორი

მაკა ჯოხაძე

კრიტიკისა და თარგმანის რედაქტორი

თამაზ ნატროშვილი

მხატვრული რედაქტორი

კარლო ფაჩულია

დიზაინერი

მალხაზ იაშვილი

სტილისტ-კორექტორი

ნინო დევანოიძე

კომპიუტერული უზრუნველყოფა

თენგიზ რობიტაშვილი

ოპერატორი

თამარ ჩიხლაძე

სარეკლამო მენეჯერი

ეკა ბუჯიაშვილი

გავრცელების სამსახური

ლევან კიკნაძე

გარეკანზე: ლევან გოთუა

ტყუპი ტბა, კალიფორნია, აშშ

არქიტექტურული პოეზიის ვნება

(შოთა ბოსტანაშვილის
უცნაური მედიტაციები)

აბრაჰამ იბნ ეზრას სტრიქონებს შოთა ბოსტანაშვილი ჯერჯერობით აჯიამევილი დატრეპებად აქცევდა და ასე დაავიწყდებოდა მისთვის მიძღვნილ გამოსათხოვარ სტატუსს: ასე მოგელტვი, მაგრამ ამოდ: ველარც ხიდი ვცან, ველარც — მეხიდე, დაბლით გზა დაშთა, მალლით — საბაოთ, მე — საფეხურით გადმოვიკიდეო...

საფეხურიდან გადმოვიკიდების სიმბოლური ხატი ისე შეძრავდა, წერილის სათაურადაც მას შეარჩევდა.

ბოლო ხანს ლექსებით ესაუბრებოდნენ ერთმანეთს — ტელეფონში, კომპიუტერში... მართლაც უცნაურობად აღიქმება, აბა, სხვა რა, როდესაც ისრაელიდან თბილისში მოსმის ვაჟაფშაველას „აღუდა ქეთელაური“ და არაბული პოეზიის ნიმუშები დედნისავე ენაზე, თანაც ჯერჯერობით აჯიამევილისათვის ნიშანდობლივი დიდებული დეკლამაციით.

შოთა ბოსტანაშვილი თავისი პოემის „ოთხი ლაპარაკი“ ფრაგმენტებს წაუკითხავდა და კიდევ ერთხელ მოისმენდა თანამოსაუბრის შეფასებას — საქებარი ეპითეტებით სავსეს...

გავიდოდა ცოტა ხანი და... მწარე გულისტკივილი გამოითქმოდა გამოსათხოვარში: ნეტა ჩამენერა ჩვენი ეს, თითქმის ერთსაათიანი, ურთიერთშემიანება, ვინ იფიქრებდა, რომ ეს ჩვენი ბოლო შეხვედრა იქნებოდაო...

ეს სტრიქონები კიდევ ერთხელ შეგვაგონებს, რომ არ გადავდოთ სამომავლოდ ის, რისი აღსრულების სურვილიც გავგონინდებოდა, არ გვეგონოს, რომ ყოველთვისაც მოვასწრებოდა... ცოცხალს რომ შეჰყურებ ადამიანს, გგონია, რომ სულ ასე იქნება, და დრო-ჟამი თავის გზაზე ივლის ისე, რომ თქვენს ურთიერთობაში არ ჩაერევა... მაგრამ დრო-ჟამს თავისი მკაცრი კანონები აქვს და ძალიან უხეშად სჩვევია ჩარევა და თვით ყველაზე ფაქიზი ძაფების განყვეტაც...

ასე გადაიდო სამომავლოდ აღექსანდრე ორბელიანის საზოგადოების ერთ-ერთი თავყრილობისათვის გამიზნული შეხვედრაც შოთა ბოსტანაშვილთან, როგორც პოეტთან, სწორედ ის „ოთხი ლაპარაკი“ რომ მოგვესმინა მისთვის ჩვეული ოსტატური დეკლამაციით... როგორც პოეტთან, თორემ როგორც კრიტიკოსი და ორატორი ჩვენს ლიტერატურულ შეხვედრებს აღარც აკლდებოდა... და მე კი დღემდე მანუხებუნი ეს ჩაშლილი შეხვედრა, რადგანაც თურმე ბატონი შოთას სიცოცხლეც შემოზღუდული ყოფილა... არ ვუჯერებდით, გული რომ ანუხებდა, რადგანაც გარეგნულად ყოჩაღად გამოიყურებოდა...

კადიმს რომ წაიკითხავდა ჯერჯერობით აჯიამევილის სახელზე, „სიდურის“ ტექსტის ერთ ფრაგმენტს ხელახლა დაუბრუნდებოდა და მერე შალომ დავიდის ქართულ თარგმანსაც გაახმიანებდა: დაე იყოს ნება შენი, უფალო, ჩვენი ღმერთო და ჩვენი მამების ღმერთო, რომ გვიხსნა, დღეს და დღენიადგა, კადნიერთაგან და კადნიერებისაგან, ბოროტი კაცისგან, ავზნი ქალისგან, ბოროტი წადილისაგან, ავგული მეგობრისაგან, ბოროტეული მეზობლისაგან, ბედითი ხიფათისაგან, ავთვალისაგანო...

და ასე გრძელდებოდა ვედრება, ვიდრე ეს აკოროდ დააბოლოვებდა: მძიმე მოქიშპისაგან, რომელიცაა აღთქმის ძე, ან არ არის ძე აღთქმისა (მას მნიშვნელობა არა აქვს), და აოჯოხეთის მსჯავრისგანო.

მალე მის სახელზეც გახდებოდა საჭირო კადიმის წაკითხვა და ქართული ვერსიის გახმიანებაც.

ეგაა, მისადმი მიძღვნილი სტატიები არ დაიხუნძლებოდა პოეტური ალიტერაციებითა და სიტყვათა თამაშით, თვითონ საითაც მიდრეკილიყო მთელი არსებით და აღარ დაგიდევდა ჟანრს, ოღონდაც ხელიდან არ გაეშვა შემთხვევა სიტყვების

თავის ნებაზე დატრიალებისა, მათი მარჯვედ დანანევრებისა და ახალ-ახალი ნახანაგების პოენისა მათ შინაარსშიც და გარეგნულ აგებულებაშიც, დეტალების გამკვეთებით სიტყვათა უცნაურ და ეფექტურ კარნავალურობას რომ აღწევდა.

თუ ვინმე უჭერდა მხარს მის პოეტურ ძიებებს, ერთი უპირველესთაგანი გურამ ბათიაშვილიც, მაგრამ პუბლიცისტიკაში ალიტერაციისა და სიტყვათამაშის გადმოტანა უკვე აღარ ექაშნიკებოდა და ურჩევდა მეგობარს: თავი აერიდებინა ამ მიდრეკილებისათვის, ჯერ ესეისტიკაში შეეშუბუქებინა ეს ტენდენცია, თორემ პუბლიცისტიკაში ხომ უბრალოდ გაუმართლებლად მიიჩნევა.

ის არ დაუთმოვდა, კამათი კი ცხარე სჩვეოდა, მითუმეტეს, როდესაც მისთვის ყველაზე სანუკვარს შეეხებოდნენ, იმ პოეტურ თავისებურებას, თვითონ მიღწევად რომ მიითვლიდა.

არ იყაბულებდა შოთა ბოსტანაშვილის არგუმენტებს გურამ ბათიაშვილი, ოღონდ არასოდეს მისცემდა თავს ნებას, ჩარეულიყო მის ტექსტებში თუნდ რედაქტორის უფლებით და ოდნავ მაინც გაეკრა შალაშინი. თავს კი იმით ინუგეშებდა: შოთა ხომ იმ ავტორთა რიგს განეკუთვნება, რომელთაც ასეთი შემოქმედებითი ცელქობის უფლება ყოველთვის აქვთო.

ცხადია, ასევე განმეორდებოდა ეს ტექსტები იმ წიგნის ფურცლებზე, გურამ ბათიაშვილი რომ შეადგენდა მეგობრის გარდაცვალების წლისთავზე და ერთად შეკრავდა გახედილ „მეწორაში“ წლების განმავლობაში დაბეჭდილ მის პუბლიცისტურ თუ ესეისტურ წერილებს, წინათქმამაჟი კი საგანგებოდ აღნიშნავდა იმ რამდენიმე გულისტკივილს, სიცოცხლის ბოლო წლებში რომ ინვენედა ღვანლმოსილი არქიტექტორი, საერთაშორისო ასპარეზზეც რომ მიეღწია მნიშვნელოვანი წარმატებებისათვის.

პოეზიისა და არქიტექტურის სინთეზს რომ ესწრაფოდა, ინვესტორი დაანგრევდა ამ პრინციპით შექმნილ მის ნაგებობას თბილისში, დავითაშვილის ქუჩაზე;

ახალციხელთა ლოცვის რეკონსტრუქციის პროცესშიც არ გაითვალისწინებდნენ მის მოსაზრებებს;

ბეით ქნესეთის მესვეურები ყურსაც არ ათხოვებდნენ მის რჩევებს ანდა არ სურდათ მისთვის ყურის დაგდება;

ხოლო რაც შეეხება მისი გარდაცვალების წინა საღამოს, ეტყობა, რაღაც ძალზე სანყენი შემთხვევოდა, რადგანაც რედაქტორის წინათქმამაჟი გვამცნობდნენ, რომ ამის თაობაზეც ოდენიმე მოგვიტობდნენ.

პოეზიისა და არქიტექტურის შერწყმას რომ ესწრაფოდა არქიტექტურაში, ამასვე ესწრაფოდა პოეზიაშიც — რათა ეს ორი შემოქმედებითი ვნება მარჯვედ მოერგო ერთიმეორისათვის... და ამ გზას თავდავიწყებული ჟინით მიჰყვებოდა.

გრაფიკული ლექსი ჩვეულებრივი მოვლენა გახდებოდა დასავლურ მოდერნისტულ პოეზიაში, ჩვენშიც რომ მიმართავდნენ ამგვარ ცდებს, ტარიელ ჭანტურია იქნებოდა თუ ვახტანგ ჯავახიძე, შოთა ბოსტანაშვილი კი ამ სახეობის იმ ფორმას ამჯობინებდა, არქიტექტურულ ნაირგვარობად რომ წარმოგდება და... ჰოი, რა უჯიათად და მიკროსკოპული ჩაღრმავებით უტრიალებდა თითო ბგერასა თუ სასვენი ნიშანს, ყოველ დეტალს დიდ მნიშვნელობას რომ ანიჭებდა და ასე აგებდა იმ ორიგინალურ პოეტურ კონსტრუქციებს, თავის მკითხველთა წრესაც რომ გაიჩენდა ჟურნალ „ჩვენი მწერლობის“ თანადგომის წყალობითაც, მათ შორის კი ისეთ ჩინებულ შემფასებელს, ნანა კუცია რომ გახლავთ, რომელიც ვრცელი კრიტიკულ-ესთეტიკური განსჯით გამოეხმარებოდა მის პოეტურ კრებულს, მღელვარე არქიტექტურულ-ლირიკულ მედიტაციებს.

— ასეთი ლექსები არასოდეს წამიკითხავსო, — ეტყობა ოთარ ჭილაძე და... ბატონი შოთა რარიგ ამაყობდა ამ შეფასებით და... მეტი მონდომებითაც ჩაეფლობოდა მისთვის საყვარელი მწერლის შემოქმედების შესწავლაში... და ისე მოხდებოდა, რომ ქართული ლიტერატურის ინსტიტუტში გამართულ სამეცნიერო კონფერენციაზე ოთარ ჭილაძის მხატვრულ თავისებურებებს რომ უტრიალებდა, უეცრად სუნთქვა გაუძნელებოდა, ამკარად შეეტყობოდა, ცუდად რომ იყო... და ძალიან

შეშფოთდებოდა მის გვერდით მჯდომი მაკა ჯოხაძე: ბატონო შოთა, ხომ არაფერი გიჭირთ, წყალი ხომ არა გნებავთო?..

და იმას კიდევ ამოქარდებოდა სული.
— არ მოკვდეთ, ბატონო შოთა, ბატონო შოთა, არ მოკვდეთ, — გარს ეხვეოდნენ და ჩასძახოდნენ კონფერენციის მონაწილეები, მაგრამ სასწრაფო დახმარების მანქანა რომ მოვიდოდა, მას უკვე აღარაფერი ეშველებოდა...

ბევრი შემოქმედი ინატრებს ასეთ სიკვდილს, ბევრი მკვლევარი გაიფიქრებს: ეჰ, ნეტა მეც ასეო!..

მაგიდას დააკვდევ სამეცნიერო მოხსენების კითხვისას, ლიტერატურულ პრობლემატიკაზე მსჯელობისას...

ნატვრით ინატრებს, მაგრამ იშვიათად რგებიან ამგვარი აღსასრული, შოთა ბოსტანაშვილი საიდანაც გაიხურავდა ნუ-თისოფლის კარს...

გაიხურავდა და... ლტოლვით კი კვლავაც მიელტვოდა, მაგრამ ან უკვე ამაოდ — ველარც ხიდს სცნობდა, ველარც მე-ხიდეს, დაბლით გზა დაშთებოდა, მალლით — საბაოთ, თვითონ კი საფეხურით გადმოეკიდებოდა...

დაუმცხრალი არქიტექტურული პოეზიის შექმნის ჟინით, მაგრამ იმ უეცარი გასხივოსნებისას ბედს შერიგებული: დაე იყოს ნება შენი, უფალო, ჩვენი ღმერთო და ჩვენი მამების ღმერთოო!..

მარინე ვეკუა

„მოთმინება და წინსვლა“

— თქვენი აზრით რა არის უკიდურესი გაჭირვებული მდგომარეობა?

— მძიმე და უიმედო ავადმყოფობა.
— სად ისურვებდით ცხოვრებას?
— საქართველოში მომწონს ცხოვრება, მაგრამ მოგზაურობა კი უზომოდ მიყვარს.

— რა არის უმაღლესი ბედნიერება?

— უმაღლესი ბედნიერებაა, როდესაც ოჯახის წევრები გყავს გვერდით და ჯანმრთელები. მე განსაკუთრებულად ვგრძნობ ამას 1 იანვარს, როდესაც მთელი ჩემი დიდი ოჯახი — ახლა უკვე 28 კაცი ვიკრიბებით საზეიმო სადილზე და ნაძვის ქვეშ ვატარებთ ნახევარ დროს — ეს „საჩუქრების დღეა“. ეს არის ჩემთვის უმაღლესი ბედნიერება, როდესაც ჩემი ოჯახის წევრები გვერდით მყავს და მათგან ვგრძნობ უსაზღვრო სიყვარულს. იმ მომენტში მე არა მხოლოდ ვგრძნობ, არამედ ფიზიკურად ვხედავ ჩემს ბედნიერებას.

— თქვენი საყვარელი ლიტერატურული პერსონაჟები?

— გამოკვეთილად არ მყავს, ყველა წაკითხულ წიგნში მეგულება ლიტერატურული პერსონაჟი, რომელსაც ვუთანაგრძნობ.

— თქვენი საყვარელი ისტორიული პერსონაჟები?

— ასევე, არც ისტორიული პერსონაჟები არ მყავს გამოკვეთილად, თუმცა განსაკუთრებულად ბოლო დროს დამაინტერესა პოლიტიკოსი ქალების ბიოგრაფიებმა.

— თქვენი საყვარელი მხატვარი?

— მიყვარს იმპრესიონისტები და პრიმიტივისტები. გამორჩეულად კლიმტი, რენუარი და რემბრანტი. ქართველებიდან გუდაიშვილი, ახვლედიანი, ონიანი, სუთიძე.

— თქვენი საყვარელი კომპოზიტორი?

— გულის სიღრმემდე მიყვარს კლასიკური მუსიკა — მოცარტი, ბახი, დებიუსი.

— რომელ თვისებას აფასებთ ყველაზე მეტად კაცში?

— ღირსებას, ჭკუას, დარბაისლობას და სიყვარულის უნარს.

გურამ თავართქილაძის სასწავლო უნივერსიტეტის, სოციალურ მეცნიერებათა ფაკულტეტის დეკანი

— რომელ თვისებებს აფასებთ ყველაზე მეტად ქალში?

— სიყვარულის უნარს, მოთმინებას და სიბრძნეს. კიდევ ერთი: ჩინელები ამბობენ, იმისთვის, რომ შეინარჩუნო ქორწინება, უნდა ფლობდე 11 რაღაცას. და იცით, რა არის ის 11 რაღაცა — 11-ჯერ აღებული მოთმინება. ეს დიდი ნიჭიცაა და ნებისყოფაც. ალბათ, ქალს უნდა ჰქონდეს ერთიც, და მეორეც.

— რომელი ადამიანური სათნოებაა თქვენთვის უფრო მომხიბლავი?

— ერთგულება და სიყვარული. ადამიანი უნდა იყოს ერთგული მისთვის ძვირფასი ადამიანის, საქმის, ქვეყნის, პრინციპების. სიყვარული კი ყველაფერს შეაძლებინებს, წარმოუდგენელს გააკეთებინებს.

— თქვენი საყვარელი საქმიანობა?

— ბევრი რამის კეთება მიყვარს, განსაკუთრებულად სტუმრის მიღება, ეს ჩემთვის რიტუალივითაა. მიყვარს მოგზაურობა, კერვა, თხილამურებზე სრიალი, კონცერტებზე და სპექტაკლებზე დასწრება.

— თქვენთვის ნაცნობი რომელი ადამიანი გინდოდათ ყოფილიყავით?

— არც ერთი, რადგან მიმაჩნია, რომ ყველა ადამიანი ინდივიდუალურია, უნიკალურია. ვცდილობ, რომ ადამიანებისაგან, რომლებიც ჩემთვის მისაბაძნი არიან. ვისწავლო, პროეცირება გავაკეთო ჩემს პიროვნებაზე, კონკრეტულ სიტუაციაზე.

— თქვენი ხასიათის მთავარი თვისება?

— მიჭირს საკუთარ თავზე საუბარი, მაგრამ გამოვარჩევ გულწრფელობას. როდესაც გულწრფელი ვარ, არაფრის მეშინია. სიმართლე მაძლიერებს.

— რას აფასებთ ყველაზე მეტად მეგობრებში?

— უპირობო ერთგულებას, სულდიდობას და დანდობას. იმიტომ, რომ თუ ადამიანმა, განსაკუთრებით რომელიც გეძვირფასება, უნებლიე შეცდომა დაუშვა, და ეს შეცდომა რომელიმესთვის საბედისწერო არ აღმოჩნდა, უნდა შეგეძლოს პატიება და თანაც სწრაფად სამუდამოდ დავიწყება.

— თქვენი მთავარი ნაკლი?

— ჩემ მთავარ ნაკლად ვთვლი ზედმეტ სიფრთხილეს. არ მრცხვე-ნია იმის კითხვა რაც არ ვიცი, ვუსმენ კოლეგების მოსაზრებებს, მეგობრების რჩევებს, სხვის გამოცდილებას და მხოლოდ მერე ვღებულობ გადაწყვეტილებას. ზოგჯერ ვარ ძალიან მიაბიტი, რაც ვფიქრობ უკვე უხერხულიც კი არის...



— **თქვენი წარმოდგენა ბედნიერებაზე?**
— თუ ქალურ ბედნიერებაზეა საუბარი, ბედნიერებაა, როდესაც სუნთქავთ ერთნაირად და ერთდროულად პირდაპირი და გადატანითი მნიშვნელობით.

— **რა იქნებოდა თქვენთვის ყველაზე დიდი უბედურება?**
— იმის სანინალმდეგო რაც წინა კითხვაში ვთქვი, უბედურებად მიმაჩნია, როცა გინევს ისეთ ადამიანთან ერთად ყოფნა, ვინც შენთვის მხოლოდ ტანჯვის მომტანია.

— **როგორი გინდოდათ ყოფილიყავით?**
— მე მინდა ვიყო ისეთი, როგორიც ვარ და დავრჩე ასეთად. შეიძლება უფრო ტანჯერნეტა და ცოტათი მაღალი, ეს ხუმრობით.

— **თქვენი საყვარელი ფერი?**
— ლურჯი, ჭკვიანი ფერია, მე ასე მიმაჩნია.

— **ყვავილი, რომელიც ყველაზე მეტად გიყვართ?**
— მიყვარს ყვავილები. ეს ბებიისაგან გამომყვა ალბათ, ის თავად ძალიან ლამაზი ქალი იყო, (თბილისში მას ეძახდნენ „შავ ბრილიანტს“) მას უყვარდა ზოგადად სილამაზე — სილამაზე ადამიანებში, საგნებში, რაც გამოიხატებოდა ფორმებში, ხაზებში, ფერებში, ფერთა შეხამებაში და ა.შ. ბავშვობიდან ჩემში განავითარა ესთეტიკის შეგრძნება, ალქმა. მიმაჩნია რომ ყველა ყვავილი თავისებურად ლამაზია, მაგრამ გამოვყოფდი გვირილას — ის მაბრუნებს ჩემ ბავშვობის მოგონებებთან, რომლებიც უკავშირდება ციმბირს, იქაურ მოკლე ზაფხულთან, რომელიც სავესე იყო გვირილებით.

— **თქვენი საყვარელი ფრინველი?**
— მომწონს თუთიყუშები, ტროპიკულ კუნძულებზე მაცხოვრებლები, საოცარი ფერებით. გედი რომელიც საოცარი გრაციოზულობით მიცურავს სარკისებურ ზედაპირზე — როგორი ჰარმონიაა მის მოძრაობაში. ამპარტავნობა, ღირსება და სიღიადე.

— **თქვენი საყვარელი მწერალი?**
— ბევრია, თუმცა შემიძლია გამოვყო მარკ ტვენის, ტოლსტოის, მიხეილ ჯვანთიშვილის გადაკითხვაც მიყვარს. ბოლო დროს ნაკითხულ ავტორთა შორის გამაოცა ნობელიანტ ლესინგის რომანმა „და მღერის ბალახი“.

— **თქვენი საყვარელი პოეტები?**
— ბაირონი, შექსპირის სონეტებსაც ხშირად ვკითხულობ, ბოდლერი, კიპლინგი, პუშკინი, გალაკტიონი, ბარათაშვილი.

— **საყვარელი ლიტერატურული გმირი ქალები?**
— ლევ ტოლსტოის რომანების ლიტერატურული პერსონაჟები თავიანთი სიყვარულით, ფილოსოფიით, თავგანწირვით, სულიერი სიმდიდრით.

— **საყვარელი გმირები რეალურ ცხოვრებაში?**

— არსებობენ რეალურ ცხოვრებაში ისეთი ადამიანები, რომლებიც აკეთებენ ისეთ საქმეს და აღწევენ იმდენს, რომ მე გმირებად მიმაჩნია. ცხოვრების ყველა ეტაპზე შემხვედრიან გმირები, რომლებიც ჩემს ალფრთოვანებას ინვესტენ.

— **საყვარელი გმირი ქალი ისტორიაში?**

— არაერთხელ ნამიკითხავს, რომ გამოჩენილი მამაკაცის გვერდით თითქმის ყოველთვის დგას ჭკვიანი და მამაცი ქალი. მე ამ მაგალითზე გავიზარდე, მყავდა ბაბუა, აკადემიკოსი ილია ვეკუა, რომლის გვერდით იდგა მისი მეუღლე თამარ ბარნოვი. მე მისნაირი ბრძენი და ლამაზი ქალი ვერ არ მინახავს, მისი ყოველი სიტყვა, ქცევა სულ თვალწინ მაქვს. ისე, ბოლო დროს მართლაც გამიტაცა XX საუკუნის გამოჩენილი პოლიტიკოსი ქალების ბიოგრაფიების გაცნობამ.

— **საყვარელი სახელები?**
— ქართული სახელები — ლევანი, ვახტანგი, თამარი, ნინო, გიორგი. არ მომწონს სახელების დაკნინება. მომწონს ჩემი შვილიშვილების სახელები — ალექსანდრა და ალექსანდრე, მართალია არ არის ქართული, მაგრამ ორივე ძალიან ლამაზი და ძლიერი სახელია.

— **რას ვერ იტანთ ყველაზე მეტად?**
— უსამართლობას, ჩაგვრას, არც ერთი არ მასვენებდა. სტუდენტობისას მინდოდა სახალხო კონტროლში მემუშავა, სამართლიანობა რომ დამემყარებინა პლანეტაზე. რამდენჯერმე ჟურნალისტიკაც კი გამოვიყენე ამ მიზნით.

— **ისტორიული პიროვნება, რომელმაც თქვენი ზიზღი დაიმსახურა?**

— ადამიანები არ მეზიზღებიან, ზიზღით ვერ მოვიხსენიებ ვერცერთ ნასულ ადამიანს, მაგრამ ჩემი შინაგანი პრინციპებიდან გამომდინარე ერთმნიშვნელოვნად მიუღებელია ისტორიულად ცნობილი დიქტატორები, არც კი ჩამოვთვლი.

— **საომარი მოქმედება, თქვენი აზრით, ღირსი მეტ-ნაკლები ალტაცებისა?**

— ომი, ჩემი ღრმა რწმენითა და აზრით, სისულელეა. ადამიანებს გვაქვს სიტყვა და ჭკუა ცხოველებისაგან განსხვავებით მოსალაპარაკებლად. როდესაც ჩვენ არ შეგვიძლია სიტყვით და ჭკუით ერთმანეთს შორის ან ქვეყნებს შორის ურთიერთობების მოგვარება, ესეიგი უნიათოები ვართ და ერთმანეთს ძალით ვეჯახებით. ნამდვილი დიპლომატია აუცილებლად გამონახავს გზებს, რათა რა დაუშვას ადამიანების სიკვდილი, უბედურება, უსახლკარობა და ა.შ.

— **რეფორმა, რომელსაც თქვენ განსაკუთრებით უმაღლეს შეფასებას მისცემდით?**

— სიახლეები, რომელიც მოიტანა დრომ, მე ზოგადად მომწონს. დაზღვევის შემოღება, როგორც ფენომენი, რომელიც ჩვენ ქვეყანას არ ჰქონია. ძალიან მომწონს ე.წ. ერთი ფანჯრის პრინციპი. მომწონს ერთიანი ეროვნული გამოცდების ფორმა, რომელმაც კარი ჩაუკეტა კორუფციას.

— **ნიჭი, რომელსაც გინდათ ფლობდით?**

— კლასიკური ცეკვის ნიჭი. ცეკვა ჩემთვის არის ესთეტიკის და ხელოვნების გამოვლინება, ცრემლით ვუყურებ ყოველ შესრულებას. რა თქმა უნდა კლასიკური ბალეტი უფრო მიყვარს, მაგრამ საინტერესოა თანამედროვეც. მიყვარს ბალერინების ისტორიების კითხვა, უცხოეთში ყოფნისას ყოველთვის ვცდილობ დავესწრო მსოფლიოში ცნობილ საბალეტო წარმოდგენებს ცნობილ თეატრში და ვახერხებ კიდევც.

— **როგორი გინდათ რომ გარდაიცვალოთ?**

— საღ გონებაზე მყოფი და ფიზიკურად არ ვიყო დაუძღვრებული.

— **თქვენი სულიერი მდგომარეობა ამჟამად?**

— მოუსვენარი, სულ მინდა მოვასწრო ყველაფერი, რაც ჩაფიქრებული მაქვს და ეს არ მასვენებს.


— **ქმედბანი, რომლებიც თქვენს შეწყნარებას იმსახურებენ?**

— უნებლიე შეცდომები, როგორი მძიმეც არ უნდა აღმოჩნდეს შედეგი.

— **თქვენი დევიზი?**
— მოთმინება და წინსვლა.

— **თუკი ოდესმე შეხვდებოდით ღმერთს, რას ისურვებდით რომ მას თქვენთვის ეთქვა?**

— არ ვიცი, რას მეტყოდა, მაგრამ ვიცი, მე რას ვეტყოდი: არ მოასწროს არასოდეს შვილის სიკვდილი დედას და გააქროს ავადმყოფობა.



ნინო ქუთათელაძე

დღეს ის ჩვენთან არის...

(ლევან გოთუას დაბადებიდან
110 წლისთავის გამო)

უცნაური ლეგენდა თუ სინამდვილე დადიოდა თბილისში. 1924 წლის 29 აგვისტოს, როცა 19 წლის ლევან გოთუა დააპატიმრეს და რამდენიმე დღეში ფედერალისტი მამაც ზედ მიაყოლეს, მეტეხის ციხე პატიმრებით გაიტენა, ფეხზე დასადგომი ადგილიც კი არსად ჩანდა. პატიმრებით სავსე საკანში მეხთატეხასავით გაისმა:

— გოთუა!

ყველამ იცოდა, რასაც ნიშნავდა ეს — ტუსალი დასახვერეტად უნდა გაეყვანათ. მაშინ ბატონმა პართენმა, ლევანის მამამ, წინ წაადგა ფეხი და სხვებთან ერთად მორჩილად გაჰყვა ბაღრაგს.

რამდენიმე ხნის შემდეგ პართენ გოთუა უკან მოაბრუნეს საკანში იმ საბაბით, რომ ის, ვინც უნდა დაეხვერიტათ, ახალგაზრდა კაცი იყო, მოხუცი კი არაფერში ჭირდებოდათ.

მოგვიანებით, ეს უცნაური განცდა, რაც მაშინ ლევან გოთუას დაეუფლა, „უგზო ქარავანში“ აღწერა. ამ ნოველის მთავარი გმირი გორგასლან ნასყიდაშვილიც შვილს ჩაენაცვლა სიკვდილში.

ამაზე გასაგებად როგორ უნდა აიხსნას ქართული სიტყვა „გენაცვალე“?! გულწრფელად ამ სიტყვის თქმა მხოლოდ მშობელს შეუძლია.


ასეთი ოჯახში დაიბადა და გაიზარდა ლევან გოთუა, ოჯახში, სადაც თითქმის ყველამ უარი თქვა პირად ბედნიერებაზე და საშინელი რეპრესიების ქარცეცხლში გაატარა ცხოვრება.

15-16 წლის ჭაბუკი ლევანი უკვე წერდა, წერდა ლექსებს და ამაზე თითქმის არავინ ლაპარაკობს. 1921 წლის თებერვალში, როცა ის და მისი უფროსი ძმა — არჩილი — მე-11 არმიის „მოსაგერიებლად“ გაიპარნენ კოჯორში, სახლში ლექსების ერთი-ორი რვეული დარჩა ლევანს.

მე ჯერ კიდევ მოსწავლე ვიყავი, როცა გავიგე, რომ ლევან გოთუა ლექსებს წერდა. თვითონ მითხრა, ახალგაზრდობაში მეც ლექსებს ვწერდი, მაგრამ მერე დავხიე და, თუ სადმე რამ დამრჩა, იმას არასოდეს გამოვაქვეყნებ! პროზა კი ორმოცი წლის შემდეგ იწყება, რიგიანი, დაბრძენებული თხრობაო.

სიტყვა სიტყვად... დრომ კი სხვაგვარად განსაჯა. მწერლის დამ, ქალბატონმა თამარ გოთუამ უკვე სახელმწიფო არქივში ჩაბარებული და ზოგი სახლში შემორჩენილი ოცდაორწლიანი გადასახლებიდან გამოგზავნილი ბარათებიდან ამოკრიბა ლექსები და პატარა კრებულები შეადგინა. სამწუხაროდ, იმდროინდელი სიღუბნის გამო ამ კრებულმა დღის სინათლე ვერ იხილა, მაგრამ ერთი კი ცხადია, ჩვენ ხელთა გვაქვს საინტერესო პოეტური თავგადასავალი საბჭოთა საკონცენტრაციო ბანაკებში ნატანჯი ერთი პატიოსანი ქართველი მწერლისა, რომელმაც არ ისურვა სამშობლოს პერობილებასთან შეგუება.

ნიგინი დიდ ტექსტოლოგიურ მუშაობას მოითხოვდა, რადგან ზოგი სიტყვა სულაც წამლილი, ქალაქის გადანაკეცი გაცრეცილი და გაუგებარი აღმოჩნდა. ეს სამუშაო დიდი გულისყურით შეასრულა ცნობილმა პოეტმა სილოვან



ნარიმანიძემ და ამისათვის, რა თქმა უნდა, დიდ მადლობას იმსახურებს. აქაც, შესაძლოა, ბევრი რამ საკამათო იყოს, მაგრამ მთავარი მაინც ისაა, რომ საქმე გაკეთდა.

ახლა თვითონ ლექსების შესახებ...

პირადად ჩემთვის ეს თხზულებები მეტად საინტერესოა. მიუხედავად იმისა, რომ ისინი შორეული ყინულეთის მზრალ მინაზე, სამშობლოდან შორს შეიქმნა, მათში მაინც იგრძნობა ახალგაზრდული სილაღე, ქართულის უბადლო ცოდნა, განსაკუთრებული სწრაფვა სიტყვათწარმოებისაკენ, რაც უდავოდ გამორჩეულს ხდის მის ცნობილ პროზაულ ნაწარმოებებსაც. ლექსების უმეტესობა სასვენი ნიშნების გარეშე, უფრო სწორად, მძიმეთა გარეშეა დაწერილი. თუ გავისხევენთ ცნობილ სიმბოლისტთა თხზულებებს, თითქმის ყველგან უგულუბელყოფილია მძიმე, როგორც სასვენი ნიშანი. როგორც ჩანს, ლევან გოთუა ეთანხმებოდა მათ პოზიციას, რომ სადაც მოეგუნებება მკითხველს, იქ უნდა დასვას მძიმე, იქ შეყვონდეს. ასეა თუ ისე, უნდა ვალიაროთ, რომ სასვენი ნიშნების არხმარება მწერლის პრინციპია.

განსაკუთრებით მინდა აღვნიშნო ლექსები, რომლებიც ხასიათდება გამორჩეული ბგერწერით, უცნაური კეთილმოვანებითა და თავისებური რიტმული წყობით. მაგალითად ლექსი „თასმა ასონანსი“. შეიძლება ითქვას, რომ ეს გაზღავთ ნიმუში ასონანსურ რითმითა ცვენისა:

დავლიე
წარმავლის
უმიზნო
ნაზომი...
ზმუიან
საზღვართან:
ნალრა
ღვარი
და ჟღერით
მღერის
ვეჟანა
ეჟვანი...
მოჟონავს
ნავსი...
ავსილი

სამსალით —
სწორედ
ასეთია
თასმა
ასონანსი...

ეს ლექსი ქალაქ ქაუგშია დაწერილი 1928 წლის 14-15 დეკემბრის ღამით.

მეორე ამგვარივე კეთილზმონების ნიმუში „ცეკვა ციბრუტი“ ბატონი სილოვანის მიერ შედგენილ კრებულში ვერც მოხვდა. მე ხელი დავავლე, გადავწერე და შემდეგ გადავბეჭდე. ლექსში საოცრად ზუსტი რიტმული სურათია დახატული. პირველად, როცა ეს ლექსი წავიკითხე, თვალწინ დამიდგა ვახტანგ ჭაბუკიანის მიერ შესრულებული „მავრიტანული ცეკვა“:

**ციბრუტ-ცაბრუტი
არციბრუტი
ნაციბრუტევი: ცა და ბრუ ტანი
დათ იციბრუტეს
— დაეცი ბრუტუს
დანა — ციბრუტა
და ნაციბრუტი
დანაც ბრუტია...**

ძნელი წარმოსადგენი იყო ჩემთვის, რომ ლევან გოთუა ასეთ ლექსებს წერდა. თუმცა იმ ლექსებშიც, სადაც ასე აშკარად არ არის გამოხატული სწრაფვა სიტყვაში მელოდიის ჩამოქნისა, იგრძნობა განსაკუთრებული დამოკიდებულება ბგერისადმი.

ლექსთა საერთო განწყობილება მელანქოლიურია და, მიუხედავად ამისა, მაინც შემართული და მოიხედავ. ნუ დაგვავიწყდება, რომ მათი უმეტესობა წარმოშობა ვორკუტასა და ბიისკშია დაწერილი. აი, მაგალითად ეს:

**რა ცუდია. ღამეში
როცა აკაკუნებენ...
და შემოვა კამეჩი
თეთრი ხელთათმანებით...**

ანდა ეს:

**შუბლი იმთავად მოვიეკლე,
ხვედრია — ვიცი, მეც მუბედება,
ჩვენში მგოსანი ან უნდა მოჰკლან,
ან მგოსანი ჰკლავს შემოქმედებას.**

მას მრავალი „ბრუტუსი“ და „კამეჩი“ შეხვდა ცხოვრების გზაზე, ეკლის გვირგვინიც უტარებია, მაგრამ ვერ მოკლა შემოქმედება, ვერც თავი მოიკლა, რადგან რჯული არ აძლევდა ამის უფლებას და წერდა მაღალი ძაბვის ჯიხურის იატაკის ქვეშ სანთლის შუქზე, წერდა რისკის ფასად და საქართველოში იდუმალ ფურცელ-ფურცელ აგზავნიდა „გმირთა ვარამის“ ფრაგმენტებს. და ამაში შეველოდა ფანტასტიკური მეხსიერება. თავისუფლების ჟამს წერდა გრემქალაქში, წერდა მთაში, მაღალ მწვერვალთა დაპყრობამდე, წერდა დავით გარეჯში და, რა ვიცი, კიდეც სად. წერდა ძირითადად ფანქრით, წვრილი ასოებით, სანური ფურცლის თითქმის ყველა კუთხე-კუჩქულს იყენებდა. წერა მისთვის გახლდათ პური არსობისა.

ლევან გოთუა მრავალმხრივი ადამიანი იყო. მისი შემოქმედება მწერლობის თითქმის ყველა დარგს მოიცავს: პოეზიაზე ჩვენ უკვე ვისაუბრეთ, თუმცა ახალგაზრდობის შემდეგ არც შეხებია მას: გახლდათ შესანიშნავი დრამატურგი და,

სხვა თუ არაფერი, ვახტანგ ტაბლიაშვილის მიერ დადგმული „მეფე ერეკლე“ მაინც უნდა გახსოვდეთ თეატრის ისტორიდან; იყო უებრო პროზაიკოსი, ნოველების დიდოსტატი; გახლდათ პუბლიცისტი და თანამედროვე სამოგზაურო ჟანრის ნაწარმოებთა ავტორი, არაჩვეულებრივი მოქართულე... ხანდახან მიფიქრია, რომ მის წიგნს ალბათ ლექსიკონი უნდა დაეწერათ, რათა თანამედროვე ახალგაზრდებმა გაიაზრონ, რა მდიდარი ენა გვაქვს ქართველებს.

მისი პროზაული ნაწარმოებები რამდენიმე ქვაკუთხედს ეყრდნობა: სიბრძნეს, ზნეობას, ერთობას, სიყვარულსა და ღირსებას. მე თვლი, რომ ამ უკანასკნელის გარეშე ქართული ლიტერატურა არც არსებობს და, თუ ქართულად არის დაწერილი რომელიმე ნაწარმოები, ეს სულაც არ ნიშნავს, რომ ქართულია.

ბატონმა ლევანმა არა მხოლოდ, როგორც პიროვნებამ, არამედ როგორც მწერალმაც მრავალი ტკივილი იწვნია. „ცხოვრებაში მე ბევრი ძიება და დუმილი შემხვდაო...“ — ჩიოდა ერთ-ერთ წერილში. სამწუხაროდ, დუმილი გრძელდება, რადგან დღეს საზოგადოებამ მისი დისიდენტური ცხოვრების პერიპეტეიები უფრო იცის, ვიდრე საკუთრივ მწერლობა. დუმილი გრძელდება, რადგან ნიჭიერი და კამორჩეული კაცის დასამარება, უფრო სწორად კი, გზიდან კონკურენტის ჩამოცილება ასე უფრო იოლია. ისე, უნდა ითქვას, რომ ამ ტიპის მწერლობას, რომელსაც ლევან გოთუა ემსახურებოდა, არასახარბიელო დრო ერგო წილად და, ვიშობ, რომ ეს დრო ჯერაც გრძელდება. ასე რომ არ იყოს, ათასი ჯურის თანამედროვეთა „ქმნილებებს“ კი არ უნდა თარგმნიდნენ უცხო ენებზე, არამედ სწორედ ლევან გოთუას წარმოაჩენდნენ ლიტერატურულ ფესტივალზე, წიგნის ბაზრობებზე და კიდეც, რა ვიცი, სად...

მარტო ის რად ღირს, რომ მითრიდატე VI ევპატორის თემას თითქმის არავინ შეხებია, თუ არ ჩავთვლით მოცარტის ყრმობისდროინდელ ოპერას, რომელიც ამ რამდენიმე წლის წინათ დაიდგა ქართულ სცენაზე. მითრიდატე ევპატორი დიდი მისიით მოველინა ამ ქვეყანას — მან გააერთიანა შავი ზღვისპირეთის დაქსაქსული ტომები და შექმნა ერთიანი სახელმწიფო. ის ეზიარა რომაულ, ბერძნულ და ქართულ კულტურას, ფლობდა 22 ენას, საბრძოლო ხელოვნებას ზღვასა და ხმელეთზე, იცოდა მედიცინა და მენამლეობა, მან შექმნა პირველი ქართული ფლოტი.

მწერალი რომანში ჩამოთვლის ქართველურ ტომებს: „ტუბალნი, კაბადოკნი, მესხნი, ხალიბნი, ხალდეები, ლაზები, ბიძერები, მაკრონები, სანიკნი, ტაოელნი, სვანნი, ჰენიოხნი, აფხაზნი, აფშილნი, დრილნი და მრავალნი სხვანი.“ იქნებ ამით მაინც გავაგებინოთ მსოფლიოს, რომ მრავალი ქრისტიანი წმიდანნი სწორედ ჩვენს მიწაზე დაიბადა, მათ შორის, წმიდა გიორგი და წმიდა ნინო, ჩვენი განმანათლებელი. ამ ბოლო ხანს გაჩნდა ვერსია, რომ ქალწული მარიამიც კაბადოკიელი გახლდათ. ვინ იცის, სად მიგვიყვანს ისტორია და დიდზე დიდი მეცნიერება — გენეტიკა. მხატვრულ ლიტერატურაში, რა თქმა უნდა, დიდ როლს ასრულებს მწერლის ფანტაზია, მაგრამ ისიც ნუ დაგვავიწყდება, რომ როცა წლობით ერთი ეპოქის გმირთა ცხოვრებით ცხოვრობ, შენც გარდაისახები იმ დროის შვილად, ინტუიტურად გრძნობ და განიცდი ამა თუ იმ საუკუნეში მომხდარს. გარდასახვა კი მწერლის უცილობელი თვისებაა, დიდი მწერლისა — მითუმეტეს. გავიხსენოთ თუნდაც გუსტავ ფლობერის „მადამ ბოვარის“ მაგალითი. თვითონ ლევან გოთუაც ამ აზრს გამოხატავს თავის „მგზავრულ კრიალოსანში“: „თითო ადამიანი — თითო დამთავრებული სამყაროა. თითო მწერალი, ჩემის აზრით, გარდა ამისა, სხვა დაუმთავრებელ სამყაროებსაც მოიცავს.“

ლევან გოთუა ნანარმოებიდან ნანარმოებში აგრძელებს და ავითარებს ქართველთა ერთობის თემას. გასსოვთ ალბათ „გმირთა ვარამში“ დაწყებული აზრი: „ერისთვის, მთლიან სახელმწიფოსთვის უმჯობესია ერთ — იქნებ არა საუკეთესო აზრზე და მრწამსზე მოდგეს ყველა, ან დიდი უმრავლესობა, ვიდრე მრავალი საუკეთესო აზრი იყოს და ვერც ერთზე ვერ მოდგეს ერი...“

„მითრიდატე“ ამ მხრივ უნაკლოა. მარტო ბედან კოლხი რად ღირს? სწორედ მის ბაგეთაგან ვგებულობთ პირველად ტომთა ერთობის იდეის შესახებ. როცა მითრო შეგივრდი მას თავის სამშობლოზე, ანუ ტომთა ადგილსამყოფელზე ჰკითხავს, ბედანი პასუხობს: „მე ყოველ ნათესაურ ტომთ-სამყოფელს სამშობლოდ ვგრძნობ და არა მარტო იმ კუთხეს, სადაც ჭიპი მიმაჭრეს! სადაც ჩემი გამჩენი ნათესავთ მოდგმა ბინადრობს და დედაზრად ბრძნული თანაცხოვრება უზრახავთ... არის ერთობა, არის ბჭობის ერი, დარბაზის ერი, თემის ერი... და არის ჩვენში ტომის ერიცა და ტომთა ერიც!.. და მე ამ ერის კაცი ვარ!“

როგორ ჰგავს ეს თვითონ მწერალს, მწერალიც ხომ ამას ამბობდა: დედა იმერეთში გაზრდილი მეგრელი მყავდა, მამა — გურული, ქართლში გაიზარდე, კახეთში იქმნებოდა ჩემი პირველი რომანი, სამცხე-ჯავახეთი სულს მიძლიერებდა და შემოქმედების ძალას მაძლევდა, სვანეთის მთებში დავუხეტებოდი დევნილი და მიუსაფარი... მე ქართველი ვარ და საკუთრივ არც ერთ კუთხეს არ ვეკუთვნიო! დიახ, ის სრულიად საქართველოს ეკუთვნოდა, ყველას და ამაზე ლაპარაკს აღარ გავაგრძელებ.

„მითრიდატეში“ ნარმოჩენილი თითოეული ბერი მისი სულის ნაწილია, მწერლის სიბრძნითაა ნასაზრდოები. ვემაგ ნეტარი კი საქართველოს თანამდევნი სულია, სული, რომელიც ნანარმოებიდან ნანარმოებში სახელს იცვლის, მაგრამ სწორ ფიქრს აძლევს, მართალ გზაზე აყენებს ხელისუფალთ და მთლიანად ერს. აი, როგორ არიგებს ის ჭაბუკ მითრიდატეს: „განა ადამიანთა აღდგომა-გაცოცხლება არ ძალუძთ ღმერთებს, მაგრამ არ ჩადიან ამას! არც არის საჭირო! ქვეყანაზე მეტად ცოტანი არიან ადამიანები, რომელთაც ნამდვილად არ ჰყოფნით ერთი სიცოცხლე. დანარჩენი ჩვეულებრივი სიხარბეა! მაგრამ ჩემგან იცოდეთ, ერთია აღდგომა, მეორეა — მეორედ მოსვლა, მესამეა და სულ სხვა უკვდავება სულისა!“ ვემაგ შიშველი აქვე დაურთავს: მე ვარ ერი ჩემი და სახელი სხვა არცა მაქვს და არცა ვარ მსურველი!“ როგორ ჰგავს ის მთაზე ნარმოსახულ ილიას მოხუცს, რომელიც აცხადებს: „მარად და ყველგან, საქართველოვ, მე ვარ შენთანა, მე ვარო შენი თანამდევნი უკვდავი სული...“ ასეთი თანამდევნი უკვდავი სულები ყოველ დროში ჰყავდა ჩვენს ქვეყანას და ეს არაჩვეულებრივად იცოდა ლევან გოთუამ. აბა, ვინ არის „გმირთა ვარამის“ ბერი ზოსიმე, რომელიც გრიგოლ ხანძთელსაც წააგავს და სულხან-საბასაც, ილიასაც და კიდევ მრავალ მამულს საქართველოში? უცნაურია, მაგრამ ის ორჯერ გაუნაპირდება ქვეყანას და ისიც მხოლოდ მაშინ, როცა ზნეობა და ვაჟკაცობა დაკნინებულია, მაგრამ როგორც კი თუნდაც ერთი მსურველი აღმოჩნდება სულიერების აღდგენისა, ის ისევ სააქაოს უბრუნდება. იმიტომ, რომ ისიც სიმბოლური სახე, სულია... დედამინაზე კი სული მაშინ განსხეულდება, როცა მის საჭიროებას იგრძნობს ერი.

არ შეიძლება გვერდით ავუარო რომანებსა და პიესებში ბრძოლის აღწერას. „გმირთა ვარამიდან“ დაწყებული ამას ყოველთვის ბრწყინვალედ ართმევდა თავს მწერალი. განსაკუთრებით კარგად ჩანს ეს პიესებში, რადგან თეატრის სცენა ფილმის გადასაღები მოედანი არ გახლავთ, ბატალური ეპიზოდები რომ წარმოადგინო. ბატონი ლევანი თითქოს მომსწრეა ამა თუ იმ ომისა, მისი თანამედროვე და იმავე საბრძოლო

იარაღებით მებრძოლი, რომელთაც მაშინ იყენებდნენ. ამ ეპიზოდებში ხშირად კულმინაციას აღწევს სამწერლო ოსტატობა: „მტერი უქარო ღრუბელივით მოდიოდა“ — გვეუბნება ის; ე. ი. მოდიოდა მდორედ, მიჯრით, დიდი უფორმო წყვილადის მაგვარი ლაქსავით. სიტყვათა რიტმულ ნყოფაში ისმის ხმლებისა და ფარების ჯახანი, მოკლულთა და დაცემულთა გმინვა, ჩანს მომხვდურთა „სპისა და ხარგის ბუქი“.

როცა ბრძოლის აღწერაზე ვსაუბრობთ, ნარმოუდგენელია ყურადღება არ მივაქციოთ დიდ მხედართმთავართა ბრძოლის წინა მონოდებას. ეს ხომ ტრადიციად მოსდგამს ჩვენს მწერლობას რუსთველიდან და ბარათაშვილიდან დაწყებული დღემდე. საოცარია ახლავარდა მითრიდატეს მონოდებაც მეომრებისადმი სამკვდრო-სასიცოცხლო ბრძოლის წინ: „ჩვენ, არსებითად, რომს გამოვთხოვთ მუქარას და აქ მთელი ქართული სამყარო უნდა წარვდგეთ ერთად! საბოლოოდ ომს არა ხომალდები იგებენ, არა იარაღი, არამედ ადამიანები! ჩვენ ნათესავთა გულებში უნდა მოვიგოთ დიდი ბრძოლა, თორემ ეს ვაჭარი, მეკობრე და დამპყრობელი უფრო შორსაც წასულა და უფრო თავზე ხელაღებულიც არის!“ ნარმოიდგინეთ, ქართული ხომალდიონის ფონზე მშვიდ და წყნარ ზღვაში მდგარი მზესავით ლამაზი უფლისწული, რომელიც ქვასავარძელსა პაპებს ეუბნება: „ჩვენ ქართულ სამყაროს სულისკვების, ალღოსა და რწმენის წარმართები ვართ და არც დავთმობთ ამას...“

და ისევ დავუბრუნდეთ ჩვენი ერთობის პრობლემას, როგორც გალაკტიონი იტყოდა, „კავშირს გულთა შორის“. ეს პრობლემა ქართველთა მრავალ თაობას დღემდე გადაულახავ ზღუდედ ელოდება წინ. არადა, ეს გადაულახავი ზღუდე მეტწილად ჩვენსავე თავში უნდა ვეძებოთ. ასე სწამდა ეს ლევან გოთუას და, რაღა დაგიმალოთ, არც მე მტოვებს ეს ფიქრი. კითხვას „ასეთი რა გვჭირს ქართველებს, რომ ვერა და ვერ გავერთიანდით?“ მწერალი ასე პასუხობს: „მრავალი მტერი გვიმლის, მაგრამ ჩვენც ზედმეტად ამპარტავნული განკერძობა და ჩემიანობა გვჭირს... ყველას ბატონობა და პირველობა გვწადს, მხოლოდ თავისთვის გვსურს თამაობა, დიდი სახელი... თავისთავადობა გვინდა. ასე არ გამოდის საქმე, არა! ურთიერთსაძალად ძალა არა გვყოფნის, დასათმობად — სიბრძნე“. არ შეიძლება ადამიანმა საკუთარ თავთან მაინც არ აღიაროს ეს ჭეშმარიტება და თვლი არ გაუსწოროს ჯერ აფხაზეთსა და სამაჩაბლოს, ხოლო შემდეგ სოჭს, საინგილოსა და ტაო-კლარჯეთს კოლას პროვინციამდე. პოლიტიკა იცვლება, იცვლებიან ადამიანებიც, ის მიტაცებული მინები კი შეუხორცებელ ჭრილობად რჩება. რაღა იქნება ამის მერე?! ვინ ამოყელყელავდება მიღმეთიდან ჯერ სათიბის გასათიბად, მერე ჯეჯილის მოსაყვანად?!

ახლა კი ლალატის თემას მივაღებთ და აქვე უნდა ვთქვათ, რომ ლალატის მრავალგვარია. ლევან გოთუას აზრით, „ისიც ლალატია, როდესაც შენს ნიჭს სამშობლოს მოაკლებ და სულ სხვის საქმეს უმადლოდ და უგზო-უკვლოდ დააღვე თავს!“ ჩვენ ათასგვარ გამართლებას ვუძებნით ამასაც, მაგრამ საკმარისია, ცოტათი მაინც ვიგრძნოთ თავი ქართველებად, ყველაფერი თავის ადგილზე დალაგდება. ნუ დავგავინწყებთ, რომ ზემოთ მოყვანილ სიტყვებს დედა ამბობს შვილის საფლავთან, შვილის, რომელმაც სპარსეთის სახელმწიფოს ძლიერებას შეალონ სიცოცხლე, დედა კი ყოველთვის მართალია. „ლალატია მონობის ნიშანი უპირველესი!“ — აღნიშნავს მწერალი და, ვიდრე ჩვენს სულში ლალატის ერთი მისხალი მაინც იქნება, მონები ვიქნებით ლალატისა და კიდევ, ვინ იცის, ვისი და რისი მონები... რუსთველიც ხომ ამას გვეუბნება: „კაცი ცრუ და მოლალატე ხამს ლახვრითა დასაჭრელად...“

თუმცა აქვე საიმედოდ ისევ მწერლის ნააზრევი მსურს შემოგთავაზოთ: „საქართველოს მატინათა გამოცდილება

გვაგრძობინებს, რომ ყოველ ას ორმოცდაათ-ორას წელი-
ნადმი ჩვენი არცთუ დიდი შესაძლებლობა იფიტება და ინყე-
ბა გადაგვარება." ამის შედეგია დღევანდელი ნახევარ-რწმე-
ნა, გაქცევა სამშობლოდან უკეთესი ცხოვრებისათვის, მემ-
თვრალეობა და აფიონას მიტანება, ხელმრუდობა და მრუ-
შობა... მაგრამ, როგორც „გმირთა ვარამის“ ერთ-ერთი გმი-
რის, ზაზა კახნიაურის, პირით იტყოდა მწერალი: „გული უნ-
და გავიმედგროთ... ამით ხომ არ თავდება ერის ცხოვრება.“

აუცილებლად უნდა აღვნიშნო, საბჭოთა დროში ლევან
გოთუას ხშირად საყვედურობდნენ, რომ მის ნაწარმოებებში
თანამედროვე ცხოვრება არ ჩანდა, რომ ხშირად ქმნიდა
კომპოზიტებს, რომ მასისთვის გაუგებარი იყო მისი წერის
ტექნიკა და ა. შ. მაშინ მწერალმა თავის კრიტიკოსებს ასე
უპასუხა: „მწერალი, ისევე როგორც მთელი ერი, ერთდროუ-
ლად ცხოვრობს წარსულის გრძობით, აწმყოს შემოქმედუ-
რი გაგებითა და მომავლის იმედით... და რარიგ შორეულ
წარსულსა თუ მომავალს არ უნდა ეხებოდეს ნაწარმოები,
მისი ეპიცენტრი მაინც თანამედროვეობაშია“. მართალია,
თანამედროვე საზოგადოება და, სამწუხაროდ, მწერლობაც
მხოლოდ დღევანდელი დღით ცხოვრობს, არც წარსულისკენ
იხედება და არც მომავლისკენ, მაგრამ ლევან გოთუას აზ-
რით, მწერლის მიზანი სწორედ ეს უნდა იყოს, წარსულისა-
კენ მიახედოს ხალხი და მომავლის იმედით ამოავსოს სულის
ყველა ნაპრალი და ჯურღმული.

ხოლო იმ კრიტიკოსებს, რომლებიც წერის ტექნიკას და
სტილს უწუნებდნენ, კრებული „მატიანურის“ წინასიტყვაო-
ბაში, თითქოს სიტყვამ მოიტანაო, ისე შეეხმინა ბატონი
ლევანი: „ვინც მხატვრულ ნიგში სისტემას ეძებს, ის ვერა-
სოდეს ვერ დანერს, ვერც გაიგებს მწერლის ალელკებულ
ნიგნს!.. ნავიდეს, ჭადრაკი ითამაშოს!“ (სხვათა შორის, ლე-
ვან გოთუა ჭადრაკსაც დიდოსტატის თამაშობდა და მათ
შორის, არაჩვეულებრივი მესხიერების ნყალობით, ზეპირა-
დაც, საკნიდან საკანში).

ახალგაზრდა მწერალთა გასაგონად კი ბრძანებდა: „ყვე-
ლაფერი, რაც ყდაშია — ნიგნი როდია! არც გაცვეთილი
სიტყვები და გატყეპნილი ფურცლებია ნიგნი! არც უსულო
აზრებისა და სახეების გროვა... არც პირფერული ლამაზ-
სიტყვაობა შიშნაკრავისა და ყურმოჭრილისა“.

დასასრულ უნდა გითხრათ, რომ ლევან გოთუა სიმბო-
ლოებით მოაზროვნე მწერალია... აბა, მამ როგორ უნდა გა-
ვიგოთ „ორმოლტა მათრახი“, რომელიც გიორგი სააკაძეს
ეპყრა ხელთ, დიდი გრიგოლ ხანძთელის კედელბატული,
დამწვარი აკვანი, მითრიდატეს ცხენი „შაჟ ქაჯად“ ნოდებუ-
ლი, სამეფოში დაბრუნებული თეთრ ცხენზე მჯდომი ევპა-
ტორი, ცხენზე, რომელსაც „ნისლა“ ჰქვია, რადგან ჯერ კი-
დევე ბურუსითაა მოცული მისი ცხოვრება, და მრავალი სხვა.

ლევან გოთუას ნაწარმოებები სიბრძნითა და სიკეთითაა
გაჯერებული, თუმც ყველაფერს ტრაგიზმის ნიშანი გასდევს,
საქართველოს უბედურებით შეძრწუნებული ადამიანის ტკი-
ვილით ნასაზრდოები, ადამიანთა გაუტანლობით დალდასმუ-
ლი, მაგრამ გულუხვი და დაუნანებელი სიბრძნით აღსავსე.

წერილი კი მინდა ისევე იმით დავამთავრო, რითაც და-
ვინწყე, ლექსით, და ამასთან, იმედიანი სტრიქონებით, უცნა-
ური წინასწარმეტყველებით რომ აღბეჭდილა:

— მე კიდევ მოვალ მრავალგზური, ათასთვალეზა
აშვებულ გულით, სიკვდილს აქეთ გადმოვავიჯებ
და ჩემი ნიგნი განდევნილი და ნაწვალები
თავფურცლებიდან გადმოაფრენს ქოჩორა ბიჭებს.

დღეს ის ჩვენთან არის, ხვალაც ჩვენთან იქნება და ზე-
გაც, ვიდრე მის ნიგნს ავიღებთ ხელში და ნავიკითხავთ.



დავიბადე 1954 წლის 2 აგვისტოს ასპინძის რაიონის სოფელ
ზედათმოვკში. ვსწავლობდი ნაქალაქევის ჯერ 8-წლიან, შემდეგ
საშუალო სკოლაში.

წერა დავიწყე VI კლასიდან, როცა პირველად ვნახე ფილმი
„აკაკის აკვანი“ — მთელი კვირა მონუსხულივით დავდიოდი,
თუმცა რაც მაშინ დავწერე, ყველაფერი გაგანადგურე შემდგომ-
ში. ვცადე პროზაშიც ჩემი თავი, როცა IX კლასში გადავედი, მაგ-
რამ მაშინდელმა რაიონულმა გაზეთმა „ასპინძა“ დამიწუნა ნა-
წერი და დავფრთხი. მერე თბილისში სწავლის დროს კედლის გა-
ზეთში გამოქვეყნდა ჩემი ლექსი და ამას აება მთელი ჯაჭვი ლექ-
სებისა. ამავდროულად აქტიურად ვიყავი ჩაბმული სპორტში.

სწავლა დავამთავრე თვითმფრინავმშენებელი ინჟინრის სპე-
ციალობით. და ჩემი დაჟინებული თხოვნით წავედი ჯარში. იქ
თან მწვრთნელი ვიყავი და თან მოქმედი სპორტსმენი. ჯარის
შემდეგ ვმუშაობდი ფიზკულტურის კომიტეტში თავმჯდომარედ
(ასპინძის რაიონში), მერე როსტოვის ვერტმფრენების ქარხანა-
ში — ჯერ ოსტატად, მერე ინჟინერ-ტექნოლოგად.

1979 წლიდან თბილისის მეტრომშენებლობის სამმართველო-
ში დავიწყე მუშაობა გვირაბბაგამყვანად.

1989 წელს ვახტანგ ბერიძის დიდი დახმარებითა და კონსულ-
ტაციით ჩავუდექი სათავეში ქვემო ბეთლემის ეკლესიის რესტავ-
რაცია-აღდგენით სამუშაოებს, მერე — ზემო ბეთლემის.

აქედან დაიწყო ჩემი სწრაფვა ეკლესიების შენება-რესტავრა-
ციისაკენ.

თბილისში ლინა ბეგიშვილმა და ავთანდილ ვართაგავამ ჩა-
მომიყვანეს; მაშინ 15 წლისა ვიყავი. პირდაპირი გაგებით რომ
ვთქვათ, მე ვიზრდებოდი კოტე ჯვარიშვილისა და მიხეილ რჩე-
ულიშვილის ოჯახში — ლინა ერთისა შვილი იყო, მეორესი —
რძალი.

აქ უამრავი ხალხის გარემოში მიხდებოდა ცხოვრება. ძია კო-
ტეს გავწყურელი მეგობრები იყვნენ ლევან გოთუა და ვახტანგ ბე-
რიძე. ამ ორი ბუმბერაზი ადამიანის გავლენა ჩემზე მაგიურად
მოქმედებდა. ასევე გურამ რჩეულიშვილის დედის ქ-ნი მარიამის
მიერ მონაყოლი გურამ რჩეულიშვილზე ფრთებს მასხამდა...

წერა დავიწყე 45 წლისამ, როცა მივხვდი, რომ ჩემი სოფლის
გმირების ისტორია წყალს მიჰქონდა და დავიწყება ემუქრებო-
და. არც ახლა მაქვს პრეტენზია მწერლობაზე. სამწუხაროდ,
ძალზე ბევრი რამ დამავინყდა პაპაჩემ-მამაჩემის მონათხრობი-
დან, ბევრის დანერას კიდევ ცდილობ და მინდა ქართველ
მკითხველს წარვუდგინო მესხური ტრაგედიები, რამეთუ მე მი-
მანია, რომ წარსულის ტკივილმა უნდა მომავალ თაობას სიყ-
ვარული ასწავლოს.

მიყვარს მუსიკა, ზეპირად ვიცი მრავალი საოპერო ნაწარმო-
ები — 20-მდე. ჩემი ორი შვილიც მუსიკოსია. ეს ნაწარმოები „ვინ
ვარ მე? — მორბედი“ სულ პირველად ნოდარ ანდლულაძეს წაუყ-
უთხე სიკვდილის წინ რამდენიმე დღით ადრე. ეს მან გამოიმიჭი-
რა თითი, რომ ყურნალ „ჩვენი მწერლობის“ რედაქციაში მომე-
ტანა „ეს იყოს ჩემი უკანასკნელი ანდერძი; აუცილებლად დაბეჭ-
დეთ „ჩვენ მწერლობაში“.

ვასრულებ მის თხოვნას.

ზელიმხან მალრაძე

საფლავი ხიზაბავრაში

I.

მოყვრებში სტუმრად გახლდით მე და მამაჩემი სოფელ ხაზაბავრაში... ბევრი რამ ვიცოდი ამ სოფელზე. მაგრამ რამდენჯერაც ავედი, ვერასოდეს მოვახერხე მისი გვარიანად დათვლიერება. ვიცოდი, რომ მე-12-13 საუკუნეების ბაზილიკური ტიპის ეკლესია დგას, ისიც ვიცოდი, რომ ეს ტაძარი მალრაძეებისა ყოფილა და ხიზაბავრელები კიდევ „ღარიბათ ეკლესიას“ ეძახიან.

საჭირო დრო დავიგულე თუ არა, სუფრიდან გავიპარე და რადგან ტაძარი დაკეტილი დამხვდა, გარშემო საფლავების დათვლიერება-შესწავლა დავიწყე. ძირითადად თარიღები მაინტერესებდა და რადგან ზოგიერთ საფლავზე თარიღები ციფრების მაგივრად ასოებით აღნიშნულიყო, უბიდან ბლოკნოტი ამოვიღე და საგულდაგულად დავიწყე მათი შესწავლა. არ ვიცი, რამდენი ხანი გავიდა. ისე გავერთე, ვერც კი გავიგე, როგორ წამომადგა თავზე მამაჩემი. ვცდილობდი ერთ-ერთი საფლავის ქვიდან ყველაფერი ჩამეხატა ზუსტად, რასაც მერე გამოვიკვლევდი, ალბათ, იმიტომ რომ საკმაოდ დაზიანებული იყო ქვის ზედაპირი.

— აბა შენ თუ იცი, ვის საფლავზე ზიხარ — მომმართა მამაჩემმა და ჩემს წინ იმ საფლავის ქვაზე ჩამოჯდა, რომელსაც ვიკვლევდი.

— ვინმე ჩვენი ნათესავისა იქნება ალბათ, ჰო?! — ვკითხე მოულოდნელობისაგან შემკრთალმა და წამოვდექი. იქ, სადაც მე ვიჯექი, საფლავს აშკარად არ ჰგავდა.

— ნათესავებზე უკეთესი. ამ საფლავზე სანთელს ანთებდა პაპაჩემი, მერე მამაჩემი, და მერე მე. როცა აქ, სოფელში მასწავლებლად ვმუშაობდი. იმის მერეც, სანამ ამ მამაძაღლებმა აქედან არ წაიღეს საფლავის ქვა და იქ, ქვევით, სამამულო ომში დაღუპულთათვის ვითომ მემორიალური სკვერი გააშენეს და ღობეში კუთხის ქვებად ჩააშენეს — და ერთი გვარიანად შეუკურთხა მავანს და მავანს.

— ეგ კი, მაგრამ მაინც ვინ იყო ისეთი, რომ პაპაშენიდან დანეჭებული ყველა ამ საფლავზე ამოდიოდით და სანთელს ანთებდით, ან რით იყო ჩვენს ნათესავებზე უპირატესი, რომ მათზე მაღლა აყენებ? — ნიშნისმოგებით დავეკითხე მამას, თან დავეშურე, რომ ჩახატვა მომესწრო, რადგან მზე უკვე ჩასვლას მოვობდა და შინისკენ მივიჩქაროდით.

— როგორც მამაჩემისგან ვიცი, ეს კაცი ერეკლე მეფის მარჯვენა ხელი ყოფილა, და აქაც, ასპინძის ომში ერეკლეს გადაჰფარებია და მეფეზე ნასროლი ტყვიისთვის მიუშვერია მკერდი... ეს კაცი ისევ ცოცხალი ყოფილა, სანამ აქ ნადიმი დამთავრებულა. ომის შემდეგ გამარჯვების ნადიმი სწორედ ამ მიდამოებში გადაუხდია მეფეს. როგორც ამბობენ, სამასი ხარი დაუკლავთ. მერე აქაურებისთვის მიუბარებია მეფეს ამ კაცის მოვლა, სანამ თბილისში წავიდოდა.

— სამასი ხარი?... რა ამბავია, მამა, მაგას ასორმოცდაათი ათასი კაცი მაინც უნდა, რომ შეჭამოს, ალბათ ოცდაათი ხარი თუ დაკლეს და მერე გაბუქეს. — სიტყვა გავანწყვეტინე, — თანაც ხომ კარგად ვიცი, რომ ერეკლეს ასპინძის ომში სულ ხუთი ათასი კაცი ჰყავდა მეომარი, მაგას მიუზღაბოთ ათასი კაცი ადგილობრივი ხალხი, ეგ არის და ეგ. მაგას, ჰა, ჰა ათი ხარი ყელამდე ეყოფოდა... მაგას თავი დავანებოთ და ვინ იყო ეს კაცი ჩვენთვის, ახლა მეც რომ უნდა ვიარო მის საფლავზე და ალბათ ლოცვებში მოვიხსენიო?

II.

— წამოდი, საროში საქმე მაქვს, იქამდე ფეხით გავიაროთ, გზაში მოგიყვები, ჯერ კი ხალხს ხომ უნდა დავემშვიდობოთ, სირცხვილია, ასე არ გამოვა. და საერთოდ რა დაგჩემდა, სუფრიდან რომ გაიპარე. ხალხი გკითხულობდა, ასე არ შეიძლება, შვილო, ამას მერამდენედ აკეთებ?! — ეს ისე მითხრა, რომ უნდა ეთქვა, თორემ გულის სიღრმეში ძალიანაც მოსწონდა, რომ სასმელს გაფურბოდი. მასპინძლებს დავემშვიდობეთ და ფეხით დავუყევით გზას. იქ, საროში, ჩემი ძამა უნდა წამოგვწოდოდა მანქანით და წაგვიყვანდა.

ეს ამბავი აქ, ამ საფლავთან თვითონ მეფე ერეკლეს მოუყოლია აქაური მალრაძე მღვდლისთვის, როცა იქ მეორედ ჩასული პანაშვიდს უხდოდა ამ ყმას. ამ მღვდელმა მერე ზედა თმოგვის ეკლესიას მიანდო ნაამბობი, 1772 წელს, როცა ხიზაბავრიდან აიყარნენ მალრაძეები და მოუწიათ გაქცევა...

თხუთმეტი-თექვსმეტი წლისა ყოფილა ერეკლე მეფე, ირანიდან ახალდაბრუნებული, სხარტი და ძლიერი; მოფარიკავე ხომ უბადლო და ყველასაგან განსხვავებული... ხევსური ხევისბერი წვრთნიდა საგანგებოდ უფლისწულს ფარიკაობაში. ქიზიყში ჭიდაობა უნდა გამართულიყო და უფლისწულიც საგანგებოდ ემზადებოდა საჭიდაოდ. ირანში დაგროვილ ცოდნის გამოსამჟღავნებლად საჭირო მიზეზს და ადგილს ეძებდა ერეკლე.

დათქმულ დროს ცხენზე ამხედრებული გამოცხადდნენ კახეთის ფალავნები, დიდძალი ხალხი მოაწყდა მოედანს. დიდი თუ პატარა, ქალი თუ კაცი, ყველას იქეთ ჰქონდა თვალყური, სადაც ერეკლე იმყოფებოდა... მის გამონვევას ყველა ერიდებოდა, მაინც უფლისწული იყო. ერეკლე თვითონ ინვევდა გამარჯვებულთა შორის გამარჯვებულს და ტოლი ვერავინ დაუდო. უფლისწული შესაშური სისწრაფით ასრულებდა უცხო ხერხებს და მრავალი ვაჟკაცის ბეჭმა იგემა ფხვიერი ქვიშა. ბოლოს ფალავანთა შორის აღარავინ დარჩა, ვინც ერეკლემ არ დაამარცხა, და ის იყო ჭიდაობის დამთავრებას აპირებდნენ, რომ წრეში სრულიად ახალგაზრდა, ახალწვერ-ულვაშმქვედრებული ჭაბუკი გადმოხტა და ერეკლეს წინ აღიმართა. აშკარად ეტყობოდა, ჭიდაობა და ძალის გამოცდა სწყუროდა... საჭიდაო დაუკრეს და ის იყო ერეკლემ ხელი წაატანა ჩოხის მხრის თავზე, რომ თვალის დახამხამებაში მისი სხეული რალაცა არაადამიანური ძალის წყალობით ჰაერში აიტაცა ჭაბუკმა, მერე ჰაერში კამარა შეჰკრა და ძირს დაენარცხა. გონი დაჰკარგა უფლისწულმა...

მუხლზე დაყრდნობილი ჭაბუკი დაბნეული თვალებით დაშტერებოდა უგონოდ მწოლარე უფლისწულს და არ იცოდა, რა ელონა. იმ წამსვე ერეკლეს გამზრდელი მოედანზე გადმოხტა. მოხუცმა ჭაბუკი წამოაყენა და უბრძანა, სასწრაფოდ გასცლოდა იქაურობას, თუ არა, გონსმოსული უფლისწული მას ცოცხალს არ დასტოვებდა; ესეც არ იკმარა, ადგილობრივ გლეხებს ანიშნა, სასწრაფოდ გადაძალეთო-სადმე, საიმედო ადგილასო, თორემ ცოდვას ჭაბუკი, მისი წახდენა უსამართლობა იქნებაო.

გონსმოსული ერეკლე ხმალს ეცა და შლეგივით შევარდა ხალხში. ისევ გამზრდელმა შეაჩერა და პატივმოყვარეობაშეღალხული უფლისწული ძლივს დააბრუნეს თელავში.

მთელი შეგნებული ცხოვრება იმ ჭაბუკს დაეძებდა მეფე ერეკლე, ყველგან, სადაც ხელი მიუწვდებოდა, მისი ხალხი იმ ჭაბუკს ეძებდა. შურისძიების აღმა აიტაცა ერეკლე და განელებას არ აპირებდა. და აი, ერთ მშვენიერ დღეს, მაშინ ერეკლე ორმოცდარვა წლისა ყოფილა და თავის სასახლეში ისვენებდა, სახლთუხუცესი გაკადნიერდა და მისი მყუდროება დაარღვია.

— კარზედ ერთი ქიზიყელი კაცია მომდგარი, ამა და ამ გვარსახელის და დაჟინებით მოითხოვს, დიდო მეფეო, შენთან შეხვედრას. რამდენი ვეხვეწე, დაცადა, მაგრამ არ იშლის. გააღვიძე მეფეო, ითხოვს, და თუ არ მიმიღებს, შენ თვითონ წახავო.

„თავისი ფეხით მოვიდა ბოლოს, შენ გაჩვენებ სეირს, თუ კაცი ხარ; ახლა დამიდექი“ — გაიფიქრა მეფემ და უბრძანა, შემოუშვო. თვითონ, როგორც წესია, ტახტზე დაბრძანდა და დაელოდა ქიზიყელის შემოსვლას. საოცარი სილამაზისა და ვაჟკაცური აღნაგობის მამაკაცს შემოუძღვა სახლთუხუცესი. მან მეფეს თავყანი სცა და ცალ მუხლზე მდგომარე, თავდახრილი გაუნძრევლად განაგრძობდა დუმის, ასე ელოდა მეფის ბრძანებას... ერეკლემ სახლთუხუცესს ანიშნა, დაგვტოვე, და ქიზიყელისკენ მიაპყრო მზერა — „როგორ დავაჟკაცებულა ჭაბუკი, რამხელა მხარ-ბეჭი აქვს დალოცვალს. ეტყობა, კარგი მებრძოლიც იქნება, მოფარაკაცაც კარგი უნდა იყოს. ახლა გამოჩნდება, რისი მაქნისია, მოვიდა რომ ახლა ფარიკაობაში გამეჯობროს; არა, ერეკლე მეორედ მარცხს არაა ჩვეული“ — გაიფიქრა მეფემ და მოსულს ჰკითხა:

— რაზედ გარჯილხარ, ან რა გაქვს ასეთი საჩქარო, რომ სასახლის კარი ლამის შეამოანგრე, წამოდექი და მომახსენე... რას მივანერო შენი ასეთი თამამი საქციელი? ამდენი წელიწადი არ გამოჩენილხარ და იმალები. ახლა შენ თვითონ მოხვედი მეფის კარზე და მყუდროება დამირღვე...

— ორი საქმისთვის მოვსულვარ, მეფეო, ერთი, ჩემი პირადულია, მეორე ქვეყნის და ქართული, სახელმწიფოებრივი. რომელს მიბრძანებ, რომ მოგახსენო, შენი კენესამე?

— მოდი, პირადულით დავინყოთ და, თუ მოვაგვარეთ, მაშინ სახელმწიფო საქმეზეც გადავიდეთ. აბა მითხარი, რა არის ასეთი, რის სათხოვნელად მოხვედი?

ახალმოსული არ ელოდა საქმის ასე უბრალოდ შემობრუნებას, გონებაში სხვაგვარად ჰქონდა დაწყობილი მეფესთან შეხვედრა. ამიტომ დაიბნა, ერთხანს სულ გადაიფიქრა საკუთარ თავზე რაიმეს თქმა. ბოლოს ძალ-ღონე მოიკრიფა და თამამად, თითქოს თავის თანატოლს ესაუბრებო, ერთბაშად უთხრა, რაც უნდოდა.

— მდევნიან, დიდო მეფეო, მდევნიან... სული და ხორცი გამიმწარეს დევნაში, ოცდაათ წელიწადზე მეტია, არხეინად არ მძინავს, ყველა საფარი, რომელიც ავირჩიე, უფარვისი გამოდგა; ბოლოს სამშობლოდან გადავიხვენი. ამან უარეს დღეში ჩამაგდო, ვერ გაძეღ უცხო მხარეში. ბოლოს გადავწყვიტე, ისევე შენთან მოვსულიყავი და მეთხოვა, რომ დამიცვა ამ დევნისაგან, თორემ მთლად წამიხდინეს ყმანვილკაცობა. ახლა სიბერეც რომ არ წამიხდეს, შენთან მოვედი, რომ დამიცვა, იქნებ შვებით მივაბარო სული უფალს, დაწყნარებულმა...

აქ ინტერესმა შეიპყრო მეფე. ვერა გაეგო რა, რატომ სდევნიდნენ მოსულს? თუ სახელმწიფო საქმის გამო, ან რაიმე შეთქმულებას რომ ეხება, ამასთან რა კავშირი უნდა ჰქონდეს ამ ქიზიყელს, ან ვინ უნდა სდევნიდეს, ვის რა დაუშვა ნეტავ? — არა, აქ სხვა რალაცა მგონია, და მოთმინებადაკარგულმა ერეკლემ სიტყვა გაანწყვინა მოსულს.

— ვინ გდევნის ან რას ნიშნავს ყოველივე ეს, აღარ მეტყვი?! — ჩაეკითხა მეფე და წამოდგა.

— უფლისწული ერეკლე მდევნის, მეფეო, და მე მოვედი მეფე ერეკლესთან, რომ დამიცვას უფლისწულის დევნისაგან, რადგან უფლისწულმა მაიძულა სამშობლო დამეტოვებინა და გადავხვენილიყავი... აქედან შორს. უცხო ქვეყანაში არ მინდა ამომხდეს სული. იქ, სხვის მიწაზე. ესაა ჩემი თხოვნა, დიდო მეფეო... — დინჯად და აულელვებლად ჩაათავა სათქმელი ვაჟკაცმა და გაჩუმდა.

თვალთ დაუბნელდა მეფეს. მისი სახელი შორს ჰქუხდა და ყოვლადბრძენ მეფედ იცნობდა ხალხი. თურმე როგორი სულმოკლე და პატივმოყვარე ვყოფილვარო, გაიფიქრა. ამდენი ადამიანის ცოდვა-მადლის განმკითხველ და ბედის სასწორზე დამდებ მეფეს ერთი ყმანვილის ვაჟკაცობა მტრობად როგორ მივიღე ამდენ ომგადახდილმაო. ბრძოლაში ჩემი უნიათო გადაწყვეტილებით რამდენ ჭაბუკს დაუბნელდა ალბათ მზე და ის წაგებულნი ომიც ხომ წაგება იყო, ის ხომ გადავხარშე და წარსულს ჩავაბარე. რატომ დამიბნელდა გონება და გული, ამდენი ხანი რომ ვაჟკაცს ვაჟკაცობა და საჭიდაო მოედანზე გან-

ცდილი დამარცხება ვერ ვაპატიე და ჩემი მარცხი მტრობის გესლად რატომ ვაქციე? კარგი, მაშინ ჭაბუკი ვიყავი, გული და სული ამემღვრა; მერე ხომ დავბრძენდი, ასე როგორ დამრია ეშმაკმა ხელი, რომ შენდობა ვერ შეეძელი. თურმე არარა ვყოფილვარ, ლაჩარიც და გაუტანელიც. ხედავ, რა მითხრა?! — უფლისწულის დევნისაგან დამიცავიო. თურმე ჯერ კიდევ მეფედ მცნობს ეს კაცი. ამდენი დევნისგან განამებული მაინც ჩემთან მოვიდა, რათა ისევე ჩემი დევნისგან დავიცვა...

ამ ფიქრებით მიუახლოვდა მეფე ერეკლე ვაჟკაცს; ორივე ხელი მხრებზე დააწყა. დიდხანს უყურა თვალეში. თვალეში ისევე იმ ჭაბუკისა ჰქონდა-ცოცხალი, გამჭოლავი, არწივის თვალვით მიზანსწრაფული და ამაყი.

— მამ უფლისწულის დევნისგან დავიცვა, ჰო?! — ჩაეკითხა მეფე, მერე ცოტახანს იყურა, თვალთ თვალში გაუყარა, მერე ძირს დახარა და თითქოს ამოიკვნესაო, ჩუმად განაგრძო — რომ შემეძლოს, იმ უფლისწულს, აქ, შენ თვალწინ გავროზგავდი, რომ ამდენი დევნა განელეზულიყო შენს გულში, ძმაო ჩემო ქრისტესმეო, და რადგან მეფის გაროზგავ არ ძალმიძს, როგორც ქრისტეანი ადამიანი, და არა მეფე, გთხოვ მიიღო ჩემი შემოთავაზება — და მის წინ მუხლზე დაეცა ერეკლე მეფე, თავი მის ფეხებამდე დაანვდინა და, როგორც ხატებას, შეჰღალადა;

— შემინდე, თუ ძალგიძს, მეგობარო, დღეიდან თავისუფალი იქნები ყოველგვარი ბატონისაგან და, რაც მთავარია, ჩემი დევნისგან...

მოულოდნელობისაგან დამფრთხალი ქიზიყელი ძირს განვა და ემუდარებოდა მეფეს, წამომდგარიყო. თუ არა, თავს არ ვიცოცხლებო. ერეკლე წამოდგა და წამოაყენა ქიზიყელიც, იქვე დასვა და მიუჯდა გვერდით.

— დავივინოთ, რაც ჩვენს შორის იყო, მეგობარო, ახლა სახელმწიფო საქმეზე ვიმსჯელოთ, ვატყობ, ცარიელი ხელეზით არ მოხვიდოდი ჩემთან ესოდენ ღირსეული ვაჟკაცი.

— იქ, გარეთ ჩემი მეგობრები იცდიან, დიდო მეფეო. უბრძანეთ შემოუშვან. მთავარი გზავნილი მათ აქვთ თქვენთვის...

— ეი, ვინ ხართ მანდ, — გასძახა მეფემ და კარებში გამოჩენილ სახლთუხუცესს უბრძანა — ჩქარა შემოიყვანეთო.

III.

კაიროდან მოსული მამლუქთა დესპანებს შემოუძღვა სახლთუხუცესი; ექვსი ვაჟკაცი. ერთიმეორეზე უკეთესნი. მზეზე გარუჯულთ ქართველობისა არაფერი დაეკარგათ.

კაიროს მბრძანებელი მამლუქი ალი-ბეი ალ-ქაბირი ფირმანს არ ენდობოდა. ეს ბიჭები თუ ტყვედ ჩავარდებიან, უწინარემც სიკვდილს არჩევენ, ვიდრე რაიმე საიდუმლოს გასცემნო, დაუბარებია, და თან დიდძალი ოქრო გამოუგზავნია მეფისათვის: „ამით ზარბაზნები ჩამოასხი და დანარჩენი ჩვენ ვიცითო“...

ალტაცებისაგან ცას ეწია მეფე და მართლაც შეიძინა ზარბაზნები, ზოგიც ჩამოასხმევინა. ამ ფულით ჯარსაც მოუარა და თოფ-იარაღით მოამარაგა. ცოტა ხნის შემდეგ უფრო დიდი ქარავანი მოადგა მეფის სასახლეს; ახლა სამომავლოდ ჯარით დახმარებაც აღუთქვეს მამლუქებმა... ოციოდე მეომარიც გამოუგზავნეს. შეთანხმდნენ, რომ ახალციხისკენ გაილაშქრებდა მეფე. იქ მოსინჯავდნენ, რამდენად მზად იყვნენ თურქები და რით შეეძლოთ დახვედრა. ერთი სიტყვით, ფხას მოუსინჯავდნენ იარაღს. ამასობაში ასპინძის ომიც მომწიფდა. მამლუქები თვალყურს ადევნებდნენ, რა შეიძლებოდა მოემოქმედებინათ, რომ მერე ერთობლივი ლაშქრობა წამოეწყოთ თურქეთის წინააღმდეგ და გამოეგლიჯათ ქართული მიწები, ზედ ურჩხულად რომ გადაჰფარებოდა თურქეთის სულთანნი...

...ასპინძის ომში ბრწყინვალე გამარჯვება მოიპოვა ერეკლე მეფემ. აქ მისმა ნიჭმა და სტრატეგიამ კიდევ ერთხელ იელვა, თურქებმა კი თავიანთი უნიათობა გამოავლინეს. და მართლაც, სამასი ხარი დაიკლა ნადიმზე. ადგილობრივი მოსახლეობა ერ-

თიანად მოაწყდა მთელი სამცხე-საჯავახოდან. ტანჯვისა და მონობისაგან დათრგუნულმა ქართულმა მოსახლეობამ როგორც კი გაიგო თურქთა ლაშქრის დამარცხების ამბავი, კიდევ მოაწყდა ასპინძის მიდამოებს, დიდძალი იარაღი ჩაიგდეს ხელთ და გულანთებულები მზად იყვნენ სტამბოლამდე ბრძოლით გაერეკათ დანარჩენი თურქებიც. მაგრამ ერეკლეს თბილისში ეჩქარებოდა... ტოტლებენი თუ თბილისში ჩაასწრებდა, ერეკლე ტახტზე ვეღარ ავიდოდა, მაშინ მას მოუწევდა თბილისის დალაშქვრა, და ეს იქნებოდა უკვე რუსეთის სახელმწიფოს წინააღმდეგ ლაშქრობა. აქ გულგატეხილმა მესხებმა იარაღი უბემი ამოიღეს და, საომრად თამამად გამოსულები, მალევე დაბრუნდნენ სახლებში. ახალციხის ციხე-სიმაგრეში დაბანაკებული ფაშა 40-ათასიანი ჯარით გამოვიდა და დევნა დაუწყო პირველ რიგში მათ, ვინც გაბედა და ერეკლე მეფეს ომის დროს დაეხმარა ასპინძაში. მერე — ვინც იმ ნადიმზე გამოცხადდა და ფიცი დადო ერეკლეს ერთგულებისა...

1771 წელს კიდევ ერთხელ ილაშქრა ერეკლემ მესხეთში. მის გამოჩენაზე კურდღლებით სოროებში შეძვრნენ ახალციხის ფაშაც და მთელი თურქობაც. ამ დროს კაიროში მამლუქები უკვე ჯარს ამზადებდნენ და განსჯის საგნად იყო ის, მამლუქთა ჯარი საქართველოში ჩამოსულიყო, თუ ჯერ ერეკლეს შეეცა მესხეთიდან, და თუ თურქეთი მის წინააღმდეგ ჯარს დასძრავდა, მაშინ მამლუქები ზურგში დაარტყამდნენ და აიძულებდნენ თურქეთის სულთანს ქართულ მიწებზე უარი ეთქვა.

ერეკლე მეფემ კვლავ დიდძალი ფული და იარაღი მიიღო მამლუქებისაგან, გააქტიურდნენ დესპანები კაიროსა და თბილისის შორის. მეფეს, მიუხედავად მისი სიბრძნისა და გამჭრიახობისა, ბრმად სჯეროდა, რომ რუსები გაუნვდიდნენ დახმარების ხელს და დაბრუნებული ტერიტორიების შენარჩუნებაში დაეხმარებოდნენ. ბევრი დაუშალეს მამლუქთა თავკაცებმა, მაგრამ ერეკლემ, რომელიც რუსებს თავის მოკავშირედ განიხილავდა, მოლაპარაკებაში რუსებზეც ჩართო.

ხელს არ აძლევდათ რუსთა მოხელეებსა და იმპერატორს, რომ ერეკლეს ნისქვილზე წყალს ედინა. ისინი საქართველოს დასახმარებლად და მიწების დასაბრუნებლად თითის თითზე დაკარებას არ აპირებდნენ. მათი მიზანი სულ სხვა იყო — საქართველო მათ უკვე ტაბაკზე დადებულ შემწვარ და შენელებულ ხოსხად ჰყავდათ წარმოდგენილი და მხოლოდ მის დასუსტებას ელოდნენ, რომ მერე გემრიელად შექცეოდნენ. ამიტომ იმ ერთობლივ მოლაპარაკებაში მონაწილე რუსის ელჩმა ფარულად კაცი აფრინა თურქეთის სულთანთან და დააბეზლა-გასცა ქართველთა და მამლუქთა გულისნადილი ...

თურქეთის სულთანი გრძნობდა, ერეკლე მეფის გააქტიურება რალაცასთან რომ იყო დაკავშირებული, ისიც კარგად დაინახა, ტოტლებენის ლაღატი რუსეთს რა ეწადა. კაიროში მამლუქთა ასეთი გააქტიურება სერიოზული გამოწვევა გახლდათ, მისთვის. მამლუქები ლეგენდაქცეული ძალა იყო გარშემოყოფ ყველა სახელმწიფოსათვის. ბევრი ფიქრის შემდეგ სულთანმა ასეთი გადანყვებილება მიიღო: ყველა ქართველ მამლუქს კაცები მიუგზავნა და ვითომ საერთო და საჭირობოროტო საქმეზე მიიწვიეს რომელიღაცა ფაშასა თუ დიდებულთან; ციხე-სიმაგრეში შეიკრებოდნენ მამლუქი გამოცხადდა ახალი ამბის მოსამზენად. ფართოდ გადებულ ციხე-სიმაგრეში მამლუქებს შეუძღვნენ საქვეყნოდ ცნობილი ფლიდი სულთნის მოხელენი. ციხის კარები ამოკეტეს, როგორც კი უკანასკნელმა მამლუქმა შეაბიჯა ციხე-სიმაგრეში, და იქუხეს თოფებმა და ისრების წვიმა წამოვიდა მათ თავზე. ასე უმონყალოდ ხოცავდნენ მამლუქებს მოედნის შუაგულში. ცხენ-კაცის სისხლი ღვარებად მოედინებოდა ციხის კარს მიღმა; მკვდრებისაც კი ეშინოდათ ურჯულოებს-უკვე გვაჩებს ხვრეტდნენ შუბებით თუ ისრებით. მხოლოდ სამი მამლუქი გადარჩა სასნაულად. სულაც გოდოლზე გაიკვლიეს გზა ბრძოლით და იქედან გააბატონეს ოცი მეტრის გოდოლიდან და თავს უშველეს.

ერეკლე მკლავმოჭრილი აღმოჩნდა. არ დააყოვნა ახალციხის ფაშამ, ჯარს წინ წაუძღვა და ყველა სოფელი დალაშქრა. აიყარნენ ქართველები და გაიხიზნენ. დაიცალა ხიზაბავრა და ზედა თმოგვი მალრაძეებისაგან. ზოგმა ქართლს მისცა თავი, ზოგმა იმერეთს. ქართლში ჩასახლებულმა ხიზაბავრულმა მალრაძეებმა გვარად ხიზამბარელი აირჩიეს, იმერლები გამრავლდნენ. მარელისელი მიხა თავისი ოთხი შვილით და ექვსი ძმით უკან დაბრუნდა ზედა თმოგვში. ვერ გაძლო ვაჟ-კაცმა მშობლიური სოფლის გარეშე... იმერეთიდან ღონღაძის ქალი ჩამოჰყვა. ზედა თმოგვში მოსული მიხა მშობლიურ სოფელში არ შეუშ-



მხატვარი ვასო იდელი-ბასიაშვილი

ვეს-თქვენი გულისთვის ფაშა ერთიანად ავიკვლებსო, უთხრეს და იძულებული გახდა აფნიაში გადასულიყო საცხოვრებლად. იქ ჭირი დაერიათ და ექვსი საფლავი დატოვეს აფნიაში. ოთხი წლის შემდეგ ფაშა მოკვდა და მიხა ზედა თმოგვში მიიღეს. ამასობაში ყველა ქართულ სოფელში თურქი ეროვნების ხალხი ჩაასახლეს, თან მოლენი დააგზავნეს ქართველების გასამაჰმადიანებლად. არნახული წნეხის ქვეშ მოექცა მთელი მესხეთის საქრისტიანო, დაადეს ისეთი ბეგარა, რომელსაც ათასში ერთი თუ გადაიხდიდა. თითქმის მთელი ჯავახეთი გადარჯულდა — ზოგი კათოლიკობას შეეფარა და კათოლიკე მისიონერებთან ერთად დაიწყეს ფარული ბრძოლა სომეხ ვითომ კათოლიკე მღვდლებთან ერთად.

ზედა თმოგველებმა აქაც ივაჟკაცეს, რალაცანიარად მოახერხეს, რომ არცერთ თათარს არ ეცხოვრა სოფელში და მართლადიდებლობაც შეენარჩუნებინათ ... ასე იქცა ასპინძის ბრწყინვალე ომი და ერეკლეს ლაშქრობანი შხამად და ტრაგედიად მესხებისათვის. ეს იყო 1772 წელს.

IV.

უკვე ასპინძის ომში გასწირეს რუსებმა ქართველთა მეფე, არ მისცეს საშუალება მესხეთის დაბრუნებისა. რუსებისა და თურქების ერთობლივი მოქმედებით ერეკლეს ანთებულ გულს წყალს ასხამდნენ და ფრთებს ჭრიდნენ. თურქები ერეკლეს წინააღმდეგ არ ანარმოებდნენ ფართომასშტაბიან ლაშქრობას იმიტომ, რომ რუსების წყალობით იცოდნენ, როგორც კი ჯარს დასძრავდნენ საქართველოსკენ — ზურგში მამლუქები დაარტყამდნენ და სრული მარცხი გარდაუვალი იყო. ხოლო რუსები ხანგრძლივად თბილისიდან გასვლის საშუალებას არ აძლევდნენ ერეკლე მეფეს,

რომ ბრძოლები ეწარმოებინა. სამჯერ ილაშქრა მეფე ერეკლემ მესხეთში. ბოლოს ხერთვისის ციხეც გაათავისუფლა თურქებისაგან; აქ კიდევ ერთხელ გაუშლიათ თავიანთი საგვარეულო დროშა მალრაძეებს, ნადირაძეებს, გვარამაძეებს, ლომსაძეებს. ბერიძე, რომელიც ერეკლეს ასპინძის ომში მეგზურობდა და აწყურადან მოუძღოდა მის ჯარს, ჭობარეთის ტყეზე ასპინძამდე — შლეგივით იბრძოდა, ვარძიისკენ მიუთითებდა ერეკლეს, ვარძია დაგვიბრუნეო, მაგრამ ვარძიაში ზარბაზნები ჩაედგათ თურქებს. ზედათმოგველები მონასტრის ზემოთა მხრიდან სთავაზობდნენ მის აღებას, ერთ ტყვიასაც არ გავისვრით, სულ ქვებით ჩამოვყრით ძირსო, მაგრამ უძღური იყო ერეკლე. მეფე კვლავ იძულებული გახდა თბილისი დაეცვა რუსებისაგან. თბილისიდან მოსული შიკრიკის წერილი მეტყველებდა ამას.

და კვლავ თბილისში მოუწია სასწრაფოდ დაბრუნება. ბოლოს სულაც ალა-მაჰმად-ხანი, ისიც რუსებისაგან ნაქეზებული და უზრუნველყოფილი, თბილისში შემოვიდა და მოაოხრა ქალაქი. ისლა დარჩენოდა მეფე ერეკლეს, ხელი მოეწერა შეთანხმებისთვის, რომლის შემდგომაც საქართველო რუსეთის პროვინციად იქცა.

V.

— ახლა რაც შეეხება იმ საფლავს, რომელზეც შენ მეკითხები. ეს ის ქიზიყელი ჭაბუკია, რომელმაც ერეკლეს ჭიდაობაში აჯობა და რომელიც მერე ეგვიპტეში გადახვეწილი ეახლა მეფეს, როგორც მამლუქთა დესპანი და აქ, ასპინძის ომში გადაეფარა მეფეს და მეფისთვის განკუთვნილ დამბარის ტყვიას მიუშვირა მკარდი. ოთხი დღე უცოცხლია აქ, ხიზაბერაში. თავზე ადგა და მზრუნველობდა ერეკლეს პირადი ექიმში, მაგრამ ვერ გადაარჩინა. მთელი სოფელი თავზე ადგა და მზრუნველობდა, მაგრამ... მომდევნო ლაშქრობაზე მოუნახულებია მეფე ერეკლეს ამ იდუმალებით მოცული ვაჟკაცის საფლავი და ხერთვისელი მოხელისათვის დაუტოვებია ვერცხლის ფული საფლავის ქვის გასათლელად.

— ლუკა პაპას რა კავშირი ჰქონდა ამ საფლავთან. ან მამაშენს და ბოლოს შენ რა გაკავშირებდათ, მამი, აღარ მეტყვი? — ვკითხე მოყოლილით აღელვებულმა მამას.

— ლუკა პაპას სიმამრი, მარო ბებოს მამა, აშული შივლა (ლუკა ბერიძე) ხომ გაგიგია?

— კი, როგორ არ გამიგია. პაპაჩემის ისააკის პაპა; რაც პაპამ მისი სიმღერები და ლექსები იცოდა, მაგის მეტი რა მომისმენია პაპასგან, შივლა რაღა შუაშია? სად ასპინძის ომი და სად შივლა.

— რა სულსწრაფი ხარ, რომ იცოდე. დამაცადე და გეტყვი. შივლას მთელ ამ მიდამოში სახელი ისე ჰქონდა განთქმული, მასთან პაექრობას ვერავინ ბედავდა; ჩვიდმეტი საზი ჰქონია პაექრობაში მოპოვებული და დამონებული ამ საზის პატრონი აშულები. ბოლოს თურქეთშიც გადასულა და ყველგან გამარჯვება მოუპოვებია. თან იქ ამ საქმეში, ვისთანაც შეგირდად იყო თავის დროზე, იმ კაცისთვის შეუბედავს და უთხოვია, ეგვიპტეში რომ ყველაზე განთქმული აშულია, იქნებ იმას როგორმე შემახვედროო. დიდი ყოყმანის შემდეგ დაუთანხმებია და წერილიც გაუტანებია ვილაცა დიდებულთან და ლუკაც (შივლაც) წასულა ეგვიპტეში...

იქაურ დიდებულს დიდი პატივით მიუღია შივლა და ერთი კვირის შემდეგ გამოუცხადებია საგანგებო პაექრობა, რამეთუ ეს დიდებული დარწმუნებულა შივლას ნიჭსა და დიდ ოსტატობაში.

დიდძალი ხალხი მოსძალებია ამ პაექრობას. უპირატესობა ვერცერთ აშულს ვერ მოუპოვებია. ბოლოს იმ დიდებულისთვის უთხოვია, ხალხს რაიმე პირობა წაეყენებინა მომღერლებისათვის, რათა გამოვლენილიყო გამარჯვებული; ბევრი ფიქ-

რის შემდეგ ამ დიდებულს ასეთი პირობა წაუყენებია: სიმღერა ეთქვათ ისეთი სიტყვებით, სადაც ბაგებაგეს არ დაედებოდა. „ბაგედაუდებელი“, ჰქვია ამ სიმღერას, შოთა ლომსაძემ გამოაქვეყნა ამას წინათ ეს ლექსი წიგნში „მესხები“. ასე რომ პაპაშენიც ხშირად მღეროდა ამ სიმღერას. აქ კი შივლას გაუმარჯვინა. არაბი დამარცხებულა. შურით ავსებულა და გადაუწყვეტია შივლას მოკვლა. ამ დიდებულს ამის შესახებ თავისი ხალხის მეშვეობით გაუგია და შივლა თავისთან დაუპატივნია სახლში ლამის გასათევად. თვითონ კი სამი დღის შემდეგ წარმოდგენა დაუნიშნავს, სადაც შივლას ვითომ უნდა ემღერა.

მთელი ღამე ცალკე სენაკში გამოკეტილები იხდნენ შივლა და ის დიდებული. მას გადმოუცია ეს საიდუმლო ერეკლე მეფესა და მამლუქებთან დაკავშირებით, რაც მოგიყვი, და თან ხიზაბერაში იმ საფლავის მოვლა-მონახულება უთხოვია შივლასთვის. „მე ორჯერ ვიყავი პაპაჩემის საფლავზე და ახლა ღრმად მოხუცებული იქ ალბათ ვეღარ ჩავალ და შენს სინდისზე იყოს პაპაჩემის საფლავის მოვლის საქმე“. საკმაოდ ფული მიუცია შივლასათვის და სამი საუკეთესო ცხენი და ერთი კაციც თან გამოუყოლებია მეგზურად და უთქვამს: „ახლა წადი, რადგან შენს წასვლას ახლა აქ არავინ ელოდება და სამ დღეში სამშვიდობოს გახვალ, ვიდრე ესენი გაიგებენ შენს გაუჩინარებას. თუ არა, ჩემი კაცებისგან ვიცი, იმ აშულის ასე გაბითურება ძვირად დაგიჯდება, შენი მოკვლა აქეთ განზრახულიო“.

შივლა იქედან პირდაპირ ზედა თოგვეში ჩამოსულა თავის სიძესთან, ანუ ლუკა პაპასთან. სანამ პტენაში ავიდოდა, თავისი სიძე შემოუსვამს ერთ-ერთ ცხენზე, მეორეზე ზედა თოგველი მღვდელი და ხიზაბერაში ასულან, აი, ამ საფლავზე. ჯერ პანაშვიდი გადაუხდიათ, მერე გაუნმენდიათ და მოუწესრიგებიათ გარშემო და იმის შემდეგ ჩვენ კი ვეღარ მოვუარეთ. საფლავის ქვა ამ უჯიშობება კაცს გულიდან ააცალეს და სადღაც კედელში ჩააყოლეს...

— კი მაგრამ, მამი, აქამდე რატომ არაფერი გითქვამს ჩვენთვის ამის შესახებ, არც შენ და არც პაპას, ხალხმა თუ იცის რამე ლუკა პაპას (შივლას) ჩამოტანილ ამ საოცარ ამბავზე? — ვკითხე ბოლმისაგან დამზრჩავლამ და აღელვებულმა მამას.

— ვისთვის მომეყოლა, შვილო, ან რა მომეყოლა, რუსები მამაძაღლები არიანო?! წარმოგიდგენია, რას გვიზამდნენ ყველას? — მე ვდუმდი, მამა მართალი იყო.

საკმაოდ დაღამდა კიდევ, როცა მამაჩემი ვილაცის სახლში შემიძღვა სოფელ საროში, წამსვე სუფრა გაიშალა, თითქო მთელი დღე ჩვენ გველოდნენო. მე ერთი ლუკმაც არ გამიღეჭია, გახვეებული ვიჯექი, ნათქვამმა მაგიურად იმოქმედა ჩემზე. ბოლოს, თითქოს ბურანიდან გამოვერკვიე, ყველასგან დაუკითხავად ჭიქა ღვინო ავნიე და ავდექი. დიდხანს ვიდექი ხმაამოუღებლად, მერე იმ უსახელოს — ქიზიყელის — სადღეგრძელო ვთქვი, საკმაოდ ამაღელვებელი და გრძელი სიტყვა, და მამაჩემის აცრემლებულ თვალებს რომ წავაწყდი, იქვე ასე, თორმეტი წლის ბიჭს, ჩემ გვერდით რომ იჯდა, ხელი მოვხვიე და მეც თვალები ამინყლიანდა. დიდხანს ვკოცნიდი თავზე გაოგნებულ ყმანვილს, მალე ჩემი ძმაც მოვიდა მანქანით წასაყვანად ... ასე დავტოვეთ მასპინძლები გაოგნებული ჩემი ქცევით და მას შემდეგ სულ ვცდილობდი ეს ამბავი ქართველი ხალხისთვის მიმენვდინა, ვიდრე დღემდე.

ბოლოთქმა:

2015 წლის 20 აპრილს სრულდება 245 წელი ასპინძის ომიდან. დღემდე არავის შეუფასებია ასპინძის ომის მნიშვნელობა სამცხე-ჯავახეთისთვის, რომ მას მოჰყვა გამუსულმანება და შემდეგ ეს ხალხი — 16 ათასი ოჯახი (მამინ ერთ ოჯახში 25-35 სული ცხოვრობდა) გასახლეს ოსმალეთში, ისე, რომ ხელი არ ახლეს იქ მცხოვრებ ეთნიკურ თურქებს და მათ ადგილზე ჩამოასახლეს გათათრებული სომხები — დაშნაკები ისტორიის გაყალბება ჩვენთვის ხელით ხდებოდა და ხდება ჩვენდა საზიანოდ!!

როსტომ ჩხეიძე

ქველი ხიბულას საიდუმლოება

III.

— რა იყო, ბიჭო, სახლიდან მაგდებ?

ზვიად გამსახურდია ილიმება, მაგრამ იმხელა სევდაა ამ ღიმილში!..

გავიღ-გამოვიღის. შედგება. ჯონსონ კვარაცხელიას შემოხედავს. იმან არ იცის, როგორ მოიქცეს. უხერხულად იმ-მუშნება. ჩაახველებს. „მე რა... თქვენ როგორც გადანყვევით, თორემ... მე რა...“ — ბურტყუნებს.

სახლთან „ვოლგა“ მომდგარი და ზვიადს აჩქარებენ, უფრო საიმედო ადგილი მოგინახეთ თავის შესაფარებლად და აქ დიდხანს ნულა დაეყოვნდებით, მგონი სუნი იკრეს და ნუთინუთზე აქ გაჩნდნენო.

მაგდებ, ბიჭო?..

მასპინძელზე რომ იყოს დამოკიდებული, დაე მოესვენა, ვიდრე მობეზრდებოდა დამხოზილ პრეზიდენტს, დამხოზას რომ აღიარებდა, მაგრამ პრეზიდენტის სახელის აყრას — არაფრისდიდებით. „დროებითიაო“, თავს ინუგეშებდა და კვლავინდებურად ასდევდა იმედსა და ოცნებას: ისე როგორ ჩავალ სამარეში, ქვეყანას თავისი ნამდვილი სახე არ დავუბრუნო და ძღვევამოსილ სახელმწიფოდ არ გადავაქციო, კავკასიური ერთიანობის წინამძღოლად და დულაბად, მერე აღარც ჩვენ რომ გავგიჟებდებოდა აღარაფერი და აღარც მთელს კავკასიასო.

აგერ ჯიხაშკარშიც მოეთქვა სული, გატანჯული და განამებული, ვინ იცის, წინ კიდევ რამდენი განსაცდელი ელოდა... თუმც რალაცას კი უგრძობდა გული... იცოდა კიდევ, როგორ არა, თავს არ უტყდებოდა, თორემ წინასწარ ჭვრეტდა გარდუვალ ხიფათს და ამიტომაცაა, ადვილად რომ არ ასწრაფდებოდა და შეეცდებოდა, რაც შეიძლება გაეჭიანურებინა აქ ყოფნის ნუთები.

წინათგრძობა ამცნობდა, რომ ჯიხაშკარს სამუდამოდ გადაეჯაჭვებოდა მისი სახელი, ცოცხალს რომ აღარ მოუნეგდა აქ მობრუნება.

და ის თითქოსდა გაცილებით სანდო და საიმედო სახლი ძველ ხიბულაში საბედისწეროდ გადაექცეოდა.

ეგებ წინათგრძობას მინდობოდა და, თუ აქაურობა მაინც უნდა დაეტოვებინა, სადმე სხვაგან ეძებნა თავშესაფარი... მაგრამ ამ უეცარი გადანყვევითებით თანმხლებთ დაახნევედა, თორემ ბედისწერას როგორ აუბნევდა თავგზას.

ილიმებოდა ზვიად გამსახურდია — შენ შენი და მე ჩემიო, — და ბარემ საბოლოოდ შესჯახებოდა ბედის განაჩენს, ღიმილიანი, თითქოს უნაღველი სახით, რაღაც უჩვეულოდ რომ გადაცისკროვნებულიყო, აჰადა ახალ სინამდვილეში უნდა შეაბიჯოსო — თან რომ გაფრთხობს და თან ისე მაცთურად გადაშლილა, ძნელია გამოერიდო და ახლავე არა სცადო შიგნით შეღწევა, ბედისწერის საუფლოში.

მაგდებ, ბიჭო?..

ჯონსონ კვარაცხელიას 21 წელი რუსეთში გაეტარებინა — შახტაში მუშად. საქართველოში 1980 წელს დაბრუნდებოდა და კომუნისტურ პარტიას რომ გაერიდებოდა, არც ეროვნულ მოძრაობასთან ექნებოდა რაიმე საერთო — არც დისიდენტობის არსებობის უამს და არც მაშინ, ეს მოძრაობა იატაკქვეშეთიდან რომ ამოვიდოდა.

მისი თანაკლასელი გუჯუჯი ებრალიძე კი ჩაერთვოდა ეროვნულ მოძრაობაში, მაგრამ ეს ამ საზოგადოებრივ-პოლიტიკური მოვლენების შორიდან ყურებას დასჯერდებოდა.

* გაგრძელება. იხ. „ჩვენი მწერლობა“ №7

არ იყო მისი საქმე თუნდ სიახლოვეს ეტრიალა პროტესტანტებისა, რომელნიც სულ უფრო მოიკრებდნენ ძალას, უზომოდ გაბევრდებოდნენ და... კიდევ მიიღებდნენ მონაწილეობას კომუნისტური მმართველობის დამხობაში.

ბედისწერის თამაში მაინც რა არის: მაინცდამაინც ამ განზე მდგომ კაცს ამოაყოფინებდა თავს ყველაზე მწვავე ამბების შუაგულში, ზვიად გამსახურდია თავის მონამებრივ ასასარულს რომ უახლოვდებოდა.

სწორედ გუჯუჯი ებრალიძე უნდა სტუმრებოდა და ეთხოვა, იქნებ რამდენიმე დღით შეიკედლო დევნილი პრეზიდენტიო.

— შინ მარტო ვარ და არ გამოძინდება მისი მასპინძლობა.

ხაზს გაუსვამდა ამ მარტო ყოფნას, რადგანაც ოჯახის შინ ყოფნის შემთხვევაში, ეტყობა, მოერიდებოდა მათ გახვევას შარში. თავს მაინცდამაინც არ ინაღვლებდა, ოღონდ თანაკლასელობისა და პირადი ურთიერთობის სათრით და არა პრეზიდენტისადმი განსაკუთრებული პატივისცემითა თუ კრძალვით.

და ისე დახვედებოდა, როგორც ჩვეულებრივ სტუმარს — მასაც ელა მის გარემოცვასაც: რობინზონ მარგველანს, ბაჩუკი გვანცელაძეს, ბესარიონ გუგუშვილსა და გოჩას, რომლის გვარიც ვერ მოეგონებინა 1999 წლის 12 თებერვლის ჩვენებაში, მაგრამ 2010 წლის 27 მაისის გამოკითხვისას ამასაც გაიხსენებდა: კეკელიძეო, — და ისეთ დეტალებსაც, რაც პირველი ჩვენებისას მხედველობის მიღმა დარჩენოდა მასაც და გამოძიებასაც.

დააზუსტებდა, რომ გუჯუჯი ებრალიძესთან ის შეთანხმება მომხდარიყო 1993 წლის 20 დეკემბერს, პრეზიდენტს კი მის თანმხლებ პირებთან ერთად 22 დეკემბრის დაახლოებით 5-6 საათისათვის მიიყვანდა მასთან ვახტანგ ზარანდია თავისი მანქანით.

გუჯუჯი მასპინძელთან ერთად შეეგებებოდა სტუმრებს.

იმ დღეებში, რასაც ზვიადი და მისი თანმხლებნი ამ სახლში დაჰყოფდნენ, აკითხავდნენ ვახტანგი და გუჯუჯი, ვიდრე ჯერ ვახტანგ ზარანდიას დააკავებდნენ — თუ თავისი ნებით ჩაბარდებოდა — სამართალდამცავი ორგანოები და შემდეგ გუჯუჯი ებრალიძესაც. იმასაც დააკავებდნენ თუ... ნებით ეახლებოდათ? ასეა თუ ისე, დაკავებისთანავე ჩაერეოდა მისი მეზობელი გია მხეიძე, აფხაზეთის უშიშროების თანამშრომელი, გამაომაგებინებდა და თავის სახლში წაიყვანდა.

ამის შემდეგ ჯონსონ კვარაცხელიას მიადგებოდა:

— პრეზიდენტი აქ არის?

ესაუბრებოდა ზვიადს და ამ ყოველივეს უამბობდა.

ძმები ანატოლი და ზაურ ჩუხუბიძეც ესტუმრებოდნენ მურმან ჯიქიასთან ერთად, და თუმც მასპინძელი მოერიდებოდა მათ შინ შემოყვანას, ზაური აგრძობინებდა, რომ ისიც განდობილი იყო:

— მე ვიცი, შინ ვინც ცყავს, და თუ რამე დაგჭირდეთ, ჩვენ აქ ვართ.

მერე პრეზიდენტთან საუბარსაც მოახერხებდა.

ის ორი დაკავება ვითომ ასე ადვილად ჩაივლიდა დევნილთათვის?

ხომ არ ნიშნავდა, რომ აქაც ამოაკითხავდნენ?

ძმები გამობრუნდებოდნენ ჭაქეინჯში და ამ სოფელსა და ხიბულას საზღვარზე მცხოვრებ კარლო ლურნკაიას სთხოვდნენ, რამდენიმე დღით მიეღო ოთხი კაცი სტუმრად.

— ვინ არიან? — რა გასაკვირია, ცნობისნადილი გამოეჩინა მასპინძელს.

— პარლამენტარები, — ისე დაუმალავდნენ, თითქოს ის სტუმარს ვერ იცნობდა. ან ეგებ იმიტომაც არ გაუმხილეს, სხვა შესაძლო სახლებსაც გულისხმობდნენ და, თუკი იქიდან შეარჩევდნენ რომელიმეს, კარლოს რატომ სცოდნოდა, დევნილი პრეზიდენტი მასთანაც თუ უნდა ჩამუხლულიყო?..

უკვე 28 დეკემბერიც დამდგარიყო.

ჯონსონს არ აგონდებოდა პრეზიდენტის ფრაზებიდან?

თანმხლებთ რომ განუცხადებდა:

— არავითარ შემთხვევაში შეიარაღებული წინააღმდეგობის განწევას არ ვაპირებ.

ამათ სიცოცხლეს უფრთხილდებოდა.

თუკი ალყაში მოიმწყვდედნენ, მისი დაცვის წევრებს იარაღი უნდა დაეყარათ და ამის ნებართვას პრეზიდენტი წინასწარვე აძლევდათ, რათა იმათ საშუალება არ მისცემოდათ ემტკიცებინათ: ორმხრივი სროლისას შემოგვაკვდნენ, თორემ მათ დახოცვას არავინ აპირებდაო.

6 საათი მოანვედა.

მაგდებ, ბიჭო?..

— სახლი სულ არ მჭირდება, თქვენ გკონდეთ, — აილენებოდა ჯონსონი.

მაგრამ ჯაშუშებისა მასაც ისევე ეფიქრებოდა, როგორც პრეზიდენტს.

მინდორში ხალხი მიმოდიოდა.

ვითომ ყველა თავთავის საქმეზე?

ან ნეტა ვიღას ნდობა შეიძლებოდა, ან უშუალო გარემოცვიდან?.. ანდა ვისაც უნდა მოეკითხა და სადაც უნდა წაეყვანათ. განა როდემდე უნდა გაგრძელებულიყო ეს ბრუნვა-ტრი-ალი სამეგრელოს ტყეებსა და სოფლებში?..

ზვიად გამსახურდია მოწესრიგდებოდა და ჩავიდოდა. გაუპარსავი კი იქნებოდა, მაგრამ წვერი ძალიანაც არ მოშვებულყო.

— კოლიტი მაქვს, — შესჩვილებდა მასპინძელს. ამასაც იმიტომ, რომ ხორცეულს ერიდებოდა და ხშირად ითხოვდა მანრის. დაცვის წევრებიც თავშეკავებით იქცეოდნენ და სმი-თაც საკმაოდ ზომიერად დალევდნენ.

ზაურ ჩუხუა რომ მოაკითხავდათ, აცნობებდათ: ჩემი ძმა სასაფლაოსთან გველოდებო. და მასპინძელს ყოყმანს რომ დაატყობდა, გაეშვა თუ არა მასთან ერთად პრეზიდენტი, ის ისეთ არგუმენტს მოიყვანდა, განიარაღებული რჩებოდი, ის კი არა, კიდევ ააჩქარებდი სტუმარს: არიქა, დროზეო.

— გუჯუჯი ებრალები გამომგზავნა, ეს ადგილი გაცემუ-ლია და პრეზიდენტი უნდა გავიდეს აქედან.

და ჯონსონს მწარედ წამოაგონდებოდა, პურის საყიდლად ჩასულს როგორ ეტყოდა გუჯუჯის ნათესავი: მომილოცავს, სტუმრები გყოლიაო. ძალიანაც არ უნდოდა ყურადღება მიექცია ამ სიტყვებისათვის, მაგრამ თავის მოტყუებითაც რა გამოვიდოდა... და აგერ ზაურიც უდასტურებდა: გაცემულია პრეზიდენტის ადგილსამყოფელიო.

ზვიადი მაინც ფეხს ითრევდა და ზაურ ჩუხუა ლაქუცს და-ინყებდა: ასეო, ისეო, სხვაგვარად არაფერი გამოვაო, ისეთი ადგილი მოვნახე, კაციშვილი ახლო არ ცხოვრობს და შეძ-ლებთ გარკვეული დროით გარეთ გამოსვლასო.

აბა, სულ ოთახში გამოკეტული ხომ არ იქნებოდნენ.

ჯონსონი შვებით ამოისუნთქებდა: მე თუ ვერ შევუქმენი საუკეთესო პირობები სახლის ადგილმდებარეობის გამო, აგერ უკეთესი სამყოფელი ხომ მაინც გამოუჩნდა, ბოლოსდა-ბოლოს მცირე ხნით მაინცო.

მხოლოდ მოგვიანებით უნდა შეეტყო, რომ... დიდად სა-ხარბიელო ადგილას არ მდგარიყო ის თითქოსდა უფრო საი-მედო სახლი — ქუჩაში ყოფილა გამომდგარი: წინ მეზობელი, გვერდითაც მეზობელი.

ზაური წინ რომ დააპირებდა გაძლოლას და პრეზიდენტის დაცვის წევრებიც გაემზადებოდნენ, ის შეაჩერებდათ:

— სანდო ადგილი კი არის, მაგრამ იქ მხოლოდ ოთხი ადა-მიანი დაეტევა.

— აბა, მაშ?..

გადაწყდებოდა, რომ ზვიადს თან ხლებოდნენ ბესარიონ გუგუშვილი და დაცვის მხოლოდ ორი წევრი, თუმცა განა რა აუცილებელი იყო პრემიერ-მინისტრის თან წაყოლა, განა არა სჯობდა, პრეზიდენტს სამი დამცველი გაჰყოლოდა და ბესარიონ გუგუშვილთან ერთი დარჩენილიყო? ეს რა ხდებო-და — ისედაც შემცირებული დაცვა მთლად ორ კაცამდე იკვე-ცებოდა ასე უეტრად და სახელდახელოდ?

ზვიად გამსახურდია დიდად აღარ გამოიდებდა თავს. და ზაზა ბურჯანაძე და გოჩა კეკელიძე რომ აფორიაქდებოდნენ,

ჩვენ რატომ გადაგვინყვიტეს აქ დარჩენაო, ისევ პრეზიდენტი დაამშვიდებდათ:

— ხვალ ამოვლენ და თქვენც წაგიყვანენ!..

„განა რა სახლია ასეთი პატარა?.. ცოტა უფრო მოზრდილი აღარ მოიძებნება ამ არემარეზე?..“

წინ მიუძლოდათ ზაურ ჩუხუა, ზვიადს ჯერ კიდევ იმ დროი-დან რომ იცნობდა, როდესაც მისი უმცროსი ვაჟი მერაბი ეროვნული მოძრაობის აქტიური წევრი გახდებოდა და ერ-თხელ ზვიადს კიდევ მოუხდებოდა მათ ოჯახში სტუმრობა, ეს მაშინ, ვიდრე პრეზიდენტი შეიქნებოდა. ძმას რატომღა გარეე-და ამ ფარულ მგზავრობაში? ადრე ზუგდიდში ცხოვრობდა და ამ ადგილებს მაინცდამაინც კარგად არ იცნობდა. და სხვა რომ არაფერი, ჯერ მარტო შეუფერხებელი მიმოსვლისათვის უნდა განდობოდა ვინმეს. და ძმაზე უკეთესს ვის გაენდობოდა.

პირველად რომ მიაკითხავდა ზვიადს და ადგილის შეცვ-ლას შესთავაზებდა, ის უარს განუცხადებდა:

— სოფელი ალყაშია მოქცეული და აქედან ვერ წავალ.

როდესაც გარეთ გამოვიდოდა, ზვიადის დაცვის წევრთა-გან რობინზონ მარგველანი და ბაჩუკი გვანცელაძე შეეხვეწე-ბოდნენ: პრეზიდენტი მაინც წაიყვანეთ, — და ეს პასუხად:

— არავითარი პრობლემა არ არის. სანდო ოჯახთან უკვე შეთანხმებული ვარ და, თუ მოისურვებთ, ყველას ერთად მო-გათავსებთო...

ყველას ერთადო...

მაგრამ ზვიადი რომ ჯიხაშკარიდან წასვლას არ აპირებდა?!

და ზაურ ჩუხუა შინ განბილებული რომ დაბრუნდებოდა, მე-ორე თუ მესამე დღეს მიადგებოდა ერთი პიროვნება, რომელსაც შორიდან იცნობდა და იცოდა, რომ ეროვნულ მოძრაობაში იყო ჩაბმული და პატიოსანი კაცის სახელი ჰქონდა, და ის ამცნობდა:

— პრეზიდენტი თანახმაა საცხოვრებელი ადგილის შეცვ-ლაზე.

ეს ის კაცი გახლდათ, პირველად რამდენიმე დღის წინათ რომ გამოჩნდებოდა და განუცხადებდა: ზვიად გამსახურდია ცუდადაა და შენი ნახვა სურსო.

და აგერ უკვე კიდევ ჩაისვამდა მანქანაში ბესარიონ გუ-გუშვილთან, რობინზონ მარგველანსა და ბაჩუკი გვანცელა-ძესთან ერთად და... ჯონსონის სახლში კი დატოვებდა ორ აფორიაქებულ ბიჭს: რა არის ეს, რა გამოვიდა, თუ ხვალ შეიძ-ლება მივიდეთ, დღეს ვითომ რა არის ამისთანაო.

ჯონსონ კვარაცხელიასა და კარლო ლურწკაიას სახლებს შორის ოცი წუთის სავალი იყო მანქანით, მეტი კი არა.

მაგრამ იმ სახლში ამდენი ადამიანი თუ ვერ მოთავსდებოდა?

თუმცა... ხვალ თუკი მოთავსდებოდნენ?

„ხვალ“, რომ აიმედებდათ პრეზიდენტი, ეს დავალებას უდ-რიდა ზაურ ჩუხუას მიმართ. ხვალეს არ უნდა გადასცილობდა.

— რა იყო, ბიჭო, სახლიდან მაგდებ?

ის ფრანზ ტრიალებდა გაყინულ ჰაერში, და კიდევ ეს:

— ხვალ ამოვლენ და თქვენც წაგიყვანენ.

გოჩა კეკელიძეს ავლანეთში ბრძოლის გამოცდილება ჰქონდა 1980-82 წლებში და, როგორც ავლანელი, ეროვნულ მოძრაობაში ჩაბმის შემდეგ, მონაწილეობას მიიღებდა სამა-ჩაბლოში დატრიალებულ მწვავე მოვლენებში, ეთნოკონფ-ლიქტად რომ სახავდა რუსული პროპაგანდა. ვიდრე ზვიად გამსახურდიას ჯერაც დისიდენტი ერქვა, მის გვერდით იდგე-ბოდა, ხოლო როდესაც იგი უზენაესი საბჭოს თავმჯდომარე და მერე სულაც პრეზიდენტი გახდებოდა, ეს უკვე მისი პირა-დი დაცვის წევრად გაფორმდებოდა.

1991 წლის ნოემბრის შუა რიცხვებიდან, ვითარება სულ უფრო და უფრო რომ იძაბებოდა, დაცვის უფროსი მას გაგ-ზავნიდა კოლხურ კოშკში, სადაც იმყოფებოდა პრეზიდენტის ცოლ-შვილი.

1992 წლის 6 იანვარს კოლხურ კოშკში მათ წასაყვანად ავიდოდა ერთი „ბეტეერი“ და ერთიც „ბერდეეში“ გვარდიელ-თა თანხლებით.

ამათ უნდა ეპატრონათ დევნილების გზაზე დამდგარი პრეზიდენტის ოჯახის წევრებისა და სხვა პირთათვის. მთავრობის სასახლის ეზოში რომ შევიდოდნენ, იქ უკვე მიმდინარეობდა მზადება სასახლის დასატოვებლად.

პრეზიდენტი მიუახლოვდებოდა ამათ მანქანას და მეუღლეს მიმართავდა:

— რუსია ჩარეული ამ თავდასხმაში და ბევრი ხალხი რომ არ დაიღუპოს, გადავწყვიტეთ, დავტოვოთ აქაურობა.

მიუხედავად სროლებისა — უვნებლად გასვლას რომ დაპირდებოდნენ პუტჩისტები და... პირს უშლიდნენ და ზვიად გამსახურდიასა და მისი გარემოცვის ერთიანად გაუფუფვას შეეცდებოდნენ — ესენი გააღწევდნენ აზერბაიჯანში, ქალაქ განჯისაკენ, საბედისწეროდ, ტრაგიკულად რომ აღბეჭდილიყო ჩვენს ისტორიულ მესხიერებაში ნიკოლოზ ბარათაშვილის აღსასრულის გამოისობითა და ახლა კიდევ ერთხელაც უნდა გაეღვავა.

გორა კეკელიძისათვის უცნობი დარჩებოდა, რას გამოენჯია მიმართულების შეცვლა, უეცრად სომხეთისაკენ რომ გასწვდნენ და ქალაქ იჯევანში დაყოვნდებოდნენ ორ კვირას. რა დაავიწყებდა იჯევანში გამორჩენას ჯოჰარ დუდაევის დაცვის უფროსის აბუ არსანუკაევისა.

ერევის აეროპორტიდან, სადაც იდგა ჩვენი თვითმფრინავი „ტუ-134“ ეკიპაჟთან ერთად, რომელსაც მეთაურობდა ზაურ ბედი, დაახლოებით 40 კაცი და პრეზიდენტის ოჯახის წევრები ჩასხდებოდნენ თვითმფრინავში და იმავე ღამეს ჩაფრინდებოდნენ გროზნოში.

ჯოჰარ დუდაევი ზვიად გამსახურდიას დედაქალაქის ცენტრში, ჩეხოვის ქუჩაზე გამოუყოფდა რეზიდენციას.

გორა კეკელიძე 1993 წლის აპრილში გადმოვიდოდა ზუგდიდში, სადაც დახვდებოდნენ პრეზიდენტის დაცვის ბიჭები.

რა დავალებას ასრულებდნენ?
— ვიცავდით მოსახლეობას ბანდებისაგან.

პრეზიდენტი წამდაუნუმ შემოთვლიდა:
— ღირს თუ არა ჩამოსვლა საქართველოში?

სული უკანკანებდა, უსწრებდა სული, ვედარ მოეთმინა, თვითული დღე საუკუნედ ეჩვენებოდა და უკვირდა: საუკუნეებით რატომ ჩავრჩი ამ გადაკარგულში.

— ჯერჯერობით არ არის მიზანშეწონილი!..
ეს ერთიდაიგივე პასუხი ესმოდა, თითქოს ფირი გაჭედულიყო მაგნიტოფონში.

— ღირს თუ არა ჩამოსვლა საქართველოში?
დეპუტატები (კანონიერნი!) აგულიანებდნენ, ღირს, როგორ არა, თქვენი გამოჩენა აკლია და დაიწყება ტრიუმფალური სვლა თბილისისკენ. და ეს ურთიერთგამომრიცხავი ცნობები რომ აბნევედა და უკიდურესად აფორიაქებდა, დეპუტატები ძალიან ასწრაფდებოდნენ და ივნის-ივლისში ზუგდიდში გამართავდნენ უზენაესი საბჭოს სესიას (კანონიერს!), რომელიც გამოიტანდა დადგენილებას საქართველოში პრეზიდენტის დაბრუნების შესახებ.

უკვე მოითხოვდნენ.
ის ნარზე იჯდა და...

უშუალო გარემოცვას თავისი დაეჭინებინა: სულაც არ არის შესაფერისი ვითარება დასაბრუნებლად, მაგრამ...

აგერ თუნდაც ის ეპიზოდი:

ელიზბარ ჯაველიძეს ეროვნული მოძრაობის ერთი ჯგუფი ესტუმრებოდა. მათ ვინაობას არ გაამჟღავნებდა მემუარებში „დღეთა კარებთან ვდგავარ ნუხილით“, ზოგადად კი მოიხსენიებდა ისეთ პიროვნებებზე, რომელთა ერთგულებასა და პატიოსნებაშიც ეჭვი არ ეპარებოდა. და მათგან უხნესი მიმართავდა: ჩვენი ბრძოლა ისეთ ფაზაში შევიდა, რომ სასურველი და საჭიროც არის პრეზიდენტის აქ ყოფნა და უშუალო ხელმძღვანელობა.

მისგან რას ითხოვდნენ?
— ჩვენ გვსურს, რომ შენ ჩაფრინდე გროზნოში... პრეზიდენტი შენ გენდობა და დაგიჯერებს, რომ სასწრაფოდ ჩამო-



მხატვარი ინა ქელიძე

ვიდეს ზუგდიდში. მისი გამოჩენა ისედაც აზვირთებული ხალხის შემართებას გააათმაგებს.

მასპინძელი შეცბუნდებოდა. მართალია, ნრფელი იყო იმ ოთხეულის სურვილი, მაგრამ რა შედეგს გამოიღებდა მათი თხოვნის შესრულება?! და თუ ერთხანს იყურებდა, ისეც ამ პიროვნებებისადმი პატივისცემის გამო, ადვილად რომ ვერ განუცხადებდათ უარს, თორემ ამღვრეულ რეალობაში ღრმად ჩახედვა ისედაც კარნახობდა, რომ ზვიად გამსახურდიას ჩამოსვლა არაფრისიდეებით არ იქნებოდა სასიკეთო პირადად პრეზიდენტისათვის. მისი გამოჩენა მოსახლეობის შემართებას მართლაც რომ გააათმაგებდა, რად უნდა ლაპარაკი, მაგრამ ეს — თავიდან!.. განა როდემდე გაძლებდნენ მემამობენი იმ სამთავრობო ჯარის წინააღმდეგ, რომელთა უკანაც რუსეთის იმპერია აღმართულიყო, დასავლეთს კი ხელები დაებანა და რუსეთისათვის მიენდო საქართველოს დამოუკიდებლობის ამომგების ბედი.

ზვიად გამსახურდია დინების საწინააღმდეგოდ მიცურავსო. განაჩენი გამოტანილიყო.

ეს ის მწარე რეალობა გახლდათ, რომლის დამალვაც არ ეგებოდა და ელიზბარ ჯაველიძე ასეც მოახსენებდა იმ გულანთებულ ადამიანებს, არის ერთი გარემოება, რასაც ვალდებული ვარ ანგარიში გაუწიო:

— მას რომ რამე დაემართოს, ომია და ყველაფერია მოსალოდნელი. მარა პასუხი გავცე ქართველ ხალხს და შთამომავლობას, რა პირით იცხოვროს ჩემმა ნაშიერმა საქართველოში?!

იგრძნობდნენ, ეს ისეთი მტკიცედ ჩამოყალიბებული შეხედულება და პოზიციია, კამათსა და გადარწმუნებას აზრი არა აქვსო. და ნირნამხდრები გამოემშვიდობებოდნენ.

ელიზბარს თან ახარებდა ის განწყობილება, ხალხს სულ ზეცისაკენ რომ ჰქონდა მიპყრობილი მზერა და, რამდენი ლაინერიც გადაიფრენდა ზუგდიდის თავზე, მაშინვე იმედის ნაპერსკალით აუკიაფდებოდათ თვალეებში: ეს ნამდვილად ზვიად გამსახურდია მოფრინავს. ახლა კი გვეშველება ჩვენც და მთელს საქართველოსაცო... — მაგრამ თან ძალიან აფიქრებდა მოსალოდნელი საფრთხე.

„საბედისწეროდ არ გაუხდეს ჩამოსვლა!..“

და თავს ინუგეშებდა: ეს, აბა, რანაირად მოხდება, თვითონაც რომ მოინდომოს, ურჩევნ, რომ მომავლისათვის გადადოს სამშობლოში დაბრუნება, უფრო შესაფერისი დროისთვისო.

მაგრამ, აი, მრჩეველნი... იქაც... აქედანაც...

სესიის დადგენილებაზე უფრო მკვეთრი ხელის აქნევაც რაღა უნდა ყოფილიყო ნარზე მჯდომისათვის.

და აი, 24 სექტემბერი უნდა გამხდარიყო მისი სამთვიანი მარტილობის დასაწყისი, ჯერჯერობით რეალობას დრამატულობისა რომ არაფერი ეტყობოდა.

ქუჩაში უამრავი ადამიანი რომ შეიკრიბებოდა, პრეზიდენტი წარუდგებოდათ და მოკლე სიტყვით მიმართავდათ... ხოლო აღელვებული და აღტაცებული ხალხი თანდათან რომ დაიშლებოდა, პრეზიდენტი და მისი თანმხლებნი, 15-20 კაცი, ერთ მშვენიერ ოჯახს ვახშმად ეწვეოდნენ. თამადად თვითონ ზვიადი დადგებოდა და, რა გასაკვირია, რაღაც წარმოუდგენელი შემართებით რომ გაძლოდა სუფრას, ელიზბარ ჯაველიძის ავტობიოგრაფიული რომანი რასაც გვიდასტურებს: ეს იყო თავის ერს დანატრებული, უცხოეთში იძულებით გადახვეწილი და თითქოს ტყვეობიდან თავდახსნილი ადამიანის აღტკინება, ეს იყო მინის ყივილით „დაავადებული“, მამულზე თავდავიწყებით შეყვარებული ადამიანის სიხარული...

შეეცდებოდა იმ ნადიმის აღწერას, მაგრამ... ხელს ჩაიქვევდა, რაც შეუძლებელია, შეუძლებელიაო.

საუკეთესო თამადად შესწრებოდა, თვითონ ზვიადის თამადაობითაც არაერთხელ მოხიბლულიყო, მაგრამ იმ საღამოს ის მართლაც განუმეორებელი იქნებოდა: ნყობილი სიტყვით, საოცარი აზრით დატვირთული სადღეგრძელოებით, პატარა და დიდი სასმისებისა თუ ყანების მონაცვლეობით, ლექსთა დეკლამაციით, სიმღერით, ნატიფი იუმორითა და, რაც მთავარია, უშუალოდ და გულწრფელობით გამორჩეული.

მემუარისტის ხსოვნაში ეს სუფრა დარჩებოდა ლხინადაც და... გოდებადაც ქართველი ერის ანწყობა და მომავალზე, სულიერებასა და რწმენაზე, ზნეობასა და ტრადიციებზე.

— ეს იყო ეროვნული სულის საგალობელი, რომელიც შეზავებული იყო მწუხრისა და სიხარულის გადმომცემი ჰანგებით.

გამთენიისასლა დაიშლებოდნენ. მამალი რომ მესამედ იყვილებდა.

თითქოს სასხვათაშორისოდა ნახსენები მემუარებში მამლის მესამე ყივილი, ვითომდა დროის დაზუსტების მიზნით... მაგრამ ელიზბარ ჯაველიძემ ჩინებულად იცოდა, ამ „დეტალით“ რასაც მიანიშნებდა მკითხველს ისე გამჭვირვალედ, დიდი რამ ჩაკვირება რომ არც სჭირდებოდა.

ზვიად გამსახურდიას გამორჩენას ზუგდიდში მალევე უნდა მოჰყოლოდა მრავალათასიანი მიტინგიც, ილუზიის ყოვლისმომცველობის ხელშესახები დასტური, წამიერი მოღანდება პრეზიდენტის შეურყეველი ძალაუფლებისაც და იმ საქართველოსიც, ტაო-კლარჯეთისკენაც რომ გაიჭრებოდა და სოჭის მხარისკენაც, თორემ საინგილო რაღა სათქმელი გახლდათ... ცხინვალის ამოგებისთანავე რომ დაიწყებოდა დიპლომატიური ბრძოლა ამ ტერიტორიების დასაბრუნებლადაც...

ამ ილუზიისაგან, მასობრივი ფსიქოზისაგან ხუნტის ბანდები გამოაფხიზლებდნენ, სასტიკ დევნას რომ გამოუცხადებდნენ პრეზიდენტსაც და მის მომხრეთაც, მწარედ რომ აგებინებდნენ პასუხს, ვისაც მიწვდებოდნენ.

ზაზა ბურჯანაძემ იცოდა, რას გამოენივია ზვიად გამსახურდიას მარშრუტის შეცვლა იანვრის იმ ტკივილიანი დღის შემდეგ, თბილისიდან განდევნილ-გაქცეულნი აზერბაიჯანის მხარესთან შეთანხმებით მათ ტერიტორიაზე რომ გადავიდოდნენ, მაგრამ ზვიადი ტელეფონით რომ დაელაპარაკებოდა აზერბაიჯანის პრეზიდენტს, ის ურჩევდა, გაერიდე აქაურობას, თორემ რუსებმა თუ დაგაპატიმრეს, მე ვერას გიშველიო. იჯევანში ამიტომაც გაჩქარდებოდნენ და დაელოდებოდნენ ჯოჰარ დუდაევის ენერგიულ ჩარევას დევნილთა ბედში.

ხოლო ზუგდიდში უზენაესი საბჭო დადგენილებას რომ მიიღებდა, პრეზიდენტი საქართველოში უნდა დაბრუნდესო, არც ზაზა ყოფილა ამ მოსაზრების მომხრე და ამართლებდა ბესარიონ გუგუშვილის შენათვალს გროზნოში:

— ვითარება ჯერ სათანადოდ არ მომნივებულა!..

ახლა კი ჯონსონ კვარაცხელიას სახლში ერთმანეთის შემყურენი რომ დარჩენილიყვნენ ზაზა ბურჯანაძე და გორა კეკე-ნაძე: აქ რა გვინდა, პრეზიდენტს როგორ მოგვწყვიტესო, — ორივე ერთ ნალველს წაელო.

უზენაეს საბჭოს ზვიად გამსახურდიას დაბრუნების დადგენილება რომ გამოეტანა, მერე სხვათა მიერ სხვა კრებაც უნდა გამართულიყო და სხვა დადგენილებაც შემუშავებულიყო.

რაღა გურიის სოფელ ბახვის ფარული კრება საუკუნის დამდეგს და რაღა ეს ფარული თავყრილობა საუკუნის მინურულს სამეგრელოს სოფელ ოჩინარეში.

ბახვი რა შუაშია?

სადაური რა ხიდი გაიდება ოჩინარესთან?

ილია ჭავჭავაძის მოკვლის დადგენილებით რომ დაიშლებოდა ის კრება.

და აქ, ამჯერად?..

ზვიად გამსახურდიას მოკვლის დადგენილებით უნდა დაშლილიყო.

ესეც ის ხიდი ამ ორ სოფელს შორის.

ოჩინარეს კრება 1993 წლის ნოემბერში უნდა გამართულიყო. და ჰამლეტ გულორდავა მის მონაწილეთაგან ჩვენებაში მხოლოდ იმ პირთა ვინაობას გაამჟღავნებდა, რომელნიც ცოცხლები აღარ იყვნენ: ბადრი ზარანდია, ბესო ხარებავა და ზურაბ შონია (პუშკინა).

თვითონ კრებას არ ესწრებოდა, მაგრამ ყველა დეტალი შეტყობილი ჰქონდა, რადგანაც პუშკინაც მისი ძმაცაქცე გახლდათ და იქ მყოფი სხვა ადამიანებიც, და როდესაც დაინტერესდებოდა, ყველა ერთსა და იმავეს ეტყოდა:

— ხელის აწევით დავადასტურეთ თანხმობა პრეზიდენტის ლიკვიდაციასზე.

ორი სცენარი შემუშავდებოდა.

პირველს ვერტმფრენის სცენარს დაარქმევდნენ.

ვერტმფრენი გია გულუას უნდა მოეყვანა, ვითომდა პრეზიდენტის გადასაფრენად ჩეჩნეთში, მაგრამ რეალურად ის უნდა მომხდარიყო, რომ ეს ვერტმფრენი ჰაერში აფეთქებულიყო.

მეორე სცენარის მიხედვით, მუჟაჰაში, თენგიზ ქარდავასთან მყოფ პრეზიდენტზე უნდა განხორციელებულიყო თავდასხმა, ოღონდ არა მისი შეპყრობის, არამედ მოკვლის მიზნით.

ცოცხალი ზვიად გამსახურდია მე არ მჭირდება, — დაბარებული ჰქონდა ედუარდ შევარდნაძეს.

უფრო პირდაპირ ის არაფერს იტყოდა.

და აღარც გაიმეორებდა.

ეს გამჭვირვალე მინიშნება გახლდათ მისი დავალებაც, მოთხოვნაც, ბრძანებაც — ყველასათვის ადვილი მისახვედრი და გასაგები, ამ ბრძანებას რომ ვერ გადაუხვევდნენ და გაჭიანურებოდათ ვერ გააჭიანურებდნენ მის აღსრულებას, რადგანაც ამდენს აღარ მოითმენდა ხელისუფალი და მწარედ აზღვევინებდა მისი ბრძანების შეყოვნებას. ამათზე იყრიდა ჯავრს, ვიდრე დევნილ პრეზიდენტს მიწვდებოდა და... მერე კი კიდევ ამოისუნთქებდა შვებით.

ზვიადის დაპატიმრება სახიერო ვერ იქნებოდა მისი შემცველელისათვის პრეზიდენტის სავარძელში.

ვაითუ სასამართლო პროცესი პუტჩისტთა და გადატრიალების მთავარ ორგანიზატორთა სამსჯავროდ გადაექცია ბრალდებულს. და თუმცა ახალ ხელისუფალს იმედი ჰქონდა, რომ დასავლეთი კვლავაც ხელს დაიბანდა და „ირწმუნებოდა“ რუსულ ვერსიას, თითქოსდა საქართველოში დემოკრატიული აჯანყება მომხდარიყო, ზედმეტი გართულებანი ხელს არ აძლევდა ედუარდ შევარდნაძეს.

ხალხის მღელვარება კიდევ მღელვარებად.

და თუნდ სასამართლოს ციხეში გაეგზავნა დამხობილი პრეზიდენტი, მისი არსებობა — მითუმეტეს, მისი ამბავი რომ იცოდა, იქაც არ გაჩერდებოდა და საპროტესტო წერილს წერილზე დანერდა და სად აღარ გაგზავნიდა — სიცოცხლეს გაუმწარებდა ახალ ხელისუფალს.

ამიტომაც მხოლოდ ასე უნდა გადაწყვეტილიყო გადასაწყვეტი:

ცოცხალი ზვიად გამსახურდია მე არ მჭირდება.

დადგენილებას არაფრისდიდებით არ გამოიტანდა, განზე და შორს უნდა მდგარიყო ყოველივე ამისაგან. ასეთ დადგენილებებს ამჯერადაც სხვებს აპყვიდებდა და თბილისი კი არა, ოჩინბურე გამოცხადებოდა ისტორიაში ბახვის სულიერ მემკვიდრედ.

როდესაც ბადრი ლენინგრადიდან — იქ სწავლობდა — ზუგდიდში ჩამოვიდა 1992 წლის დეკემბერში, „მხედრიონის“ შემოსევის დროს, და დაინახა ის ქაოსი, რაც გარშემო იდგა, გადაწყვიტა ჩამდგარიყო ეროვნული მოძრაობის რიგებში, — მისი და გაისხენებდა, მარინა ზარანდია, 2010 წელს, — მას უზომოდ უყვარდა თავისი კუთხე. საქართველოს პირველმა პრეზიდენტმა ზვიად გამსახურდიამ დააფასა მისი დამსახურება და ზუგდიდის კომენდანტად დანიშნაო.

იმ წუთებში რას წარმოიდგენდა, რა საფრთხე შეიძლება დამუქრებოდა ამ საიმედოდ მიჩნეული კაცისაგან.

ამისთანა „საიმედო“ იმდენი დახვეწა გარშემო, თანდათან რომ ეცლებოდნენ და... ზოგი თავის გადარჩენისათვის ზრუნავდა გატრუნულ-გაყურებული და ზოგიც მდევნელთა მხარეს გადადიოდა და ამიტომაცაა, სულ უფრო რომ ვინროვდებოდა რკალი მის გარშემო.

კომენდატურაში ძმის გვერდით შემოკრებილ ადამიანთაგან ქალი გაიხსენებდა ოჩამჩირელ სლავა მინჯიას, ძმებ ბინაძეებს, ბეჟან წურნუმიას, ბესო იზორიას, ძმებს — გია და გოჩა სარიებს, ბესო ხარებავასა და ჰამლეტ გულორდავას.

— ამ ადამიანებთან ერთად ბადრი თავის საქმეს აკეთებდა და ჩვენი მათში ეჭვი არ გვეპარებოდა.

მაგრამ აი, დაემხობოდა ეროვნული ხელისუფლება და...

— ბადრისათვის ცნობილი გახდა, რომ მის რიგებში, კომენდატურაში ბევრი ხალხი შეეარდნაძის ხელისუფლების შემოგზავნილი იყო.

იმხანად მისთვის და მისი ოჯახის წევრებისთვისაც ამოუცნობი რჩებოდა „შემოგზავნილთა“ ვინაობა, მაგრამ ახლა კი ქალ შეიძლო ხელი დაედო თუნდ ძმები სარიებისათვის, გენერალ გია გულუას ნათესავებისათვის.

ზუგდიდში „მხედრიონი“ რომ გამოჩნდებოდა და პოლიტიკოსთა უმრავლესობა მიმოიფანტებოდა, ბადრი ზარანდია შეეცდებოდა გამოსავლის მოძებნას ამ ქაოსში.

დევნილი პრეზიდენტისაგან არაფერი ისმოდა.

ლოთი ქობალია იმალებოდა.

ბადრი დაელაპარაკებოდა გურამ ლაკიას, შტაბის უფროსს: სად არის პრეზიდენტი და საერთოდ, ამიხსენი, რა ხდებაო.

საუბარი იქამდე გამწვავდებოდა, რომ იგი შტაბის უფროსს... იარაღსაც კი დაუშინებდა.

ამის შემდეგ თხუთმეტიოდე ბიჭს შემოიკრებდა, წაიღებდა სურსათს, იარაღს და წავიდოდა მუჟავაში. დასა და მეუღლეს წალენჯიხაში დატოვებდა.

ოთხი დღის შემდეგ ცხენით რომ დაბრუნდებოდა, მათ ამცნობდათ, რომ ვითარება ურთულესი იყო, მთელი სოფელი ჯვარი „მხედრიონს“ გადაეჭადა. ვიღაცას ეთქვა მისთვის: სახლი დაგინვესო. ამინებდნენ? აგრძნობინებდნენ, თუ მართლა არ დაგვინვაავს, ელოდეთ? ის კი შეუიქრინებოდა და შინ ამიტომაც გამოემუქრებოდა. სოფელ ლიას გამოვლისას კოცონს დაინახავდა დანთებულს და იქ... ბესო ხარებავას — „მხედრიონელებთან“ ერთად. და ეს გარემოება დაანახებდა ვითარების კიდევ უფრო გამწვავებას, ვიდრე აქამდე წარმოედგინა.

პრეზიდენტის მალულად სტუმრობას მუჟავაში მარინა ზარანდია სხვას ვერაფერს არქმევდა, თუ არა პროვოკაციას: ჯერ ერთი, იქ აყვანას ცოდნა უნდოდა, თუ სად მიჰყავდათ და რა პირობები დახვდებოდათო.

ბადრიც ასე გაიძახოდა თურმე:

— პრეზიდენტი მოტყუებით ჩამოიყვანეს. და მარინა უფრო ზუსტი დეტალებით რომ დაინტერესდებოდა, ის პასუხობდა: დანვრილებით ყველაფერი პუშკინამ იცისო. სარიების ოჯახში იმ სხდომაზე როგორ მოხვდა ბადრი? მარინა ზარანდია ირწმუნება: ბადრიც და ზურა შონიაც (პუშკინა) იქ მოტყუებით მიიყვანესო.

— ბადრის თავის ცოლ-შვილი დატყვევებული დახვდა. ამ სახლში მონამლეს ბადრის შვილი სლავა.

სხდომაზე უკვე გადაწყვეტილი ჰქონდათ პრეზიდენტის ლიკვიდაციაო, — ამასაც რომ მოადვენებდა და იმ ალიარებასაც:

— ბადრი ზარანდიასაც აუწევია ხელი.

დასძინდა:

— მისთვის მიუნიშნებიათ, რომ თუ იგი ხელს არ აწევდა, ბავშვს მოკლავდნენ.

ჩემი ძმა სარიებს ოჯახში ჰყავდათ დატყვევებულიო, — თავისას განაგრძობდა ქალი, — ეს რომ შევიტყვევ, მივუვარდი და დავემუქრე ჩემი ნათესავების შეკრებითა და სახლ-კარის გადანვით, რამაც ისინი შეამინა და იძულებული გახდნენ ბადრი ჩვენი ნათესავის ოჯახში გადაეყვანათ. ბადრის დასახანავადაც აღარ უნდა ისინიო.

კრებას პრეზიდენტის დაცვის ორი წევრიც ესწრებოდა: ვაჟა ჭინჭარაული და ირაკლი გოგაძე, რომელნიც ამ ოპერაციებში მონაწილეობაზე უარს განაცხადებდნენ. და ესწრებოდა თენგი ქარდავაც, მეტსახელად სმერტინიკა, ვისთანაც პრეზიდენტი იმყოფებოდა მუჟავაში, და იგი გააფრთხილებდა ზვიად გამსახურდიას.

და მამინა, პრეზიდენტი ადგილსამყოფელს რომ შეიცვლიდა. ჭინჭარაული და გოგაძე დარჩებოდნენ ბადრი ზარანდიას ჯგუფთან, რის შემდეგაც მათ მისცემდნენ ცხენებს, რათა მუხურში გადასულიყვნენ და იმერეთის ბატალიონს შეერთებოდნენ.

და... კიდევ გაქრებოდა მათი კვალი.

ჰამლეტ გულორდავა ივარაუდებდა: ორივე მოკლეს, ალბათ მუჟავაში, ანდა მის ახლოს მდებარე გზაზეო.

განზრახვა მხოლოდ მათი ჩამოცილება არა ყოფილა, გაცილებით შორსმიმავალი მიზანი ჩათქვათ: პრეზიდენტს რომ მოკლავდნენ, ამ ორს გადააბრალებდნენ.

იმასაც გაამჟღავნებდა, რომ შეკრებაზე გია გულუაც იმყოფებოდა.

და აი, გადაწყვეტილება შესასრულებელია და ბადრი ზარანდიას დაჯგუფება მიდის პრეზიდენტის მოსაკლავად. მოადგებიან სმერტინიკას მეზობელს, უსინათლო, ხანდაზმულ კაცს, ვისაც მოეხსენებოდა ზვიადის ადგილსამყოფელი, მაგრამ ვერაფრისდიდებით ვერ გატყუდნენ, და ისე უღმერთოდ სცემდნენ, ეგონებოდათ, შემოგვაკვდაო.

დაბრუნდებოდნენ ზუგდიდში, ტაქსოპარკთან, სადაც განლაგებული იყო უშიშროების ქვედანაყოფი, და იქ ჩააბარებდნენ იარაღს.

— ეს ხალხი გახლდათ ბადრი ზარანდიასა და გია გულუას თანამებრძოლები.

და ჰამლეტი გაიხსენებდა ბადრის სიტყვებსაც:

— პრეზიდენტის მკვლელობაში მთავაზობენ მილიონ დოლარს და საქართველოდან უსაფრთხოდ გაყვანას.

ეს უშიშროების იმ მაღალჩინოსნებს შეეთავაზებინათ, ტაქსოპარკის ტერიტორიაზე რომ იმყოფებოდნენ.

ჰამლეტი კი პასუხად:

— ძმაო, შენ საქმეს გაგაკეთებინებენ და შემდეგ მოგიშორებენ.

საქართველოში ზვიად გამსახურდიას დაბრუნებამდე რიბინზონ მარგველანს თავისი დაჯგუფება რომ ჰყავდა, ძირითადად პრეზიდენტის დაცვის ბიჭებისაგან შემდგარი, ბადრი ზარანდიასთან ერთად ბატალიონს კი არ ჩამოაყალიბებდა, შეფიცავდნენ ერთმანეთს მეგრელ-სვანთა კოლხურ ძმობას, რათა ბოლომდე ერთგულნი ყოფილიყვნენ ქვეყნისა და კანონიერი პრეზიდენტისა.

ბადრი ზარანდია და რობინზონ მარგველიანი... ქვეყნისა და პრეზიდენტის... ერთგულნი... ბოლომდე...

ფიცი ადვილად ითქმოდა. გვერდით არავინ დაგვიდგაო, — ჩიოდა რობინზონი. ფახულანის მაღლა, ტყეებს შეფარებოდნენ. ამბავს ისე მოიტანდნენ: ზარანდიას სამასი კაცი ჰყავს და დასარტყმელად ემზადებოდა. რა მოხდებოდა, როგორ მოხდებოდა, რობინზონს ვერც მამინ გაეგო ვერაფერი და დროის გადასახედოდანაც ვერას არკვევდა, არადა, ხუთი დღე-ღამით ჩამოამორებდნენ პრეზიდენტს, რომელსაც გადაიყვანდნენ... ბადრი ზარანდიასთან. რა 300, რომელი 300, 15 კაცი შეეგროვებინა, ეგაა და ეგ... მეგზურობას ნაღვლის პრეფექტი ზურაბ გუჩუა და მისი მოადგილეები რომ უნევდნენ, როდესაც ჯიხაშკარიდან ხიზულაში გადავიდოდნენ, იქ ჩამომორდებოდათ. მანამდე გვერდიდან არ მოსცილდებოდათ პრეფექტი.

პრეზიდენტი ბადრი ზარანდიასთან თუ უნდა გადაეყვანათ, მისი დაცვის წევრებმა არ იცოდნენ. ერთ-ერთი ოჯახი შეიფარებოდა, ზოგადად ამცნობდნენ, ცალკე იქნება და ვერავინ მიაგნებსო. ერთ ღამეს კიდევ გაათენებდა იმ ოჯახში და... მეორე დღეს აღმოჩნდებოდა ზარანდიასთან — 19 ნოემბრიდან 28-მდე.

რობინზონი პრეზიდენტს გვერდიდან რომ არა სცილდებოდა, იქ განა რა უნდა მომხდარიყო?

ცალკე გაიხმობდნენ ზვიად გამსახურდიას წრუწუნა (ზურა ფიფია) და ვიღაც ბიჭი, და პრეზიდენტი რომ მოზრუნდებოდა მათთან საუბრის შემდეგ, რობინზონს ეტყოდა:

— შენ ეს ბიჭები გააცილე რამენაირად, მე გამოვიგზავნი კაცს და მერე გადმოდი ჩემთან. ისე აქედან ფეხი არ მოიცვალო. სტუდენტები ახლდნენ — ორი ბიჭი და ორი გოგო, და მათ გულისხმობდა.

გავიდოდა ორი დღე. არავინ გამოჩნდებოდა.

მესამე დღეს ავიდოდა 21-კაციანი ჯგუფი, გვარდიელები, ერთად რომ ებრძოლათ. შოშია (დათო ხაზალია) ხელმძღვანელობდათ. ამცნობდნენ:

— ბაბუ ვნახეთ. ზვიადს გულისხმობდნენ.

ეს ცოტა დაეჭვებოდა: — როგორ, კაცო, სამი დღეა და... ახლა გადის აქედან?

თან ისიც იცის, რომ ფახულანი მთლიანად გადაკეტილი აქვთ „მხედრონსა“ და გვარდიას.

გაირკვეოდა, რომ ისინი პრეზიდენტის გარემოცვის დასარტყვად გამოეგზავნათ: ზაზა ბურჯანაძის, ვაჟა ჭინჭარაულისა და ირაკლი გოგაძის. და რობინზონი ირწმუნება: არ იცოდნენ, რომ მეც იქ ვიყავი და ისინი კი ჩემს წინააღმდეგ არ აღმართავდნენ იარაღს.

რატომ, რა მიზეზით?

ხოში მთლიანად ვიბრძოდით, სამი ბიჭი დაიჭრა და ყველამ მიატოვა, მე კი გამოვიყვანე ისინი, არ დავტოვე, ჩამოვიყვანე საავადმყოფოში და ახსოვდათ ეს სიკეთე. ამიტომაც არ აღმართეს ჩემს წინააღმდეგ ხელი, თორემ უთანასწორო ბრძოლას შევეწირებოდით, 21 ისინი იყვნენ და ჩვენ ოთხად-ოთხიო.

ყურმოკვრით იცოდა, რომ ლოთი ქობალია ედუარდ შევარდნაძეს შეხვედროდა ანაკლიაში. და თუმცა საუბრის შინაარსი არ უნყოლა, რა მოილაპარაკეს, მაგრამ ეჭვით შეხედავდა ამ ყოველივეს და ლოთის მოქმედებას: როდესაც იმ კაცს ხედები, ეტყობა, რაღაც შეთანხმებას აღწევო.

ეჭვი იმისაა, რომ ლოთი ქობალია ზვიად გამსახურდიას სასარგებლოდ კი არ ირჯება, არამედ მის ზურგს უკან ხლართავს რაღაცას.

ენგურჰესის ყოფილი სანყოფნები სადაც იყო, ქოხები, იმ მშენებლობის დროინდელი, გვირაბით რომ გადის წყალი აგრეგატთან, ახლა იქ ცხოვრობდა პრეზიდენტი.

და მოინახულებდა თუ არა ზვიადს, ის:

— მაღლობა ღმერთს, რომ ცოცხალი დაბრუნდი, აქედან უნდა წავიდეთ სასწრაფოდ. ეს ნაძირალა ბადრი ზარანდია გია გულუას ხედება.

იქ, შესასვლელში თვითონ პრეზიდენტს ებრძანებინა ბარიკადების აგება, რათა მძიმე ტექნიკა ვერ შესულიყო.

მეორე დღითვე გაერიდებოდნენ ბადრი ზარანდიას ბანაკს და გაუდგებოდნენ გზას, დაცვის ორი ბიჭის დატოვება კი პრეზიდენტს ებრძანებინა რობინზონისათვის, რათა გაეგოთ, რა მიზნები ჰქონდა ამ დაჯგუფებას.

— ამ ბიჭებს მერე გადაიყვანო.

მაგრამ სადღა იქნებოდა ეს „მერე“... ზვიად გამსახურდია როგორ წარმოიდგენდა, რომ იმ ორს რამე უბედურება შეიძლება მოსწოდა.

არადა, დაცვის უფროსი ვაჟა ჭინჭარაულსა და ირაკლი გოგაძეზე რომ შეაჩერებდა არჩევანს, თურმე იქ წყდებოდა მათი ბედი, რადგანაც ორი დღის შემდეგ გოჩა კეკელიძეს რომ გაგზავნიდა მათ წამოსაყვანად... ბიჭების ნაცვლად ამბავს დაახვედრებდნენ:

— ცხენებს მოასხდნენ და თბილისისაკენ წავიდნენ. და კიდევ გაქრებოდა მათი კვალი სამუდამოდ.

ბადრი ზარანდია პრეზიდენტს რომ შეხვედებოდა ბრმის ოჯახში, ზუგდიდის განყოფილების ორ პოლიციელს იახლებდა თან, ერთს თავის ნათლიასა და მეჯვარეს.

— ბიჭო, როგორ გაბედე ამით მოყვანა? — ეკითხებოდა რობინზონი.

— აუჰ, ჩემი ძმები არიან, ნუ გეშინია.

ხუთნი სხედან ოთახში და შესთავაზებს ბადრი პრეზიდენტს: — ბატონო ზვიად, ჩვენ გარანტიას გაძლევთ, რომ ან სომხეთის საზღვარზე გაგაცილებთ, ან აზერბაიჯანისა.

გაოგნდებოდა რობინზონი: — ბადრი, იცი, სად არის ან სომხეთის საზღვარი, ან აზერბაიჯანის?

— როგორ არა.

— თუ „როგორ არა“, იქამდე მთელი თბილისი უნდა გავიაროთ და როგორ?

— ვერტმფრენით.

უარს მიიღებდნენ და წავიდოდნენ.

გარეთ ზურა გუჩუა (პუშკინა) ელოდებოდათ. ამათ იცოდნენ, რომ ვახტანგ ზარანდიას უნდა მოეყვანა მანქანა და გადასულიყვნენ ჯიხაშკარში. პუშკინას ეტყოდნენ: შენ დარჩიო, — დანარჩენებს კი გაუშვებდნენ და პუშკინას მოაყვანიებდნენ „მაზს“, იმ საღამოსვე გაემზადებოდნენ წასასვლელად, რაკილა ის ადგილი უკვე გაყიდული გახლდათ, და გადმოვიდოდნენ სოფელ ქალაში, ზურა გუჩუას ბიძაშვილის ოჯახში.

იმ ბრმის სახლს კი იმავე ღამეს, გამთენიისას თავს დაესხმოდნენ და იქ 13 წლის ბიჭსაც დაჭრიდნენ. ტანკებით მიჭრილიყვნენ და ხელში თუ მოიგდებდნენ, ვაითუ ადგილზევე დაეხვრიტათ ყველა იქ მყოფი — პრეზიდენტი დაწყებული... ცოცხალი ზვიად გამსახურდია მე არ მჭირდება...

კრებაც ჩატარებული გახლდათ და განაჩენიც გამოტანილი. სცენარებიც შემუშავებული.

ბრმის ოჯახს რომ აიკლებდნენ, ესენი ამას კი შეიტყობდნენ, მაგრამ სხვა ოჯახებს რა დღე დაადგათ მათი შეფარებისათვის, ველარავისგან იგებდნენ და ვარაუდით თუ ივარაუდებდნენ.

ტყე-ტყე უწევდათ უკვე სიარული.

ვითომ მანამდე აკლდათ.

რაც ტყეში გავიდოდნენ, ზვიად გამსახურდია წვერს აღარ გაიპარსავდა და თეთრი წვერი დაედებოდა, კარგა მოზრდილი.

მისი ზეობისას არაერთი მწერალი მოუშვებდა წვერს, მანამდე რომ არასდროს ჰქონდათ, და რომ ეკითხებოდნენ: ასე რატომ გადაწყვიტეთ და ამდენმა ერთად, რა, ახალი მოდააო? — პასუხობდნენ: ვიდრე ეგ მანდ იქნება, არც გავიპარსავთო. — აბა, დიდხანს მოგინვეთ ასე სიარულიო, — უთანაგრძნობდნენ. — არც ისე დიდხანსო, — მხრებს შეათამაშებდნენ, რაკილა ედუარდ

შევარდნაძისა ეიმედებოდათ. ის კი გაიძახოდა: მე რა შემძლია, ერთი პენსიონერი კაცი ვარო, — მაგრამ ნეტა ჩვენ ვიყოთ ასეთი პენსიონერები, პროცესების მართვის სადავეები ხელთ რომ გვეპყრას... ოღონდ ეს ამხელა გავლენა და უნარი ქვეყნის სასიკეთოდ გამოგვეყენებინოს და არა პირადი სარგებლობისათვის.

1991 წლის 6 აპრილს ზვიად გამსახურდია ტელეფონით რომ შეეხმიანებოდა და სთხოვდა, ეგებ მიეღწია იმ გადაწყვეტილების გაუქმებისათვის, საქართველოში რუსის ჯარის შეყვანას რომ ითვალისწინებდა, ედუარდ შევარდნაძის მემუარებში ეს წუთები ასე აღიბეჭდებოდა: ზვიადი ყვირილისაგან ლამის გავარვარდა, მე კი ძლივს მოვახერხე სიტყვის ჩართვაო:

— ბატონო ზვიად, მე რატომ მირეკავთ? დაურეკეთ გორბაჩოვს. მე მხოლოდ პენსიონერი ვარ, ამ ქვეყნის არცერთ ხელმძღვანელთან ურთიერთობა აღარ მაქვს და ვერაფერზე ვახდენ გავლენას...

— გააკეთეთ განცხადება მსოფლიო საზოგადოებრიობის წინაშე!

ამით იძულებულს გახდიდა გაემჟღავნებინა თავი, ჩვენი ქვეყნის პირველი პრეზიდენტის წინააღმდეგ ანუ საქართველოს სახელმწიფოებრიობისათვის სირთულეების შესაქმნელად რომ მოქმედებდა:

— რომ როგორმე გავათეთრო თქვენი პოლიტიკა, რომელსაც კატეგორიულად არ ვეთანხმები და ვიკისრო პასუხისმგებლობა თქვენი მოქმედებისთვის?

— თქვენ... თქვენ განაწყით ჩემს წინააღმდეგ ბეიკერი და სხვა უცხოელები! 89-ის აპრილში თქვენ ჩამოხვედით თბილისში, რომ გადაგერჩინათ გორბაჩოვი! როცა ლიბიაში ცეცხლს უქიდებდნენ გამსახურდიას სახლს, თქვენ ხელიც არ გაანძრით!

საუბარი ერთხანს კიდევ გაგრძელდებოდა, თუმცა ჩვენთვის ამჯერად საგულისხმოა, ედუარდ შევარდნაძე თვითონაც რომ ადასტურებს: მხოლოდ პენსიონერობას რომ იბრალებდა!..

ვიდრე ეგ მანდ იქნებო...
ტყე-ტყე წონიალისას მალიმალ წვერის გაპარსვის საშუალება და განწყობილება ისედაც არ ექნებოდა, მაგრამ სრულებით რომ აღარ გაიპარსავდა, ნეტა გუნებაში ხომ არ ჩათქვა: ვიდრე კანონიერებას არ აღვადგენ, ასე წვერმოშვებული ვივლი?!.

თეთრი ნაბადიც რომ ჰქონდა, ხანდახან თუ მოისხამდა, თორემ ჩაცმით პალტო ერჩივნა, მოცისფრო, თავზე კი ნაცრისფერი სვანური ქუდი ეხურა, არ იცილებდა. ამ მხარეში ყოფნისას ეთხოვა რობინზონ მარგველანისათვის: სვანური ქუდი მომიტანეო, — და მას მერე მთელი წელი ამ ქუდით ივლიდა.

დაბანითაც ველარ იბანდა — ორი თვე ტანზე გაუხდელად იქნებოდა ისიც თავისი დაცვის წევრებივით.

აბანოში ნაჩვევი ვარ, ტანზე ჭუჭყი მანუხებსაო, — ხალხური ეპოსის არსენა ოძელაშვილი რომ ითხოვდა აბანოში წასვლას, მახვილგონივრული ფანდი ჩაეფიქრებინა იქიდან გაქცევისა, თორემ ნეტა როდის დაჩვეულიყო ცხელ წყალში ღვრიჭინს?!

ზვიად გამსახურდიას კი ეს განცდაც ძალუმად დარევდა ხელს და „არსენას ლექსის“ ის სტრიქონებიც ძალდაუტანებლად წამოაგონდებოდა ხოლმე: აბანოში ნაჩვევი ვარო...

თან დაატარებდა ხელჩანთასა და „დიპლომატს“, რომელსაც ტყეში წონიალისას გადაადგებდა. ხელჩანთიდან კი იღებდა ბერძნულ და ინგლისურ ენებზე გამოცემული ბიბლიის ორ ნიგნს, ხატებს, ტანსაცმელსა და სხვა პირადი მოხმარების საგნებს. იქ კიდევ ედებოდა თავისი ხელნაწერი ჟურნალი, ხელნაწერები ლექსებისა, რომლებიც წიგნადაც გამოქვეყნებულიყო „მთვარის ნიშნობის“ სახელწოდებით, პრეზიდენტის მრგვალი ბეჭედი; აგრეთვე: „ნაგანის“ ტიპის პატარა ცეცხლსასროლი იარაღი („გეკოს“ ვაზნებით).

ამ იარაღს დაცვის უფროსი პირველად პრეზიდენტის დალუპვის შემდეგ ნახავდა, მის ხელჩანთას რომ გახსნიდა, თორემ სხვა დროს არამცთუ თვალი არ მოეკრა ზვიად გამსახურდიას ხელში, არც ის იცოდა, როდის, სად და ვისგან შეეძინა ეს იარაღი.

ერთადერთი იარაღი, რომელსაც თან ატარებდა — ქაბრის წინა მხარეს იდებდა — „სტეჩკინის“ კონსტრუქციის პისტოლეტი იყო.

აქედან გახლდათ გასროლილი ერთი ტყვია, მეორე კი ლულაში იდოო, — ირწმუნებოდა რობინზონ მარგველანი, — დანარჩენი თვრამეტი ტყვია მოთავსებული იყო მჭიდში, სათადარიგოები კი ხელჩანთაში არ ყოფილაო.

2010 წლის 16 სექტემბრის გამოკითხვისას ამასაც დასძინდა: — ბატონმა ზვიადმა იარაღ „სტეჩკინის“ შესახებ რაღაცები მკითხა. „ადინოჩნიზე“ როგორ დგებო და რაღაც. მე ყველაფერი ავუსხენი, ჯონსონ კვარაცხელიასთან ყოფნის დროს ავუსხენი, ესე „ადინოჩნია“, ესე — „ოჩერედი“-მეთქი: მერე მე ვუთხარი, ბატონო ზვიად, შემოსასვლელ ოთახში ვარ, ვნე ვარ-მეთქი და ეს იარაღი მათხოვე-მეთქი, რომ ავტომატი ცოტა მოუხერხებელია-მეთქი, რა. რომ რამე მოხდეს, რობინზონ, მე არავისზე ნაკლები სროლა არ ვიციო და შენთან გამოვიქცე იარაღზეო? ამის მერე მე ვინ ვიყავი, რომ პრეზიდენტი განმე-იარაღებინა.

პრეზიდენტი იარაღს ფლობდა?

რობინზონს ექვიც არ ეპარება, ეგაა, „სტეჩკინი“ მაშინ ახალი შემოსული იყო და მხოლოდ უშიშროების სამსახურში ჰქონდათ, ამიტომაც დასჭირვებოდა პრეზიდენტს მისი კონსულტაცია.

სროლა რომ ეხერხებოდა და იშვიათი სიზუსტითაც, მაშინ გაცხადდებოდა საქვეყნოდ, სახალხო დღესასწაულისას მშვილდოსნობაში რომ გაიმართებოდა შეჯიბრი და... პირველ ადგილს... ზვიად გამსახურდია მოიპოვებდა.

ოდისევისიო.

და აკი თავისი ოდისეაც გადახდებოდა სამეგრელოს ტყეებში...

სოფელ პალურში ბადრი ზარანდია ორჯერ მიაკითხავდათ და აცნობებდათ: — ჩამოყვანილი ჰყავთ 80-კაციანი სპეცდანიშნულების ნაწილი — „ალფას“ ჯგუფი და ნადირობენ პრეზიდენტსა და ჩემზე. მე რუსეთში ვაპირებ გაქცევას, ჯიხაშკარში მყავს, ჯალრამი, ბებია-ბაბუა და თქვენც იქ დაგაბინავებთ. ვერავინ მოვაგნებთ.

მეორე ღამეს ზვიადი დაავალებდა თავისი დაცვის უფროსს:

— ნადი, შეხვდი და აუკრძალე ჩვენთან კავშირი.

ესეც შეხვდებოდა და განუცხადებდა: შენ ნადი, თავს უშველე და ჩვენც მივხედავთ ჩვენს თავს.

გუჯუჯი ებრალიძეს მთაში დაიბარებდნენ, მერე წალენჯიხის ჯგუფის უფროსსაც, და დაუთქვამდნენ დღეს, რათა შეკრებილიყვნენ და დაენყოთ მოქმედება... კაციშვილი არ გამოცხადდებოდა... ჯამბულ ბოკუჩავა იქვე, სადღაც ახლოს იმყოფებოდა მუჟავასთან, მაგრამ... მხოლოდდამხოლოდ ვახტანგ ზარანდია გამოცხადდებოდა მათ წასაყვანად.

როდესაც რობინზონს იქ დატოვებდნენ, მაშინ გიორგი გამოვიდოდა რაციაზე და ზვიად გამსახურდია უბრძანებდა:

— არ გაბედოთ გროზნოსთან დაკავშირება და საერთოდ გათიშეთ ხაზი.

ზურა გუჩუა კაცს გაგზავნიდა ჯალრამი და მოაყვანინებდა ანზორ მეზონიას:

— თავშესაფარი სჭირდებათ, — მოკლედ მოუჭირდა.

ასე გადავიდოდნენ ჯალრამი, ერთ ღამეს საფიფიოში გაათენებდნენ. იქიდან წალენჯიხის ჩაის მეურნეობას შეეფარებოდნენ. მთელი ღამე იწვიებდა. მერე ცხენის „ტაჭკას“ გამოუყვანდნენ და იქ დასხდებოდნენ პრეზიდენტი, ბესარიონ გუგუშვილი და გოჩა კეკელიძე.

დაღამებულზე მიაკითხავდათ სანდრო გეგენია და მას გაჰყვებოდნენ ფეხით. მერე ანზორ მეზონია შესთავაზებდათ: წინ მე წავალ და პატარა ტრაქტორს მოვიყვან, სადამდეც იქნება გზაო. დასხდებოდნენ იმ ტრაქტორზე და აიყვანდათ სახლში.

დღე და ღამე გაერთიანდებოდა დაცვის უფროსისათვის, აღარც დრო იცოდა, აღარც რიცხვი. რამდენიმე დღეს იქ რომ შერჩებოდნენ, მერე მასპინძელს გაგზავნიდნენ ვახტანგ ზარანდიასთან.

მაშინაა, ის რომ „ვილისით“ მოადგებოდათ და ჯიხაშკარში მიიყვანდათ, ჯონსონ კვარაცხელიას სახლში. და მეორე დღეს საკვების მიტანას რომ დაპირდებოდათ, მის ნაცვლად გუჯუჯი ებრაელიც გამოჩნდებოდა სამუხარო ცნობით: ზუგდიდში რომ დაინახეს ვახო ზარანდია, აიყვანესო. და მეორე დღეს გუჯუჯისაც რომ დააპატიმრებდნენ, მალევე გამოუშვებდნენ და კვლავ პრეზიდენტთან გაჩქარდებოდა:

— მეც დამიჭირეს, მაგრამ როგორც მოხუცი, გამათავისუფლეს. და მე გთხოვ, შეიძლება ნამებას ვერ გავუძლო და გამიშვი, წავიდე ჩემს გზაზე.

ზვიადი მადლობას მოახსენებდა გულახდილობისათვის. გუჯუჯი როდის გაეცნოთ მას და მის გარემოცვას?

ბადრი ზარანდიასაგან რომ წამოვიდოდნენ და მუჟავაში შეეფარებოდნენ, მაშინ მოინდომებდა პრეზიდენტი, რომ შეკრებილიყო ყველა ჯგუფის ხელმძღვანელი და ისიც მაშინ გამოეცხადებოდათ ტყეში, მწყემსის კარავში.

ძმები ჩუხუები რომ მოადგებოდნენ ჯონსონ კვარაცხელიას: თურმე პრეზიდენტი შენთან იმყოფებაო, — ის მიუგებდათ: წარმოდგენაც არა მაქვს, რაზე მელაპარაკებითო, — და შინაც არ შემოუშვებდა.

რობინზონი საყვედურად არა, მაგრამ მაინც არ მოუწონებდა ამ საქციელს:

— ისინი მერაბ ჩუხუას მამა და ბიძა არიან და ალბათ სანდო პირები, გააგებინე, რომ მოვიდნენ. უკვე ერთი მეგზური დაგვიჭირეს, მეორე მეგზური დაგვიჭირეს. ეს ადგილი გაყიდულია და ხომ უნდა წავიდე სადმე? სადმე ხომ უნდა შევეფაროთ? ჩვენ არავის ვიცნობთ და სად წავიდე, ვისთან მივიდე, როგორ მივიდე უმეგზუროდ?..

ერთი საათის დაღამებული იქნებოდა, პრეზიდენტს რომ გადაიყვანდნენ. აგერ მისვლასაც ვერ მოასწრებდნენ, რომ... ორ მებრძოლს დაუჭერდნენ და... ეს ადგილი სასწრაფოდ გამოსაცვლელი ჩანდა, მაგრამ სად წასულიყვენ?

მასპინძელი ფეხს ითრევდა და დაცვის უფროსი დააძალებდა:

— მათ მეტი ვერავინ დაგვეხმარება გადაადგილებაში. მერაბი დეპუტატია და პრეზიდენტთანაც და ჩვენთანაც დაახლოებული პირი. ამიტომ ამ ადამიანებს სრული ნდობა უნდა გამოუფუცხადოთ.

ამ სიტყვების მოსმენას ვაითუ ეჭვი გაეჩინა, რატომ არის ასე ძალიან მონდომებული რობინზონ მარგველანი, მისთვის უცნობ ადამიანებს მიენდოსო, და ამიტომაც თავს დაიზღვევდა:

— ადგილსამყოფელის გამოცვლასთან დაკავშირებით გადანყვეტილება მე არ მიმიღია. გადანყვეტილებებს პრეზიდენტი იღებდა. გადანყვეტილებებს წასვლაზე პრეზიდენტი იღებდა.

როგორ ნერვიულობს — ორჯერ იმეორებს ერთსა და იმავეს მეტი დამაჯერებლობისათვის, უფრო სწორად, ჩაგონებისათვის, რათა პასუხისმგებლობას გაერიდოს, არადა:

— სად მივდიოდით, ჩვენ არ ვიცოდით. მარტო ის ვიცოდით, რომ სანდო ოჯახში მივდიოდით.

მითუმეტეს, რომ...

გზაში 3 საათი დასჭირდებოდათ.

აკი ამხელა მანძილი არა ყოფილა?

20 წუთიც უნდა ეკმარათ.

თუმცა ეს, როდესაც შენს ნებაზე მიაქროლებ მანქანას, თორემ დატვირთული და თანაც განსაკუთრებული სიფრთხილის პირობებში გაცილებით მეტ დროს მოანდომებ.

მაინც ბევრია 3 საათის ხსენება?

თავს აღარ გამოიდებდა დაცვის უფროსი: საათისა და დროის შერევა დაკარგული გვექონდა. ის 35 დღე თუ რა-

დაც, ტყეში რომ ვიყავით, დრო გაჩერებული იყო ჩვენთვის, ასე რომ, ამას დაზუსტებით ვერ ვიტყვი.

სოფელში შესულეს იქ „ბირჟა“ დახვდებოდათ, თუმცა გაჩერებით არავინ გააჩერებდათ.

— ვინ არიან ესენი? — ძალაუნებურად გაუჩნდებოდათ ეს შეკითხვა რობინზონსაც და სხვებსაც.

— ჩვენი ხალხია, ჩვენ დავაყენეთ, — ანატოლი თან საქეს ატრიალებდა.

კარლო ლურნკაიას სახლში შესულეს გაოცება დაუფლებოდათ:

— კაცო, აქ ადგილის მეტი რა არის, ბიჭები რატომ დავტოვეთ?

— არა, ახლა ლოგინები არ არის იმდენი, — აუხსნიდნენ ძმები ჩუხუები.

— იატაკზე დავწვებოდით, — ახლალა შეწუხდებოდა დაცვის უფროსი, ნაცვლად იმისა, წინასწარვე გამოეკითხა და დაეზუსტებინა ეს ვითარება და... ისედაც ოთხკაციანი დაცვა ორამდე არ შეემცირებინა.

— ზვალვე გადმოვიყვანთ, — შეპირდებოდნენ ჩუხუები.

მეორე დღეს გვიან მივიდოდნენ და თანაც... ჯიხაშკარში დატოვებული ბიჭების გარეშე. ეგაა, საქმელს მიიტანდნენ.

— რატომ არ გადმოვიყვანეთ? — გაუკვირდებოდა რობინზონს.

და ისინი კი თავს იმით იმართლებდნენ:

— დღეს იმდენი საქმე გვექონდა, ვერ მოვასწარი, აი, ხვალ უსიკვდილოდ გადმოვიყვანთ.

უკეთესი თავისმართლება აღარც არსებობს: იმდენი საქმე გვექონდა, ვერ მოვასწარიო!..

ნეტა რა საქმეები გაუჩნდათ ასე ბევრი და ასე მნიშვნელოვანი, საფრთხეში ჩავარდნილი პრეზიდენტისათვის რომ ვერ მოიცალეს?! ზვიად გამსახურდიას სიცოცხლე აბარიათ და, ნაცვლად იმისა, ზედ დაჰკანკალებდნენ... იმდენი საქმე გვექონდაო!..

ჯერ ვინც გინდა ყოფილიყო, რაკილა დაივალე მისი პატრონობა, ბარემ კიდევ მიხედე.

მერე... პრეზიდენტი და... ისეთი პრეზიდენტი ხომ არა, თანდათან უამრავი რომ ეყოლება საქართველოსაც — მისი სახელი სამუდამოდ გადაჯაჭვია ქვეყნის სახელმწიფოებრივ დამოუკიდებლობასა და ეროვნული ენერჯის ამოფრქვევას, გასიმბოლოებულა და კიდევ უფრო ამაღლდება და ლეგენდაშიც გადაინაცვლებს.

რა — გეჩქარება, სული გისწრებს, რომ ლეგენდის ბინადრად იხილო?!.

თუმცა... ჩვენი მხრივ ნუ ავსწრაფდებით და მზერა მივადევნოთ უკვე დათვლილ საათებს, მესამე დღეს ანატოლი ჩუხუა საერთოდ რომ აღარც გამოჩნდებოდა, ზაური კი კვლავ არავის შემოუძღვებოდა სახლში და ქათმისა და... მარწყვის მირთმევას იკმარებდა.

ეს მარწყვი რალა იყო!..

ანდაზად დარჩენილიყო იმ დედაბრის სურვილი, იანვარში მარწყვს რომ მოინდომებდა, შეგონებად — რეალობას ცოტაოდნავ მაინც დაუკვირდით, ირონიულ გადაკვრად, სახუმაროდ და სასეიროდ და... ზვიად გამსახურდია რომ არ მოინატრებდა მარწყვს დეკემბრის მინურულს, დიდი მიხედვარც არა სჭირდება, და რატომ გამოიდებს ასე თავი, მარწყვის ძებნას ის ორი ბიჭი მოეყენებინათ კარზე, იქ, ჯონსონ კვარაცხელიას სახლში გონს გადასვლას რომ არაფერი უკლდათ, სად გაქრნენ, სად ჩაიყლაპნენ, ასე როგორ მიგვატოვეს, აკი ხვალეო?!.

— რა ქათამი და მარწყვი, პრეზიდენტი ცუდადაა და შიმშილობს, შენ თვითონ არ მოგაყვანიხეთ ექიმი? — ეუბნებოდა დაცვის უფროსი ზაურს, ვის მიერ მოყვანილი ექიმიც, მისივე თანასოფელი, ზვიადს არ მიეღო.

გოჩა კეკელიძესა და ზაზა ბურჯანაძეს გონს გადასვლას არაფერი უკლდათო...

ესენი წუთებს ითვლიან, როდის აღმოჩნდებიან კვლავ პრეზიდენტის გვერდით და... ნაცვლად ძმები ჩუხუხებისა, ან-ზორ მეტონია უნდა სტუმრებოდა ჯონსონ კვარაცხელიას სახლს, თანაც უცნაური შეთავაზებით:

— თქვენ დაგტოვეს, არავინ მოგაკითხავთ და სჯობს სახლებში წახვიდეთ. იარაღი ჩამაბარეთ და მე თვითონ გაგაცილებთ სენაკში.

ეს მოთხოვნა რაღა იყო — იარაღი ჩამაბარეთო. დაეჭვდებოდნენ და ძალიანაც დაეჭვდებოდნენ და... უარით გაისტუმრებდნენ.

ამ ეპიზოდის ირგვლივ გამომძიებელი რომ დაინტერესდებოდა: როგორ იყო, ჯონსონ კვარაცხელიას სახლში პრეზიდენტის დაცვის წევრებს რომ შეხვდი და ცეცხლსასროლი იარაღის ჩაბარება მოსთხოვე, როდესაც ზვიად გამსახურდია და მისი თანმხლებნი წასულები იყვნენ აქედანო, — ის ჩაფიქრდებოდა და შეეცდებოდა თანდათან აღედგინა გონებაში პრეზიდენტსა და მის დევნილობასთან დაკავშირებული სურათები, თვითონაც რომ დაკავშირებოდა, თუ როგორ მიეღო პალატრიდან ზურაბ გუჩუას წერილი: რამდენიმე დღით შეიფარე პრეზიდენტიო.

— ზვიად გამსახურდია ვიდრე ჩემთან იყო, არანაირ ავადმყოფობას არ უჩიოდა. პრეზიდენტმა დაახლოებით 2 კვირა დაჰყო ჩემთან, რის შემდეგაც წარმოიშვა საშიშროება თავს დასხმოდნენ ჩემს სახლს, ამიტომ გადავწყვიტეთ პრეზიდენტი დროებით სხვაგან გადასულიყო.

და მერე პირდაპირ გადადიოდა 31 დეკემბრის გახსენებაზე, თუ როგორ მიაკითხა ჯინაშკარელმა ბოჯგუამ და შეატყობინა, რომ მოეძებნა ზურა გუჩუა. ესეც მოძებნიდა და ერთად მივიდოდნენ ძველ ხიბულაში, ოღონდ ეს სახლში აღარ შევიდოდა და შეჩერდებოდა დაცვის წევრებსა და ტრაქტორისტთან, რომლის ტრაქტორზედაც...

გორა კეკელიძისა და ზაზა ბურჯანაძისათვის კი ან იარაღის ჩაბარება როდის ან რატომ უნდა ეთხოვა, ანდა შეთავაზებითაც როდის ან რატომ შესთავაზებდა სენაკში გაცილებას, როდესაც... როდესაც ჯონსონ კვარაცხელიას სახლში საერთოდ არ გამოჩენილა.

— აბა, კარგად გაიხსენე, — ჩააცვივებოდა გამომძიებელი.
— რაც არ ყოფილა, რანაირად გავიხსენო? — გაჯიქდებოდა მონმე.

არადა, გორასაც და ზაზასაც თვალწინ ედგათ ის სურათი, როგორ სთავაზობდათ ეს პიროვნება იარაღის ჩაბარებასა და აქედან გაცლას, პასუხად ესენი რომ:

— აქ დაგტოვა პრეზიდენტმა და აქედან არსად წავალთ. მეორე ღამეს კი, დაახლოებით 3 საათზე, მასპინძელს ვილაც პიროვნება მიაკითხავდა, ჯონსონი ოთახში შევიდოდა და ბიჭებს განუცხადებდა:

— კაცი გამოგზავნილია და ის გადაგიყვანთ. გულიკო ტიბუას უნდა ემეგზურა მათთვის.

ეზოდან რომ გადიოდნენ, გულიკო რალაცას ჩუმიად ეტყოდა მასპინძელს, რომელიც ფერს დაკარგავდა, მაგრამ ხმას არ გაიღებდა. და თუმც ბიჭებს ცუდად ენიშნებოდათ მისი გაფითრება, იმ წუთას დიდ ყურადღებას არ მიაქცევდნენ, რაკილა საუკუნეებს გათანაბრებული იმ დღეების მოლოდინი როგორც იქნა მოთავებულები და ჰადაჰა თავიანთ უშუალო მოვალეობას უნდა დაბრუნებოდნენ.

რამდენიმე კილომეტრს გაივლიდნენ, დაახლოებით ნახევარ გზას პრეზიდენტის ადგილსამყოფელამდე, და გულიკო ერთ სახლში შევიდოდა, საიდანაც ის აღარ, მაგრამ რობინზონ მარგველანი გამოვიდოდა და... იმ სახლს რომ გასცდებოდნენ, მაშინლა ამოითქვამდა:

— დავიღუპეთ, ბიჭებო, ზვიადმა თავი მოიკლა!..
ჯერ სულ რამდენიმე კაცმა იცოდა, რომ რალაც დიდი დასრულდა, ეპოქამ თავისი კომპოზიციური ქარგა ამოათავა და ესტაფეტა სხვა ეპოქას გადაულოცა.

თვითონ ეპოქა გრძნობდა თუ გრძნობდა საკუთარი თავის ამონურვას და ზვიად გამსახურდიასთან ერთად მიიკრიფებოდა ასპარეზიდან.

რა იყო, ბიჭო, სახლიდან მაგდებ?...
ლიმილი სერავდა ბაგეს, ხუმრობა ანელებდა და ვერ ანელებდა ტკივილს, აქარვებდა და ვერ აქარვებდა სევდას, ერთს — გაუნელებელს, და მეორეს — უძიროს... ჰოი, რა იმედით მოისწრაფოდა აქეთ და ზედიზედ დაბრუნებული ქალაქები ისე აღუნთებდა იმედოვნებას, სატახტოს უკვე თავისადაც დაიგულვებდა, რამდენიმე დღეა რომ ამორებდა...

ნაცვლად ამისა კი:
ტყე-ტყე ნონიალი და მგლები ყმუილის სიმფონია გაჩერებულ დროში, ეს დრო ეპოქას რომ უნდა აეჩქარებინა და გამოეტანა განაჩენი საკუთარი თავისთვისაც და იმ პიროვნებისთვისაც, მას რომ ქმნიდა, თვით ეპოქას ჭედავდა და... იფერფლებოდა მის სიმხურვალეში.

IV.

განცხადება დათარიღებულიყო 1960 წლის 13 ოქტომბრით. ხელს აწერდა მზეჭაბუკ ირაკლის ძე ამირეჯიბი. დაწერილი იყო საქართველოს კომუნისტური პარტიის ცენტრალური კომიტეტის პირველი მდივნის ვასილ მუჟანაძის სახელზე.

და აცნობებდა, რომ ეს ყოველივე მისგან უკვე შეეცყოთ სახელმწიფო უშიშროების ხელმძღვანელ პირებს: ქავთარაძეს, შადურასა და სანადირაძეს.

რა იყო მინც ამისთანა, ჭაბუა ამირეჯიბი ცალკე ჩეკასთან რომ მოინდომებდა დაკავშირებას და ცალკე კიდევ ცეკასთან?

ყოფილი პატიმარი, მისი მტკიცებით — სულაც პოლიტიკური ბრალდებით დატუსაღებული, თუმც ოფიციალურ განაჩენში სულ სხვა დანაშაულებანი ჩაწერილიყო, განა რას ეძიებდა ან უშიშროების კომიტეტში და ან პირველკაცის კარზე? თავის პოლიტიკურ-დისიდენტურ წარსულს მხოლოდ პირადი საუბრების დროს კი არ ახსენებდა, არამედ განცხადებდასაც ამ სიტყვებით დაიწყებდა: 1943 წლიდან 1959 წლის დასასრულამდე ვიხდიდი სასჯელს, როგორც პოლიტიკური დამნაშავე. პოლიტიკური რეაბილიტაცია კი უმადლესი სასამართლოს მიერ გამოტანილი დადგენილების თანახმად მივიღე და გავთავისუფლდიო.

მერე კი ამცნობდა, რომ თბილისში ჩამოსვლისთანავე ხელი მოეკიდა ლიტერატურული მოღვაწეობისათვის. 1960 წელს გამოქვეყნებინა მოთხრობები ჟურნალებში: „მნათობი“, „დროშა“, „საბჭოთა ქალი“... „ლიტერატურულ გაზეთში“, გაზეთში „თბილისი“ (რეცენზია). დადგმულიყო მისი ტელევიზია „ველოსიპედი“ ჯერ თბილისის, ხოლო შემდეგ მოსკოვის ტელესტუდიებში. მუშაობდა აგრეთვე თბილისის ქრონიკალურ-დოკუმენტური და სამეცნიერო-პოპულარული ფილმების სტუდიაში ხელშეკრულებით — სცენარისტად და ქრონიკალური ფილმების ტექსტების ავტორად. ჩაებარებინა გამოცდები და ირიცხებოდა თბილისის პუშკინის სახელობის პედაგოგიური ინსტიტუტის რუსული ენისა და ლიტერატურის ფაკულტეტის სტუდენტად. და ყოველივე ეს მისგან მოითხოვდა მუყაითობას, გულდასმასა და ინტენსიურ შრომას, მითუმეტეს, რომ სარჩენი და მოსავლელი ჰყავდა დედა, მამიდა, უმცროსი და და ორი შვილი.

უმტკიცებდა: ჩემს ფაქტიურ დანაშაულში ამომწურავად ვიყავი გარკვეული ჯერ დაპატიმრებამდეო, — ხოლო ახლა 16 წლის პატიმრობას, ასაკსა და ასაკისმიერ შეგნებას საბოლოოდ დაენახვებინა ცხოვრების სწორი გზა:

— და მგონი გამორიცხულია შესაძლებლობა, რომ აწმყო-სა და მომავალში შესძლოს რაიმე ჩემი გადაცდენა ამ სწორი

გზიდან. სახელმწიფომ, სოციალისტურმა კანონიერებამ აღ-
მადგინა მოქალაქეობრივ უფლებებში, გამამართლა, მომცა
შრომისა და სასარგებლო მოღვაწეობის საშუალება და ცხა-
დია, რომ ამას მე სათანადოდ უნდა ვუპასუხო.

რაღაც „ძლიერ არასასურველ მემკვიდრეობას“ ახსენებდა.
ეს დაეტოვებინა მის წარსულს — 16-წლიან პატიმრობას,
გასამართლებებს, გაქცევებს, სხვადასხვაგვარად უარყოფით
ადამიანებთან იძულებით ურთიერთობას.

ამ მემკვიდრეობას კი ის მოეთანა, რომ დღემდე იძულებუ-
ლი გახლდათ ყოფილიყო მათი ნაცნობი, ამხანაგი, ზოგ შემ-
თხვევაში „მეგობარიც“ კი და ხანდახან „თანამოაზრის“ რო-
ლიც ეთამაშა.

— მიუხედავად იმისა, რომ ჩემს წარსულს ძლიერ მყარი
წერტილი დაუვსვი განთავისუფლების დროს (ფაქტიურად
განთავისუფლებამდე კარგა ხნით ადრე), სამწუხაროდ დღემ-
დე შემომრჩა ეგრეთ წოდებული „ნდობა“ და გადაჭარბებული
აზრო ჩემი რაღაც არარსებული ღირსებების შესახებ ჩემთან
ნამყოფ თუ არნამყოფ პატიმრებს შორის.

ამ მოკლე ხანში რამდენჯერმე მომხდარიყო, რომ პროფე-
სიონალი ქურდ-რეციდივისტი ისე გულთბილად ესაღმებო-
და, დასაღვებად ეპატიჟებოდა და სხვა, თითქოს მასთან ერ-
თად სადმე დანაშაული ჩაედინოს, ანდა მისი ახლო მეგობარი
ყოფილიყოს ოდესმე. ხდებოდა ისე, რომ თანამოსაუბრის ლა-
პარაკი „დიდი ხნით ადრე გამოფიტული და გამოფულოტყა-
ვებული იდეოლოგიის პროპაგანდის დონემდე აღიოდა“. ყო-
ველივე ეს მასში პროტესტს იწვევდა, მაგრამ სწორედ იმ არა-
სასურველი მემკვიდრეობის გამო იძულებული ხდებოდა ეს-
მინა და კვერიც კი დაეკრა ხოლმე.

ეფიცება: არც თქვენი და არც სხვას ვინმეს არ შევანუხებ-
დი ამგვარი წვრილმანებით, მაგრამ მიმდინარე წლის ივლისში
მოხდა ერთი ძლიერ საყურადღებო რამე, რის შესახებაც მო-
ვალედ ვთვლი თავს აუცილებლად მოგახსენოთ.

აჰა, კიდევ უნდა გაიხსნას კვანძი და გამოირკვეს განცხა-
დების შთამავგონებელი მიზეზი.

თურმე ყოფილ პატიმარს, „ვინმე“ ალექო მელაძეს, ამჟა-
მად თბილისის ერთ-ერთი ბიბლიოთეკის მუშაკს, ეცნობებინა
მისი და მისი ამხანაგების განზრახვა:

მოეხდინათ ტერორისტული აქტი საბჭოთა ხელმძღვანე-
ლის, ნიკიტა სერგის ძე ხრუშჩოვის მიმართ, როცა იგი (ალბათ)
ჩამოვიდოდა საქართველოში მომავალი წლის თებერვალში,
და ამასაც სთხოვდა აღმოეჩინა გარკვეული დახმარება.

ჭაბუა ამირეჯიბის ამ თხოვნაზე ასე მიეგო:
— დაგეხმარები ან არ დაგეხმარები მაშინ, როდესაც გავ-
ცემ ჩემს თავს პოზიტიურ პასუხს: საერთოდ საჭიროა თუ არა
ასეთი რამ.

ასეთი გაურკვეველი პასუხის გაცემას იმით ამართლებდა:
საჭირო იყო, რათა არც თანხმობა მიმეცა და არც უარი მეთქვაო.
და რას გადაწყვეტდა, როგორ მოიქცეოდა?

— რა თქმა უნდა, მე დაუყოვნებლივ ვაცნობე ამის შესახებ
სახ. უშიშროების ხელმძღვანელ პირებს...

განცხადებაში ზედმეტად მიიჩნევადა მსჯელობას იმ მიზე-
ზების შესახებ, რომელთა გამოც გადაედგა ეს ნაბიჯი: ეს მი-
მიყვანდა პათეტიკურ ფრაზებამდეო.

ამიტომაც მოკლედ ამჯობინებდა:
— მე მოვიხადე ვალი, როგორც მოქალაქემ.

გვერდს აუქცევდა ამ ამბის დაწვრილებით აღწერას: მგო-
ნია, რომ ზემოთხსენებული მუშაკები მოგახსენებენ გაცილე-
ბით სრულად და ამომწურავად, ვიდრე მე შემიძლიაო, —
უმორჩილესად სთხოვდა და დაჟინებით მოითხოვდა:

საქმის მსვლელობაში არსად ყოფილიყო ნახსენები მისი
გვარი ან ვინაობა.

— ჩემის აზრით, ჩემი ასეთი სურვილი, იმდენად ჩემი პი-
როვნების უშიშროებას არ ემსახურება, რამდენადაც ელემენ-
ტარული კეთილგონიერებითაა განპირობებული.

ის, რაც საიდუმლო არქივებში გულმოდგინედ უნდა ყოფი-
ლიყო გადამალული, ასე მოულოდნელად იხილავდა მზის სი-
ნათლეს, თანაც პუბლიკაციას განცხადების ავტორის ხელნა-
წერიც დაერთვოდა იმის ნათელსაყოფად, რომ მკითხველს
შეთხზულ მასალასთან კი არ ჰქონდა საქმე, არამედ ავთენ-
ტიურ ტექსტთან.

ზვიად გამსახურდიას გახელისუფლების შემდგომ ყოველ-
გვარ საიდუმლო არქივზე მიუწვდებოდა უკვე ხელი და ეს გან-
ცხადებაც ამოტივტივდებოდა.

უშუალოდ მოეხსენებოდა ამ მიმართვის არსებობა და ამი-
ტომაც მიჰყოლოდა მის კვალს თუ ვარაუდობდა, მაკომპრო-
მეტირებელი მასალები როგორ არ აღმოჩნდება ჭაბუა ამირე-
ჯიბზეო, და ზოგადად დაავალბდა მოჩხრეკას?

ასეა თუ ისე, სკანდალური პუბლიკაცია შეაძოძგინებდა სა-
ზოგადოებას, რომლის თვალშიც აქამდეც ძალიან წაეგო ჭა-
ბუა ამირეჯიბს, ტრანსკავკასიური რკინიგზის გაყვანას ჰუმან-
იტარტაგან ის ერთადერთი რომ დაუჭერდა მხარს და დიდი
თავგამოდებითაც, მაგრამ ეს უკვე ველარ წარმოედგინათ,
ასეთი წერილის არსებობა, დასმენის კლასიკური ტექსტისა.

საერთოდაც, ხრუშჩოვზე იმ შეუძღვარი ტერაქტის ამბავი
ალარავინ უწყოდა, ცხადია, აღარც ის, ოდესღაც სასამართლო
საქმეც რომ შემდგარიყო და მონაწილენიც დასჯილიყვნენ.

სამ პირს ამ ბრალდებით 1960 წლის 14 დეკემბერს დააკა-
ვებდა უშიშროების კომიტეტი, საბჭოთა სახელმწიფოს მეთა-
ურზე თავდასხმას ამზადებდით: შოთა (ოთარ) მექვაბიშ-
ვილს, ალბერტ (ალეკო) მელაძესა და აბრამ (აბრეკ) ბათოშ-
ვილს. მოგვიანებით ამავე ჯგუფის კიდევ ერთ წევრსაც მიაგ-
ნებდნენ, სტუდენტ აკაკი მდინარაძეს, და მასაც დააპატიმ-
რებდნენ.

დღესდღეობით ეს ყოველივე გამორკვეულია და ინტერნე-
ტითაც ხელმისაწვდომი, თუ როგორ გაუჩნდებოდა ეს განზრახ-
ვა ოთარ მექვაბიშვილს, სპეციალობით ფეიქარს, თუმცა დროე-
ბით უმუშევარს, და 1960 წლის ივლისში დაუკავშირდებოდა ცი-
ხეში გაცნობილ ალექო მელაძეს და ჩანაფიქრს გაუმჟღავნებდა.
შემდეგ შეემატებოდათ მელაძის ძველი ნაცნობი, შრომა-გას-
წორების კოლონიაში გაცნობილი აბრეკ ბათოშვილი.

1961 წელს საქართველოში ზემოთ უნდა აღნიშნულიყო
საბჭოთა ხელისუფლების დამყარების 40 წლისთავი და ნიკი-
ტა ხრუშჩოვი აპირებდა აქ ჩამოსვლასა და ზემოთ მონაწილე-
ობას.

სამეული გადაწყვეტდა, რომ იგი საქართველოდან
ცოცხალი არ უნდა წასულიყო — პასუხი უნდა ეგო 1956 წლის
9 მარტს თბილისში მოწყობილი სისხლიანი კალოსათვის.

ცოცხალი არ უნდა წასულიყო, მაგრამ როგორ?
ყუმბარით უნდა აეფეთქებინათ.

ეს განზრახვა მოაქებინებდათ აკაკი მდინარაძეს, თბი-
ლისის სამხატვრო აკადემიის სტუდენტს, ოთარ მექვაბიშვი-
ლის შორეულ ნათესავს, და ისიც შესთავაზებდათ თავის სამ-
სახურს — დაემზადებინა თვითნაკეთი ბომბი. როგორც ჩვე-
ნებაში აღიარებდა, ასაფეთქებელი მოწყობილობა ღვინის
დოქის ფსკერზე უნდა დაემონტაჟებინა.

ჯგუფის ორი წევრი სტალინური რეპრესიების მსხვერპლი
გახლდათ.

ალექო მელაძესაც და აბრეკ ბათოშვილსაც მამებს დაუხ-
ვრეტდნენ, დედებს კი 10-10 წლით გადაუსახლებდნენ, და
დევნა თვითონაც არ მოაკლდებოდათ.

ალექო მელაძე თბილისის უნივერსიტეტში სტუდენტობი-
სას ეროვნულ-გამათავისუფლებელ ჯგუფში განწევრიანდე-
ბოდა, ამ ჯგუფის ცხრავე წევრს რომ დაატუსაღებდნენ 1948
წელს და მასაც, თანამზრახველებთან ერთად, 26-წლიან პა-
ტიმრობას მიუსჯიდნენ. სასჯელის მოხდა მას კოლიმაზე, ოქ-
როს საბადოებში მოუწევდა. და მხოლოდ საბჭოთა იმპერა-
ტორის აღსასრული და 1956 წლის საყოველთაო ამნისტია და-
აბრუნებდა სამშობლოში.

ძიება რას გამოარკვევდა?
წინასწარ გათვლილი სცენარის თანახმად, ნიკიტა ხრუშჩოვზე თავდასხმა ქუჩებში მისი გადაადგილებისას უნდა მომხდარიყო. ჯგუფის ერთ-ერთ წევრს ჰაერში ტყვიის გასროლით სამთავრობო დაცვის ყურადღება უნდა მიექცოდა და მეორეს კი იმავე წუთს სხვა მხრიდან საბჭოთა ქვეყნის მეთაურის მანქანისათვის დანაღმული დოქი უნდა ესროლა.

ხრუშჩოვის დაღუპვისთანავე ჯგუფის წევრები რადიოთი უნდა გამოსულიყვნენ და მომხდარი საქვეყნოდ გაეცხადებინათ. ოთხი კაცი ამ ოპერაციისათვის საკმარისი არ იქნებოდა. ამიტომაც დაუკავშირდებოდნენ ჭაბუა ამირეჯიბსაც. ალბათ სხვებსაც.

გამოძიება ამ ოთხეულის გარდა ვერავის აღმოაჩენდა. სასამართლო ოთარ მექვაბიშვილს, როგორც ტერორისტული დაჯგუფების მეთაურს, სასჯელის უმაღლეს ზომას გამოუტანდა — დახვრეტას, ალექო მელაძეს 15 წლით გადაუწყვეტდნენ თავისუფლების აღკვეთას, აბრეკ ბათოშვილსა და აკაკი მდინარაძეს კი 10-10 წლით.

თბილისში სტუმრობისას ნიკიტა ხრუშჩოვთან ქუჩაში დახვდნენ მოახერხებდა მექვაბიშვილის დედა (მის ავტომანქანას გაუჩინებდა წინ!) და შვილის შეწყალებას სთხოვდა. საბჭოთა იმპერიის მეთაური... შეინყნარებდა ამ თხოვნას და ტერორისტული ჯგუფის ორგანიზატორს დახვრეტა 15-წლიანი პატიმრობით შეეცვლებოდა, და შესაბამისად, სასჯელი შეუმსუბუქდებოდა დარჩენილ სამეფოსაც.

ამ მასალებს ვინც წამოატივტივებდნენ და ძუნწი ქრონიკის სახეს მიანიჭებდნენ, მოვალედ მიიჩნევდნენ თავს საგანგებოდ აღენიშნათ, რომ:

1990 წლის 28 ოქტომბრის არჩევნებში ალექო მელაძე არჩეული იქნებოდა საქართველოს უზენაესი საბჭოს წევრად და მისი ხელმოწერაც აღიბეჭდებოდა საქართველოს 1991 წლის დამოუკიდებლობის აღდგენის აქტზე.

აი, თურმე საიდან შეიძლება სცოდნოდა ანდა საიდან დაეზუსტებინა ჭაბუა ამირეჯიბის როლი იმ ამბებში ზვიად გამსახურდიას.

პუბლიკაციას გაუყურდებოდა ადრესატი. თუმც მოგვიანებით თავის ვერსიას შესთავაზებდა მკითხველს, თუ რა მომხდარიყო სინამდვილეში. და ზოგიერთ შემთხვევაშიც დაურთავდა უშუალოდ პუბლიკაციასთან დაკავშირებით.

იმ ეპიზოდის აღწერა, მისი სიტყვით, „გორა მბორგალში“ ჰქონდა განზრახული სხვა თხუთმეტამდე ნაწყვეტთან ერთად, მერე სხვადასხვა მიზეზით რომ გადაუფიქრებია ამ ეპიზოდების ჩართვაც თხრობაში.

ერთ-ერთი პერსონაჟის — ალიკო პელაძის — პროტოტიპად ალბერტ (ალექო) მელაძეც ეგულისხმება და უკიდურესად შავი ფერებითაც შეემკო (გამოქვეყნებისას, მოგონებისა თუ დოკუმენტური ნოველის სახით, აკი ასეც დაასათაურებდა: „შავი ბულის ღმუილი“), თავიდანვე რომ ამჟღავნებდა სიძულვილს ამ ადამიანისადმი:

— პელაძე არ გავისვენოთ?.. შენც კაცი ნახე, რა!.. კაცია თუ არაკაცი, საყურადღებო ამბავია, ჭკუის სასწავლებელი...

და გაიხსენებდა მთავარი გმირი იაგორ კარგარეთელი — ჭაბუა ამირეჯიბის ალტერ ეგო — თუ როგორ მუშაობდა აღმოსავლეთ ციმბირში, „ოზიორლაგის“ მეთექვსმეტეში ეკონომისტად. ნოვოჩუკაში იხდდა პატიმრობის ვადას. სამედიცინო ჰქონდა ობიექტებზე გასვლის უფლებით.

კარგად კი მოწყობილიყო ტუსაღის კვალობაზე!..

თუმც... მოვერიდოთ ჩარევებს და მთხრობელს დაეუფდეთ ყური, ერთხელაც ბანაკში დაბრუნებისას თითქმის კართან უცნობი ოფიცერი რომ გააჩერებდა, საშვს მოსთხოვდა, დარწმუნდებოდა მის ვინაობაში და... კონვერტს გადასცემდა: მეთერთმეტეში შენთვის ცენზორმა გადმომცაო. ეს გაოგნებული მიაჩერდებოდა გაბრუნებული ოფიცრის ზურგს — ნე-

რილის ამ ფორმით გადაცემის სხვა მაგალითს ვერც მოიგონებდა თავისი პატიმრობის განმავლობაში.

პანია ბარათი ამ შინაარსისა იყო:

— ძმაო გორა! შენი მისამართი შენი ახლო ნათესავისგან გავიგეთ. ჩვენ რეაბილიტაციით დავბრუნდით, აღგვადგინეს უნივერსიტეტში. გვინდა აღმოგიჩინოთ ყოველნაირი დახმარება. მოგვწერე, რა გესაჭიროება, რომ დაბრუნდე! ჩვენ შენთან ჩამოსვლაც შეგვიძლია.

დახმარება, რომ დაბრუნდეთ?!

მთხრობელი ამ შეთავაზებას ასე განმარტავს: უდავოა, ეს უცნობი კაცი გაქცევაში ხელის შეწყობას გულისხმობდა. რამდენიმე დღის ჩხივების შედეგად თითქმის დავრწმუნდი, ეს შეთავაზება უშიშროებისგან დაყრილი საკენკი იყო. ანკესზე ჩემი წამოგება სურდათო.

კი მაგრამ, „დახმარება“ რატომ უნდა გულისხმობდეს მანცდამანც და აუცილებლად გაქცევას?

საზოგადოებრივ-პოლიტიკური ვითარება მკვეთრად შეცვლილი, ტუსაღთა გამოშვება ჩვეულებრივ მოვლენად ქცეულა, ამნისტია თუ რეაბილიტაცია აღარავის უკვირს, შუამდგომლობებს სასიკეთო ნაყოფი მოსდევს და შესაძლოა ამ მხრივ წამოგვევლებოდა ვინმე.

თუმც აკი ჩარევებს უნდა მოვრიდებოდით და მთხრობელისათვის დაგვეგდო ყური.

კონვერტი გაქცევის ცთუნებას იმარხავდა, გასაქცევად სამზადისი — ახალი საქმის შედგენას... და საპასუხოდ მოსწერდა იაგორ კარგარეთელი: მადლობელი ვარ, არაფერი მჭირდება, რეაბილიტაციას ველოდებიო.

რამდენიმე წელიწადში მის ჯგუფსაც ელირსებოდა ძლიერთა ამა ქვეყნისა ყურადღება. საკავშირო პროკურატურა საქმეს გაასაჩივრებდა, უმაღლესი სასამართლო პროტესტს დააკმაყოფილებდა და... გორაც კარში ამოჰყოფდა თავს!..

თბილისში დაბრუნებულს არჩილ სულაკაური უნდა გაეცნო, გამოჩენილი მწერალი და პატიმრობისას გორასთან ერთად ნაჯდომი ერთი ფრიად ღირსეული კაცის შვილი, და მასთან სტუმრობისას უნდა შემოსწრებოდათ... სწორედ ის ალიკო პელაძე, ვისაც „მნათობის“ რედაქციაში, სადაც არჩილი პროზის განყოფილებას განაგებდა, მოთხრობა მიეტანა, ამას კი დაეწუნებინა.

— დაუბრუნებდა, მაშ, რა იქნებოდა?! მოთხრობა აგებულ იყოფილა შვილის სექსუალურ გრძნობებზე საკუთარი დედის მიმართ!..

ამ ნაწყენობის გამო თუ სხვა მიზეზით პელაძე ყვედრებას მიჰყოფდა ხელს: აი, თქვენ აქ ბედნიერად ცხოვრობდით, ხოლო მე და გორა სამშობლოსთვის ციხეებში ვიტანჯებოდითო.

მთხრობელი გვაუწყებს, მუდამ მიუღებლად და უსამართლოდ მიმჩნედა უპირატესობად მიმთვალა ჩემი ნაჯდომობა, და ამასთან, რაკილა უკვე ვიცოდი ვინ იყო და ვისი კაციც იყო ეს ყბამოქცეული სუბიექტი, შევეკამათე: აბა, ეგენი რა სათქმელია! ესენი თუ კარში იყვნენ, ჩვენ მაგიტომ ვისხედით თუ როგორაო! — და ხმას ჩააკმენდინებდა. მასპინძელი კი ამას იტყოდა ალიკო პელაძის ნასვლის მერე: ეგ უბედური მუდამ გონებაბრჯეფ და უნიჭო იყოო.

შემდეგ იმის თაობაზე გაიმართებოდა საუბარი, ნიკიტა ხრუშჩოვი ქართველთა დეპორტაციას რომ აპირებდა. ეს ხმები მაშინ დაჟინებით ვრცელდებოდა, მითუმეტეს, რუსეთში „ანტიგურუზინიზმი“ მძვინვარებდა, ხოლო საქართველოს კომუნისტური პარტიის პირველი მდივანი ვასილ შუაგანაძე ბორჯომსა და ლიკანში მონვეულ ახალგაზრდა შემოქმედთა თავყრილობაზე თითქმის ახდილად განაცხადებდა: რუსებს თავი დაანებეთ, თორემ სხვებივით შუა აზიაში ამოგვაცოფინებენ თავსაო.

გორას არ უკვირს, ქართველი ინტელიგენცია შეშინებული რომ გამოიყურებოდა: სულ ახლო წარსულში ხომ ხელი დახვიეს და შუა აზიაში უკრეს თავი 50 000 ქართველს, არადა,

რომელს რა დანაშაული ჰქონდა იმის მეტი, რომ უცხოეთში ნათესავი ჰყავდაო?!

ალარ აზუსტებს, რომ... „ახლო წარსული“ სტალინის ეპოქა და არა ახალი ხელისუფლისა!..

თუმც... მოვეშვათ რა ამ ჩარევებს...

მერე ისე უნდა მომხდარიყო, რომ მუშტიადისაკენ მიმავალ გორას ერთსართულიანი ბიბლიოთეკის ფანჯრიდან ვილატ უნდა მისალმებოდა და... ალიკო პელაძე გამომდგარიყო, შიგნით რომ შეიპატიჟებდა, ჟურნალ „ამერიკის“ ერთ-ერთ ნომერს გადაუშლიდა და აჩვენებდა ბროდვეიზე ავტომანქანების დიდ მწკრივს, ერთ-ერთში ნიკიტა ხრუშჩოვი ფეხზე რომ იდგა და გაშლილი ხელებით ესალმებოდა ქუჩის ორივე მხარეს ბლომად გამოფენილ ამერიკელებს.

თანაც დასძენდა:

— აი, აქედან ვინმემ რომ ბომბი ესროლოს, ხომ შესაძლებელია?.. როცა ხრუშჩოვი თბილისს ჩამოვა და აქ მოხდეს ეს ამბავი?..

ეს ძალიან გაიკვირებდა და მიუგებდა:

— შენ შუა აზიაში არა მჯდარხარ და ახლა აპირებ? ჩემთან მაგნიტუბო ალარა თქვა, თორემ რაც სიგრძე გაქვს, იმ სიგანეს გაგიხდი... მე რაც ვიჯექი, მეყო, საკმარისია! შენ თუ კიდევ ჩაჯდომი გინდა, ჰა — ბურთი და ჰა — მოედანი!

ისე კი მოგონებისას ძალიან გემატება სითამამე ადამიანს!..

რაც სიგრძე გაქვს, იმ სიგანეს გაგიხდიო...

„განცხადების“ მიხედვით, აკი გაცილებით უფრო თავშეკავებულად მიუგებდა: დაგეხმარებით ან არ დაგეხმარებით, როდესაც გავცემ ჩემს პოზიტიურ პასუხს — საერთოდ საჭიროა თუ არა ასეთი რამო!..

და დაუყოვნებლივ აცნობებდა უშიშროების ხელმძღვანელ პირებს...

თუმც... ხომ უნდა ვაცალოთ ჩამთავრება.

გზად მომავალი გორა ფიქრობს: ეს კაცი დასრულებული იდიოტია, პროვოკატორი თუ ორივე ერთად?! მხოლოდ იდიოტი კი არა, მანიაკიცო.

შეჩრდებოდა იმ მოსაზრებაზე, რომ დაინტერესებული ორგანოები იდიოტების სამსახურს არ უკადრისობენ, ოღონდ... რისთვის სჭირდებოდა უშიშროების სამსახურს ხრუშჩოვის მკვლელობის იმიტირება, ამასთან, რა მასშტაბები ჩაეფიქრებინათ — მხოლოდ იაგორ კარგარეთელის პროვოცირება თუ ქართველთა დეპორტაციის განზრახვაც ამოეფარებინათ ამ წამოწყებისათვის?!

გავიდოდა ხანი და... გორას უწყება უნდა მიეღო უშიშროებიდან, რომელიც ძველს ალარ ჰგავდა, ბევრი რამ გამოცვლილიყო და ხრუშჩოვის ჩეკისტებსაც რქები დაბლაგვებოდათ.

იქ მისულს ჰკითხავდნენ: ამა და ამ საქმისა ხომ არაფერი იციო? და აყვანილთა გვარებსაც ჩამოუთვლიდნენ. ორს იცნობდა, მესამე იცოდა, როგორი კაციც იყო, მეოთხისა არა გაეგებოდა რა... და პელაძის წერილის, მასთან მწერლის ოჯახში შესვენდრისა და ბიბლიოთეკაში „გაბასების“ ამბავსაც მოყვებოდა, და ეს იმიტომ, რომ:

— ჩავთვალე, რომ ჩეკისტებმა ყოველივე ეს პელაძისგანვე იცოდნენ... ბიჭოს! ეცოდინებოდათ, მამ, როგორ იქნებოდა, როცა, ჩემი ღრმა რწმენით, პელაძე მათი უწყების დავალებით მოქმედებდა... სწორედ ამიტომ არ შეიძლებოდა დამალვა და, აკი, ისიც მოვახსენე, — იმთავითვე ვიცოდი, რომ თქვენი კაცია-მეთქი!

აბრეკ ბათომვილს აქებს და გულუხვადაც აქებს მოგონებაში: ქართველი ებრაელი, უჭკვიანესი, უპატიოსნესი, პოლიტპატიმართა სამყაროსა და ციხე-ბანაკებში ფართოდ ცნობილი ადამიანი ამ თვისებების და გულადობის გამო... და ვერ დაუჯერებია, რომ პელაძისთანა ტუტუცებთან რაიმე და, მითუმეტეს, ასეთ საქმეში გაეყო თავი.

არც ოთარ მექვაბიშვილის მიმართ დაიშურებდა საქებარ ეპითეტებს: თბილისში ცნობილი, რამდენჯერმე ნაჯდომი, ღირსეული და მოქიფე კაციო.

ჩეკისტები რალაცას იჩურჩულებდნენ და განუცხადებდნენ: პელაძე პირდაპირ თანამონაწილედ გასახელებსო.

ეს დაპირისპირებას მოითხოვდა.

ერთი კვირის თავზე ინსტიტუტის სპეცნაწილის მეშვეობით დაუნიშნავდნენ „პაემანს“. საგამოძიებო სამმართველოს უფროსის კაბინეტში შეიყვანდნენ, სადაც გარდა უფროსისა, დახვდებოდა კიდევ რამდენიმე ქართველი ჩეკისტი, პროკურორი და ერთიც მოსკოველი ჩინოსანი ბაშმაკოვი, კაბლუკოვი თუ ბოტინკინი — სწორი გვარი არ დაახსომდებოდა.

პელაძეს რომ შემოიყვანდნენ, სპორტულ ტანსაცმელში გამოწყობილს, მთხრობელი გვამცნობს: თავი ისე ეჭირა, როგორც უნდა სჭეროდა: შინაურივითო!..

იმას რომ ჰკითხავდნენ, რა დამოკიდებულება გაქვს ამ კაცთანო, — და ის რომ მიუგებდათ: გორა კარგარეთელია და ახლო მეგობრები ვიყავითო, — ეს ზეზე წამოიჭრებოდა და ქართულად უყვირებდა:

— შენი მეგობრები თუ პატრონები აგერ სხედან... მიუხედავად ამისა, ყასიდად მაინც მოგისჯიან და ციხეში მისვლა არ გინდა?! შევეუთვლი, კატასავით მიგახრჩონ, შე უბედურო, მათხოვარო და წუპაკო!..

და კაი სამსართულიანებსაც მიაყოლებდა.

ისეთი შთაბეჭდილება გრჩება, თითქოს ამფსონთა ვინრო წრეში ატეხილიყოს ეს აყალმაყალი და განევა, ღვინისაგან შეხურებულ თანამეინახეთა შორის... არადა, პელაძემ განა რა თქვა ასეთი უკადრისი: ახლო მეგობრები ვიყავითო... და თუ სათაკილოდ მიგაჩნია მის მეგობრად შერაცხვა, უშიშროების სამმართველოს უფროსის კაბინეტი ცოტა არ იყოს შეუფერებელი ადგილია ასეთი რისხვისა და სამსართულიანების გადმოფრქვევისათვის, თანაც, ასე ხელის დადება ჩეკისტებზე: შენი მეგობრები თუ პატრონები აგერ სხედანო... ყასიდად მოგისჯიანო... ეს მუქარა კიდევ: შევეუთვლი და კატასავით მიგახრჩობენო.

ნეტა მოგონებებს სჩვევია ამგვარი გაზვიადება თუ კალმის მოდუნების ბრალია?! ძალიანაა აცდენილი ერთმანეთს გარემო და პერსონაჟები!..

თუმც... მერამდენედ უნდა ჩავეჭრა თხრობაში.

საცოდავ პელაძეს ფერი რომ წაუვიდოდა, გორას არ უკვირს: მაშინდელი ჩემი მუქარა განაჩენის ტოლფასი იყო — ასეთი სახელი მქონდა ციხეშიც და კარშიცო.

და თურმე ისიც მოეხსენებოდა პელაძეს, რომ ორთაქალის ციხის ორმოცდამესამე საკანში გორას სახელობის სანოლი იყო, და კიდევ ისიც, ციხეებში ცილისმნამებელთათვის განაჩენის აღსრულების „ხელსაწყო“ რაც წარმოადგენდა... და ხელებით იმ პირსახოცის ყელზე მოჭერის იმიტაციას გააკეთებდა იაგორ კარგარეთელი და მაშინლა დაჯდებოდა.

ჩეკისტები ამის ლანძღვას რომ მორჩებოდნენ, პელაძეს მიუბრუნდებოდნენ: ილაპარაკეთო!

იმას ძალზე შეაშინებდა გორას მუქარა (მოგონებაში რბილად არის ჩამოყალიბებული ეს განწყობილება: „უთუოდ სრულად გაცივდები, რაც მოელოდაო“) და საზეიმოდ განაცხადებდა:

— ჩვენი საქმე ამის გაცემული მეგონა და რაც კარგარეთელის მიმართ ნაჩვენები მაქვს, ყველაფერზე უარს ვამბობ!.. ეს ისევე შეუტევდა:

— რა ვიცოდი, რა უნდა გამეცა?!

ეს შეხლა-შემოხლა ჩეკისტებში დაბნეულობას რომ გამოინვევდა, მცირე ხნის შემდეგ რუსი ჰკითხავდა პელაძეს:

— ადასტურებთ, რომ ამან თქვენი განზრახვისა არაფერი იცოდა?

— არაფერი იცოდა.

— ან გვითხარი ეს კაცი რატომ გაიმეტე, ან ჩვენება დაადასტურე! — ჩააცივდებოდა რუსი.

არ დადასტურებდა.

თხრობისას ერთადერთი სიტყვა ჩნდება კინოკადრით — ცალკე აბზაცად გამოყოფილი:

„პირსახოცი!!!“

ამ მუქარისა და ხელებით იმიტაციის შემდეგ რაღას დადასტურებდა.

თუმცა... მოვეშვა რა ამ რეპლიკებს.

იქ კი ერთი თვის თავზე სასამართლო რომ შედგებოდა, მონმედ გორასაც გამოიძახებდნენ. გაიმეორებდა, რაც ნათქვამი ჰქონდა, და დაჯდებოდა. მოისმენდა სხვა მონმეთა ჩვენებებსაც, მათი, ვისთანაც პელაძეს გაემყუდებინა, რასაც აპირებდნენ.

ოთარ მექვაბიშვილს დახვრეტას რომ მიუფიქრებდნენ, მოგონებაში ასეა აღნიშნული: პელაძე ადებდა ხელს — ჯგუფი მაგან ჩამოაყალიბა და ბომბიც მას უნდა ესროლაო!..

თვითონ პელაძეს 15 წელს რომ გამოუტანდნენ:

— ორი თუ სამი წელიწადი იჯდა (ვფიქრობ, იმისთვის, რომ პირვანდელ ჩვენებებზე უარი თქვა). მერე „ჰკრეს კუკუ“ და გამოაგდეს.

აბრეკ ბათოშვილს 10 წელს რომ არგუნებდნენ, ეს იმიტომ, რომ როგორც გამოძიებით დასტურდებოდა, მან მხოლოდ იცოდა პელაძისა და მექვაბიშვილის განზრახვა, და აზრი ჰქონდა გამოთქმული, რომ საქართველოში ამ ტერორისტული აქტის განხორციელება ქართველების გადასახლება გამოიწვევდა, და ამის შემდეგ არც ერთს გაჰკარებოდა და არც მეორეს.

— და მაინც ათი წელიწადი პირწმინდად მოახდევინეს.

სტუდენტი ბომბს არ გააკეთებდა, ან გააკეთებდა და:

— თავად აცნობა სადაც ჯერ არს პელაძის განზრახვა, თორემ მას ოთხი და აბრეკ ბათოშვილს — ათი, რამდენადმე გაუგებარია!..

ოთარ მექვაბიშვილი დახვრეტას რომ გადაურჩებოდა, დედამისის ნიკიტა ხრუშჩოვის ყურადღების მიქცევა და შეწყალების თხოვნა იმით მოუხერხებია, რომ... მის მანქანას დაუნკებოდა წინ.

მექვაბიშვილისა და ბათოშვილის პატიმრობა დასრულდებოდა მაშინ, როდესაც ხრუშჩოვსაც „ჰკრავდნენ კუკუს“. აბრეკ ბათოშვილი შემდგომ ისრაელში გაემგზავრებოდა.

სტუდენტის ასავალ-დასავალისას გორა ვერაფერს შეიტყობდა.

ალიკო პელაძეს მხოლოდ შორიდან მოჰკრავდა თვალს:

— საითღაც მიყალიბდა.

აქ იკვროდა კომპოზიციური ქარგა ამ ნოველისა, რომელიც ჭაბუა ამირეჯიბს, მისი განცხადებით, ამ მოტივით არ შეეტანა „გორა მბორგალში“: ალექო მელაძე ყოფილი პარლამენტის ყოფილი წევრია („დეპუტატის სავარძელში თავისი საბჭოელი პატრონების მოცადეობით ჩაბრძანდა“) და ლაფში პირქვე ჩამხობილის ჩანახლვა არ ვიკადრეო.

ახლა რა შეცვლილიყო, რომანის ამ ფრაგმენტს ცალკე რომ აქვეყნებდა?

— ქალაქში დადის, ნაცნობებთან ტრაბახობს, — „სამრეკლო“ ნაიკითხეთ, ნახეთ, ჭაბუა ამირეჯიბზე როგორი მაკომპრომეტირებული მასალა აღმოვაჩინეო. არ მოისვენა, ლაფიდან ამოიღმუვლა და რახან ასეა — ინებეთ, ბატონებო!

„შევზავნილი დეპუტატის“ ალბერტ მელაძის საპარლამენტო „მოღვაწეობა“ კი იმით ამოიწურებოდა, რომ ერთადერთხელ მიეცემოდა პარლამენტის ტრიბუნაზე ასვლის შემთხვევა, სათქმელს დაიწყებდა კიდევ, მაგრამ... პრეზიდენტი უმაღლესი შეანყვეტინებდა: მანდ ვინ აგიშვა, ჩადი, დაჯექი, შენ მაგეებისა არაფერი გაგეგებაო!..

ჰოი, რა ნეტარებით ისვენებდა იმ წუთებს ჭაბუა ამირეჯიბი და დოკუმენტური ნოველის ბოლოთქმამდე ხელიდან რას გაუშვებდა, ეს წუთები ფურცელზე არ აღებეჭდა და თავისი აღტაცება მკითხველისთვისაც არ გაეზიარებინა.

არაფერი მოსწონდა ზვიად გამსახურდიასი, არცერთი მისი სიტყვა და არცერთი მისი ნაბიჯი, მაგრამ ეს კი, ეს წამიერი

გაელვება ისე ალაფრთოვანებდა, ლამის ყველაფერი ეპატიებინა, რაც რამ საწყენი დარჩენოდა მისგან.

ჰოი, რაოდენ შთამბეჭდავი სურათი გახლდათ — მისი გონების თვალთა წინაშე გაუხუნრად მოკიფე, პრეზიდენტი ტრიბუნიდან რომ ჩამოაგდებდა ალექო მელაძეს.

ლამის ეპატიებინა, თორემ მართლა კი ვერ მოერეოდა თავს...

და თუნდ ამავე ბოლოთქმამდე სამხედრო გადატრიალებასა და კანონიერი ხელისუფლების დამხობას სარკასტული მზერით რომ გახედავდა: პრეზიდენტი „სივლტოლად მიდრკებოდაო“, — გაიხსენებდა, მანამდე თვე-ნახევრით თუ ორი თვით ადრე როგორ ეახლებოდა შინ ენვერ ნიჟარაძე („იმჟამად მთავრობის დერეფნებში „გასული“ პოეტი, ახლა „სამრეკლოს“ რედკოლეგიის წევრი“) და ეტყოდა:

— პრეზიდენტი გიბარებს, უნდა ნამომყვე.

ეს მოთხოვნა „აყვანას“ ჰგავდაო, — ამ სტრიქონებს მიადევნებდა იმ წუთების მოგონებას ჭაბუა ამირეჯიბი, — მაგრამ არა უშიშროების, არამედ მგოსნის მეშვეობით. სიცხე მქონდა, ვინეტი, — სიმხდალემი არ ჩამომერთვას-მეთქი, ნავყვივო.

— ჩემსა და პრეზიდენტს შორის როგორი დამოკიდებულება იყო ჯერ კიდევ მის გაპრეზიდენტებამდე და მერეც, ქვეყანამ იცის. მის „წყობილებას“ ქართველ ინტელიგენციასთან ერთად ვებრძოდი. ასეთ ვითარებაში მასთან შეხვედრას რომ სხვადასხვაგვარი შედეგი შეიძლება მოჰყოლოდა, ცხადი იყო, მით უმეტეს, რომ პირად, დაუძინებელ მტრად მთვლიდა, რაც არაერთხელ საჯაროდაც განუცხადებია.

„პირად, დაუძინებელ მტრად მთვლიდაო“, ისე ამბობს, აშკარად გამოსჭვივის გაკვირება: ნეტა რატომ და რისთვის, სადაური მტერი მე ვიყავიო, — თითქოს იქვე თავმომწონედ არ აცხადებდეს: მის „წყობილებას“ ქართველ ინტელიგენციასთან ერთად ვებრძოდიო.

თუმც, კაცმა რომ თქვას, ეს ხომ ასეა: შენ თუ ებრძვი, ეს მტრობად არ ჩაითვლება, მაგრამ ის თუ გებრძვის... ოოო, ეს უკვე მტრობაა და თანაც გავეშუბული, რასაც სხვადასხვაგვარი შედეგიც შეიძლება მოჰყვეს.

— თქვენ ინტელიგენციის ცნობილი ოჯახის წარმომადგენელი ბრძანდებით, მაგრამ სწორედ ინტელიგენციის გარემოში გყავთ ყველაზე მეტი მონინალმდეგე. თქვენი აზრით, რა არის წინააღმდეგობათა თავი და თავი? — დანტერესდებოდა რუსული გაზეთის „არგუმენტი ი ფაქტი“ კორესპონდენტი, პასუხად კი ზვიად გამსახურდიამ შეაგებებდა: აი, კვლავ დეზინფორმაცია, რომელსაც ცენტრი ავრცელებს ჩვენი ადგილობრივი მოლატეების მეშვეობითო.

— არავითარი ინტელიგენცია არ მებრძვის! — მტიციედ განუცხადებდა და დასძინდა:

— არიან ცალკეული ინტელიგენტები, რომლებსაც პოლიტიკაში ხელი მოეცარათ. მათ მთავრობასა და პარლამენტში მოხვედრა ეწადათ, მაგრამ ხალხმა ისინი არ აირჩია. განა ეს ჩემი ბრალია? ახლა ისინი გაბოროტდნენ, დღე და ღამ ცილს სწამებენ ჩვენს ქვეყანას, ჩვენს ხელისუფლებას, იყენებენ სხვადასხვა „ხმებს“. აი, ის რამდენიმე ინტელიგენტი, რომლებიც შეიძლება დავასახელო: ნიკოლოზ ჭავჭავაძე, ჭაბუა ამირეჯიბი და ა.შ. ხალხი მათ არ ენდობა, ისინი მუშაობდნენ კომუნისტური რეჟიმის დროს, ჰქონდათ პრივილეგიები, თუ რისთვის — ესეც ცნობილია, ამიტომ ისინი ხალხს არ უყვარს. ახლა მთელი თავიანთი ღვარძლი ჩემზე გადმომანთხიეს, თითქოს მე ვიყო მათი ხელმოცარულობის მიზეზი.

მისი „წყობილებაო“...

ასე წინწკლებით იმოსებოდა და მისი შემუსვრაც სავსებით გამართლებულად ცხადდებოდა, რასაც სხვაგვარად სახელმწიფოებრივი დამოუკიდებლობის აღდგენა და ახალამოგებული სახელმწიფოსათვის ეროვნული საფუძვლების შექმნა ჰქვია.

თუმცა... ვისთვის როგორ!..
მაშინ კი, პრეზიდენტის კაბინეტში რომ შეიყვანდნენ, ის არც აციებდა, არც აცხებებდა, თაბახის ფურცელს დაუდებდა და ეტყოდა:

— ნაიკითხეთ და იცოდეთ, თავს თუ არ დამანებებთ, ამას გამოვაქვეყნებ!

ნაიკითხეთ და ძალიან გამიკვირდაო, — გვამცნობს „გორა მბორგალის“ ავტორი, — რადგან საქმე ეხებოდა ხრუშჩოვზე განზრახული ტერორისტული აქტის გაცემას და თითქოს ჩემი ხელით იყო დანერგილი!.. კარგად დაავკვირდი, ვილაცის დედნის ქსეროასლი გახლდათ. რამდენჯერმე ჩავათვალიერე, უდავო, ცუდი ნაყალბევი იყო და მოვასხენე კიდეც, — ყალბისმქნელობა პრეზიდენტს არ უნდა ეკადრებოდა. გამოაქვეყნეთ. ჩემს წინაპრებს ათასი წლის მანძილზე თავისი მრწამსიდან ფეხი არ მოუტყვლიათ და მათ სახელს ვერც მე მოვაყივნებ-მეთქიო!..

უნებურად ნუ წამოგაგონდებთ ის პასაჟი „კვაჭი კვაჭანტირაძედან“, მიხელოვანი სამხედრო სამართლის წინაშე წარმდგარი გმირის მიმოწყდომას რომ წარმოგვისახავს, როდესაც ოქმს ნაუკითხავენ და ურჩევენ: დანაშაულში გამოტყდითო.

- არასოდეს!.. — მკვახედ უპასუხებდათ კვაჭი.
- აქედან რომ სტოკჰოლმში ჩახვედით, ვინ დაგისვდათ სადგურზე?
- არავინ.
- ვისგან მიიღეთ მეორე დღეს ჩეკი №137429 ერთი მილიონი კრონის?
- არავისგან.

და ჩეკის ფოტოგრაფიულ სურათს რომ წარუდგენდნენ წარწერით: „მივიღე. თავადი კვაჭანტირაძე“ — ის აიღენებოდა, მაგრამ მაინც თამამად მიახლიდათ:

- ყალბია!
- ამჯერად ნუ გამოვედევნებთ ამგვარ ასოციაციებს, თორემ ძალიან შორს წაგვიყვანს.
- კიდევ მარწმუნა, მუქარებსაც მიმართაო, — გრძელდება თხრობა, უეცრად მთხრობელის პანიკური შიში რომ იჩენს თავს: ჩემი ჩანაფიქრი ის იყო, იქიდან როგორმე ცოცხალი გავსულიყავიო...

ზვიად გამსახურდიასთან თუნდ ცხარე საუბარი რატომ წყვეტდა მის სიკვდილ-სიცოცხლეს?

ისედაც პანიკური შიშის დრამატიზება და ასეთი?!
არადა, მთხრობელს მიაჩნია, რომ სავსებით დამაჯერებელ არგუმენტს მოიხმობს შიშის საფუძვლიანობის ნათელსაყფად:

— მაშინ პრეზიდენტი თავის აღსასრულს უკვე გრძნობდა, იქნება მტრებთან ანგარიშის გასწორება ედო გულში, მოქნილობა იყო საჭირო და, „ცოდვა გამხელილი სჯობს“, ლაპარაკი ასეთი ფრაზით დავამთავრე, — აი, ბატონო, შენ შენთვის, მე ჩემთვის-მეთქი.

წამოვიდოდა და... გაზეთ „დრონი“ გამოაქვეყნებდა სტატიას, რომელშიც ნგრევასა და შენებაზე იყო მსჯელობა და:

— არც პრეზიდენტს დაავკელი „მნგრეველის“ ტალანტი, მაგრამ პრეზიდენტიც არ აღმოჩნდა „ნაკლები ბიჭი“, ნაყალბევი თავის რომელიდაცა გაზეთში გამოაქვეყნა. ვინც ნაიკითხა, არ დაიჯერა და სიყალბეზე უპასუხი არ გამოცია. აი, ეს პუბლიკაცია „აღმოაჩინა“, როგორც თავად ტრაბახობს, ალბერტ მელაძემ და გადასცა „სამრეკლოს“. თავი მოვალედ ჩავთვალე ამ ამოღმუვლებსათვის პასუხი გამეცა. ეს არის და ეს.

იმასაც შეახსენებს მკითხველს, რომელსაც, მისი აზრით, მოესხენებოდა ან სმენოდა, „დათა თუთაშხიას“ გამოქვეყნებისთანავე:

— როგორი დევნა განვიცადე პრეზიდენტისა და მისი გუნდის მხრიდან.

„მისი გუნდი“ ჰელსინკის ჯგუფს გულისხმობს, მერაბ კოსტავასთან ერთად იმ ვიქტორ რცხილაძესაც, ვინც გადაუდგებოდა თავის ოდინდელ თანამზრახველს და მწვავედ დაუპირისპირდებოდა... მის სახელს — დამხობისა და განდევნის, მოკვლისა და ოფიციალური თრევა-განქიქების ჟამს, ედუარდ შევარდნაძისა და იმავე ჭაბუა ამირეჯიბის გვერდით რომ აღმოჩნდებოდა, და ახალი ხელისუფალი ეროვნულ მოძრაობას „პროვინციული ფაშიზმის“ სახელით რომ მოიხსენიებდა, პირველნათლიობას ეს დაიჩემებდა და საქვეყნოდაც განაცხადებდა: მე მივაგენი ამ განსაზღვრებას ზვიადის პრეზიდენტობის ჟამსვე, მაგრამ შიშით ვერ ვამხელდი, მისი ხუნვეთბინები, ვინ იცის, რას დამმართებდნენო.

„სამრეკლოს“ რატომღა გამოეღო თავი?
ჭაბუა ამირეჯიბი ირწმუნება: პრეზიდენტყოფილის „წყობილების ამ ნამუსრევმა“ „გორა მბორგალის“ გამოქვეყნება არ მაპატიოაო.

თვითონ არანაკლები მხატვრული ძალის რომანად მიიჩნევა და სჯეროდა, რომ მისი შექმნილ გაგულისებულ ადამიანები გამონათობდნენ, და რომ არა ედუარდ შევარდნაძის თანადგომა, ვაითუ ავტორისათვის ისე გაეტეხათ სახელი, მკითხველი დაეკარგვინებინათ.

თუმცა... ედუარდ შევარდნაძის მფარველი კალთა არც „დათა თუთაშხიას“ მოკლებოდა.
თორემ აგერ ბატონი ჭაბუას ის სიტყვები უჩა შერაზადიშვილთან საუბრისას „ადამიანის ცხოვრება ერთი დიდი წიგნია“ („ლიტერატურული გაზეთი“, 2009, 12 ივნისი):

- გადაჭარბებული არ იქნება თუ ვიტყვი, რომ „დათა თუთაშხია“ ჯანსუღ ჩარკვიანმა და ედუარდ შევარდნაძემ მიუტანეს ქართველ და არაქართველ მკითხველს.
- ახლა „გორა მბორგალს“ უნდა გაეკაფა გზა ამ მფარველი კალთის ქვეშ.

„შავი ბუღის ღმუილის“ ბოლოთქმა ამიტომაც მთავრდებოდა ჰეპი-ენდით:

— მშვიდობით ბრძანდებოდეთ, რაიმე ახალ გამოსვლაზე პასუხს ნულარავინ ელის, ნასუფრალს არ გეახლებით!
მაშინ კი, ზვიად გამსახურდიას რომ უკიჟინებდნენ: გადადექი, გადადექიო! — ჭაბუა ამირეჯიბიც შეანევიდათ ხმას, ამ მოტივსა და მოთხოვნაზე რომ ააგებდა პუბლიცისტურ სტატიას „საით მიგვაქანებთ, ბატონო პრეზიდენტი?!“ — რათა „ქვეყანა შიმშილის, რეპრესიების, ძალადობისა და სამოქალაქო ომის სისხლში არ დაძირულიყო“, და საამისოდ იშველიებდა ოპოზიციის მოსაზრებებს, უფრო კი ბრალდებებს:

იმის მაგივრად, რომ დემოკრატიული რეფორმები — სახალხო მეურნეობის პრივატიზაცია ჩაატაროს, გადანყვიტა, შეაბას საქართველო ახალი ეკონომიკური ექსპერიმენტის — „სახელმწიფო კაპიტალიზმის მშენებლობის“ — უღელში და ამით შეინარჩუნოს საკუთარი დიქტატურაო.

მითთვისა ჯერ კიდევ კომუნისტების დროს ხალხისა და განმათავისუფლებელი მოძრაობის მიერ მოპოვებული პრესისა და ინფორმაციის სხვა საშუალებებით სარგებლობის მოქალაქეობრივი უფლებები, რადგან არის შესაძლებლობა, რომ ეს უფლება პრეზიდენტის კრიტიკისათვის იქნება გამოყენებულიო.

ახდითად მოუწოდებს მომხრეებს, ამოჟლიტონ მისი მონიწილამდეგებო.

პრეზიდენტი ღირსეულად ვერ ატარებს პოპულარობისა და ძალაუფლების ტვირთსო.

დიპლომატიური მოსაზრებით ამასაც დასძენდა: ვითვალისწინებთ თქვენს პირად დამსახურებას ჩვენი სამშობლოს წინაშე, შეგნებული გვაქვს იმ ტვირთის სიმძიმე, რაც თქვენ მრავალი წლის მანძილზე ატარებთ ქართველი ხალხის განთავისუფლებისათვის ბრძოლის პროცესში და თქვენს გულწრფელ სურვილს, მიიყვანოთ დანყებული ისტორიული საქმე ბოლომდეო, — მაგრამ... ურჩევდა, რომ ანგარიში გაენია

„დღევანდელი მძიმე დღეების“ მოთხოვნებისათვის, გამოეჩინა კეთილგონიერება და მამულის ინტერესებისათვის მსხვერპლზე წასვლის უნარი და... ჩამოსცილებოდა სახელმწიფოს მმართველობას.

მათი საჯარო შეხვედრა ერთხელ კიდევ მაშინ მოხდებოდა, ზვიად გამსახურდია ინტელიგენციის წარმომადგენლებს რომ შეხვედებოდა მთავრობის სხდომათა დარბაზში.

— როგორც ხედავთ, მე ხელში არავითარი ჩანაწერი არა მაქვს, არ მოვმზადებულვარ, არ ვაპირებდი გამოსვლასო, — მღვდელმთავრად რომ წამოიჭრებოდა, ამ ფრაზით დაიწყებდა თავის სიტყვას ჭაბუა ამირეჯიბი, — ჩემი აღშფოთება გამოიწვია იმან, რომ არც ჭანტურიაზე, არც წერეთელზე, არც ვინმე სხვაზე იმდენი სადევნელი და განმაქიქებელი მასალა არ გამოქვეყნებულა და არ თქმულა, რამდენიც ჩემზე და დღეს ისევე გამომწვევად ახსენა ჭაბუა ბატონმა პრეზიდენტმაო.

რატომ უნდა დაენამებინა მისთვის ცილი პრეზიდენტს, თითქოს ვილაც უცხოელი კორესპონდენტებისა თუ ბეჭდვითი ორგანიზაციებისათვის მიეცეს ჩვენი ნყობილების განმაქიქებელი მასალა?

განა რა მოხდა, თუ მერაბ მამარდაშვილის გარდაცვალებას მკვლელობა უწოდა და ამტკიცებდა: მასთან მივიდნენ ვილაც ნაძირლები, აუშალეს ნერვები, კაცს ჰქონდა სუსტი, ავადმყოფი გული, ვერ გაუძლო და გარდაიცვალაო?

ანტერესებს საზოგადოებას, როდის დაიწყო უთანხმოება ჭაბუა ამირეჯიბსა და ზვიად გამსახურდიას შორის?

— როცა მან დამწამა, რომ მე კაცი მყავს გაცემული. მე ვუთხარი: შენ ამას ან დაამტკიცებ, ან თავს მოგჭრი-მეთქი. მე ვისთვის მომიჭრია თავი, რომ მართლა მაგაზე გამენი... მაგ საქმეზე. ეს იყო სიტყვის მასალა.

— რა ხნის ამბავი მოიგონეთ? — მიაძახებდა პრეზიდენტი.

— დიახ, იმ ხნის ამბავს ვიხსენებ, როდესაც თქვენ ოცდაერთი საუკეთესო, ბრწყინვალე ინტელიგენტი ქართველი სუკ-ის აგენტად გამოაცხადეთ, — არ შეეპუებოდა ორატორი, — ეს იმ დღეს იყო. კენტოშვილის სახლში. არ გეკადრებათ, არც მაშინ და არც დღეს გეკადრებათ თქვენ ვილაც ინტელიგენტების... თუ მე არ მთვლით ინტელიგენტად, ჩემისთანა კაცების დევნა.

„დევნას“ უწოდებდა ირაკლი გოცირიძის მიერ იმ „განცხადების“ გამოქვეყნებას, ვასილ მჭავანაძისადმი წარდგენილის, თვითონ მას კი, „იბერია-სპექტრის“ რედაქტორს, „ხელის გოშას“ უწოდებდა და კიდევ უფრო ცხარედაც დაატანდა: ნებისმიერ მომენტში შემიძლია დავამტკიცო, რომ ქურდი და ბაცაცაა და ამისთვის გავაგდე სტუდიიდანო.

— ჩვენი გაზეთი არ არის! — ახლა ამას მიაძახებდა პრეზიდენტი.

— თქვენია, თქვენი! თქვენი ორგანოა ის, — კვლავაც თავისაზე დადებოდა ჭაბუა ამირეჯიბი, — ირაკლი, ირაკლი!.. ის წერს, რომ მე ორჯერ ვიჯექი თურმე არა საბჭოთა ნყობილების წინააღმდეგ ბრძოლისთვის, არამედ ორივეჯერ სისხლის სამართლის დანაშაულისთვის. ვეთანხმები იმდენად, რამდენადაც, რაც ორჯონიკიძემ აქ რუსები მოიყვანა, მას შემდეგ პოლიტიკური დანაშაულობების კოდექსი არ ყოფილა და ყველა, ვინც ვიყავით გასამართლებული, მათ შორის ბატონი პრეზიდენტიც, სისხლის სამართლის კოდექსით ვიყავით გასამართლებული.

სამი კაცი დაეხვრიტათ ამ თანამზრახველთაგან, რომელთა საქმესაც დაერქმოდა კონტრრევოლუციურ-მემბოხე ორგანიზაცია.

ორისათვის — ჭაბუასა და პავლე ხარანაულისათვის — 25 წელი მიესაჯათ.

გოგი მაჭავარიანისა და კიდევ სხვებისათვის — სხვა ვადები.

როცა ტრიბუნალის თავმჯდომარემ მკითხა: რომ გაგათავისუფლოთ, რას იზამო, რაც მიქნია, იმას ვიზამ, რაც ჩემს მა-

მა-პაპას უქნია, იმას ვიზამ-მეთქი, ეს იყო ჩემი პასუხიო, — თავს გამოიღებდა ორატორი და დასძინდა: ათი ათასი მანეთი მაქვს გამოცხადებული ოფიციალურად იმისთვის, ვინც აღმოაჩენს ჩემ მიერ საბჭოთა ხელისუფლების, კომუნისტური პარტიის სასარგებლოდ ნათქვამ ერთ ფრაზასო...

და კვლავ პრეზიდენტს მიუტრიალდებოდა:

— განა თქვენ არ იყავით, რომ დადიოდით და ეძებდით ჩემზე კომპრომასალებს?! ის ხალხიც ცოცხალია, არ მინდა ამდენ ხალხში ვთქვა, რა დღე დაგადგათ.

— პირად ანგარიშსწორებას თავი დაანებეთ, — კვლავ ჩაერეოდა ზვიად გამსახურდია, — დღევანდელზე ილაპარაკეთ...

— რომელი ერთი ვილაპარაკო, რომელი ერთი?! — მრისხანებდა ჭაბუა ამირეჯიბი, — თქვენი გამოსვლა მიტინგზე, ყალბი ბარათის ამოღება, რომელმაც წერია: „ბატონო ზვიად, მართალია, რომ „დათა თუთაშხია“ დაწერილია ბატონ კონსტანტინე გამსახურდიას ან სხვა ავტორის მიერ?“

— მართალია, იყო, — ამჯერად ეთანხმებოდა პრეზიდენტი.

— პასუხობთ: რა თქმა უნდა, ეს არ არის ბატონი კონსტანტინე დაწერილი, მაგრამ ეს საქმე შესწავლას მოითხოვს!.. რით ვერ შეისწავლეთ, ჭორიკნებო! სამოცდაათ წელს წიგნი გამოვეცი, ოცი წელიწადია ჭორაობთ. მოდით ჩემთან... მე ხომ არ შემიძლია გამოვიტანო და გამოფენა მოვანყო... ერთი ტომარა ხელნაწერები ნახეთ და ჩაიწყვიტეთ ეგ ხმა. მაგრამ თქვენ გჭირდებათ ჩემი კომპრომეტაცია. რისთვის? რისთვის გჭირდებათ?..

რაო, რა შეარქვა ზვიად გამსახურდიამ — პოლიტიკური ცხედარი?

არც ამ ეპითეტს დატოვებდა უპასუხოდ:

— მე თქვენზე მეტი პოლიტიკური ცხედარი არასდროს ვყოფილვარ და არც ვიქნები! მე მუდამ ვიყავი დისიდენტი. მე მზად ვარ ყველაფერი ავიტანო, რასაც ჩემი ჯანი ეყოფა. მე ციხეში წასვლის არ მეშინია, მე იქ ზოგივით კრუხად არ ვმჯდარვარ, ის ჩემი სახლია. ბრალი იმისა, ვინც... ეგრე მჯდარა.

„ორი სექტემბერიო!“ — ნასძახებდა იმ თარიღს, ხელზე რომ დაეხვია ოპოზიციას და რუსული გამოცემები თუ ტელევიზია დაუსრულებლად ატრიალებდა, როგორც გადამწყვეტ დღეს ზვიად გამსახურდიას ხელისუფლების გარდუყვანილ დამხობის პროცესში — დასასრულის დასაწყისს... და ყოველივე იქით რომ მიექანებოდა, ესეც თამამად და ნიშნისმოგებით განუცხადებდა:

— არაფერი გიმველით, ბატონო პრეზიდენტო!..

თავის თავზე კი ეტყოდა: მე ვარ მწერალი და მაქვს უფლება, ვიქონიო ჩემი შეხედულება ყველა საკითხზე, რომელიც ჩემს ერს, ჩემს ლიტერატურას, ჩვენი ხელოვნებას და საერთოდ მთელ კაცობრიობას ეხებაო.

და კიდევ ერთი შეხლა-შემოხლა რომ მოუწევდა პრეზიდენტთან, ვის რეპლიკებსაც თავის ჩანაწერში მოიხსენიებდა „ყვირილად“, „მუქარად“, „ნერვიულ შეძახილებად“, ამ სიტყვას დააგდებდა:

— თუ გგონიათ, რომ თქვენი მეშინია, ძალიან გცდებათ... ძალიან გცდებათ! არ მეშინია თქვენი ისევე, როგორც კომუნისტებისა და ჩეკისტებისა არ მშინებია... არ მეშინია!.. შეგიძლიათ მლანძლოთ რამდენიც გნებავთ და ეგ არ მომეკარება. მე სუფთა კაცი ვარ!..

კარს გამოაზღერებდა და გამოვარდებოდა სახელაღწილი, სულ უფრო რომ გაიშლებოდა მხრებში დიდად კმაყოფილი თავისი იმ საჯარო გამოსვლით: მივაგე მისაგებელიო...

ვისაც თვალნი ასხდა ხედვად, ხედვად, როგორ ინასკვებოდა ზვიად გამსახურდიას ყელზე შავი მარყუჟი...

გაგრძელება შემდეგ ნომერში

შოთა ბოსტანაშვილი

აქეთქება (ლექსი და ლექსიკონი)


(ანბანად აფეთქებული სიტყვა და ანბანთქება)

თავდაპირველად დიდი აფეთქება ენაში მოხდა და მერე...
სიტყვის სიმგრეთა გ/ასალეზად თუ გ/ასაგებად იმართე —
ბოდა დიდი ომები (იდიომებიც მაშინ მოშენდნენ), ასი
ასო ასე შეერია თავისი ხანდაზმული წინაპრების“
ყოფიერების სახლს”. რაც გადარჩა ამ ბრძოლებში,
ეს ჩვენი ანბანია — დედაენა და მასმედია — მესამედია “იმ”
ასეულის. მათ ეძღვნებათ ეს ანბანთქება. ეჰე, აქეთ(კენ)ქება,
ეჰე, (შე)აქეთქება — ა(ქ,ფ)ეთქება
P.S. გარდა ამისა, ვვ-მა ახალმა სიტყვამ (ჰიბრიდმა) განაცხადა
ენაში სამსახურის სურვილი (იხ. ლექსიკონი). ეს არის და ეს.

წადი, ენაში
გარდაიცვალე!
ხო, ასე
მელაპარაკა და მითხრა:
— აბაბაი,¹
წადი წადილით!
იმ დილით, მაშინ...
(მაშინებს ხოლმე ეს გახსენება)
მაშინ იყო რო
ხელი მიქნია.
— ადადაი!² —
წამომცდა და
ცდაც არ მიქნია,
თავი ვაქნე,
პირი იქით ვქენ და
ღრმად ჩაგისუნთქე...

შენ დიდი ხნის წინ გარდაიცვალე,
ძალიან ახალგაზრდა...
აფეთქდი და დაიფლითე,
ასო-ასო დანანევრდი,
დაქუცმაცდი — გახშირდი,
განახშირდი,
დაიფერფლე და მიმოიფანტე...
და იყო...
როცა გამომიყვანე
შენს უდაბნოში...
და ახლა უკვე...
ჩემს უდაბნოში ცივა და
ცვივა
შენი სხეული მანანასავით...
აი, იჭმევა;
აი, ისმევა;
აი, ის მე ვარ...
მე ვარ ანბანი.
ის შენ ხარ —
ფერფლიდან აღმდგარი.
და ახლა სახლად,
სახელად მახლავს
შენი ეული სხეული.
მე შენ ვარ,
შენ ვარ...
შენ — მევე...
შენ ხარ ვენახი,

მე მევენახე
 და მერე ვნახე,
 რო მე შენით ვარ — შ/ენით.
 ჩვენ დავამარცხეთ ტიტანები,
 დავუტატანეთ და გადავრეკეთ...
 ანები გავტოტეთ, გავშალეთ,
 ხანები გავტუტეთ,
 გავტრუნეთ, დავშალეთ და გავუტიეთ...
 მეტნი ვიყავით და ესლა დავრჩით —
 ოცდაცამეტნი,
 ან უფრო სწორად ოცდაცამეტის...
 როცა გ/ავედი...
 და ახლა ვხვდები:
 წერაში გხვდები,
 ბედისწერაში და ლაპარაკში.
 ის შენ ხარ,
 შენ ხარ გრაფიტად ქცეული,
 გრაფემებში ჩალვრილი სხეული,
 რო იგრიხები,
 რო იკლაკნები,
 რო იხლაკნები,
 აღდგომა რო გინდა...
 რალას არ ლამობ,
 რა არ გიხდება,
 რად არ იქეცი...



ხანმეტური ლაპარაკი

ოცდაცამეტი სც/ენა

ხანანი, ხანბანი და ა.შ. — სიმულაკრების ნაკრები

1. ხან ანად იქეცი,
 იქ ეცი ხანანს, ხანი შეუკ(ვ)ეცე,
 ნ(ყ)ლები დაუსაზღვრე, ჟამკარი³ გააღე...
 გავხარდი, გამოვანათე...

(ჩემი დროვაცია⁴ — დრო ვაცია — ო, ვაცია!
 ოვაცია, ტაში!..)

2. ხან ბანად იქეცი,
 იქ ეცი ხანბანს, ხანი ჩამობანე;
 ბანი მომეცი, — ბინაც, განმბანე, გამაანბანე...
 ჟამთავი დავსახე, ჟამთავადი⁵ მიწოდე.

(ოვაცია, ტაში!)

3. ხან განად იქეცი,
 იქ ეცი ხანგანს, ხანი დაუმოკლე...
 განს განი მივეცი — გონი და გენი;
 ენად ვიქეცი, დროზმა⁶ დავადგინე.

(ტაში!..)

4. ხან დონად იქეცი,
 იქ ეცი ხანდონს, ხანი დაადუნე, დაადუმე...
 დონს უდონორე — ცეცხლი დაათხე, დაოთხე;
 ოთხთავი შევკარი, ოთხო ვუთხარი, დავმოთხე;

ჟამთავცეცხლობა⁷ მივიღე.

(ტაში!..)

5. ხან ენად იქეცი,
 იქ ეცი ხანენს, ხანი დაუხუთე...
 ხუთთავი შევკარი, კარი ჩამოვაბი;
 ენით ავივსე, ჟამთაბუნი⁸ ჩავიბარე.

(ტაში!..)

6. ხან ვინად იქეცი,
 იქ ეცი ხანვინს, ხანი დაძალე...

ვინში დავივანე, ვინაკადე, ვინი ვაქე, ვინარუქე;

შესაქმე განვადროვე, **დროდა**⁹ გავმართე.
(ტაში!..).

7. ხან **ზენად** იქეცი — ზეენად,
იქ ეცი **ხანზენს**, ხანი შეუზღუდე...
ზენი შევსუარე, შევტკეცე — დავყავი **ჟამთალიებად**;¹⁰
ჟამთვლა¹¹ შემოვიღე — დრო დავა(მ)შვიდე.
(ტაში!..).

ან ასე (ზენი იმსახურებს ვარიაციას):
იქ ეცი **ხანზენს**, ხანი დაზარე —
ზადი დასდე ზადენს...
ზენი ზენს — მღერის, ზილი ვუთხარი,
ზენი ვაზარიფე, ზენტან დავზავდი,
ზენს ვეზენარე, ზენში გავზავდი —
ქვედა ზენიდან ზედა ზენამდე.
(ტაში!..).

8. ხან **თანად** იქეცი,
იქ ეცი **ხანთანს**, ხანი დაუთენთე...
თან გავატანე **ჟამთავსატეხი**¹²,
ჟამთავეფურცელი¹³ გავიმეორე.
(ტაში!..).

9. ხან **ინად** იქეცი,
იქ ეცი **ხანიის**, ხანობა გაუუქმე...
უჰ, მეც ანცი ვარ **ჟამთამაშებში**¹⁴ — დავაშამათე,
ინის ინსტანცია განვაცხრე — გავაცხრაკარე,
გავაცხრამზევე, გავაცხრათვალე.
(ტაში!..).

10. ხან **კანად** იქეცი,
იქ ეცი **ხანკანს**, ხანი დაუკნინე...
დრონკანი¹⁵ დაუყენე და **ჟამთარეში**¹⁶ მისი ალაგმე...
ალაგ მე ვარ ამის შემსწრე, ალაგ შენით გ/ამიგია.
(ტაში!..).

11. ხან **ლასად** იქეცი,
იქ ეცი **ლასხანს**, ხანს ლასო დაასე,
და ასე — გალასე, გაალასლასე...
“ლა...”, “სი...” ავიღე — სხვა ხმით ვხმიანობ,
ჟამ და **ჟამთავსხმით**¹⁷ — **დრომახიანად**.¹⁸
(ტაში!..).

12. ხან **მანად** იქეცი,
იქ ეცი **მანხანს**, ხანი გააცალე,
ხან გაუხუნე, ხან გაუციდე...
ციდან მანა მახნიე., ციდან მანამ მახნიე,
მანამ მომისურვილე,
ვიდრე გამამანდაურე, ანდა გამაურვილე.
(ტაში!..).

13. ხან **ნარად** იქეცი,
იქ ეცი **ნარხანს**, ხანი უთხარე, ნარი უხარე...
ხანს უთხარი უარი და ნარინის უნარით
ეცი და ფხეცის ნილაბს ახევდი...
გავხევედი — გარდავისახე **ჟამხედ**...¹⁹
შამხეთ!, ვშრიალეზ ნარნარად.
(ტაში!..).

14. ხან **ონად** იქეცი,
იქ ეცი **ხანონს**, კანონი დაუდგინე,
ხანი დაუკუტე, დაუკეტე —
დრონინი²⁰ შეუწყვიტე — **დრონავარობა**...²¹
დროთხეული²² მოვიხელთე.
(ტაში!..).

15. ხან **პარად** იქეცი,
იქ ეცი **ხანპარს**, ხანი ძილში გააპარე...
გავაპე, გავაპიარე: ვიარე **დროკრობოკროდ**²³ და
ვიარე **ჟამდიდობამდე**,²⁴ სალამ-სალმობით ვიარე...
ენით ვირჩენ და ვიამებ გაანბანებულ იარებს.

(ტაში!...).

16. ხან ჟანად იქეცი,
იქ ეცი ხანჟანს, ხანს ჟამი მიუჩინე...
ხანჟამ უტიე, ხანჟამ ვუტიე,
ჟანრი ავურიე, ჟამნი განვავრცე.
(ტაში!..).

17. ხან რაედ იქეცი (ხან რად და ხან რად?!),
იქ ეცი რაეხანს (არ ვიცი რამდენ ხანს),
ცეცხლი გამოსტაცე, ხანი დაუბნეღე...
რაეს გავერიე, ავენთე, გავაასე — გავავსე.
(ტაში!..).

18. ხან სანად იქეცი,
იქ ეცი ხანსანს, ხანი მოთხარე, მოჭერი,
ხან ასანსარე — ენა აურიე...
(აუ, რიე გამახსენდა —
დოქტორი, კამიუს მოთხრობილი “ჭირიდან” — რა შუაშია?).
(ტაში!..)

19. ხან ტარად იქეცი,
იქ ეცი ხანტარს, ხანი მოატეხე.
ხე-ტარი ვატარე.., **ჟამტარი**²⁵ აღვმართე (აქ უნდა შევეყოვნდე).
...და იყო ერთხელ., ტარი აყვავდა და ასე დამქონდა, დამყავდა (დაც მყავდა...)
ტარი გამიცოცხლდა, გამიცოცდა, დავანანიღე, დავყავი, აღარ დავყავი —
არ დავაყოვნე, აღარ ვაყივნი, — ვივნი — ავიღე და მუცლად ვიღე, ტარად ვიქეცი —
ტარის იერი მივიღე...**ტარიერი** გავხადე, ვეფხი ჩავაცვი, ტირილი ჩავუღაგე...
აგე!, ბალი გავაღე, დავა(მ)შვიდე და დავემშვიდობე... ვატიაღე, ვატრიაღე,
დიდა, ვატირე; ვატარე — ვატარიღე. დიდი **დრომი**²⁶ გავატარე, დიდი **დრომიანობა**...²⁷
და იყო მერე: **ჟამწამებული**,²⁸ **ჟამწაღებული**,²⁹ **ჟამკვდარი**³⁰ **გავაჟამუხვე**,³¹ კვლავ
დავა(მ)შვიდე; დავა დავამთავრე და გავამთავრე — **ჟამინებული**³² ავაჟამდიდე,
გავა დრო — **გავადრომეგებ**,³³ ეგებ იმ ტყავსაც... ოხ, როს ოქროს ტყავს მოვიტან...
მოვგროვდები და მოვოქროვდები...
(ჩემი დროვაცია...ოვაცია, ტაში!).

20. ხან უნად იქეცი,
იქ ეცი ხანუნს (ან იქნებ ანუს, ანუ იშთარსაც),
ხანი გაჰყარე... და ნარი შევრთე — უ/ნარი ვანიჭე.
უ ცვლის სა/ხეებს, **უ** ცლის და უესებს;
უნი უნდობარია, უნი მთა და ბარია.
(ტაში!..).

21. ხან ფარად იქეცი,
იქ ეცი ხანფარს, ხანის ფარფაში გააფარიღე...
ფარა მოვფინე ფარსაგ ფარისზე,
მოვფერე და მოვეფარე,
მოვეფერ-მოვეფარეზე,
ჩავფარე ფარი — ნყალი ვაგუბე,
ფარა დავარწყულე;
ფარა მაძლიეს — არ გავყიდე;
ფარამ გადაგვიფრინა,
ფარა შემოგვესია
გავუხტი, გავუხდი ფარას მესია...
მე სია მაბარია ოცდაცამეტის.
(ჩემი დროვაცია... ოვაცია, ტაში!..).

22. ხან ქანად იქეცი,
იქ ეცი ხანქანს, ქანცი გააცალე, ხანი დააქანე...
ქანი ვაქე, ვაქანდაქე.
(ტაში!..).

23. ხან ლანად იქეცი,
იქ ეცი ხანლანს, ხანი გაალანღაღე...
ლანჭა გავჭერ, ავლანუხდი, ლანი ავალანღე.
(ტაში!..).

24. ხან ყარად იქეცი,
იქ ეცი ხანყარს, ხანი გა(ჰ)ყარე, გააყარიბე...
ყარ გავამყარე, ლანს შევრთე, გავბუჩქე — გავაყარღანე.
(ტაში!..).

25. ხან შინად იქეცი,
იქ ეცი ხანშინს, შინიდან გამოაგდე...
ხან შინ შევედი (ხანშიც შევედი) — შევედიდგული.
(ტაში!...).
26. ხან ჩინად იქეცი,
იქ ეცი ხანჩინს, ხანს ჩინი ჩაუქრე...
ესე არაკი მართალი ჩინს ქვასა ზედა სწერია...
(ტაში!..)
27. ხან ცანად იქეცი,
იქ ეცი ხანცანს, ხანი განცალე, გააცანცალე...
ცანი ვცანი, ცანკვილი ვარ, ავ(ტ)კივილდი, ავცანგალდი.
(ტაში!..).
28. ხან ძილად იქეცი,
იქ ეცი ხანძილს, ხანი დაძალე...
ხან ძელს მივეცი თავი, ხან ძილს მივეცი — ხანგრძლივს,
ვიდრე მეო(თ)ხე დღემდე... მცი(ვ)ა.
(ჩემი დროვაცია... ცია, ცია, ცია...)
29. ხან წილად იქეცი,
იქ ეცი ხანწილს, ხანი განწვალე — გაანწილდე...
წილი ვყარე და გავყარე — ჩავალე, ჩავინილდე.
(ოვაცია, ტაში!..).
30. ხან ჭარად იქეცი,
იქ ეცი ხანჭარს, ხანი გაჭარე...
ჭარი ვაჭარბე, ავაჭარობე.
ჭირი ვმალე, ვერ დავმალე... მცი(ვ)ა.
(ჩემი დროვაცია... ცია, ცია, ცია...)
31. ხან ხანად იქეცი,
იქ ეცი ხანხანს, ხანი მოთხარე, გაახანძარე...
ხანი გავახანგრძლივე, ხანი გავათარხანე.
(ოვაცია, ტაში!..).
32. ხან ჯანად იქეცი,
იქ ეცი ხანჯანს, ხანს ჯანი გააგდებინე...
ხანჯალი მოვიმარჯვე, ვიმარჯვე და..., რა ლამე დაღამდა...
რაღა მე და...
რაღა ვთ/ქვა?!...ე
33. ხანჯალს ეცი, ქვაზე ჰაე ამომკანრე,
ჰაერი გააჩინე და ჩაისუნთქე...
ჰჰჰჰ... — ამომისუნთქე.

20116.

P.S. დროზე და სივრცეზე ბევრია დანერვილი, სხვა წერილობაც შეიძლება, სხვა პოეზია, სხ/ვისი პოეზია სხვა პოე/ზიარება. სხვა პოეზი იარები უკვე იარება, უფრო დაფრინავს, ანუ ირაოა ესეც აბსურდები. აბსურდობა სურდოსავით არის. თუ შეგეყარა, — მორჩა, ან მორჩები, ან გადაგიყოლებს. ვნახოთ?!

იყო დრო, როცა ხანი არა მარტო მესამე პირის თავსართი ნიშანი იყო, არამედ თითოეულ ასო-ბგერას, ერის ხმას დრო — ხანი უძღვებოდა. მერე ხანები რო მოვიდნენ, სახანოებად რო დაგვყვეს, ხანური დაგვიყინეს და დაგვყვინტეს, ხანები მოვიძულეთ, მოვიძიეთ ძალები და გავაძვეეთ, ომი გადავიხადეთ, გადავხადეთ ხანები ასო-ბგერებს და შევებრძოლეთ, როგორც ღმერთები — ტიტანებს, დავუტანეთ, გავტუტეთ, გავტრუნეთ, გავატიალეთ, გავატრიალეთ. მერე იყო რო ვიალეთ, გავცეცხლეთ, გავანაცარეთ, გავცოცხლეთ; გავცეცხლდით და გავცოცხლდით. აი, ასე.

ლექსიკონი (შ. ბოსტანაშვილი, გავთენდი. ჟურნალი “სჯანი” 8)

1. **აბაბაი** — 1. მტკიცებითი შორისდებული. 2. გაკვირვების შორისდებული. 3. ნიშნავს: ძალიან, მაგრად. 4. იგივეა, რაც აბა (ალ. ჭინჭარაული, “ხევსურული ლექსიკონი”).
2. **ადადაი** — შორისდ., გამოხატავს უსიამოვნებას, შეშფოთებას (“ხევსურული ლექსიკონი”).
3. **ჟამკარი** — 1. დროის კარი, “დაბადება”; 2. თადარიგი, წესრიგი (“ხევსურული ლექსიკონი”).
4. **დროვაცია** — 1. დროის ვაცობა — ნინამძლოლობა; გამანაყოფიერებელი დრო; 2. ოვაციების მომწყობი, კარნავალური, აჟიტირებული დრო.
5. **ჟამთავადი** — დროის მეთაური, მმართველი.
6. **დრო ზმა** — 1. დროის მონაკვეთი, ან/და ეპოქა მოაზრებული, როგორც სანერი ქალაქის შეკვრა იმ ტექსტისათვის, რომელსაც ისტორია ქმნის, ან/და რომელიც ისტორიას ქმნის (ერთი ოზმა — ოცი დასტა; ერთი დასტა 24 ფურცელია). 2. დროის ქმნა — მისტიკური დისკურსი.
7. **ჟამთავაცხლობა** — დიდ და მცირე მნათობთა გაჩენა.

- 8. ჟამთაბუნი** — დროთა შეყრა, ერთ გუნდად გაერთიანება; წარსულის, აწმყოსდა მომავლის ერთ ასპექტში მოაზრება, რაღაც მარადიულობისანალოგია, ან პოსტმოდერნისტული მუდმივი აწმყოს პარადიგმა (მგონი ზუსტია!).
- 9. დროდა** — 1. დროის სახლი, ოდა — მიინდან ამორებული, ბოძებზე შემდგარი — “ფეხებიანი”, თითქოს დროსავით უნდა გაიარგამოიაროს (ხო მაგარია?).
2. დროთა ქება; დროისადმი მიძღვნილი ლექსი; დროის აპოლოგია, პანეგირიკი (ესეც კარგია!).
- 10. ჟამთალია** — 1. შდრ. — ზამთარია. დროის ერთი ციკლური მონაკვეთი — დღე და ღამე, თვე, სეზონი, ეპოქა. 2. დროთა ღია — ღამი, საფლობი, ტალახი. შდრ. — დროის მორევში ჩასათრევი ადგილი (ლოკუსი).
- 11. ჟამთვლა** — 1. დროთა სვლა, მოთხვა. 2. დროის დათვლა, აღრიცხვა — საათი, კალენდარი.
- 12. ჟამთავსატეხი** — 1. დროისმიერი პრობლემები.
- 13. ჟამთავფურცელი** — “თავდაპირველი”, დასაწყისი.
- 14. ჟამთამაშები** — 1. დროით თამაში — დროების აღრევა, თავმოყრა — სამყაროს პოსტმოდერნისტული განცდის გამოხატულება. 2. დრო, როგორც ინსტრუმენტი (მაშა, მაშები) სამყაროს აქტიური (დინამიური, ცეცხლოვანი) და უკვე გამოფიტული (დაცარიელებული) კერების (ლოკუსების) დასაბალანსებლად.
- 15. დრონკანი** — 1. დროის რეგულირების მექანიზმი; დროსთან (ან/და დროით) თამაში. დროით მანიპულაციების ვარიანტია დაკეტილი — გაჩერებული დრო — მკვდარი დრო — ქრონოციდი — სივრცული ტვიფრი (ნახე **ჟამინება**).
- 16. ჟამთარეში** — 1. დარბევის, აკლების, აოხრების დრო რომელიმე ტერიტორიაზე, ან/და კოსმიური კატაკლიზმები.
- 17. ჟამთავსხმა** — მკაცრი დრო, სეტყვასავით.
- 18. დრომახიანი** — 1. ძლიერი, რიხიანი დრო (შეიძლება პათეტიკურიც).
2. მახის, ხაფანგის დამგები, სახიფათო დრო (ნახე **დრობობა**).
- 19. ჟამხე** — დროის ხე, მსოფლიო ხე.
- 20. დროინი** — დროის სვლა, ხეტიალი.
- 21. დრონავარი** — მოთარეშე დრო, “ხანი უღმობელი” — სასტიკი. იგივე **დრონობა** (ნახე **დრონაზობა**).
- 22. დროთხული** — 1. წელიწადის ოთხი დრო — “... ოთხი აფთარი — გაზაფხული, ზაფხული, შემოდგომა, ზამთარი”.
2. დანთხული — დაღვრილი, გაფანტული დრო (ნახე **დრობოლი** 2).
- 23. დროკრობოკრო** — ცვალებადი დრო არიტმული სიხშირით, რაღაც ეკლექტური; შდრ.: ნონსელექცია, პასტიმი, ფრაგმენტულობა, ხასიათის კრაზი, ან ხასიათის გაბნევა — დისემინაცია, დეფოკალიზაცია, ავტორიტეტების კრიზისი.
- 24. ჟამდიდობა** — 1. დროის კატასტროფული მოზღვავება, წარღვნა. შდრ. — წყალდიდობა.
2. განცდა ტყვეობაში, საპატიმრო საკანში — (ნახე **ჟამუხვობა**).
- 25. ჟამტარი** — შდრ. გამტარი; დროის ღერძი, დურანქის ველის პარადიგმა.
- 26. დრომი** — დრო, როგორც ომი.
- 27. დრომიანობა** — 1. ომის, ბრძოლის, დაპირისპირების დრო.
2. რომის ექსპანსიის, თარეშის დრო. შდრ. — ლეკიანობა.
- 28. ჟამნამეხული** — ავი დროის მსხვერპლი, წამეხული.
- 29. ჟამნაღებული** — შდრ. წყალნაღებული. დროთა ცვლილებების, ან ამა თუ იმდროისთვის დამახასიათებელი პრობლემების მსხვერპლი (ესეც ზუსტია!).
- 30. ჟამკვდარი** — შდრ. ჩამკვდარი. მკვდარი დრო, ქრონოციდი (ნახე **ჟამინება**).
- 31. ჟამუხვობა** — ბევრი დრო, თავისუფალი დრო, ტვირთი (თავისუფლება ტვირთია — ა. კამიუ). (ნახე **ჟამდიდობა**).
- 32. ჟამინება** — შდრ. დამინება. დროის დამარხვა, შენახვა (იქნებ დროის ნარჩენობაც). (ნახე **ჟამკვდარი**).
- 33. დრომეგა** — 1. დიდი დრო (ბერძ. *μεγα* — მეგა — დიდი). დიდი დროის და მცირე დროის დისკურსი.
2. ბოლო დრო (ω — *ωμεγα* — ომეგა — ბერძნული ალფაბეტის ბოლო ასონიშანი; α და ω — დასაწყისი და დასასრული) ნარჩენი დროის დისკურსი.



უნა ო'ნილი

ქალიან დამინტარესა თემურ გაბუნისა ნიღნით

როსტომ ბატონო! პირად წერილებს აღარ ვწერ (სიჭაბუკეში გოგონებს ვწერდი), მაგრამ ამ ერთხელ გადა-ვწყვიტე მცირედი შეხმინება, როგორც თქვენ შეეხმინათ თემურ გაბუნისა ესეით „კორნიშული განდეგილი და გაყინული ტბის საიდუმლო“ („ჩვენი მწერლობა“, 2015, №6).

თუკი არ წერ, ვინ დაგაძალა, რა წერამ აგიტანაო!.. გაიფიქრებს მკითხველი და ცნობის-მოყვარეობასაც აქვე დაუკუმაყოფილებ: ჯერომ სელინჯერი ჩემი უსაყვარლესი მწერალია, თავისი ჭკავის ყანით, ბანანა თევზით, დურგლებით (მწვანე თვალეზზე კი ლექსიც მაქვს დაწერილი ოდესღაც) თუ თავისი განდეგილობით, ჰოდა, ამიტანა წერამ...

ჩარლი ჩაპლინის ავტობიოგრაფიული წიგნი ხომ ბავშვობაში მაქვს ნაკითხული; უნა ო'ნილიც იქედან ვიცი და მათი დიდი სიყვარულიც (ასაკობრივი სხვაობაც...), მაგ-რამ ის მშვენიერი უნა თუ ჯერომ სელინჯერისთვის „ტრფობა წამეხული“ და მოუ-წელელებელი ტკივილი გახლდათ, ახლა შევიტყვე.

თემურ გაბუნისა „ჯერომ სელინჯერი - ნამდვილი ბრძოლა“ ჯერ თვალთაც არ მინახავს (მოვიძიე უსათუოდ), მაგრამ, შენი შეხმინებით, ჩემო როსტომ (შენს დიდტანიან რომანებთან ერთად, რედაქტორის გვერდს და სხვა წერილებსაც ვკითხულობ) ქალიან დამინტერესე, ის სავარაუდო გარემოებებიც დამანახე, რის გამოც გახდა სელინჯერი განდეგილი და კიდევ უფრო მეტად შემეყვარდა იგი.

დაბოლოს (მეც თქვენსავით ველოდები განდეგილობაში შექმნილი ნაწარმოებების გამოქვეყნებას), მართლაც: „სად მიდიან, სად მიფრინავენ იხვები, როდესაც ტბა იყინება?“

გიზო თავაძაძე
ქუთაისი



ლალი ხვედელიანი

ჭიქა ღვინო

როცა კვდები, მაშინ ხვდები, რომ ცხოვრება ამაოა, ჭიქა ღვინო სიკვდილის წინ მეტისმეტად საამოა, ღვინის ბანგი დაგამშვიდებს, აღარ დაგადარდიანებს, შემოგასევს უცხო ჩიტებს ლამაზებს და აზრიანებს, ის ჩიტები გაგაფრენენ, სადაც რქე და აღმასია, იქ კი თურმე ყველაფერი უსაშველოდ ლამაზია.

შემოდგომის სურნელი

მე შემოდგომის სურნელი მიყვარს, სევდისმომგვრელი
ოქროსფერები,
მე შენ მიყვარხარ ჰო, შემოდგომავე, და წამითაც არ გეპირფერები,
მე მიყვარს შენი ვერცხლის ცვარ-ნამი, წვიმის წვეთები
ფანჯრის მინაზე,
აცხცახებულ ფოთოლთა ცვენა, გადაცრეცილი ფერთა სინაზე.
ზაფხულის სიო გაცელქებული — გადაქცეული ბრაზიან ქარად,
აღერსიანი მზე შემოდგომის — მიტოვებული ბედის ამარად,
ჰო, შემოდგომავე! მე შენი მიყვარს მომტრედისფერო ღრუბლები ცაზე,
აფერადებულ ფოთოლთა ცვენა და წვიმის წვეთი ფანჯრის მინაზე.

მენდელსონის მარში

ქარმა დაგლიჯა ლეგა ღრუბელი, დააქუცმაცა, დაანამცეცა
და მერე როგორც დედინაცვალმა — გაავებულმა — ისე გამწენა.
იყო შრიალი და ფოთოლცვენა, მოაბოტებდა ზამთარი ქარში,
ქარს კი გაჰქონდა და გამოჰქონდა დროდადრო ჰანგი
ნაცნობი მარშის.
ქორწილი იყო — სადღაც შორიდან იღვენთებოდა ჰანგი — ნაცნობი,
როკავდა ქარი ნაცნობ ჰანგებზე — არ იღლებოდა ქარი ანცობით.
ეცნო მთვარესაც ნაცნობი ჰანგი და შეისწორა კეკლუცად წინდა,
ის გაახსენდა — შეყვარებული, თავის ვარსკვლავზე რომ
დაქორწინდა...
ასევე ქროდა მაშინაც ქარი და ეს ფოთლებიც როკავდნენ ქარში
და მენდელსონიც ასევე ჟღერდა — ის საქორწინო უკვდავი მარში,
და მაყრიონის ნარნარ ფერხულში ცეკვავდა თავის
ვარსკვლავთან მთვარე,
იმ ღამის შემდეგ ასე ნათელი არა ყოფილა არცერთი ღამე.

ძველი ფოტო

თვალი შენი არავისას არ ჰგავს,
ირეკლება მასში ვარსკვლავთცვენა,
შენს თმას უცხო სურნელება დაჰკრავს,
ეფინება თითქოს ოქროს ფენა,
ტანი შენი — ლერწამივით თლილი,
სუნთქვა შენი — მსგავსი კოკობ-ვარდის,
კანი შენი — ნატიფი და რბილი —
მიზეზია ჩემი წვის და დავვის.
როგორ მოვკვდე არ შევიგრძნო თუნდაც
წამიერი ნეტარება ტკბილი,
მენატრება საროს ტანი შენი და თითები —
სანთელივით თლილი.
მოდი კარგო შემეყვარო იქნებ,
სანამ გული საგულეში ღელავს,
თორემ გავა დრო და შენი ხიბლი ალბათ —
გადაავიწყდება ყველას.
მოდი კარგო, შემეყვარო იქნებ,
სანამ ვარდის სურნელება გახლავს,
გავა წლები, რჩება მხოლოდ ფოტო —
იმ ფოტოს კი სხვა სურნელი დაჰკრავს.

რა ძალიან მიყვარხარ

რა ძალიან მიყვარხარ, რა ძალიან გნატრობ,
ხან ქარიშხალს მიჰგავხარ, ხან მზესავით მათობო,
ხან ზეცაში მიმაფრენ, სადღაც — მეცხრე ცაზე,
ან მინაზე მანარცხებ — სალ, გაყინულ ქვაზე,
ნეტავ ის მაცოდინა, გულში რატომ მყავხარ,
აღბათ, აღბათ იმიტომ, გაზაფხულს რომ ჰგავხარ,
რა ძალიან მიყვარხარ, რა ძალიან გნატრობ,
გაზაფხულის სურნელით უთავბოლოდ მათობო.

გუმბარაზთა ლანდები

რა ძველია ეს ხის საფეხურები,
ზედ ატყვია ყველას ნაფეხურები,
თითქოს ხმებიც ბუმბერაზთა ჩამესმის,
თითქოს ლანდიც პაოლოსი აქ კენესის.
გრანელის ხმას მუდამ ცრემლი ასველებს.
სულ არ ესმით მისი ცისფერყანწელებს,
კონსტანტინე-ბატონს ჩოხა ჩაუცვამს,
ჯავახიშვილს მისთვის მხარი აუბამს.
მირზას მუზას ქერა თმები ამშვენებს,
ლადოს, სანყალს, ხველება არ ასვენებს.
გრიშაშვილი გოგლას უხმობს გულლიად,
ტიციანს კი ხელში ყანწი უჰყრია,
მურმანს მუხრანთან გაუბამს ბაასი,
ლექსი მესმის მეტად ლალი, ხალასი.
ნონეშვილს და აბაშიძეს რა უჭირს,
ნადირობას დალი მათ არ დაუშლის.
ფოცხიშვილის ლანდიც აქვე დამყვება,
ჩვენ ანას კი თუთა კოცნის — თავნება.
იმ პატარა ბაღშიც შემცდა ნაბიჯი,
მეუფლება გრძობა მეტად ფაქიზი.
გალაკტიონიც იქვე ზის ეული,
მერის უხმობს ხმაში ბზარგარეული.
ქედს იხრიან მის წინაშე ლანდები,
გალაკტიონს მეც ხომ ვეთაყვანები.

თან უზომო ემოცია დამყვება,
მათი ხსოვნა საუკუნეს გაყვება.
ამ დიდებულ ლაბირინთებს მივყვები,
და ცოტათი, სულ ცოტათი ვიბნევი,
ფეხაკრეფით, ჩუმად დავიარები,
არ დავაფრთხო ბუმბერაზთა ლანდები.

სამოთხე

სიკვდილის სულაც არ მეშინია, არც მოსხლეტილი
კლდიდან ლოდების,
არც ჯუნგლებიდან გამოვარდნილი, ფაფარაშლილი
მშიერ ლომების,
არც ოკეანის — როცა ღელავს და ტალღით ნალექვას
როცა მიპირებს,
არც სატანის, როცა ხელს მიქნევს და თავის მხარეს
როცა მიბირებს,
და არც ჯოჯოხეთის არ მეშინია და არც სიმძიმის
ჩემი ცოდვების,
არც სიმარტოვის მინდვრის თავგვივით, არც
კომმარული ლამის ბოდვების,
იცი რა მაკრთობს ყველაზე მეტად? — ფუჭი ბაზარი
ამაოების.

ილუზია

ნუ შეიქმნი ილუზიას — ნუ დაგწყდება გული,
რომ ცხოვრების გზა ყოფილა მეტისმეტად რთული,
ვინ და რა გზას დაადგება, მხოლოდ ღმერთმა უწყის,
ბედიც თავის მეპატრონეს მოსახვევში უცდის.
ნუ შეიქმნი ილუზიას, რომ იქნები მუდამ,
ზოგისათვის ცა ცისფერი უკვე გადახუნდა,
ზოგმა უცებ გამოისხა ანგელოზის ფრთები,
ზოგიერთი სად ვეძებო დღემდე ვერა ვხვდები.
ილუზია ელობება ადამიანს გზაზე,
ილუზია სულ მიგაფრენს სადღაც — მეცხრე ცაზე,
მაგრამ როცა ღვთისმშობელმა ქრისტე მუცლადილო
ილუზია არსად ჩანდა — სადღაც გამქრალიყო.

აპრილი

გარეთ იდგა აპრილი, სიო თვალებს ნაბავდა, სიყვარულით
აჭრილი ფუტკარი ვარდს აბამდა,
ჭრელი ნაზი პეპელა დაექებდა საყვარელს, ახალგაზრდა
მხატვარი აზავებდა აკვარელს,
ასკდებოდა ნაპირებს სიხარულით ყვირილა, ლამაზ გოგოს
გულდასმით მკითხაობდა გვირილა,
კეკლუცობდა იასთან ცისფერთვალა ღიღილო — შენ კი, ჩე-
მო მამალო, იქნებ ჩუმად იყვილო.

მუდმივი

არაფერია ამქვეყნად მუდმივი, მარადიული,
ყვავილი ჭკნება, ხე ხმება და ყველაფერი ხილული
უჩინარდება, ქრება, ან სხვა სახედ გარდაიქმნება
და ეს ხომ ღმერთის ნებაა — ეს თავად ღმერთმა ინება...
სად ქრება ეს ყველაფერი, ან სადღა უჩინარდება?
დილით კი — ისევ თენდება, ღამით კი — ისევ ღამდება,
ლოდები კენჭად იქცევა, დროდადრო მთვარეც ილევა,
მაგრამ ის ვიცი, ზღვა კოვზით არასდროს არ დაილევა.

ზამთარი

არ მიყვარს თბილი ზამთარი, ზამთარი მიყვარს ცივი,
მშიერი აფთრის თვალს რომ ჰგავს მზეს მოსხლეტილი სხივი,
ქარი ღრიალით რომ აფრთხოვს აცახცახებულ ხეებს,
შიშველი ხელით რომ ებმის საუკუნოვან კლდეებს.
როცა ბზრიალით ცეკვავენ თეთრი ფიფქები ღამით,
თოვლის ფანტელის მუსიკა რომ არ დუმდება წამით,
როცა წყვილ-წყვილად ფრინავენ ფიქრები საოცნებო,
აკაპინებულ ხელებით კვერებს რომ აცხობს ბებო,
აგიზგიზებულ ბუხარში რომ იკლაკნება ცეცხლი,
თოვლის დედოფლის მანდილი რომ იქარგება ვერცხლით,
თოვლის ფანტელით გულდაგულ რომ იხატება მდელო
და იმედებით მოელის გაზაფხულს საქართველო.
არ მიყვარს თბილი ზამთარი, ზამთარი მიყვარს ცივი,
მშიერი აფთრის თვალს რომ ჰგავს მზეს მოსხლეტილი სხივი.

დაუნდობელი სიკვდილი

გამიგონია, სიკვდილო, ყოფილხარ სოფლის აშუკი,
თუ ვინმე კარგი გინახავს, გაგიბამს მასთან არშიცი,
ვეცადე გამიჯნურებას, მინდოდა შენთან ზავიო,
რა მიუვალი ყოფილხარ — ვერ მოგანონე თავიო.
რა ვერაგი ხარ, სიკვდილო — თვალხარბი, დაუნდობელი,
შვილს როგორ უნდა მარხავდეს თავისზე ადრე მშობელი.
ნეტავ ვინა გშვა, სიკვდილო, საიდანა ხარ მოსული!
რადა ხარ მუდამ ასეთი იღუმალებით მოცული!

მთვარე მიყვარს...

მთვარე მიყვარს, მთვარეს ველი, რომ დუმდება
მინდორ-ველი,
მთვარე მიყვარს და არც ვმალავ, ყოველ ღამე
გზას ვიკვალავ.
მთვარისაკენ, მთვარის შუქზე, მთვარის სხივების ფერხულში,
ის ღამე კი ეჭვიანი — სულ არ არის ბაიბურში.
როცა ღამით ყველაფერი, ყველაფერი იყურსება,
იდუმალი სავსე მთვარე მხოლოდ მე მეაღერსება,
როცა მასთან შესახვედრად ოქროებით ვიმოსები.
თურმე შურით ივსებიან გულყვითელა მიმოზები.
მაღე მთვარეც გამოჩნდება — დამიკოცნის თმას და ხელებს,
ისიც იმის ლოდინშია, როდის დამიმარტოხელებს,
ის ღამე კი — ეჭვიანი, ან არ იდებს წყენას გულში,
ან არადა — სულ არ არის ამ ამბების ბაიბურში.

პოემა

შორი გზიდან პანანინა ლექსი მომიფანცალდა,
ამ ლექსიდან მინდა შევქმნა პოემა — თუ დამცალდა...
პირველ რიგში ღმერთს ვადიდებ და პურს ჩვენი არსობის,
შემდეგ ხოტბას მშობელს ვასხამ და არსს კაი კაცობის,
შემდეგ ლოცვას გაუფგზავნი მეგობრებს და ახლობლებს,
განვადიდებ ჩემს სამშობლოს, ვანუგეშებ ქვრივ-ობლებს,
შემდეგ, როცა შენელდება ცხოვრების ეს მარულა
და მივხვდები დრო, ცბიერი, სადღაც რომ გაპარულა,
გადავწმინდავ გადაცრეცილ ხანას ახალგაზრდობის,
გულუბრყვილო ოცნებების, ხალისის და გართობის,
მინდა კიდევ ერთხელ შევსვა სიყვარულის სამსალა
და პოემაც დასრულდება — თუკი ღმერთმა მაცალა.

დავით ხიზამბარელი

რა დარჩენიათ აქ მოხუცებს?!

თანამედროვე ამერიკელი მწერლის, ცოცხალ კლასიკოსად შერაცხული კორმაკ მაკარტის შემოქმედება დიდი ხნის მანძილზე იყო უცნობი ქართველი მკითხველისთვის და ბევრი დრო არაა მას შემდეგ გასული, რაც ბაკურ სულაკაურის გამომცემლობამ „კინო ბიბლიოთეკის“ სერიის ფარგლებში მისი ყველაზე ცნობილი ნაწარმოები „მოხუცების ადგილი აქ არ არის“ გამოსცა. ნიგნის პოპულარიზაციას ხელი ძმები კოენების მიერ 2007 წელს გადაღებულმა ამავე სახელწოდების ოსკაროსანმა ფილმმაც შეუწყო, თუმცა ძმები კოენები არ იყვნენ პირველები (და არც უკანასკნელნი), ვინც კორმაკ მაკარტის რომანის მიხედვით ფილმი გადაიღო და ამას საკუთარი ახსნა აქვს — მისი პროზა ძალზე კინემატოგრაფიულია, რაც აიძულებს კინორეჟისორებსა და კინოპროდიუსერებს მისი ყოველი მომდევნო ნიგნის გამოსვლისთანავე საავტორო უფლებათა ხელში ჩაგდებასთვის იბრძოლონ. ასე იყო ადრე, გასული საუკუნის ბოლოს, და ასეა დღესაც.

მაკარტი რჩება კინემატოგრაფის ერთ-ერთ ფავორიტ მწერლად, მსგავსად სხვა ამერიკელი მწერლებისა, როგორებიც იყვნენ: დემოლ ჰემეტი, რეიმონდ ჩენდლერი, ჯეიმს მ. კეინი და ბევრი სხვა, ვის ნაწარმოებზეც იყო აგებული 1940-იანი წლების ამერიკული „ფილმ ნუარი“ (კრიმინალური ფილმები). მიუხედავად ამისა, კორმაკ მაკარტის პროზას უფრო მეტი ამბიცია აქვს, ვიდრე ზემოთჩამოთვნილ ავტორებს (მათი ლიტერატურა, პირდაპირ იყო მიბმული კინოინდუსტრიასთან), რადგან ის არაა კლასიკური ტრილერების ავტორი. მას უფრო მეტი შეუძლია და ის, რომ მისი პოპულარობა ბოლო წლებში სწორედ კოენების კრიმინალურ დრამასთანაა დაკავშირებული, არ ნიშნავს, რომ იგი, როგორც კლასიკოსი ავტორი, აღარ არსებობს. არა, ასე მარტივადაც არაა საქმე, თუნდაც იმ ბოლო წლების რომანებში, რომელთა გამოც არაერთი კრიტიკული აზრი გაჟღერდა, მაკარტი ახერხებს გარკვეულ დონეზე საკუთარი სიმაღლე შეინარჩუნოს და სისხლის გუბების, ხოცვა-ჟლეტის, სხვადასხვა კალიბრის იარაღის ბათქა-ბუთქის დეტალური აღწერის პარალელურად, რომელსაც ნიგნში „მოხუცების ადგილი აქ არ არის“ დიდი ადგილი უკავია, იქვე აღმოვაჩინოთ ტრადიციული, თვითმყოფადი ამერიკული ლიტერატურის მაღალ სტანდარტებსაც, რომელსაც ფოლკნერი და ჰემინგუეი ამკვიდრებდნენ XX საუკუნეში. მაკარტი მათი მემკვიდრეა, რასაც კრიტიკოსებიც ხშირად აღნიშნავენ. თუნდაც ზემოთაღნიშნულ ნაწარმოებშიც ნააწყდებით ფოლკნერის აკადემიურ, მძიმე და რთულ ქვეყნობილი წინადადებებით დატვირთულ პროზას, მაგრამ უფრო გაფილტრულსა და გამარტივებულს (უფრო იმ ფოლკნერს, რომელიც კონრადის გავლენას განიცდიდა), რომლითაც შერიფი ბელი მეტყველებს თავის გრძელ-გრძელ მონოლოგებში. ასევე ჰემინგუეისთვის დამახასიათებელ მსუბუქ, ბელეტრისტულ სტილს, მაგრამ მაკარტი მხოლოდ მის სტრუქტურას ინარჩუნებს და ამ ე.წ. „მსუბუქი სტილის“ მემკვიდრეობით ძალადობას და განსაკუთრებული სისასტიკით ჩადენილ მკვლევრობებს (მაგ.: ჩიგურმა სახეში ესროლა. ყველაფერი რაც ოდესმე უელსმა იცოდა ან უფიქრია ან უყვარდა ნელ-ნელა ჩამოიღვენთა კედელზე მის უკან. დედის სახე, პირველი ზიარება, ქალები რომლებიც უყვარდა. იმ მამაკაცების სახეები რომლებიც მის წინ დაიქნალები კვდებოდნენ. სხვა ქვეყანაში გზისპირა თხრილში მკვდარი ბავშვის სხეული. საწოლზე ხლებებამილი ინვა. თავის ნახევარი ნაცლილი ჰქონდა. მარჯვენა ხელის მტევნის დიდი ნაწილიც აკლდა. ჩიგური წამოღდა. იატაკიდან მასრა აიღო. სული შეუბერა და ჯიბეში ჩა-

იღო. მერე საათს დახედა. ახალი დღის დადგომამდე ერთი წუთი რჩებოდა. — **თარგმნა ეკატერინე სუშბათაშვილი**) კიდევ უფრო მეტ კონტრასტს ანიჭებს, რითაც მკითხველზე განსაკუთრებულ, შემადრწუნებელ ეფექტს ახდენს.

კიდევ ერთი დიდი ლიტერატურული სახელი, რომელსაც მაკარტი უნდა უმადლოდეს, ჯოზეფ კონრადია, რომლის სამწერლო სტილი და პრობლემატიკაც მაკარტისთვისაც მიმზიდველი აღმოჩნდა მის დიდ წინაპართა მსგავსად. ისევ და ისევ შერიფ ბელთანაა დაკავშირებული კონრადის სტილიც და „ლორდი ჯიმისეული“ დილემა და შინაგანი ბრძოლა ჩადენილი დანაშაულის გამო. თუ ლორდი ჯიმი ჩასაძირად განწირულ გემს და მის მგზავრებს მიატოვებს, შერიფი ბელი თავის ერთ-ერთ ბოლო და ყველაზე გრძელ მონოლოგში ყვება, თუ როგორ გამოიქცა მეორე მსოფლიო ომის დროს ბრძოლის ველიდან და თავისი თანამებრძოლები მტრის პირისპირ დატოვა. თავისთავად ეს ამბავი განსაკუთრებულ ადგილს არ იკავებს ნიგნში, მაგრამ მაკარტის პროზის კონრადისეულ გავლენებზე შთაბეჭდილებების შესაქმნელად ნამდვილად გამოდგება. თუმცა ყველაზე მეტად მაინც ფოლკნერი ის ავტორი, რომლის ადგილსაც მაკარტი დაიკავებდა სიამოვნებით, მაგრამ არ გაუმართლა ამ მხრივ, „ბებერი ბილი“ ისე მყარად დგას თავის ადგილზე.

მაკარტიც ფოლკნერის მსგავსად სამხრეთელი ავტორია, თავისი ტექსტური ისტორიებით და სასაზღვრო პრობლემატიკით. საზღვართანაა დაკავშირებული მისი ყველაზე წარმატებული ტრილოგია (**The Border Trilogy** — სასაზღვრო ტრილოგია) რომელშიც მაკარტის სამი ადრეული ნაწარმოებია პირობითად გაერთიანებული — „სისხლიანი მერიდიანი“ (ყველაზე მნიშვნელოვანი მის შემოქმედებაში); „მშვენიერი ცხენები“ და „გადაკვეთა“, თუმცა თითოეული ამ ნაწარმოების ნაკლი ისაა, რომ ყველა ერთმანეთის მსგავსია, შესაძლოა მნიშვნელოვანი განსხვავებები იყოს მათ შორის, მაგრამ ძირითადი ფაბულა და სტრუქტურა იგივეა, როგორც წესი, ხოლო მისი ენა ხშირად უფრო არქაულად, ჟღერს ვიდრე ფოლკნერის და კონრადის სალიტერატურო ენა.

ჯიმი ჰარისონის მსგავსად, რომელიც უფრო ამერიკის ჩრდილოეთ საზღვრის მწერალია, მაკარტიც ძალიანაა გატაცებული ადგილობრივი მითებითა და მათი დამუშავებით, იმ განსხვავებით, რომ მაკარტისთან ეს მითები და მითოლოგიური პერსონაჟები რაღაც მნიშვნელოვანი და განსაკუთრებული ინტერპრეტაციის საგანი ვერ ხდება, განსხვავებით მისი ჩრდილოამერიკელი კოლეგისა. მაგრამ ის, რაც ყველაზე უკეთ გამოსდის (გამოსდიოდა), ისევ და ისევ მისი კინემატოგრაფიული სტილია, ხედავა (რომლის ფუძემდებლადაც კინემატოგრაფისტები დიკენსს მიიჩნევენ) და, როგორც უკანასკნელი გამოშვების კინოკამერა, ისე ალბეჭდავს ყველაზე უმნიშვნელო დეტალებსაც, რაც საბოლოოდ ძალიან მნიშვნელოვანი ხდება კინოსა და ლიტერატურისათვის.


გარდა ამისა, ფოლკნერის მსგავსად, ადამიანი მაკარტისთვისაც მისი წარსულისა და აწმყოს ჯამია, თუმცა ეს მიმართება კიდევ უფრო დამძიმებულია, როცა საქმე ძალადობას ეხება, მაკარტის აზრით აუცილებელ ძალადობას (ტრადიციულ ამერიკულ ვესტერნებში აბორიგენთა მიმართ ძალადობა გამართლებული იყო ნატურალიზებული ამერიკელთათვის მშვიდობიანი ცხოვრების უზრუნველსაყოფად) და როდესაც „სისხლიანი მერიდიანში“ დაქირავებული ჯარისკაცები ტენას-მექსიკის საზღვარზე ათას სისადაგლეს სჩადიან, თავს ესხმიან ადგილობრივ ინდიელებს და შემდეგ მათ საკატებს ზაზარში ყიდიან, მთელი ეს სისასტიკე გარკვეულწილად მათი წარსულისთვისაა გადაბრუნებული, რადგან აკეთებენ იმას, რაც მათ წინაპრებს უკეთებიათ. შეიძლება ითქვას, წარსული მაკარტისთვის ერთდროულად კარგსაც შობს და ცუდსაც, მაშინ როდესაც ფოლკნერი უფრო მეტად იმ წარსულზე წერს, რომელიც უმეტესად კარგის მაუწყებელია, მაგრამ, დიდი ალბათობით, მაკარტიზე უკეთ იცის მისი ზნელი ჯურღმულებიც.

საბოლოოდ მაკარტი იდეალისტი კონსერვატორი ხდება, განსაკუთრებით კი რომანში „მოხუცების ადგილი აქ არ არის“, სადაც მოხერხებული შერიფი, რომელსაც ზეგავლენა ხელიდან ეცლება,

წარსულ დროს მისტირის, მაშინ როდესაც ყველაფერი უკეთესად იყო („მასწავლებლებს უნდა დაენერათ იმ პრობლემების შესახებ რომლებსაც გაკვეთილებზე აწყდებოდნენ. მათაც ყველაზე დიდ პრობლემებს შორის დასახელებს გაკვეთილებზე მოსწავლეების ერთმანეთში საუბარი და დასვენებებზე მათი დერეფნებში სიბილი. საღებავი რეზინის ლეჭვა. დავალებების ერთმანეთისგან გადაწერა. და სხვა ამგვარი. იგივე კითხვარები თავიდან დაბეჭდეს და იმავე სკოლებში გაგზავნეს შესავსებად ორმოცი წლის შემდეგ. და მიიღეს პასუხები. გაუპატიურება. ცეცხლის წაკიდება, მკვლელობა. ნარკოტიკები. თვითმკვლელობა. ასე რომ, დავფიქრდი. უკვე დიდი ხანია ადამიანებს ვეუბნები, სამყარო ჯოჯოხეთისკენ მიექანება-მეთქი. ისინი კი პასუხად იღობიან და მეუბნებიან, ბერდებო. თითქოს ეს სიბერის ერთ-ერთი სიმპტომი იყოს“), იმ დონემდეც კი მიდის, რომ ტექნოლოგიურ პროგრესსაც რეაქციონერის თვალთ უყურებს, მაგრამ ეს არაა დემაგოგიური მტკიცება მომავლის წინააღმდეგ, არამედ კლასიკური ამერიკული კონსერვატიზმის ტრადიციებზე დაყრდნობილი მიდგომა, რომელსაც ან გაიზიარებ ან არა („არ ვარ დარწმუნებული, რომ ახალი ტექნოლოგია საპატრულო პოლიციას დიდ დახმარებას უწევს. ის აღჭურვილობა, რაც ჩვენ ხელთაა, მონინააღმდეგმდეც აღწევს“; ან „ჩემი საპატრულო მანქანა შვიდი წლისაა. მისი ძრავა 454-ე მოდელია. ახლა ასეთს ვერსად შეხვდებით. ერთხელ ახალი ძრავა ჩავაყენე და იმით სიარული ვცადე. ლოკოკინასაც ვერ გაასწრებ. ვთქვი, რომ იმ ძრავით ვივლიდი, რომელიც მომწონს. სიახლე ყოველთვის კარგი არ არის. თუმცა არც იმის თქმა შეიძლება, რომ ყოველი სიახლე უარესობისკენ გადადგმული ნაბიჯია“).

რაც შეეხება უშუალოდ წიგნის სიუჟეტს, ერთი შეხედვით, კლასიკური „ნუარია“, მამაკაცური საკითხავი. ვიეტნამის ომის ვეტერანი და ამჟამად რკინის შემდეგლებლად მომუშავე ლუელინ მოსი ანტილოპებზე ნადირობისას შემთხვევით წააწყდება ნარკომოვაჭრეთა გვამებს და ორი მილიონი დოლარით სავსე ჩანთას, რაც „აქედუნებს“ მოსს, წამოიღებს უპატრონოდ დარჩენილ ფულს, რასაც არანახული ხოცვა-ჟლეტა მოჰყვება. განსაკუთრებით კი მას შემდეგ, რაც საქმეში დაქირავებული მკვლეელი, ანტონ ჩიგური, ერთვება და იწყებს ფულსა და მის „გამიტაცებელზე“ ნადირობას, წამდვილი მეორედ მოსვლა იწყება ტეხასის შტატში. ჩიგური კლავს ყველას, ვინც საჭიროა და არაა საჭირო, და საერთოდაც მისი განსჯა არანაირ მსოფლმხედველობით დადგენილი ნორმების ფარგლებში არ თავსდება, რადგან ის თვითონ ადგენს საკუთარ სტანდარტებს და ერთგულად მისდევს მათ. ჩიგური ასეთ გამოსავალს სთავაზობს მოსს, რომლის მიხედვითაც მოსს მიაქვს ფული ჩიგურთან, შემდეგ ჩიგური მოკლავს მოსს და ამის შემდეგ ჩიგური აღარ მოკლავს მოსის ცოლს — კარლა ჯინს. წინააღმდეგ შემთხვევაში, მოსი ფულსაც დაკარგავს, ცოლსაც და საკუთარ სიცოცხლესაც. მაგრამ რადგან ეს უკანასკნელი ჩიგურის ამ „უსამართლო“ შემთავაზებას არ თანხმდება, საბოლოოდ ყველაფერი ისე მთავრდება როგორც „დემონურ კილერს“ სურს — ფულსაც იბრუნებს და კარლა ჯინსაც კლავს, აბა როგორ? ჩიგური ის კაცი არაა, ვინც სიტყვას უღალატებს, ხოლო ის, თუ რამდენი დამნაშავე თუ უდანაშაულო ადამიანის სიცოცხლე ეწირება ამ ახირებული კაცის „სამართლიანობას“, დიდი მნიშვნელობა აღარ აქვს. რაც შეეხება მოსს, მას სხვები კლავენ, მნიშვნელობა არ აქვს — ვინ, მნიშვნელობა აქვს — როგორ და რატომ, თუმცა ამაზე ოდნავ მოგვიანებით.

ერთ მხარეს დგას მოსის და ჩიგურის დაპირისპირება, თანამდევით ათეულობით მსხვერპლით, ხოლო მეორე მხარეს ზემოთხსენებები მოხუცი, საპენსიო ასაკს მიღწეული შერიფი ბელი, რომელსაც მხოლოდ ის უნდა, რომ სიმშვიდე იყოს მის მხარეში და იმ თავზეხელაღებულ კრიმინალთა სადევნელად აღარც მუხლი მისდევს და აღარც მონდომება, თავის თავს ელაპარაკება და ამხნევეს, ძველ დროს იხსენებს და წუხს, რომ „ქვეყანა ჯოჯოხეთისკენ მიექანება“. სულ ესაა, რაც შეუძლია, კრიმინალთან ბრძოლის თავი არ აქვს და იმასლა ცდილობს, სავარაუდო მსხვერპლი მაინც



კორმაკ მაკარტი

გადაარჩინოს, მაგრამ არც აქ გამოსდის არაფერი და საერთოდაც, მოხუცების ადგილი ასეთ სამყაროში აღარაა. ახალი დრო ახალ სისხლსა და ენერჯის ითხოვს, შესაძლოა ახალ აზროვნებასაც, რადგან შერიფის იდეალისტური აზროვნება რას უნდა გახდეს ჩიგურის ულტრარადიკალურ მსოფლმხედველობასთან? თავისთავად მაკარტი არ აკონკრეტებს რატომ ჰქვია წიგნს ასე და არა სხვაგვარად, თუმცა რომანის სახელწოდება უილიამ ბატლერ იეიტსის აპოკალიპტური ლექსიდან „გაცურვა ბაზანტიიდან“ არის აღებული და სწორედ ეს ნაწარმოები (ორი სტროფი) აქვს გადევნებული რომანს პერიფრაზად:

**რა დარჩენიათ აქ მოხუცებს, ამ უცხო მხარეს
სადაც ქალ—ვაჟნი ერთმანეთის მკლავებში წვანან.
(თარგმნა მედეა ზაპალიშვილი)**

რატომ აღარაა მოხუცების ადგილი ამ მხარეში, იმიტომ ხომ არა, რომ მაშინ როდესაც ქვეყანა „ჯოჯოხეთში მიექანება“, უფრო მეტია საჭირო, ვიდრე პენსიონერი შერიფის მცდელობები; ერთმნიშვნელოვანი პასუხი არ არსებობს, ფაქტი კი ისაა, მომდევნო რომანში „გზა“ (რომლის მიხედვითაც ასევე გადაღებულია ფილმი) კორმაკ მაკარტიმ უკვე პოსტაპოკალიპტური გარემო აღწერა, სადაც აღარ არსებობს ცივილიზაციის ნიშან-წყალი და აქა-იქ შემორჩენილი ადამიანები „არაადამიანებისგან“ ცდილობენ თავის დაცვას და უსაფრთხო გარემოს პოვნას.

ნიშანდობლივია ეს ორი ნაწარმოები, პირველი თითქოს ამზადებს გარემოს მეორისათვის. საინტერესოა რა იქნება მომდევნო რომანში, რომელიც უკვე დაანონსებულია, მაგრამ წიგნის მალაზიის თაროები ჯერ არ დაუკავებია.

მაკარტი თავის პერსონაჟებს არ აღწერს, არ ახდენს მათ დახასიათებას, ცდილობს, შორიდან წარმოსახოს მათი ემოციები, ისიც სულ რამდენიმე ეპიზოდში — მაშინ, როცა მოსს მოსაკლავად მისდევენ უდაბნოში, ინანებს, რომ შინ არ დარჩა ცოლთან, და ასევე გაიხსენებს, რომ მეორედ ეწვია ასეთი გრძნობა, ვიეტნამის შემდეგ. ერთი პატარა წინადადებით მაკარტი მოსის მთელ ისტორიას ყვება. ისევე როგორც სხვა უამრავი ახალგაზრდა ამერიკელი, ისიც ახალგაზრდული იდეალებით აღსავსე წავიდა ომში; ისევე როგორც შერიფი ბელი, ცოტა უფრო ადრე, მეორე მსოფლიო ომში. რალაცით გვანან ეს ორნი ერთანეთს, მიუხედავად საომარი და საპოლიციო გამოცდილებებისა, ორივე ინარჩუნებს ადამიანობის იმ ხარისხს, რაც ჩიგურის და მისი დამკვეთებისათვის უცხო და მიუღებელია. მოსს სწორედ ეს ლუპავს, ხოლო ჩიგურს — პირიქით, ამ „ადამიანური თვისებებისგან“ გათავისუფლება ეხმარება ყოველთვის მშრალად გამოძვრეს რთული სიტუაციებიდან.

მას შემდეგ, რაც მოსი უდაბნოში ფულსა და გვამებს წააწყდება, შემთხვევით აღმოაჩენს, რომ ერთ-ერთი ჯერაც

ცოცხალია და წყალს სთხოვს, რაც რა თქმა უნდა მოსს არ აქვს. ამის შემდეგ იგი თავის ფარდულში ბრუნდება და ღამით მაინც გადაწყვეტს მომაკვდავისთვის წყლის წაღებას, მაშინ როცა იცის, რომ დიდი ალბათობით ცოცხალი აღარ დახვდება და დიდ შარშიც გახვდება, რადგან არაა გამორიცხული, უკვე ეძებდნენ ფულის გამტაცებელს, რომელსაც ვერასდროს მიაგნებდნენ, რომ არა მოსის ხელახალი, სრულიად „გაუაზრებელი“ მისვლა შემთხვევის ადგილზე. მაგრამ სწორედ რომ ესაა მაკარტისთვის ის ხელმოსაჭიდი, რითაც უპირისპირდება ჩიგურის დემონურ ძალას, და მაშინ, როცა მოსმა ჭკუა უნდა ისწავლოს და სიცოცხლე საფრთხეში აღარ ჩაიგდოს.

მეორე შემთხვევაშიც სწორედ ხასიათი ღუპავს, ამჯერად უკვე პირდაპირი ვაგებით. როცა მის მოსაკლავად მისული ნარკოდილერებიდან ერთ-ერთი მოსის მეგობარ გოგონას იარაღს მიაღებს შუბლზე, მოსი თავის იარაღს მიწაზე დააგდებს და შემდეგ რაც მოხდება, არც ისე რთული გამოსაცნობია. მაგრამ აქ კიდევ ერთი უსამართლობაა, ვერავის დაცვას ვერ ახერხებს ამ თავისი რაინდული თვისებებით, ვერც ცოლი დაიცვა და ვერც ის გოგონა, რომლის გამოც თავი გაწირა, ასე რომ, მოხუცებში მარტო შერიფი ბელი არ იგულისხმება, მოსიც მოხუცია, ძველი დროის კაცი, რომელთა დროც გავიდა, რაც უნდა ძნელად დასაჯერებელი იყოს. მაკარტი კარგად იცის, რასაც წერს, ყოველთვის კარგად იცის, იცის, როგორ დაიწყებს და როგორ დაამთავრებს წიგნს და ატმოსფეროსაც ქმნის ისეთს, საიდანაც გამოსავალი არ არსებობს, და თუ არსებობს, ისიც მხოლოდ შემხვევითობაზე დამოკიდებული, და ამ შემთხვევითობას, პროფანული, საკრალური თუ ეზოთერული კუთხით მიუხედავად, უკვე კონკრეტული ინდივიდის მსოფლმხედველობის საკითხია. ფაქტი ერთია, რაც უნდა „მაგარი“ იყო, ყველაფერს ვერ გაითვალისწინებ, ვერ გამოთვლი.

მაკარტი კარგი მწერალია, კარგი იყო მაშინ, როცა „სისხლიან მერიდიანს“ წერდა, როცა პრიმიტიული ვესტერნის ჟანრი სერიოზულ ლიტერატურად აქცია, და კარგია ახლაც, როცა არ შეწყვიტა წერა წარმატების ზენიტში მყოფმა და არ ისურვა „ცოცხალ კლასიკოსად“ დარჩენა, მიუხედავად იმისა, რომ კრიტიკა სულ უფრო და უფრო ცუდად ხვდება მის ყოველ ახალ ნაწარმოებს. იმისათვის, რომ დავაფასოთ „მოხუცების ადგილი აქ არ არის“, საჭიროა მისი მომდევნო რომანიც „გზა“ წავიკითხოთ, ან ფილმად მაინც ვნახოთ (როგორც წესი, მაკარტის წიგნებს აბზაც-აბზაც მისდევენ რეჟისორები ფილმში), რათა უკეთესად შევიგრძნოთ ის პესიმისტური განწყობა, რომელსაც მაკარტი სისხლის გუბებზე, მკვლელობებისა და სხვადასხვა იარაღის დეტალური აღწერის მიღმა ქმნის.

თუმცა ამდენი კითხვაც არაა საჭირო, ჩიგურის პერსონაჟიც საკმარისია. იშვიათია ასეთი პერსონაჟი, რომელიც ერთდროულად შიშის ზარს სცემს წიგნის ყველა სხვა პერსონაჟს და, ამასთან, აძულებს მკითხველს, გარკვეული სიმპათიაც გაუჩნდეს მის მიმართ, მაშინ როდესაც უფრო სიმპათიურებიც მოიძებნებოდა. მაგრამ არა, ჩიგური სრულყოფილია, უნაკლო ადამიანი, მაგრამ უნაკლო იმ სამყაროსთვის, სადაც ასე კომფორტულად გრძნობს თავს, სამყაროში, სადაც ლუელინ მოსი სულ არაფრისთვის სწირავს თავს, ხოლო შერიფ ბელს, ყმანვილკაცობისდროინდელი ფსევდოდანაშაული ვერ უპატივბია თავისი თავისთვის და ფაქტობრივად, მისი პასიურობის ერთგვარი გასაღებიც სწორედ აქ დევს.

ჩიგურს არსებითად არ გააჩნია არანაირი კულტურული წარსული, თითქოს ის ერთი ცალკე არსებობს და მხოლოდ ტკივილისას, ოფლით დასველებული შუბლით ცნობს, რომ ისიც ადამიანია და აქვს თავისი შეზღუდული ფილოსოფიური შეხედულებანი, რომელიც არასოდეს ავნებს მის ავტორს, ყოველთვის ფაქტალური შედეგი მოაქვს სხვა ყველასათვის.

თუმცა ჩიგურსაც ჰყავს რაღაც ზემდგომი ინსტანცია, შემთხვევითობა, რომლის მიხედვითაც საშუალებას აძლევს თავის თავს, ითამამოს სხვების სიცოცხლით და, ამასთან, გარკვეული სამართალიც დაადგინოს, ისეც იმ შემთხვევაში, თუ ეს კონკრეტული ადამიანი მისთვის არანაირ საფრთხეს არ წარმოადგენს.

თუ მისგან საფრთხე მოდის, სულ უმცირესიც კი, მაშინ არავითარი ზემდგომი ინსტანცია აღარ არსებობს. ეს ინსტანცია კი სხვა არაფერია, თუ არა მონეტა, „ავერსი-რევერსი“. გერბი ამოვა და გადარჩები, თუ არადა ნახვამდის, არ გაგიმართლა („ყველაფერი შეიძლება ბედის გადასაწყვეტად გამოდგეს, თქვა ჩიგურმა. ყოველგვარი უმნიშვნელო რამ. ისეთებიც როგორებსაც ყურადღებას არც კი აქცევ. ისეთი რამ რაც ჩვეულებრივ ხელიდან ხელში გადადის. ადამიანები მათ ყურადღებას არ აქცევენ. ერთ დღესაც კი ეს გადამწყვეტი ხდება. და ამის შემდეგ ძველებურად ველარაფერი იქნება. სისულელეაო, ამბობ. ეს ხომ უბრალო მონეტაა. ამ წუთას. მასში განსაკუთრებული არაფერია. როგორ შეიძლება მან რამე გადაწყვიტოს? მაგრამ პრობლემა უნდა დაინახო. მოქმედება ფაქტისგან გამიჯნო. თითქოს ისტორიის გარკვეულმა მომენტმა სხვა მომენტს გაუცვალა ადგილი. ეს როგორ შეიძლება მოხდეს? მონეტის წყალობით. შო. ესაა სიმართლე. ასეა?“) ჩიგურს არ აქვს წარსული, და საერთოდაც არ არსებობს, რადგან ყველა, ვინც კი იცნობს ცოცხლად, ცოცხალი აღარაა. არადა მის მიერ ჩადენილი თითქმის ყველა მკვლელობა ღია ცის ქვეშ, ტყეხასის ფართო ქუჩებში ხდება, თან როგორ? უზარმაზარი ჟანგბადის ბალონით (აქაც კრიტიკოსები კონრადის გავლენას ხედავენ და რომანის „საიდუმლო აგენტი“ მთავარ გმირთან ავლენენ პარალელს, რომელიც ხელყუმბარებით შეიარაღებული დადის XX საუკუნის დასაწყისში), მასზე მიმაგრებული პნევმატური ჩაქურჩით, რომელიც კვალს არ ტოვებს (ბალისტიკური ექსპერტიზისათვის) და რომლითაც საქონელს ხოცავენ მუნიციპალურ სასაკლავოებზე.

ჩიგურისთვის ერთი ფასი აქვს ადამიანსაც და საუკონესაც, და ამასთან, ჟანგბადის ბალონის ტარება და მკვლევობები სხვა არაფერია, თუ არა ძველი, „მოხუცების“ მიერ დადგენილი ნორმების აბუჩად აგდება. ის კი ახალ რეალობას ქმნის, რომელიც რომანში „გზა“ გამოჩნდება ფართო მასშტაბით, მაგრამ ვიდრე აპოკალიფსი დაატყდებოდა თავს დღემინას, მანამდე ჩიგური ერთ-ერთ ბოლო და ყველაზე უდანაშაულო მსხვერპლს მიადგება მოსაკლავად, მოსის ცოლს, კარლა ჯინს, და მიუხედავად უდანაშაულობის მტკიცებისა, და კარლა ჯინი მართლაც უდანაშაულოა, ჩიგური ვერ დალატობს თავის ფილოსოფიას და პირობას, რომელიც მის უკვე მკვდარ ქმარს მისცა („მთხვოვ სისუსტე გამოვიჩინო ამას კი არასდროს დაუშვებ. მთელი ცხოვრება ერთ წესს მივდექ. მისთვის გამოწკლისები არ არსებობს. ერთადერთი, რაც შემიძლია გავაკეთო, მონეტის აგდებაა. შენ შემთხვევაში ამან ვერ გიშველა. როგორ უნდა დაძლიო ის, რის არსებობისაც არ გჯერა? გესმის, რას ვამბობ? როგორც კი შენს ცხოვრებაში გამოვჩნდი, იმ წამს დასრულდა შენი ცხოვრება. მას ჰქონდა დასაწყისი, შუა ნაწილი და აქვს დასასრული. ახლა დასასრულის რიგია. ეგებ მითხრა, რომ ყველაფერი შეიძლებოდა სხვაგვარად ყოფილიყო. სხვა გზით ნასულიყო. მაგრამ რა მნიშვნელობა აქვს? სხვა გზა არც არსებობს. ის ერთი და უცვლელია. შენ მთხვოვ ეს გზა შევცვალაო. გესმის?)

შო, ამოიქვიითინა ქალმა. მესმის. გასაგებია. კარგია, თქვა ჩიგურმა. ეს კარგია მერე ესროლა“)

და რადგანაც ჩიგურისთვის რეალური მონინალმდევე არ არსებობს, მასზე უკვე სხვა მონინალმდევე ზემოქმედებს და ზუსტად მაშინ, როდესაც ყველაფერი მოაგვარა, ყველა მოკლა, ვინც მოსაკლავი იყო და ვინც არა, ჩიგური ავტოკატასტროფის მსხვერპლი ხდება. არ კვდება. ასეთები იოლად არ კვდებიან, მაგრამ ერთი რამ ცხადი ხდება, იქ, სადაც არსებობენ შენზე სუსტები, აუცილებლად გამორჩებიან შენზე ძლიერებიც, ამიტომ ჩიგურიც ქრება და ბავშვები, რომლებმაც მოტყევილი ხელის გადასახვევად პერანგი მიჰყიდეს, ფულის გაყოფას იწყებენ, აღარც სისხლი უკვიროთ, აღარც კატასტროფა და აღარც ჩიგურის მოტყევილი მკლავიდან ამოჩრილი ძვალი.

სხვა მხრივ თვითონ რომანი ჰემინგუეის „მოხუცისა და ზღვის“ ერთგვარი მოდერნიზებული ვარიანტია, მაგრამ ოპტიმიზმისგან დაცლილი, სადაც ერთი შეხედვით, მთავარი მოქმედი პირია არა მოხუცი, არამედ ზვიგენები, რომლებიც ჩანასახშივე განსაზღვრულნი არიან გამარჯვებისთვის, ხოლო მაკარტი საბოლოოდ ვერ ახერხებს გამარჯვების დამუშავებას, ან პირიქით, ცდილობს მისცეს გამარჯვების სრული თავი-

სუფლება და მკითხველსაც ფართო ინტერპრეტაციის საშუალება დაუტოვოს, მაგრამ ეს უკვე ნაკლებ სარწმუნოა, ან ვინ იცის, ლიტერატურაში ყველაფერი შეიძლება მოხდეს, აკი მწერალია აქ შერიფიც და კაცისმკვლელებიც, ქურდაცაცა და მსხვერპლებიც, ის სამართალიც კი, რომელსაც ჩიგურის არსაიდან ამოზრდილი პერსონაჟი უწესებს მოხუცებს, რომელიც აქ აღარაა.

ლელა ჯიყაშვილი

ბედნიერი ყოფნა

ყველაზე მეტი სწორედ იმაზე ვიფიქრე, როგორ დამეწერა წერილი ადამიანზე, რომელსაც უდიდეს პატივს სცემდნენ თავისი თანამედროვე თავისუფლებისთვის მეტროპოლი, დაუმორჩილებელი პიროვნებები, ისინი, ვინც საბჭოთა ხელისუფლებას ყელში ძვალავით ჰყავდა გაჩხერილი, ვერც გადაყლაპვას უხერხებდა და ვერც — მოშორებას... აქ შეიძლება გაეღიზიანოს ვინმეს: მოშორება და სიცოცხლის მოსპობა „მამალ საბჭოელებს“ ლამის პროფესიად ჰქონდათ ქცეული და ერთი, ან თუნდაც ასი კაცის გაქრობას რაღა უნდოდაო... გაქრობით კი გააქრობდნენ ფიზიკურად, მაგრამ ამ ადამიანებს ჰქონდათ სულიერი ძალა, რომ ის მრწამსი, რაც თავად უტარებიათ, გადაეცათ და ჩაენერგათ ადამიანებისთვის, ლექციებად კი არ წაეკითხათ, საკუთარი ცხოვრების წესად ექციათ და სხვათათვის საკრალური გაეხადათ. არცერთ ეპოქაში არ მომხდარა, რომ ტოტალიტარიზმს ერთნაირად გადაესწორებინა ყველა. ყოველთვის რჩებოდნენ ადამიანები, რომელთა შინაგან პატიოსნებას, სიმართლის სიყვარულს და ქვეყნის ერთგულებას ვერასვლით ხელყოფდნენ. ასეთ ადამიანებზე ხშირად მამა შვილს უამბობდა, ის კიდევ თავის შვილს... ბოლოს საქმე ლეგენდებამდეც მიდიოდა...

გოგი ჭიაბრიშვილზე ლეგენდები არავის შეუთხზავს. მიუხედავად იმისა, რომ ეს სახელი და გვარი ჩვენი ერისთვის მნიშვნელოვანი და ღვანღმოსილი ადამიანებისთვის სათაყვანებელი გახლდათ, მან მოახერხა განზე გამდგარიყო და ჩრდილში დარჩენილიყო. ვერასდროს დაუშვებდა მადლობა მიეღო იმისთვის, რომ უბრალოდ კაცი იყო: ლალატი და სიძულვილი, სიმუხთლე და ქვემდრომელობა, მამამელობა და სიცრუე კაცის სახელთან რა სახსენებელია? და თუ ამ ტალახთან ნაზიარებ ეპითეტებს სამუდამოდ და ურყევად გამოიჯვნოდა, თავს გამირობად არ უთვლიდა. სხვასაც ვერ მისცემდა უფლებას, ამ საბაბით გამირად ექციათ...

გმირად არა, მაგრამ მავანთათვის „მტრად“ კი იქცა. ცხადია, მათთვის, ვისაც უკვე ყველაფერი დაეკარგა, გარდა ძალაუფლებისა, და ამ ძალაუფლებას ემსახურებოდა და იმსახურებდა.

გოგი ჭიაბრიშვილი 1946 წლის 17 აგვისტოს გაასამართლეს 58/10 58/11 მუხლებით — აგიტაცია-პროპაგანდისთვის, რომელიც შეიცავს საბჭოთა წყობილების დამოხობის მოწოდებას აჯანყების მოწყობის მცდელობისთვის. ეს, ფაქტობრივად, სასიკვდილო განაჩენი იყო. თუმცა გოგი ჭიაბრიშვილს მიესაჯა 8 წელი.

ბრალდებაში წერია, რომ განსასჯელი გახლდათ შეთქმულთა არაღვალაური კომიტეტის წევრი, რომლის მიზანიც იყო ანტი-საბჭოთა მოქმედების გაღვივება საქართველოს ტერიტორიაზე, წევრების გადაბირებით — საბჭოთა ხელისუფლების წინააღმდეგ საბრძოლველად. ბრალდებას ხელს აწერს უფროსი გამოძიებელი მაიორი ედიგაროვი. თანახმაა პოდპოლკოვნიკი ვოლფენ-ზონი. ეს ბრალდება მხოლოდ 57 წლის შემდეგ ნახა გოგი ჭიაბრიშვილის შვილმა, ნოდარ ჭიაბრიშვილმა. როცა მიაბობდა, რო-

გორ იჯდა შინაგან საქმეთა სამინისტროს არქივში, როგორ კითხულობდა ელექტრონულად იმ ტომებს, სადაც მამამისის საქმე იყო გადმოცემული, ჩვეულებრივ, თავშეკავებული ჩანდა.

დაკითხვის ოქმში წერია, ვინ იყვნენ გოგი ჭიაბრიშვილის უახლოესი ადამიანები, სულ 13 კაცი. მათ შორის ორი — ქაქუცა ჩოლოყაშვილის თანამებრძოლი. ოქმში ნაკითხული ფრაზა: „სვიმონ ჭიაბრიშვილი — მამა. ჩოლოყაშვილის ბანდის ყოფილი წევრი, დაპატიმრებული და დახვრეტილი იყო 1923 წელს. სხვა მონაცემები არ მაქვს“, — ვითომდა გოგი ჭიაბრიშვილი ყველგან ამას იცის ბატონმა ნოდარმა, მამა „ბანდას“ არ ახსენებდა, რომც ეწამებინათ, რომც მოეკლათ, მაინც არ იტყოდა ასე. ისიც იცის, როგორ იწერებოდა მსგავსი ოქმები. გამოძიების ოქმში მაიორ ედიგაროვის მიერ შემოთავაზებული გამოთქმა „Банда Чолокаева“ არახალია... როცა რუსეთის იმპერია მეზობელი სახელმწიფოებისა თუ მთელი რეგიონების დაპყრობითა და ანექსიით იყო დაკავებული, ნებისმიერი ქვეყნის შეიარაღებულ ძალებს, რომელიც იარაღით იცავდა სამშობლოს თავისუფლებას, „ბანდად“ მიიჩნევდა, შეიარაღებულ პირებს კი — „ბანდიტებად“...

თუმცა მამა, ბიძა და მამიდა იმდროინდელ ამბებზე სიტყვაძუნწობდნენ. სათქმელი კი ჰქონდათ, ცხადია!

თუნდაც იმის მოყოლა შეეძლოთ, რომ 1922 წელს აჯანყება იფეთქა ხევსურეთსა და კახეთში (ხევსურეთის აჯანყება, 1922). გამოსვლები მოენყო გურიამი. 1923 წელს დამოუკიდებლობის კომიტეტი აჯანყებისათვის სამზადისს განაგრძობდა. მის განკარგულებაში გადავიდა ქაქუცა ჩოლოყაშვილის რაზმი. 1923 წლის თებერვალში ეროვნულ-დემოკრატიული პარტიის სტუდენტთა კომიტეტის წევრმა კალე მისაბიშვილმა გასცა სამხედრო ცენტრი, რომლის წევრებიც დააპატიმრეს (თუმცა არსებობს სხვა ვერსიაც, რომელიც ამ პიროვნებას ჩამოხსნის გამცემის იარლიყს). მარტში „საქართველოს სსრ“-ის ე.წ. „საგანგებო კომისია“-მ („ჩეკა“) დამკომისის საიდუმლო სტამბა აღმოაჩინა. 1923 წლის 20 მაისს სამხედრო ცენტრის მეთაური, გენერალი კონსტანტინე აფხაზი (ილიას დისწული), გენერლები: ალექსანდრე ანდრონიკაშვილი, ვარდენ ნულიკიძე და როსტომ მუსხელიშვილი, პოლკოვნიკები: გიორგი ხიმშიაშვილი, ელიზბარ გულისაშვილი, ალექსანდრე მაჭავარიანი, დიმიტრი ჩრდილელი, ოფიცრები: სვიმონ ბაგრატიონ-მუხრანელი, ფარნაოზ ყარაღაშვილი, ლევან კლიმაშვილი, სამოქალაქო მოხელეები: ნიკოლოზ ზანდუკელი, ივანე ქუთათელაძე, იასონ კერესელიძე და მათი მამა სვიმონ ჭიაბრიშვილი ადმინისტრაციული წესით დახვრიტეს (დახვრეტილთა სია მოყვანილია 1923 წლის 19 მაისის გაფართოებული სხდომის №19 ოქმში).

ყელთან მოზღვნილი ბურთით ექნებოდათ ეს ამბავი სვიმონ ჭიაბრიშვილის შთამომავლებს, მაგრამ ისიც იცოდნენ, გონიერება იყო საჭირო, შიშველი ემოციით საქმე არც გაკეთებულა ოდესმე და არც მომავალში გაკეთდებოდა.

თხუთმეტი მამულიშვილი დახვრეტის ადგილას დაფლეს წითელმა მონსტრებმა. შემდეგ კი, რომ მათი ხსოვნა საერთოდ აღევათათ ერის მეხსიერებიდან, ყველა ღონეს მიმართეს: დევნიდნენ და აპატიმრებდნენ მათ შთამომავლებს, ნათესალებს, ანადგურებდნენ მათ არქივებს, წიგნებს, რომლებითაც ისინი საზრდოობდნენ, ფოტოებს...

დახვერვის ადგილი ცნობილი იყო. შემდეგ იქ ვაკის დასველებისა და გართობის პარკი გაშენდა. ცინიკოსმა იდეოლოგებმა იქ, სადაც ეროვნული გმირების სამარხები ეგულეობდათ, საზოგადოებრივი ტრადიციები ააშენეს. სწორედ ასევე დააბინდურეს მრავალთა ცნობიერებაც. ჭორებისა და, დღევანდელი ტერმინოლოგიით, შავი პიარის დიდოსტატებმა — კომუნისტებმა — მოახერხეს და მასას შიშთან ერთად ხალხის მტრის სიძულვილი ჩაუნერგეს. ამიტომ 7-8 ათეული წელი დასჭირდა, რომ რამდენიმე ქართველ ახალგაზრდას დახვერვის ადგილზე ტრანსპარანტები მიერტანა და ხმამაღლა ეთქვა: აქ ჩვენი ეროვნული გმირები განისვენებენ, აქ არამცთუ უღირსი ნაგებობა არ უნდა იყოს, საერთოდ ფეხის დადგმაც კი საკრძალველი და საფრთხილოა. აქ ჩვენს ისტორიას უნდა მოუყაროთ მუხლი!

რასაც პოლიტიკურად ებრძოდნენ და ისტორიის წიგნიდან თავგამოდებით აქრობდნენ — ოჯახებში ინახავდნენ. ამიტომაც დღევანდელ დღემდე ბევრი რამ სწორედ მათი მემკვიდრეობით მიღებული მესხიერების წყალობით მოვიდა. ვუსმენდი დიდი ინტერესით ყველა ნიუანსს, რომელსაც ბატონი ნოდარ ჭიაბრიშვილი — დახვერტილი სვიმონ ჭიაბრიშვილის შვილიშვილი მიაძობდა. ის, რომ სვიმონ ჭიაბრიშვილი შვილთან — კოლიასთან ერთად ფასანაურის მოსახვევში ჩაუსაფრდა რუსებს და კარგა ხანს ავლებდა მუსრს, უფროსებისაგან მოგვიანებით გაიგო. ვიდრე პატარა იყო, ამას არავინ მოუყვებოდა, მაინც საფრთხილო იყო, არსად წამოცდებოდა ბავშვს... სამაგიეროდ, კარგად იცოდა, რომ პაპა ვაჟკაცი იყო, სამართლიანი და უშიშარი, კარგად ცხენოსანი და თავდადებული ქართველი... ორგანიზაციის გიტარაზეც უკრავდა (მარტო ამას არ აპატიებდნენ კომუნისტები, ისეთი დრო იყო თურმე). რატომ ამოჭრა ბებიამ — სილამაზით განთქმულმა ქალბატონმა — სხვა ცხენოსნებს შორის ქმრის — სვიმონის — ფოტო და რატომ გადამალა, ამას მოგვიანებით გაიგებდა შთამომავლობა. ქაქუცას რაზმელების ფოტოსაც კი მაშინ სასიკვდილო განაჩენი შეიძლებოდა გამოეტანა ჭიაბრიშვილის შვილებისა და შვილიშვილთათვის. არადა მთავარი გადაარჩენა იყო... როგორმე უნდა გაეტანა თავი, ეცოცხლათ, ესწავლათ, გაეძლიათ დევნისა და გადასახლებისათვის, ბევრი რამ ენახათ და გამოეცადათ, რომ ისეთივე ქართველებად დარჩენილიყვნენ, როგორი მამა-პაპაც ჰყავდათ.

სვიმონ ჭიაბრიშვილი ძალიან მდიდარი კაცი გახლდათ. მას ბევრი მალაზია და წისქვილი ჰქონდა დუშეთის მაზრაში. ჰყავდა ცხვრის ფარები, როგორც თვითონ ამბობდა, ჩემი ქონება შვილთაშვილებსაც ეყოფათ, მაგრამ ძაფი რომ ძაფია, ისიც კი არ შეარჩინეს. დუშეთში ახლაც დგას მისეული ევროპული სტილის მაღალბელეტაჟიანი საცხოვრებელი სახლი, სადაც ჯერ დუშეთის საბჭო იყო, მერე კიდევ სხვა რაღაც... სვიმონ ჭიაბრიშვილი ფინანსურად ეხმარებოდა ქაქუცას რაზმს და ჰყავდა საკუთარი რაზმიც... თანასოფლებელი უდიდეს პატივს სცემდნენ, გარდა იმისა, რომ ანგარიშგასანევი კაცი იყო თავისი აზროვნებით, ხევისბერიც გახლდათ...

სვიმონ ჭიაბრიშვილი ქაქუცა ჩოლოყაშვილის თანამებრძოლი იყო. მას ხუთი შვილი ჰყავდა: ეკატერინე, ნიკოლოზი (კოლია), გიორგი (გოგი), შალვა, ქეთევანი.

სვიმონისა და მისი მეუღლის — ერმონია გელიაიძის — ოჯახში გაზრდილ შვილებს კეთილ დამაღდ ეტყობოდათ მამულისა და მამულიშვილებისადმი განსაკუთრებული დამოკიდებულება და კეთილსინდისიერების უზადო განცდა.

სვიმონ ჭიაბრიშვილის მეუღლე ხევში განთქმული იყო სილამაზით. უფროსი ქალიშვილი ეკატერინე ორჯონიკიძეში იყო გათხოვილი, კოლია ქაქუცასთან იყო გასული... 20-იან

წლებში დაიწყეს ამ დიდი ოჯახის დევნა, ოჯახისა, რომელიც იმდენად ძლიერი იყო ქართული სულითა და ტრადიციებით, რომ მათთან სტუმრობდნენ ილია ჭავჭავაძე და ვაჟა-ფშაველა... ნითლებსაც სწორედ ასეთი ოჯახები უშლიდნენ ხელს მშვიდად ცხოვრებაში. ერმონიას ძმა ფედო გელიაიძე გადაასახლეს ციმბირში და იქ დაიკარგა (მას გერონტი ქიქოძეც ახსენებს ერთ-ერთ ესეიში ძალიან თბილად).

1937 წელს ორჯონიკიძეში დახვერტეს ეკატერინე ჭიაბრიშვილის მეუღლე — ნიკოლოზ უთურგაშვილი. ჭიაბრიშვილები კი ფაქტობრივად გამოყარეს დასავლეთისა და ისინიც კახეთში დასახლდნენ. გოგი ჭიაბრიშვილის ვაჟი ნოდარი უკვე თელავში დაიბადა. გოგი ჭიაბრიშვილს ჰყავდა ნოდარზე ოთხი წლით უფროსი ვაჟიც — ოთარი.

სვიმონ ჭიაბრიშვილის შვილები ყველანი გამოირჩეოდნენ გარეგნობით. უფროსი ვაჟი — კოლია, როგორც ამბობენ, გარეგნობითაც და შინაგანი სამყაროთაც ულამაზესი კაცი ყოფილა. რომ გაივლიდა რუსთაველზე, ქალები აჩერებდნენ კიდევ, მისი გაცნობა უნდოდათ. სვიმონი რომ დახვერტეს, ცხადია, მასაც გაუჩნდა დაჭერის მოლოდინი. მაშინდელი მთავრობა აპირებდა კიდევ ამას, მაგრამ კოლია უზადო ვაჟკაცმა — ვაჟა-ფშაველას შვილმა, ლევანმა — გადაარჩინა. მან საკუთარი სიცოცხლის საფრთხეში ჩაგდების ფასად შეუთვალა, ფრთხილად იყავი, თორემ დაგიჭერენო. კოლია ამ დროს ქაქუცას რაზმში იმყოფებოდა. ნითელ უბედურებასთან ბრძოლაში რომ დამარცხდნენ შევიცულები და ემიგრაციაში წასვლა გადაწყდა, სხვებთან ერთად კოლიაც თურქეთში მიდიოდა, სამხრეთ საქართველოს — წალკის გავლით. ერთ-ერთი შეხლა-შემოხლის დროს კოლია ჭიაბრიშვილი მიძიმედ დაიჭრა. გადაიყვანეს დაღესტანში. იქ ალბათ უსასრულოდ გრძელდებოდა საქართველოს გათავისუფლებისა და სამშობლოში დაბრუნების მტანჯველი მოლოდინი. სხვისი გვართი დამთავრა სატყეო ინსტიტუტი. 1937 წელს გაურკვეველ ვითარებაში გარდაიცვალა დერბენში. გაჩნდა ეჭვი, რომ მოუწყვეს... საქართველოში ეს ამბავი რომ ჩამოვიდა, სასწრაფოდ გაემგზავრა მისი ძმა — გოგი, ბატონი ნოდარის მამა, მაგრამ ძმა მუსულმანურად დაკრძალული დაუხვდა. ძალიან განიცადა, ხელახლა დასაფლავა მართლმადიდებლური წესით... იმ დროს ისეთ მიძიმე მდგომარეობაში იყო, თურმე თავის მოკვლა უნდოდაო, — უამბნია შვილისთვის დედას წლების შემდეგ.

შალვა და გოგი ჭიაბრიშვილებმა თბილისის უნივერსიტეტის ფილოლოგიის ფაკულტეტი დაამთავრეს.

შალვას თბილისში ცხოვრების უფლებას არ აძლევდნენ და კოჯორში წავიდა მასწავლებლად სამუშაოდ. დაბა კოჯორში მარტო ის არ ყოფილა „არაკეთილსამიერად“, ბევრი სხვაც იყო შეფარებული. თვეში ერთხელ იბარებდნენ და კახეთში და ჰკითხავდნენ. სხვათა შორის, შალვა ჭიაბრიშვილი ვერ გატეხა ხელისუფლების სისასტიკემ.

ის დიმიტრი ჭიაბრიშვილის ვაჟის სანახავად იყო წასული საფრანგეთში. რომელიც დე გოლის არშიაში მსახურობდა, გენერალ-ლეიტენანტი იყო. მამა-შვილი, რომლებიც ჭიაბრიშვილებად ეწოდებოდნენ, საბჭოთა მთავრობას მტრად ჰყავდა შერაცხული.

ომი რომ დამთავრდა, შალვა ჩავიდა ბიძაშვილის სანახავად პარიზში, მოინახულა, დაბრუნდა გერმანიაში. და წამოვიდა. მთელი ცხოვრება ელოდა დაჭერას ამის გამო. შალვა ჭიაბრიშვილის ვაჟს, თენგიზ ჭიაბრიშვილს, კარგად ახსოვს 1956 წლის შემოდგომაზე მამამისის მიერ ოცამდე ვორკუტელი პოლიტპატიმრის მიპატიჟება კოჯორში. სუფრასთან გოგი ჭიაბრიშვილს უთამადა.

გოგი ჭიაბრიშვილის დაკითხვის ოქმში ისიც ეწერა: დიმიტრი გიორგის ძე ჭიაბრიშვილი მენშევიკური მთავრობის

დამფუძნებელი კრების წევრი გახლდათ. 1921 წელს ემიგრაციაში წავიდა. მას მერე არაფერი ვიცო.

დიმიტრი ჭიაბრიშვილი კაკი წერეთლის მეგობარი ყოფილა. მისი გარდაცვალების შემდეგ ისეთი სიტყვა თქვა, ტიროდნენ თურმე.

მეორე მსოფლიო ომის დაწყებამდე გოგი ჭიაბრიშვილი სკოლის დირექტორი იყო თელავში, ზემო ალვანში, ახმეტაში, ალბათ იმ ავადსახსენებელ წლებში ერთადერთი დირექტორი, რომელიც არ გახლდათ პარტიული... სამაგიეროდ, საიდუმლო საზოგადოებაში იყო გაერთიანებული... კახეთში ომის დროს გაიშალა მოძრაობა „სამანელები“. ძირითადად თუშები იყვნენ გაერთიანებულები. რაკი გოგი ჭიაბრიშვილი ახმეტაში მუშაობდა, „სამანელებთანაც“ ჰქონდა კავშირი. მათი ყველაზე დიდი დანაშაული ის გახლდათ, რომ საკითხს ასე სვამდნენ: დავუშვათ გერმანიამ აიღო საქართველო, ჩვენ რა ვქნათ, როგორ მოვიპოვოთ და შევინარჩუნოთ თავისუფლებაო.

მეორე მსოფლიო ომში მოხალისედ წავიდა... ბრიანსკთან ორგან დაჭრილი ტყვედ ჩავარდა...

ერთადერთი, რასაც გოგი ჭიაბრიშვილი ჰყვებოდა დახაუში ტყვეობის პერიოდთან დაკავშირებით, ეს ამბავი იყო: ერთ დღეს, როცა ჩვეულებრივ საშინელ დღეში იყვნენ ტყვეები, ბარაკში მალაღჩინოსანი ოფიცერი შევიდა. ხუთი ტყვე შეარჩია, სწორედ ისე, როგორც ფილმში ხდება ხოლმე. შერჩეულებს შორის იყო გოგი ჭიაბრიშვილიც. ოფიცერი უბრძანებს: გათხარეთ ორმოო, — და ესენიც თხრიან. მერე ეუბნება: ახლა თქვენგან ერთ-ერთი მეთამაშება ჭადრაკს. თუ მოუვცე, დაგხვრეტთ ერთ-ერთს, თუ მოიგო, ერთ ტომარა კარტოფილს მოგცემთ. დუმის გოგი ჭიაბრიშვილი არღვევს — გეთამაშებითო. ჭადრაკის პარტია ტყვედ მყოფი გოგი ჭიაბრიშვილის გამარჯვებით დასრულდა. ოფიცერი ასრულებს თავის დანაპირებს და ერთ ტომარა კარტოფილს აძლევს ტყვეებს. ხუთივე მიათრევს ძვირფას მონაპოვარს, რომელსაც ოქროზე მეტი ფასი აქვს ტყვეთა ბანაკში. ბარაკში კარტოფილს ყველას უნანილებენ. თითო ტყვეს თითო ხვდება და უმს ჭამენ... თან ძალიან ბედნიერები არიან! ეს ამბავი მართლაც კარგი მოთხრობის სიუჟეტია...

როგორც ყველა სხვას, მასაც საბჭოთა მთავრობამ ერთი ტყვეობა მეორეთი შეუცვალა. რუსეთის გამარჯვების შემდეგ თითქმის ყველა ტყვედყოფილი დააპატიმრეს და გადაასახლეს. ისიც ფაქტია, რომ თავიდან აცილება შეეძლო. გოგი ჭიაბრიშვილს სთავაზობდნენ ფალიაშვილზე სამოთხიან ბინას, თუ მათ აგენტად იმუშავებდა. ამაოდ დაშვრნენ. მაშინ მის მეუღლეს შესთავაზეს, უარი ეთქვა მის ცოლობაზე... ისევე ამაოდ...

გოგი ჭიაბრიშვილი გასამართლების მერე ორთაჭალის ციხის იმ საკანში მოხვდა, სადაც ეროვნული გმირის მერაბ კოსტავას ბიძა გრიგოლ (გრიშა) კოსტავა იჯდა. ის მარჯანიშვილის თეატრის მსახიობი იყო. გოგი და გრიშა დაპატიმრებამდე კარგად იცნობდნენ ერთმანეთს. ერთხელ, გადასახლებაში მყოფს უთქვამს კიდევ ნოდარისთვის, გრიშა კოსტავა ძალიან ნიჭიერი, განათლებული და ღირსებამოჭარბებული ქართველიაო. გრიშა კოსტავა კარგად ძერწავდა და ხატავდა. ერთხელ გოგი ჭიაბრიშვილი დაუხატავს. გოგის პორტრეტის მეორე მხარეს წაუნერია:

აჰა, ნაილე ჩემი აჩრდილი და როცა სევდა გულს სარქველს ახდის, დაშტერდი და მწარედ შესძახე, ჩემს სატანჯველად ნეტავ რად გაჩნდი.

სურათი მეუღლისთვის გადაუცია. სამწუხაროდ, ეს რელიკვია დაიკარგა.



გოგი და კოლია ჭიაბრიშვილები

გოგი ჭიაბრიშვილისთვის მეუღლე — ლოლა — ერთადერთი იყო, ვისთანაც თავს დამნაშავედ გრძნობდა იმის გამო, რომ თვითონ პატიმრობაში ყოფნა უხდებოდა და მეუღლეს შვილების აღზრდის პასუხისმგებლობა მარტოს აწვა მხრებზე ტვირთად. ის მასწავლებელი და ღირსეული ქართველი მანდილოსანი გახლდათ...

1947 წლის 23 მაისს ორთაჭალის ციხიდან გოგი ჭიაბრიშვილი მეუღლეს წერილი გამოუგზავნა:

„ჩემო ლოლია, შვილები დამიკოცნე. ჩემი სიცოცხლის უმძიმესი დღეები კვლავ მონოტონურად მიიზღაზნებინან, რკინის მარწუხებში გამომწყვდეული, ავტომატებით მექანიკურად ვმორაობ, ხანდახან ტრაგიკული განწყობილება ჩემზე გამარჯვებას ზემოებს ხოლმე. ცხადია, იგი მართებულია, როგორც ყველა ის, ვინც მეტ-ნაკლებად მსაყვედურობს ან თავს მესხმის. მართლაცადა, როდის იყო, რომ დამარცხებულს, დაჩოქებულს თანამგრძობი ჰყავდა. უფრო მეტიც, მძლეთამძლე რაინდიც კი დამარცხების შემდეგ, ყველას თვალში ღირსებააყრილია ხოლმე. ხოდა ჩემთვის საკვირველი კი არაა, ყოველივე ეს მტანჯველია იმიტომ, რომ ჩემი სიცოცხლის ხერხემალი ბუნების სტიქიის შუბზე რომ გადამტვრეულიყო, მკვდარსაც კი ღიმის ვერავითარი ძალა ვერ წამართმევდა. მე არ ვწუნუნებ, ვიღრინები. კი არ ვტირი, არა... ვბობოქრობ. ასეთ სიცოცხლეს ვკიცხავ, გაიგე? ვკიცხავ-მეთქი. ჩემს ბოდვას ყური არ ათხოვო, თუ დაუმატებ, „ახიაო“, მე მადლობას გიძღვნი. როცა გული დარდს ვეღარ დაიტევს ხოლმე, ისევე თქვენ მოგძებნით ხოლმე, თითქოს ვალდებული იყოთ, ჩემი სულის ტკივილებით თქვენც შეტორტმანდეთ, შეშფოთდეთ. ვღუმდები! ვეცდები აღარ, ან იშვიათად გავიმეორო ასეთი ამოძახილები. თქვენც ხომ საკმაოდ დასჯილები ხართ, მომიტყვეთ.

ოთარის გამოცდების საქმე როგორ არის? საქმის გაგებაამდე მოთმინება არ მყოფნის. ჩემო ოთო! ეცადე, შვილო წელი არ დაკარგო. ტრაბახა ნოდოს იმედი მაქვს, რომ „ხეთოსანი“ იქნება. ჩემო ლოლია! რა მეთქმის მამას შესახებ? თუ წამოსვლას აპირებ, პალტო და ხალათი გამოაყოლე. გეამბორები, შენი გოგი.“

ორთაჭალის ციხეში გოგი ჭიაბრიშვილს ციხის უფროსად დაუხვდა ვანო ჯაოშვილი, რომელთანაც ახალგაზრდობაში დღეში ცხოვრებისას მეგობრობდა. ახლა ის საქართველოს სსრ სუკ-ის თავმჯდომარის კარანაძის ცოლიძმა გახლდათ. ერთ მშვენიერ დღეს გოგი და თედო ჭიაბრიშვილები (თედო გოგის ბიძაშვილი იყო და ისიც დაპატიმრებული გახლდათ) ვანო ჯაოშვილმა კაბინეტში ააყვანინა. ვანო შეწუხებული იყო და თანაგრძობით უთხრა პატიმრებს: სამწუხაროდ, არაფერი შემიძლია, გადასახლებული პატიმრების სია მოსკოვიდან მივი-



ფოტოზე დგანან მარცხნიდან: რეზო ტყავაძე, ვალიკო ხუჭუა, დავით გაჩავა, ზურაბ მიქელაძე, ილიკო ბოჭორიშვილი, რომან ბლიაძე, დავით კვიციანიშვილი და გოგი ჭიაბრიშვილი. სხედან მარცხნიდან: ლილი ბლიაძე (რომან ბლიაძის ქალიშვილი), ლოლა ზარდიაშვილი (გოგი ჭიაბრიშვილის მეუღლე), ოლია ჭიიშვილი (ზურაბ მიქელაძის დედა), ნინო ტყავაძე (რეზო ტყავაძის დედა), ნუნუ თევზაძე (სოლომონ თევზაძის და) და იამზე ტყავაძე (რეზო ტყავაძის და). გადაღებულია ქალაქ ვორკუტაში, 25 ივლისი, 1954 წელი

ჭო, ხომ ვართ მე და შენ ძმები, არ ინატრებდი, ამისთანა ვაჟკაცი ხუთი მაინც ჰყავდეს საქართველოსო. ნუ გავაკეთებთ ამას, მივუსაჯოთ მ წელიო. ცხადია, რომ მოსამართლე ი. ეფრემიძის, სახალხო მსაჯულ კაციტაძის და პროკურორ ბონერაშვილის მიერ მიღებული გადაწყვეტილება იმ დროს უდავოდ გამირობის ტოლფასი იყო. მ წელი მიუსაჯეს...

გოგი ჭიაბრიშვილი მალაროში არ ჩასულა. ამის გამო ყველას სჯიდნენ, მასაც არაერთხელ დაატყვეს რისხვა თავს. ზედამხედველი ავდებდა საყინულეში — 10-12 კვ/მ ორმოში, სადაც წყალს ასხამდნენ კედლებზე და იყინებოდა. ორმოდან ამოყვანილ გოგის ბანაკის უფროსი იბარებდა და დედას აგინებდა. ერთხელ გაგულისებულ გოგი ჭიაბრიშვილს მიუძახებია: ნუ მაგინებ, შენი დედაც და შენი ღმერთებიცო. ღმერთებში იგულისხმა და მიაინშნა კედელზე დაკიდებულ ბელადების სურათებზე. ბანაკის უფროსს ისე შეეშინდა, ხუთი წუთი ხმას ვერ იღებდა. მეორე დღეს შესთავაზა, ბანაკში მეურნეობის უფროსის ადგილი თავისუფალია და იმუშავეო. ამ ადგილზე, როგორც წესი, პატიმრებს ნიშნავდნენ. გოგი ჭიაბრიშვილს უთქვამს, მოვიფიქრებ და

ორი დღის შემდეგ გაგცემ პასუხსო. ბარაკში რომ მისულა, ბიჭებისთვის მოუყოლია, ამას მთავაზობენ და რა ვქნაო. შემფოთებულან ვორკუტელი ქართველები: უარი ხომ არ უთხარიო. სწორედ ეს მინდა გკითხოთო... იმ შემთხვევაში დავთანხმდები, თუ თქვენ იქნებით ჩემ გვერდითო...

უდიდეს პატივს სცემდნენ ვორკუტელი ქართველებიცა და სხვა პატიმრებიც. საკმარისი იყო გოგი ჭიაბრიშვილი გამორჩენილიყო, ბუზის გაფრენის ხმას გაიგონებდით.

1954 წლის ივნისის თვის მეორე ნახევარში ვორკუტაში ერთად წავიდა 6 ქართველი ქალბატონი. დეკაბრისტების ცოლებივით ჩამოვიდნენო, — ხუმრობდნენ მაშინ გადასახლებულები. გოგი ჭიაბრიშვილის ვაჟი, ნოდარი იხსენებს: ვორკუტიდან დაბრუნების შემდეგ, დედა გვიამბობდა, რა გახარებულ იყვნენ არა მხოლოდ ქართველი ქალების უშუალო მასპინძლები, არამედ ყველა ვორკუტელი ქართველი მათი ჩასვლით... ქართველ ქალბატონებსა და რუს დეკაბრისტთა ცოლებს შორის ერთი არსებითი განსხვავება იყო, დეკაბრისტთა მეუღლეები შეძლებული ოჯახების პატრონები იყვნენ, ქართველი ქალბატონები კი ძლივს არჩენდნენ შვილებს და, ცხადია, მათ გასამგზავრებლად მთელმა ნათესაობამ გამოიღო ხელი. ვორკუტიდან დაბრუნებული დედა კმაყოფილი იყო. ამბობდა, ყველა ქართველი სამშობლოში დაბრუნების იმედით ცოცხლობსო. ჩვენი ჩასვლა რესტორანში აღნიშნეს. რამდენიმე საათის განმავლობაში ისმოდა ქართული სიმღერები კომუნისტური რეჟიმის მსხვერპლთა ხელით აშენებულ ქალაქ-დილეში, რომელიც 1970 წელს ნოთელი ვარსკვლავის ორდენით დააჯილდოვეს... ასეთი იყო კომუნისტური ცინიზმი.

გოგი ჭიაბრიშვილის მეუღლე ქალბატონი ლოლა დეიდა ლოლა გახლდათ გადასახლებული სტუდენტებისათვის. ამ დროს მისი ძმაც გადასახლებული იყო ვორკუტიდან 200 კმ-ით დაშორებულ პატიმრების ქალაქ ინტაში. სირცხვილია, ძმა არ ვაჩვენოთ დეიდა ლოლასო, უთქვამთ ბიჭებს. მაგრამ მათ ყვე-

ლეთ. გოგი, შენ გაგზავნიან კომის ასსრ-ის ქ. ვორკუტის მეექვსე ბანაკში. იქამდე ჩაღწევას ერთი თვე მაინც დასჭირდება...

მერე თამბაქო და ფული ამოუღია და გოგისთვის მიუცია, სულ ეს იყო, რისი გაკეთებაც მოახერხა... დამშვიდობებისას „ჯოჯოხეთიდან ცოცხლად დაბრუნება“ უსურვა ყმანვილობისდროინდელ მეგობარს. მოგვიანებით თედო ჭიაბრიშვილი აღმოსავლეთ ციმბირში, ქ. მაგადანში გადასახლეს.

ჩვენს ვაზისა და მზის ქვეყანაში გეოგრაფიული დასახლება „ვორკუტა“ ტრაგიზმისა და შიშის სიმბოლო იყო. ამ ცივი, თითქოს მზისა და ღვთისაგან დავინწყებულ ადგილას პოლიტიკურად არასაიმედო ხალხისათვის ბანაკები სოკოებივით მრავლდებოდა. ქარბუქსა და მუდმივ თოვლში, ვინ იცის, რამდენი ქართველის მზერა ჩამქრალა, რამდენი მარჯვენა გაციებულა... ვორკუტა — ჯოჯოხეთი, აქ გაჭიმულ თოვებს უნდა მოსჭიდებოდი, ქარს რომ არ წაეღე... სადაც არ იყო არც რადიო, არც გაზეთი... წერილებიც კანტი-კუნტად თუ მიაღწევდა, ცხადია, გახსნილი და „დამუშავებული“. ვორკუტაში სიკვდილთან შესახვედრად ყოველ წამს მზად უნდა ყოფილიყავი. მზიური და ვაზის მტევნებით დახუნძლული საქართველოს მონატრება ისედაც ყოველ ცისმარე განატრებიანებდა სიკვდილს თეთრი ტრამალების შემხედვარეს.

გოგი ჭიაბრიშვილთან ერთად ვორკუტაში გადასახლებული იყო რამდენიმე სტუდენტიც — 20-22 წლის ბიჭები, მათ შორის რეზო ტყავაძეც. მამამისი შალვა ცნობილი იურისტი გახლდათ. მას შემდეგ, რაც გადასახლებულთა ოჯახებმა ერთმანეთი გაიცნეს და დაახლოვდნენ, ბატონი შალვა დაუკავშირდა იმ სახალხო მსაჯულს, რომელიც 1946 წელს ესწრებოდა ჭიაბრიშვილის გასამართლებას თბილისში.

მას ყველაფერი კარგად ახსოვდა და უამბო: გოგი ჭიაბრიშვილმა არ ისურვა აეყვანა სახელმწიფოს მიერ გამოყოფილი დამცველი. თავს თვითონვე იცავდა. გაასამართლეს 58-10 და 58-11 მუხლებით. ეს ნიშნავდა, რომ კონტრევოლუციონერი და ხალხის მტერი იყო და ითვალისწინებდა სასჯელს 8 დან 15 წლამდე. სამი ადამიანი გავედით განაჩენის გამოსატანად. პროკურორმა მოითხოვა 15 წელი. მოსამართლემ უთხრა: ბი-

ლას, როგორც პოლიტიკურ პატიმრებს, აკრძალული ჰქონდათ ადგილის დატოვება.

— ყველაზე ინტელექტუალური სახე მიქელაძეს აქვს, დამნაშავეს არ ჰგავს, იმან წაიყვანოსო, — გადაუწყვეტიათ. წაიყვანა კიდეც ინტაში. სამი დღე დარჩნენ იქ. მერე იქიდან მოვიდა სტუმარი ვორკუტაში... ასე რომ, გადასახლებული ქართველები თავისი ცხოვრებით ცხოვრობდნენ, იქ იყო ძალიან მკაცრი, მაგრამ მაინც თავისებური გრდემლი, სადაც ვაჟკაცები ინთობოდნენ და იკვებებოდნენ. ცხადია, ისეთებიც იყვნენ, ვინც იფერფლებოდა...

1954 წლის პირველ ნახევარში, მას შემდეგ რაც გოგი ჭიაბრიშვილი ბანაკიდან გაათავისუფლეს და ე.წ. „თავისუფალ გადასახლებაში“ დატოვეს, მას ვორკუტის საქალაქო საავადმყოფოში კუჭის ოპერაცია გაუკეთა მასავით ტუსალმა და მრავალი წლის განმავლობაში მისადმი კეთილად განწყობილმა უკრაინელმა ქირურგმა იგორ ოფარენკომ.

ოპერაციისას პაციენტს თავს ადგა მეგობარი, ვორკუტაში ყველა ქართველის — და არა მხოლოდ ქართველის — უანგაროდ თანამდგომი, სულიერი სიმდიდრითა და ღირსებით დაჯილდოებული ექიმი პედიატრი დავით კვიციანი. სწორედ მან დაამშვიდა ქალბატონი ლოლა ვორკუტაში, ყველაფერი ისე კარგად გაკეთდა, საშიში არაფერიაო...

1954 წლის 30 მარტის შემდეგ გოგი ჭიაბრიშვილი ბანაკში რომ დარჩენილიყო, ოპერაციას ვერ გაუკეთებდნენ, რამდენიმე ათეულ ბანაკ-დილეგში პაციენტის ოპერირება შეუძლებელი იყო.

1955 წელს გოგი ჭიაბრიშვილის ვაჟმა — ნოდარმა — სკოლა დაამთავრა. მისი უფროსი ძმა ამ დროს ისტორიის ფაკულტეტის მესამე კურსის სტუდენტი იყო. სწორედ ამ დროს მოვიდა მამის წერილიც ვორკუტადან. მეუღლეს სთხოვდა, ვორკუტაში გამოეშვიკა ნოდარი, უმაღლესში მომავალ წელს ჩააბაროსო.

„ნასვლამდე დედამ გამაფრთხილა, მამა რამდენიმე მეგობართან ერთად დაგისხვდება და, იცოდე, ყველაზე მაღალი მამაშენი იქნებაო...“

ჩავედი. ის დროა, დაწყებულია პოლარული ღამეები. საშინელი ბურუსია. გავიხედე ფანჯარაში, ვერავის ვხედავ... ერთ წუთში ამოვიდა მამა. გაჩერდა კარში, გაიღიმა. არც უკოცნია. მხოლოდ ის მკითხა, როგორ იმგზავრეო. მამასთან ერთად დამხვდნენ: ვალიკო ხუჭუა, არსენ წამალაძე და გივი კუხალიშვილი.

ვორკუტაში წიგნი არ იყო პრობლემა, ითხოვდნენ და ვუგზავნიდით. იქ წავიკითხე გოგოლის „მკვდარი სულები“.

გადაღებული მაქვს ფოტო, სადაც მე, ვალიკო ხუჭუა, კოლია კალაძის მეუღლე — ქალბატონი თამარი და მამაჩემი ვართ ვორკუტაში.

ცემენტის დასახლებაში ცხოვრობდა მამა, იქ ოთხი ქართველიც ცხოვრობდა, დანარჩენები მიზნულ-მოზნულები იყვნენ. ეს უკავშირდებოდა მათ სამსახურს და იმას, ვინ სად იშოვა ბინა. ცემენტის დასახლებაში ყველაზე კარგი ბინა — ოროთახიანი — ვალიკო ხუჭუას ჰქონდა. ცოლ-შვილი ჰყავდა და იმიტომ...

სხვათა შორის ძალიან საინტერესო ამბავია: ვალიკომ თურმე შეყვარებული დატოვა თბილისში. მოუწერია: თუ ისევ გიყვარვარ, გასხოვარ, ჩამოდიო. ჩააკითხა თამარ წერეთელმა, დასთან ერთად წასულა ვორკუტაში. ხელიც აქ მოაწერეს. რომ ჩავედი, პირველი სამი დღე მოვიღებინეთ ქართულად ვალიკოსთან. მღეროდნენ, გიტარაც ჰქონდათ. თამარმა ქარ-



ვორკუტაში ჩასული ნოდარ ჭიაბრიშვილი, ვალიკო ხუჭუა, კოლია კალაძის მეუღლე, გოგი ჭიაბრიშვილი

თული კერძები მოგვიმზადა, მე ხომ ბევრი სანოვანა, ღვინო, არაყი და სანელებლები გამატანეს ოჯახიდან.

ვორკუტაში ახალ ამბებს ვერ იგებდნენ. არ ჰქონდათ რადიო... შიგადაშიგ გამოჩნდებოდა გაზეთი „პრავდა“. მამა ქარხანაში მუშაობდა. ზურაბ მიქელაძე გახლდათ ცვლის უფროსი. ქარხნის დირექტორი იყო მოსკოვიდან მოვლინებული რუსი. მხოლოდ მას ჰქონდა გამოწერილი გაზეთები.

მამა ცხოვრობდა ყოფილ საკონცენტრაციო ბანაკში. ერთი ოთახი გადატიხრული ჰქონდა და იქით ესტონელი პოლიტიკური პატიმარი ცხოვრობდა. ერთი ლუმელით თბებოდნენ. მამა ყიდულობდა თურმე ქვანახშირს, სამაგიეროდ ესტონელი ათბობდა ლუმელს.

ყველაფერს აკეთებდნენ, რომ თავი გადაერჩინათ, მხოლოდ პატიოსანი შრომის ხარჯზე. მე რომ ჩავედი, უკვე იცოდნენ, რომ დაბრუნდებოდნენ. თავის შესახებ არაფერი მიაშობდა მამა. სხვებისაგან ვიცი მისი ამბები.

გოგი ჭიაბრიშვილთან ერთად ვორკუტაში გადასახლებული იყო ისტორიკოსი შოთა შავგულიძე. წიგნში „ჯოჯოხეთია მოსაგონებლად“ მას ერთი რწმენით აქვს გავლილი ფაშისტური და კომუნისტური დილეგები. „ვორკუტაში ხანგრძლივი დროის მანძილზე ჩემთან ერთად ტუსალის ხვედრი უზიდია გოგი ჭიაბრიშვილს, დუშეთის არალეგალური პოლიტიკური ორგანიზაციის თავკაცს, ნიჭიერ და განათლებულ პედაგოგს. მისი საუბრის თემა მუდამ საქართველოს თავისუფლების გზების ძიება იყო. მის საუბარს ოპტიმიზმის ჯადოსნური დამაჯერებლობა ჰქონდა. მას სწამდა რუსეთის კომუნისტური იმპერიის დანგრევის და ნატრობდა, ჩვენც მოვსწრებოდით იმ დროს. სამწუხაროდ, მისმა ნატანჯ-ნანამებმა სხეულმა ეს ნატვრა ვერ შეუსრულა“, — წერს შოთა შავგულიძე თავის წიგნში.

გოგი ჭიაბრიშვილი ტყვეობიდან რომ დაბრუნდა, უამრავი ლექსი ჩამოიტანა. დაწვა ყველაფერი. იმდენად მაღალ მოთხოვნებს უყენებდა ლიტერატურას, თავისი ლექსები არ მიიჩნია სიცოცხლის უფლების მქონედ...

ვორკუტაში პოეტი შალვა მჭედლიშვილიც იყო გადასახლებული, სწორედ ის, მომავალში ლიტერატურის კლასიკოსის ანა კალანდაძის ქმარი რომ გახდა, თუმცა მათი ქორწინება ძალიან ხანმოკლე და უიღბლო გამოდგა.

შალვა მჭედლიშვილი ამბობდა, გოგი ჭიაბრიშვილს საკმაოდ კარგი ლექსები ჰქონდა, მაგრამ მარტო სხვას კი არ სთხოვდა ბევრს, პირველ რიგში საკუთარ თავსო.

ნოდარ ჭიაბრიშვილი იხსენებს: ბატონმა შალვამ მიაშობა, ავად გახდა და ექიმებმა დააგდეს მორგში. მამამ იეჭვა, რომ შეცდომა მოუვიდათ, მორგში შევარდა და ყვიროდა: მაჩვე-

ნეთ. ქართველი სად დაანვინეთო! გამოაყვანინა, პულსი გაუ-
სინჯა და ცოცხალი იყო. ასე გადაარჩინა.

ახლა საშინელებათა ჟანრის ფილმში გეგონება თავი, იმას
რომ მოუსმენ, როგორ ხდებოდა ვორკუტაში გარდაცვლილი
პატიმრების დასაფლავება. ამას ნოდარ ჭიბრიშვილი იხსენ-
ებს: ბანაკის მორგიდან მიცვალებულის ნეშტი ორ ავტომა-
ტით შეიარაღებულ ზედამხედველს გამოჰქონდა და სატვირ-
თო მანქანის ძარაზე ასვენებდნენ. ბანაკის ტერიტორიიდან
ქალაქში გასასვლელ ერთადერთ კართან მანქანა რამდენიმე
წუთით შეჩერდებოდა, ხიშტიანი შაშხანით შეიარაღებული
„ზედამხედველი-სანიტარი“ ავარდებოდა მანქანის ძარაზე და
მიცვალებულებს გულ-მკერდის არეში მთელი ძალით სამ-
ჯერ-ოთხჯერ ჩაარტყამდა შაშხანაზე დამაგრებულ ხიშტს.
მხოლოდ ამის შემდეგ ხდებოდა იმის დადასტურება სამედი-
ცინო დასკვნით, რომ ტუსაღი ნამდვილად გარდაცვლილი იყო
და მის ნეშტს ვორკუტის უპატრონო მიცვალებულთა სასაფ-
ლაოზე მიაბარებდნენ „მადლიან რუსულ მინას“.

* * *

ნოდარ ჭიბრიშვილი ვორკუტიდან თბილისში 1956 წლის
მაისის პირველ ნახევარში უნდა დაბრუნებულიყო. ცხადია,
მამა ემზადებოდა ამისთვის... წამოსვლამდე რამდენიმე დღით
ადრე ნოდარს ვალიკო ხუჭუამ ბარაკში მიუტანა მატარებლის
ბილეთი ვორკუტა-თბილისი. ამავე დღეებში მამა-შვილს ეს-
ტუმრა ვორკუტელ ქართველთა შორის ერთ-ერთი კუნთმაგა-
რი არსენ წამალაიძე (გადასახლებაზე თეატრალური ინსტი-
ტუტის სტუდენტი იყო). გოგისთვის უთქვამს: ძმაო, ერთი
თვის წინათ მაღაროში ჩავედით სამუშაოდ, გამოვიშვებე 500
მანეთი და ამ თანხიდან ნოდარს ჯიბის ფულად 300 მანეთს
ვჩუქნიო. ნოდარს არ გაკვირვებია, უკვე კარგად იცოდა ვორ-
კუტელი ქართველების უანგარო თანადგომის ამბები.

ნოდარ ჭიბრიშვილი მაისის შუა რიცხვებში უკვე თბი-
ლისში იყო. ივლისის თვეში მისაღები გამოცდები ჩააბარა
ივანე ჯავახიშვილის სახელობის თბილისის სახელმწიფო უნი-
ვერსიტეტში და ფიზიკის ფაკულტეტის სტუდენტი გახდა.

1956 წლის აგვისტოს ბოლოს გოგი ჭიბრიშვილმა მიუღ-
ლეს წერილი გამოუგზავნა, ატყობინებდა, ვბრუნდებიო. წე-
რილი მთავრდებოდა სიტყვებით: „მარნის კარი გააღე, ქვევრს
მოხადე სარქველი, გოგი დაგიბრუნდება, ქორწილი გვაქვს
სახდელი“...

6 სექტემბერს თბილისში დაბრუნდნენ: ვალიკო ხუჭუა,
დავით გაჩავა, არსენ წამალაიძე და გოგი ჭიბრიშვილი.

ბაქანზე უამრავი ადამიანი იყო შეკრებილი მათ დასახვედ-
რად. იქვე იყვნენ ოთარ და ნოდარ ჭიბრიშვილებიც. გოგი ჭი-
ბრიშვილს და მის ვორკუტელ მეგობრებს კახეთში სამზადი-
სით ელოდნენ. სამზადისს, ცხადია, ქალბატონი ლოლა ხელმ-
ძღვანელობდა...

ვორკუტიდან საქართველოში დაბრუნებულმა გოგი ჭიბ-
რიშვილმა მძლავრად მოჰკიდა ხელი ოჯახის ფეხზე დაყენებას:
ააშენა საცხოვრებელი სახლი ველისციხეში, მშენებლობისას
მხარში ედგნენ მეგობრები: დიმიტრი ჩოხელი, ალექსანდრე
გვენცაძე, დავით გეგელიძე, შოთა როსტომაშვილი, გიორგი ჩო-
ლოყაშვილი, მიშა დავითაშვილი და დავით კვიციანიშვილი...

ველისციხეში გოგი ჭიბრიშვილს ყურადღებას არ აკლებ-
დნენ დიმიტრი მამისაშვილი, სოლიკო სეხნიაშვილი, ალექსი
გორგიშვილი, ალექსი ლომთაძე, არჩილ მღებრიშვილი და ვარ-
ლამ ავალიშვილი.

ვორკუტიდან დაბრუნებულმა ქართველმა მოახერხა და
2500 კვადრატულ მეტრ ფართობზე გააშენა ვენახი... მიუხე-
დავად იმისა, რომ დიდი ტანჯვა ჰქონდა გადატანილი და ჯან-
მრთელობაც შერყეული, არ შემდრკალა...

1960 წლის 28 თებერვალს 53 წლისა გარდაიცვალა. გარ-
დაცვალებამდე ერთი საათით ადრე შვილისთვის უთქვამს, თუ
გინდა, რომ კაცის სახელი გქონდეს, როგორც უნდა გაგიჭირ-

დეს, არავის არაფერი სთხოვო. გარკვეული პაუზის შემდეგ კი
დასძინა თურმე: იცოდე, ზურაბ მიქელაძე ის კაცია, ვინც ადამი-
ანს თუ სიკეთე გაუკეთა, გამორიცხულია, დაამადლოსო...

ლევან გოთუა ველისციხეში უახლოესი მეგობრის — გოგი
ჭიბრიშვილის დაკრძალვაზე ჩავიდა. უამრავ ადამიანს მოე-
ყარა თავი. ყველას უნდოდა, პატივი მიეგო დიდებული ადამი-
ანის ხსოვნისათვის. მდუმარედ მიჰყვებოდა პროცესიას ლე-
ვან გოთუა, ფიქრით ალბათ იმ ახალგაზრდულ წლებში იყო,
როცა ის და გოგი ჭიბრიშვილი ერთად ოცნებობდნენ საქარ-
თველოს დამოუკიდებლობაზე, მერე ერთად იხდიდნენ სას-
ჯელს ვორკუტაში. კარგი ვაჟკაცი ყველგან დასაყრდენია.

ვინც იმ წლებს გადაურჩა და სულიც გადაირჩინა, იმიტომ,
რომ უფლის ნებით, ყოველ ბანაკში აღმოჩნდებოდნენ ხოლმე
ადამიანები, რომლებიც ბურჯებივით ედგნენ კაცობასა და
სამართლიანობას.

დაკრძალვას სახალხო ხასიათი მიუღია. დაახლოებით 600
კაცი მიაცილებდა უკანასკნელ გზაზე. სასაფლაოზე გამოსამ-
შვიდობებელი სიტყვები უთქვამთ ლევან გოთუასა და ალექ-
სანდრე გვენცაძეს.

...პროცესია დამთავრდა. ტრადიციისამებრ, ქელები და-
ინყო — ლუკმა გატყდა. ლევან გოთუა ფეხზე წამოდგა. ყვე-
ლას გასაგონად წარმოთქვა ღირსეული კაცის შესანდობარი
და დასძინა: რომ არა გოგი ჭიბრიშვილი, „გმირთა ვარამი“ არ
დაინერებოდაო.

ექოსავით გადაუარა გაშლილ ჭირის სუფრას ლიტერატურ-
ის კლასიკოსის სიტყვებმა. მაგრამ რა უნდა ეთქვა ლევან
გოთუას და როგორ უნდა ეთქვა, რომ ბოლომდე გადმოეცა ის,
რისი გადატანა უხდებოდათ. და თანაც რისთვის უხდებოდათ
— სიყვარულისთვის!

გოგი ჭიბრიშვილი ლევან გოთუას გადასახლებაზე იც-
ნობდა, მეგობრობდნენ და ერთი დიდი ინტერესიც ამოძრა-
ვებდათ...

ვორკუტაში აღმოჩნდა, რომ გვერდი-გვერდ ბანაკებში იყ-
ვნენ. თვითონ გოგი ჭიბრიშვილი ამას არ ჰყვებოდა, მაგრამ
გადასახლებული ქართველები ამბობდნენ, რომ არაერთხელ
შეუგზავნა კლასიკოსისთვის გოგი ჭიბრიშვილს თავისი
შრომით ნაშრომნი ლუკმა, რომ მას ოდნავ მაინც შემსუბუქებო-
და პირობები და ეწერა. კარგად იცოდა მრავლისმნახველმა,
ინტელექტით გამორჩეულმა გოგი ჭიბრიშვილმა, რა საგან-
ძური იქმნებოდა მეზობელ ბანაკში...

„გმირთა ვარამი“ ვორკუტაში ინერებოდა — სიმნრით ნა-
შოვნ ფურცლებსა და მუყაოს ნაგლეჯებზე, ხის დაფებსა და
გაზეთის აშიებზე...

შოთა შავგულიძის წიგნში წერია:

„ლევან გოთუამ სიცოცხლის სამი მეოთხედი ციხეებში გა-
ატარა. ჯერ იყო სოლოვკაში მოხდა სასჯელი. დაბრუნდა.
სული არ მოათქმევინეს და უფრო მძიმე და მკაცრ ნარიში
გადასახლეს. დაბრუნებული მესამედ დააპატიმრეს და ვორ-
კუტის კატორღელთა ბანაკში მიუჩინეს ბინა.

არ მეგულემა ვორკუტაში გადანასახლები ქართველი პო-
ლიტიკური მოღვაწე, რომლისთვისაც ლევანს არ ეთქვას, —
ერთმანეთი დაგვეჯაბნოს საქართველოს სიყვარულშიო“.

მას რომ არ ეგრძნო, გვერდით ჰყავდა ადამიანები, რომ-
ლებიც საქართველოს სიყვარულში ერთმანეთის დაჯაბნას
ეპირებოდნენ, მას რომ არ სცოდნოდა, რომ ის, რასაც წიგნე-
ბად სწერდა, ფანტაზიის ნაყოფი არ ყოფილა და ქართველთა
თავგანწირული სიცოცხლეებით საზრდოობდა, ვერ დაწერ-
და... ამიტომაც გამოაცხადა გოგი ჭიბრიშვილის ხსოვნის
სუფრაზე გულწრფელად: რომ არა გოგი ჭიბრიშვილი,
„გმირთა ვარამი“ არ დაინერებოდაო...

ამიტომაც, მიუხედავად უამრავი ტრაგიკული ფურცლისა,
გოგი ჭიბრიშვილის ცხოვრება გახლდათ ბედნიერი ყოფნა სააქა-
ოში — ყოფნა, რომელიც ქართველად ყოფნის და საქართველოს
მარადიულად ყოფნის საძირკველშია ჩადებული დვრიტად...

ეკა ბუჯიაშვილი

ქალიან ქართული სევდა

თვითონ ოთარ ჩხეიძეს განზრახული არ ჰქონია ამ წიგნის გამოცემა.

— ეს მე უფრო მინდოდაო, — გაგვიმხელს **როსტომ ჩხეიძე**, — რამდენჯერმე ვუთხარი კიდევ, მაგრამ... ჯერ რომანები და „ჩემი სოფლის ეტიუდების“ მესამე ტომი იყო გამოსაცემი და ამისთვის ვერ მოიცალაო.

გაივლის წლები და **თამარ ყალიჩაშვილი** დამოუკიდებლად რომ გამოხატავს ამ აზრს, ბატონ როსტომს ძველი სურვილი განუახლებდა და კიდევ მოაბამს თავს ამ წიგნის გამოცემას — მხატვრულ-დოკუმენტური ყაიდის ნოველების თავმოყრას ცალკე. სწორედ ამ ნიშნით შეირჩა ეს ციკლი, რადგან თითოეულ ნოველს თავისი რეალური პერსონაჟები ჰყავს, ჩვენთვის ცნობილი ადამიანები, რომლებიც სხვადასხვა კუთხით წარმოდგებიან, თუმცა არის ბევრი ახალი ნიუანსი, რომლებიც სრულიად ახლებურადაც წარმოაჩენს ამ პიროვნებებს. ეს ნიმუშებიც სწორედ ასე დაწერა — მიძღვნასავით, თავიდან ამ სახელწოდებით რომ აქვეყნებდა — „სხოვნას“, შემდეგ კი „შესანდობარი“ დაარქვა, — ასე გახსნა **როსტომ ჩხეიძე** „ჩვენს მწერლობას“ და ალექსანდრე ორბელიანის საზოგადოების ძალისხმევით ლიტერატურის ინსტიტუტში გამართული შეხვედრა, რომელზეც ეს წიგნი მსახიობმა **მიხეილ რაზმაძემ** ორი ნოველის ნაკითხვით წარადგინა.

ოთარ ჩხეიძე იხსენებდა:

ჩვენთვის, უმცროსთათვის, ლეგენდასავით გაისმოდა მისი სახელიო.

როცა ეს თაობა გამოვიდა ასპარეზზე, გიორგი შატერაშვილს, უკვე გადასახლებიდან დაბრუნებულს, 10 წლის განმავლობაში აკრძალული ჰქონდა თბილისთან გაკარებაც კი, კასპის რაიონის სოფლებში უნდა ეცხოვრა ახლა ამ სახის პატიმრობამისჯილს.

ყოველ კვირა ჩადიოდა მასთან თურმე გრიგოლ აბაშიძე. ახალ გაზუთები და გამოცემები ჩაჰქონდა, ახალი სამწერლო ამბები, მონყევეტილი რომ არ ყოფილიყო სალიტერატურო პროცესებს.

არც წერა შეუწყვეტია — სწორედ მაშინ შეექმნა „თვალადური ქართულის ჭაშნიკი“, ბრწყინვალე ლექსიკონი, რომელსაც ლინგვისტური მნიშვნელობაც აქვს, ეთნოგრაფიულიც და პირწმინდად ლიტერატურულიც.

იმათ კი, უმცროსებმა, ლამის ლეგენდის გმირთან რომ გაევიგებინათ ამ მწერლის სახელი, კარგად იცოდნენ, რომ თავის დროზე ეფექტურადაც შემოსულიყო ლიტერატურულ ასპარეზზე. ლექსების გამოქვეყნების შემდეგ მისი პიესა დაუდგამს სანდრო ახმეტელს, თვით მიხეილ ჯავახიშვილს რომ მოუწონებია ეს სპექტაკლი.

და აი, სწორედ მაშინ შეუთავაზებია სანდრო ახმეტელს:

— იქნებ ალექსანდრე ბატონიშვილზე დამინერო პიესაო. „მერანისებური“ პიესაო, რადგან პავლე ინგოროყვასგან სმენოდა, რომ ნიკოლოზ ბარათაშვილი სწორედ ალექსანდრე ბატონიშვილის სახელით შთაგონებულიყო ამ ლექსის წერისას, მფრინავი რაშის ლეგენდით, მთელ კავკასიაში რომ ტრიალებდა.

ქაქუცა ჩოლოყაშვილისადმი მიძღვნა დაეშიფრა პოეტს — თ.ჩ.-ს ანუ: თავად ჩოლოყაშვილსო, თვითონ ლექსი კი გამსჭვალულიყო იდეით, თუ როგორ ელოდა ხალხი მის დაბრუნებას.

რა თქმა უნდა, არ აპატიებდნენ.

დაიჭირეს.

კი ბევრი ეძახა, თამარ ჩოლოყაშვილს ეძღვნებო, სატრფიალო ლექსიაო, პირადი განცდებით, მაგრამ... გადატრიალება რალა შუაში იყო, ეს კი ვეღარ აეხსნა.

გიორგი შატერაშვილს კი არ დასცალდებოდა მერანისებური პიესის შექმნა. ამას რომ დასცლოდა, სანდრო ახმეტელს არ დააცლიდნენ დადგმას. ერთს გადასახლებდნენ, მეორეს დაიჭერდნენ და დახვრეტდნენ.

აი, ეს ამბები სმენოდა უმცროს თაობას და ლეგენდამდეც აეზიდათ გიორგი შატერაშვილის სახელი.

გაივლის წლები და მათი სახელებიც ამ სიმაღლეებზე დატრიალდება ქართულ ლიტერატურულ პროცესებში, ოღონდ ჯერ ადრეა.

ჯერ გაგანია კომუნისტების დროა და იმპერიული რეჟიმი ყველას და ყველაფერს სწვდება თავისი საცეცხებით.

ყველას და ყველაფერს... და ამათ რატომ ვერ მიწვდებოდა ვითომ.

გაცნობით შემდეგ გაიცნობდნენ ერთმანეთს და ეს ოთხეულიც — გიორგი შატერაშვილი, გრიგოლ აბაშიძე, ვახტანგ ჭეიჭელი და ოთარ ჩხეიძე — ცალკე იდგება, როგორც ნიმუში მეგობრობისა, და ერთად გადაიტანდნენ ბევრ რამეს, მათ შორის იმ დრამატულ ამბავსაც, გიორგი შატერაშვილს რომ შეემთხვეოდა და მოგვიანებით ეს ნოველაც მიეძღვნა ოთარ ჩხეიძეს.

* * *

1946 წელი იდგა.

ომის დროს სტალინის ცოტა მიეშვა მარწუხები.

შეწყვეტა სასულიერო პირთა დევნა, ის კი არა, რამდენიმე დახურული ეკლესიაც გაეხსნა და ნებაც დაერთო ღვთისმსახურებისა.

სჭირდებოდა ხალხის შემომტკიცება, მათ შორის მწერლებსაც, და ლიტერატურული პროცესებიც მიეშვა.

ისტორიული თხზულებებიც სჭირდებოდა და... დაეწერონო.

გაივლის რამდენიმე წელი, მოიგებს ომს და ისევ მოუჭერს მარწუხებსაც და აი... ახლომგადახდილი იმპერიის ტრიბუნაზე ჟღანოვი გამოდის სიტყვით.

გამოდის და... აცხადებს:

— ასე არ შეიძლებაო, ძალიან აპკრეს მწერლებმა, ჯერ ის დანაშაულებრივი მიდრეკილება — ისტორიისკენ გახედვა — რა არის და ახლა თანამედროვეობა, კოლმეურნეობის თემა და რევოლუციური რომანტიკაც გააქრესო...

და თითსაც დაუქნევს მაშინდელი ლენინგრადის გაზეთებს — ერთი შეხედვით ლენინგრადისას, თორემ ყველა გამოცემა კი იგულისხმება სსრკ-ში — და სამაგალითოდ დასასჯელად მიხეილ ზომჩენკოსა და ანა ახმატოვას დაასახელებს, როგორც ორ დამნაშავეს, რომლებიც არყევდნენ საბჭოთა ადამიანის ცნობიერებას.

ფორმულასავით მოარგებენ ამ ფაქტს საბჭოთა იდეოლოგიები თავ-თავიანთ სინამდვილეს და იმპერიის სხვადასხვა ტრიბუნიდან იმავს გაიმეორებენ.

საქართველოს მწერალთა კავშირშიც ჩატარდება კრება.

გამოდის სიტყვით პეტრე შარია — მაშინაც და მერეც საზარელ მოვლენად რომ იხსენებდნენ მისი თანამედროვენიც და მომავალი თაობებიც — ნიმუში იმისა, რა შეიძლება დატრიალდეს, როცა ძალაუფლება მსგავს პიროვნებას უვარდება ხელში.

ეს ის დრო იყო, მასზე საშიში არავინ რომ ეგულებოდა იმდროინდელ საზოგადოებას.

ქვეყანასაც რომ აზანზარებდა და ადამიანებსაც ამ ქვეყანაში, თუმცა მოვიდოდა ის დროც, როცა მასზე დაბეჭავბულს ძნელად თუ ნახავდით ვინმეს, მაგრამ ეს მერე იქნება და მეც მოგვიანებით მოგიტხრობთ, ჯერ კი...

მისი დროა.

მისი რეჟიმი.

ცხოვრებაც მისია, ამ ცხოვრების სადავეებიც და იმ ადამიანთა ბედიც, სამწუხაროდ თუ საბედნიეროდ, იმ ეპოქაში მოღვაწეობა რომ ხვდომოდან წილად.

სამწუხაროდ თუ საბედნიეროდ, — სწორედ ამის გამო იტყვის **თემურ ნადარეიშვილი** და ასე განმარტავს:

— პარადოქსული ფაქტია, რომ იმ ეპოქაში ასეთი დიდი მწერლები გვყავდა. აღარ არის წნები და აღარც დიდი სახელებიაო.

ეპოქაში, სადაც „მოერგებოდა ხოლმე ტრიბუნას ნიმუში მომავალი ბიუსტისა“, დამსახურებულისა თუ დაუმსახურებელისა, და ასეთ „მოსიარულე ბიუსტებად“ ქცეულ სამყაროში იყო, კათედრასთან რომ შემართულიყო პეტრე შარია, გადმოეხედა დარბაზისათვის, თავისი ძალაუფლების სიმალლიდან გადმოეხედა და:

— აქაც შეიმჩნევა ანტისაბჭოთა გამოსდომებო. ყველას არ დავასახელებო... ანა ახმატოვა ახსოვდა და... მაგალითად, ანა კალანდაძეო.

არადა, ის დროა, ტრიუმფით რომ შემოსულიყო ანა ლიტერატურულ ასპარეზზე, ლიტერატურული საღამოც გადაეხედათ, გაზეთებშიც დაეტრიალებინათ მისი სახელი, გერონტი ქიქოძეს კი თვით გალაკტიონი შემოემწყრალებინა და ეთქვა:

— ვაჟას მერე ამხელა პოეტი აღარ გვყოლიაო.

ანაო, — და ისეთი ძალით, ისეთი ტალღით გადმოველო პეტრე შარიას სიტყვებს, გამოსაცემად გამზადებული კრებულის ჩაშლილიყო და შვიდი წელი, სტალინის გარდაცვალებამდე, ანა კალანდაძის ამ წიგნს აღარც ელირსებოდა გამოსვლა.

ეს პირველი გადახედვისა იყო.

აი, მეორედ რომ გადახედავდა დარბაზს — ძალაუფლების სიმალლიდან რომ გადახედავდა და ამ ძალაუფლებასაც საზარელი სიმალღეები რომ ჰქონოდა — გიორგი შატბერაშვილს დაადგამდა თვალს.

აკი ბიოგრაფიაც უწყობდა ხელს, ერთხელ უკვე გადაესახლებინათ და დაედოთ მსახვრალი ხელი და ახლა ციხეში უნდოდათ შებრუნება, მოგვიანებით ლევან გოთუას რასაც დამართებდნენ, და აი, ამაზე დაენერა ნოველა ოთარ ჩხეიძეს, ახლა მიხეილ რაზმაძე რომ კითხულობდა იშვიათი ოსტატობით, არტისტულობით, მწერლისეული აქცენტების საგულისხმო მიგნებითა და შთამბეჭდავად გამოტანილ... და კიდევ შეაფასებს შეხვედრაზე **ნოდარ მაგლობლიშვილი**, ვისაც თავის დროზე ოთარ ჩხეიძის ნოველა „ყურშა“ წაეკითხა და კარგად იცოდა, რას ნიშნავდა ამ მწერლის თხზულებათა დეკლამაცია, მისი სამყაროს გახსნა მსმენელთათვის:

— რაც უფრო ლაღია კითხვა, მით შთამბეჭდავია...

საერთოდ, ნანარმოების კითხვის დროს თამაში არ შეიძლება, მხოლოდ ძირითადი აქცენტები უნდა იყოს გამოტანილი, მაგრამ ამ ნოველას კი თამაშის ელემენტი ძალიან მოუხდაო, — თუმცა მანამდე ამასაც იტყვის, — კრიტიკულად ამ კითხვას ვერ შევხედავ, რადგან მკითხველის მიმართ ყველას თავისი დამოკიდებულება და პოზიცია აქვს, საკუთარი წარმოდგენა აქვს ამ ნანერზეც, იმდროინდელ მოვლენებზეც და საერთოდ, ისტორიაზეც.

ჩემთვის კი ეს ნანარმოები იმის გამომხატულებაა, როგორ უჭირდა ადამიანს ყოველთვის.

და კიდევ: ნანარმოების კითხვა კარგია, თუმცა არის თხზულებანი, რომელთაც საგანგებოდ შემზადებული მკითხველი სჭირდება და აუცილებელია მათ შესახებ წინასწარ იცოდეს, მოსმენამდე, რადგან იმ ადამიანთა ბედზეა, რომლებიც სიცოცხლეს სწირავდნენ პეტრე შარიასა და მისთანათა დროში.

სწირავდნენ იმისათვის, რომ საზოგადოებას მომავლის იმედი მისცემოდა.

* * *

ეს მომავალი კი მაინც დადგებოდა.

მიუხედავად იმისა, უნდოდა ვინმეს მისი დადგომა თუ არა. არც პეტრე შარიას სურვილებით დაინტერესებულა არსთაგარიგე, ძალაუფლება ხომ გამოეცლია ხელიდან და...

სხვათა შორის, დევი სტურუასაც — ვინც შემდგომში დაენიშნათ მის თანამდებობაზე — იგივე დღე სწეოდა.

ასეთი წერილი დაენერა ოდესლაც ქვეყნის პირველ იდეოლოგს: „ლედი მაკბეტი სამარშრუტო ტაქსი“ — ნინო კასრა-

ძე, ლედი მაკბეტის როლის შემსრულებელი დაენახა საზოგადოებრივ ტრანსპორტში და ამაზე აეგო თავისი წერილი.

და ძალაუფლებამოცილილ, მორჩილ და გატეხილ დევი სტურუას რომ შეხვდება ლევან ბრეგვაძე ქუჩაში, ასეთ რამეს გაუზიარებს როსტომ ჩხეიძეს:

— წერილი მინდა დავწერო — „დევი სტურუა სამარშრუტო ტაქსიში“.

პეტრე შარიასთვის კი უფრო მძიმე სასჯელი მიეგო ცხოვრებას.

შვილი გარდაცვლოდა და ტრაგედიადამტყდარს მისტიკური პოემა მიეძღვნა მისთვის.

უბედურებას მთლიანად შეეცვალა მისი ცნობიერება — შვილის აჩრდილთან საუბარი მოსდომებია და მისტიკური ხილვებით გაუმსჭვალავს თავისი პოეტურად გადმოცემული განცდები.

თემურ ქორიძე გაიხსენებს:

— გამოქვეყნებამდე ორი ეგზემპლარი ჰქონდა ამ პოემისა, ერთს მოსკოვში ინახავდა, საკაემირო კაგებეს განსაკუთრებული სამმართველოს უფროსად გადაეყვანათ და გასაიდუმლოებულ სეიფში დაეგმანა, მეორე კი შინ, პირად სეიფში გამოეკეტა, თუმცა... ერთ დღეს თვალების მოჭუტვითა და ირონიული ღიმილით უკითხავს სტალინს:

— პეტრე, როდის იყო, რელიგიით იყავი დაინტერესებული?

პატარა იყო ტირაჟი თუ დიდი, პატივით ვინ აპატიებდა იმქვეყნიურ სამყაროსთან ხიდის გადებას, იმ ხიდს ჩაუტეხდნენ, რომელზეც იდგა, და ახლა თვითონ აღმოჩნდებოდა თავისივე ამღვრეულ მორევში.

და ბატონი როსტომის თქმით, მოხსნას არ აკმარებდნენ და... დაიჭრდნენ კიდევ ბერისა დახვრეტის შემდეგ.

— გადასახლებიდან რომ დაბრუნდებოდა პეტრე შარია, ეგეთი გაუბედურებული, ეგეთი მლიქვნელი და მამამებელი ეგებ მეორე არავინ დადიოდა იმქვეყანად.

დაჩანჩალებდა ლიტერატურის ინსტიტუტის კედლებში და:

— კორექტურა ხომ არ წავიკითხო თქვენ მაგივრადო; ან, თუ გინდათ, გითარგმნით რამესო, — იხვენებოდა პროფესორი კაცი.

არ უყვარდათ ახალგაზრდებს, მისი წარსული რომ იცოდნენ. ერთხელ სწორედ ამ დარბაზში დასხმიან თავს, როგორც საზარელი საქმეების ჩამდენს.

ინსტიტუტის დირექტორთან, ალექსანდრე ბარამიძესთან უჩივლებდა და ისიც შეპირდებოდა, შენიშვნას მიეცემ, რომ აღარ განმეორდესო.

მაგრამ შენიშვნა არ დააკმაყოფილებდა თავის დროზე საბედისწერო განაჩენთა შემოქმედს.

მკაცრ სასჯელს ითხოვდა, თუმცა:

— აბა, უკან გაიხედე, ის პეტრე შარია კი აღარ ხარო, — მიიღებდა პასუხს და ბოდიშებითაც გამოიხურავდა დირექტორის ოთახის კარს.

მერე აკაკი ბაქრაძეც გაიხსენებს თავის წიგნში „მწერლობის მოთვინიერება“:

— არაერთხელ მინახავს ქუჩაში ერთი გაუბედურებული, გასაცოდავებული კაცი, საცხე თუ ცარიელი, სუფთა თუ ჭუჭყიანი მანვნის ქილებით ხელშიო.

80-ს გადაცილებულიყო პეტრე შარია.

სადღა იყო ძალაუფლების სიმალღეები.

და ახლა ქვემოდან შესცქენაოდა ადამიანებს.

ქვემოდან შეჰყურებდა რამაზ კობიძესაც, ლიტერატურის ინსტიტუტის თანამშრომელს, ინტელექტუალს, კატორღაგამოვილ კაცს, ვისთვისაც ახოვანებაც მიეცა უფალს.

11 წელი გაეტარებინა კატორღაში და... ათიო, რომ დაუნერეს, გაეპროტესტებინა: ის ერთი წელი რა გგონიათ, დღეებსა და საათებს ვითვლიდით იქო.

— და აი, ეს რამაზ კობიძე რომ შემოიხედავდა ლიტერატურის ინსტიტუტის იმ ოთახში, სადაც მე და პეტრე შარია ვისხე-

დით, მოიკუნტებოდა ხოლმე პეტრე, ჩაიმალებოდა მაგი-
დის ქვეშ და როცა გავიდოდა ოთახიდან, ყმანვილოო, —
მიხმობდა ასაკისა და შიშისაგან დაბეჩავებული და
მეტყვოდა: აბა, გაიხედე დერეფანში, ნავიდა თუ ისევ აქ
ტრიალებს? — **თემურ ქორიძე** გაიხსენებს ამ ამბავს შეხ-
ვედრაზე, გაიხსენებს საღამოს მიწურულს, მაგრამ მანამ-
დე მისთვის ჩვეული შთამბეჭდავი სიტყვითაც დაიპყ-
რობს შეკრებილ საზოგადოებას, თუმცა ეს უკვე შემდეგ
ნოველას ეხება და მეც მოგვიანებით გიამბობთ, ნოვე-
ლას, თავისი არანაკლებ საინტერესო გმირებით — ადა-
მიანებით, რომელთაც თავიანთი კვალი დააჩნიეს ლიტე-
რატურულ პროცესებსაც და იმ ეპოქასაც საერთოდ, და
ბევრნილად განსაზღვრეს ჩვენი არა მხოლოდ ლიტერა-
ტურული ცხოვრება, ჩვეულებრივი ყოფაც, რომელსაც
ისეთი შემობრუნებანი სჩვეოდა, დევი სტურუა შეიძლე-
ბოდა გენახათ სამარშრუტო ტაქსიში, პეტრე შარია კი, აი,
ის ძალაუფლების სიმალლიდან მომზირალი პეტრე შარია,
მანვინს ქილებით მოჩანჩაღე დაგენახათ ქუჩაში.

* * *

როგორც ფუტურისტი, ისე შემოსულიყო ლიტერა-
ტურაში, მემამოხე ახალგაზრდა, რომელსაც ისე გაემ-
ნარებინა ცისფერყანწლები — თავი რომ ლიტერატუ-
რულ ხულიგნებად მოჰქონდათ — მასზე და მის მსგავს
ბუნტარებზე ამბობდნენ: დედის საშოშივე გახრწნილი
ახალგაზრდები არიანო.

თუმცა მერე... ნლების მერე, თუ ვინმე უპატრონებს ცის-
ფერყანწელთა შემოქმედებას, სწორედ სიმონ ჩიქოვანი, ადა-
მიანი, რომელმაც დიდი კვალი დააჩნია ქართულ ლიტერატუ-
რულ პროცესებს.

— როგორც პოეტი, გალაკტიონი არ გახლდათ, მაგრამ მის
გარეშე წარმოუდგენელია ქართული პოეზია და არავინ
თქვას, რომ ვინმეზე ნაკლები იყო. სწორედ მან განაახლა
რეფლექსიისა და მედიტაციის ხაზი, ნიკოლოზ ბარათაშვილ-
მა რომ დაიწყო და ილია ჭავჭავაძემ გააგრძელა, — ამასაც
დასძენს ბატონი როსტომი, ვისი თქმითაც, სიმონ ჩიქოვანი
არა მხოლოდ ლიტერატურულ პროცესებს, მწერლებსაც დი-
დი ამაგი დასდო, როგორც მწერალთა კავშირის თავმჯდომე-
რემ და ჟურნალ „მნათობის“ რედაქტორმა.

აკი ასეც ამბობდა ოთარ ჩხეიძე:

— სადაც სიმონ ჩიქოვანი იყო, იქ იყო მწერლობაო.

და ამას უმძიმეს ვითარებაში ახერხებდა.

როცა კანდიდ ჩარკვიანი ვაჟას წინააღმდეგ გამოვიდა და
ამტიცივებდა, იმ ცნობილი პოლემიკისას აკაკი იყო მართალი და
სერიოზულად უნდა მოვეკიდოთ ამ ყველაფერსო, მწერლები კი
იძულეულნი იყვნენ, საჯაროდ დაეგმოთ ვაჟა, სიმონ ჩიქოვანი
— მაშინ მწერალთა კავშირის თავმჯდომარე, ვისაც უპირველე-
სად ევალებოდა კანდიდ ჩარკვიანის გვერდით დადგომა — გა-
მოდის მწერალთა ყრილობაზე და... იცავს ვაჟა-ფშაველას.

დაჭერას გადარჩება, მაგრამ... მეორე დღესვე მოხსნიან.

მერეა, „მნათობის“ რედაქტორი რომ ხდება და განახლე-
ბული ძალებით იწყებს მწერლობის თანადგომას, შემდგომ
„ცისკარიც“ რომ ამოუდგება გვერდით და, როცა „ცისკარზე“
თავდასხმების ტალღაც აგორდება, უმწვავეს ვითარებაში და-
უდგება მხარში მის რედაქტორს ვახტანგ ჭელიძეს.

რომ არა სიმონ ჩიქოვანი, არც ოთარ ჩხეიძის „ბურუსი“ და
„მეჩერი“ დაიბეჭდებოდა, რაც შეეხება „ცთომილს“, სიმონ
ჩიქოვანის რედაქტორობიდან მოხსნის შემდეგ ამ რომანის
ანაწყობსაც ჩაშლიან.

მაშინდელ ცეკაში გაიმართება შეხვედრა და სწორედ იქ
მიიტანს ალექსი ინაური, უშიშროების მაშინდელი შეფი
ანაწყობებს და:

— „ექიმი ჟივავო“ რა არის, ეს უარესიაო, — გამოაცხა-
დებს.



მსახიობი მიხეილ რაზმაძე კითხულობს ოთარ ჩხეიძის ნოველებს

გამოაცხადებს ბორის პასტერნაკის სახელის სასტიკი
დევნის ფონზე.

აქაც სიმონ ჩიქოვანი შეეხებება და შეეკამათება.

სწორედ მაშინ მოხსნიან რედაქტორობიდან.

და ოთარ ჩხეიძეს სულ გული სწყდებოდა, მის რომანს რომ
შესწირვოდა სიმონ ჩიქოვანის რედაქტორობა.

ნოველის პერსონაჟი კი ამ წიგნში თვითონ ოთარ ჩხეიძეც
არის:

— ახლა აღარავის ახსოვს, მაგრამ იყო დრო, 60-იან წლებ-
ში, ერთ-ერთი პოპულარული მწერალი ვანო ურჯუმელაშვი-
ლიც გახლდათ. სწორედ მისი ნოველა დაერთვის ამ კრებულს,
ნოველა, რომელსაც თავისი ისტორია აქვს:

გიორგი ლეონიძე სტუმრებია ოთარ ჩხეიძეს ყელქცეულში.
ვიდრე მასპინძელი სუფრის გასაშლელად ტრიალებდა, გამოსუ-
ლა სოფელში გასასეირნებლად და გადაწყდომია ადამიანს, რომე-
ლიც ოდესღაც შუამავალი ყოფილა მასა და მის სატრფოს შორის.

ოთარ ჩხეიძე ეუბნებოდა: ეტყობა, საგანგებოდ ჩამოხვე-
დი დეიდა მაშოს სანახავადო, მაგრამ გიორგი ლეონიძე იფი-
ცებოდა და უარყოფდა, არა და არაო.

ამ ამბავზეა აგებული ნოველა, რომლის დანერის უფლე-
ბაც ვანო ურჯუმელაშვილს უთხოვია ოთარ ჩხეიძისათვის შენ
ისედაც ბევრი გაქვს და ეს მე დამითმეო.

კარგი კი გამოვიდა.

და გიორგი ლეონიძის „ნატვრის ხესაც“ რომ დაერთებო-
დეს, ისიც ძალიან კარგი იქნებოდა.

ბატონი როსტომი კი „შესანდობარისათვის“ დართულ **მაია
ჯალიაშვილის** ნერილსაც საგანგებოდ აღნიშნავს, შესანიშნა-
ვი კრიტიკოსისა და ლიტერატორის, რომელსაც გახსნილი აქვს
ამ წიგნის რაობა და ერთგვარი გზამკვლევია არა მხოლოდ ამ
კრებულში, საერთოდ, ოთარ ჩხეიძის შემოქმედებაშიც.

* * *

— სხვათა შორის, გიორგი შატბერაშვილიც მახსოვს და
სიმონ ჩიქოვანიცო, — ამასაც იტყვის შეხვედრაზე ბატონი
როსტომი და თავის ბავშვობისდროინდელ დაბადების დღეს
გაიხსენებს, როცა სუფრას გიორგი შატბერაშვილი უძღვებო-
და და ბოლო სადღეგრძელო ეს დაელია: მიწდა, ის ადამიანი
ვადღეგრძელო, ვინც პირველი წავა ჩვენგანო.

— დალევით დალევდნენ, მაგრამ... შეძოძგინდებოდნენ
სუფრის წევრები, რამ მოაფიქრა ესო.

ორ კვირაში გარდაიცვალა. გული თუ უგრძობდა რალაცას. სიმონ ჩიქოვანი კი ასეთად ჩამოჩა მესხიერებაში: სტუმრად მივდიოდით და დედამ მითხრა: ახლა ისეთ კაცის ოჯახში მივდივართ, რასაც იტყვის, ყველაფერი უნდა დამახსოვროს.

რა თქვა, იმისი რა გითხრათ, მაგრამ ის კი კარგად მახსოვს, კარში მდგომი სიმონ ჩიქოვანი შეუძლოდ მყოფ მეუღლეს რომ შესძახებს ოთახში:

— მარიკა, რომ იცოდე, ვინ გვესტუმრენ.

გაივლის წლები და სიმონ ჩიქოვანისა და მარიკა ელიავას სიყვარულიც ლეგენდად დატრიალდება ჩვენს რეალობაში.

თითქოს ძველი მითოსი გაცოცხლებულიყო...

ან სულაც თანამედროვე მითოსი შექმნილიყო პოეტისა და მისი მუზის შესახებ, სიკვდილის წინ რომ დაებარებინა: ჩემი სხეული დაფერფლეთ და ფერფლი სიმონის საფლავს მოაყარეთ.

შარლოტა კვანტალიანი გამოეხმაურება შეხვედრაზე ამ ამბავს.

— ზამთარი იყო.

მოსკოვში წაასვენეს, რაკი აქ მაშინ შეუძლებელი გახლდათ მარიკა ელიავას ანდერძის შესრულება.

იქ დაფერფლეს მისი სხეული.

კრძალვით დახვედრია რუსეთის ლიტერატურული საზოგადოება, პანაშვიდიც გადაუხდიათ პოეტის სიყვარულისათვის.

მერე... ფერფლის ნაწილი სიმონის საფლავზე მოუბნევიათ, დანაბარების მიხედვით, ნაწილი კი პატარა ურნით საფლავის ძირში მოუთავსებიათ. იქვე იდო ფილაც, ოლონდ ნარნერის გარეშე, რაკი კომუნისტების დროს არ შეიძლებოდა, მთანმინდაზე ვინმე სხვაც დაკრძალულიყო.

არაერთი სიმღერა მიეძღვნა ამ ამბავს.

არაერთი ლექსიც.

თავის დროზე არაერთხელაც უთხოვია ლიტერატურულ საზოგადოებას „ძლიერთა ამა ქვეყნისათვის“, რომ უფლება მიეცათ, მარიკა ელიავას საფლავსაც მეუღლის გვერდით დაევენებინა, მაგრამ ამაოდ...

და აი, რამდენიმე ხნის წინათ მე დავინყე ხელმონერების შეგროვება. 100-ზე მეტი ხელმონერა შევიტანე კულტურისა და განათლების მინისტრთან გურამ ოდიშარიასთან, ვინც ასე გვიპასუხა:

— დიდი სიამოვნებით, მაგრამ ეს ჩემი საქმე არ არის, მერიის უფლებამოსილებათ.

მერე ხელმონერებიც სადღაც გაქრა, თუმცა მერიაში მანც შევედით და... წარმოიდგინეთ, დაგვრთეს ნება.

დღეს იქ წარწერაც არის ქვაზე და ნაკურთხიცაა საფლავი.

თავის დროზე, ოთარ ჩხეიძეს თავისი წიგნებისთვის მხატვარს რომ ეძებდა, ჯერ თენგიზ მირზაშვილისთვის უთხოვია, ვისაც პირადად არ იცნობდა, თუმცა, როგორც მხატვარი, მოსწონდა და კიდევ წარმოედგინა თავისი თხზულებების გასაფორმებლად.

გასულა ხანი და... უკან მიუბრუნებია ბატონ თენგიზს:

— რა ვქნა, აზრი ვერ გამოვიტანე და არ ვიცი, რა დავხატო.

მერე დიმიტრი ერისთავთან მიუტანია თავისი ხელნაწერები ოთარ ჩხეიძეს და რალაც ხნის შემდეგ მასაც მხრებისჩეჩით უთქვამს მწერლისთვის:

— ვერაფერი გავიგე და რა ვქნაო.

მაგრამ... გადის დრო და ერთიც ხატავს ოთარ ჩხეიძის თხზულებებს და მეორეც, და იმასაც ამბობენ:

— ჩვენი უსაყვარლესი მწერალია და ახლა გავიგეთ მისი შემოქმედების გემო.

სწორედ თენგიზ მირზაშვილის ამ ნათქვამს გაიხსენებს **იოსებ ჭუმბურიძე** ჟურნალ „ჩვენი მწერლობის“ ფურცლებზე გამოქვეყნებული დიალოგიდან მხატვარსა და მიხეილ ანთაძეს შორის და იტყვის:

— მიხეილ რაზმაძემაც ისე წაიკითხა ეს ნოველები, რომ ეტყობა, გემო გაუგო ამ მწერალს.

ფიქრობ, პირველი ნოველა უფრო შთამბეჭდავი იყო, უფრო მეტიც იყო, ვიდრე „შესანდობარი“ და ოთარ ჩხეიძეც, როგორც ნამდვილი მხატვარი მოვლენებისა თუ პერსონაჟთა ხასიათებისა, იქ უფრო მეტად ჩანს.

მართლაც მონოსპექტაკლივით იყო პირველი ნოველის კითხვა და ძალიან მოუხდა თამაშით.

თვითონ **მიხეილ რაზმაძე** ამ სახეცვლილების შესახებ იმას იტყვის, რომ კითხვისას უწინარესად კამერტონის დაჭერა სურდა და მთავარი მუხტის გამოხატვა ამ ნოველებისა:

— პირველი რომ წაიკითხე, თითქოს წარმოვიდგინე ყველაფერი, თითქოს თვალნათლივ დავინახე სცენები და თამაშის ელემენტები თავისთავად გაჩნდა, მეორე კი ისე აღვიქვი, როგორც პირნიმინდად ტექსტი და განსხვავებულიც ამიტომ გამოვიდა. თვითონ მწერლის სამყაროა ასეთი მრავალფეროვანი და მეც ამით მინდა თავი ვიმართლო.

მწერლის მრავალფეროვანი სამყაროც და მისი ეს ნოველაც სულ სხვა რაკურსით დაგვანახა **თემურ ქორიძემ** და აი, ის შეპირებული ემოციური და შთამბეჭდავი გამოსვლაც, რომელმაც ახალი კარი გახსნა ოთარ ჩხეიძის შემოქმედებაში და თავისებურად შეკრა ეს შეხვედრაც.

— ეს უაღრესად სევდიანი წიგნია.

ჩვენ დავივინყეთ სევდა.

მახსოვს, ჩემს სიყმაწვილეში ხელთ ჩამივარდა ფრანსუაზა საგანის „სალამი, სევდავ“, რომელიც ის-ის იყო, ითარგმნა ქართულად და დაიბეჭდა „საუფხვეში“.

ისეთი მიმზიდველი იყო ის სევდა, სიბერემდე გამოიყვამ მისი საიდუმლოება და ხიბლი.

„შესანდობარი“ კი სულ სხვა სევდაა.

ქართული სევდა — სხვაგვარად განცდილი და სხვაგვარად აღქმული.

მამაკაცური სევდა თხემით ტერფამდე მასში ჩაფლული, მამაკაცურივე ღირსებით მდგომი მწერლისა.

მარტო ფინალური გაელვება რად ღირს ამ ნოველისა — მდინარის პირას რომ პოულობს სიმონ ჩიქოვანს ოთარ ჩხეიძე და ის:

— მომხსნესო! — ეუბნება სევდიანად.

თითქოს განსაკუთრებული არაფერი, მაგრამ... ჩვენ ვართ ამის მკითხველები.

ჩვენ, ვინც უნდა გავიგონოთ და მოვისმინოთ ის სევდა.

ერთი ფრანგი მწერალი წერდა:

ის ცნობილი სიტყვები იულიუს კეისრისა: „შენც, ბრუტუს!“ კი არ უნდა წაიკითხო, უნდა მოისმინო, თუ გინდა, რომ შეიგრძნო მათი ტრაგიზმი და დრამატიზმი, წარმოუდგენლად ღრმა განცდა ადამიანისა, რომელიც ხედავს, როგორ მიემართება მისკენ მახვილით თავისი გაზრდილი.

ოთარ ჩხეიძემაც გაიგონა ეს „მე მომხსნეს!“

ტრაგიზმი ამ ფრაზისა, ის ღრმა განცდა სამყაროსეული უმადურებისა.

ჩვენ გვაფრთხილებდნენ განმანათლებელნი ამა ქვეყნისანი:

— ნუ გაგიკვირდებათ, უმადურობა რომ ახასიათებთ ადამიანებს. ნუ შედრკებით ამის გამო, ისინი მაინც უნდა გიყვარდეთო.

მაგრამ ოთარ ჩხეიძე უმადურობის ტრაგიზმით გაჯერებულ იმ ერთ ფრაზაში არც ერთ სიმს არ ჩამოკრავს ისე, როგორც ჩვენს ყურთასმენას.

ეს წიგნი შედეგებად მიმოფანტული სამყაროა, იმ ბევრი სევდით სავსე, რომლის გარეშეც წარმოუდგენელია ადამიანური ყოფა — ადამიანად ყოფნისა და ადამიანად არყოფნის სევდით ერთად.

გაივლის წლები და ამგვარ სევდასაც დაარქმევენ ალბათ თავის სახელს, თვითონ ოთარ ჩხეიძემ კი ძალიან ქართულ და ღრმა მწუხარების მომგვრელ სიტყვაში მოაქცია იგი:

„შესანდობარი“.

როზა დევდარიანი

ქურხული ნონსენსი

ღმრთისმშობელო ქალწულო, გიხაროდენ! მიმადლე-
ბულო მარიამ, უფალი შენ თანა! კურთხეულ ხარ შენ
დედათა შორის და კურთხეულ არს ნაყოფი მუცლისა
შენისა, რამეთუ მაცხოვარი გვიშვე სულთა ჩვენთა!

კონდაკი

მონყალებისა კარი განგვილე, კურთხეულო ღმრთის-
მშობელო, რათა, რომელნი ესე შენ გესავთ, არა დავეც-
ნეთ, არამედ გარვერნეთ წინააღმდეგობთა მტერთაგან,
რამეთუ შენ ხარ ცხოვრება ნათესავისა ქრისტიანეთასა.

კონდაკი

ბექა ქურხული იმ ავტორთა რიცხვს განეკუთვნება, რო-
მელთა ყოველი გამოჩენაც წინასწარ მუხტავს მკითხველს
სიმპათიითა და კეთილგანწყობით. ახალგაზრდა ავტორის
დიდი ნიჭის შესატყვისი წარმატების დადასტურებად უნდა
ჩაითვალოს, რომ ახალი სატირული ზღაპარი „ცოცხზე გა-
დამჯდარი მეფე“ („ჩვენი მწერლობა“, 23/1, 2015 წ.) მას გიორ-
გი შენგელაიას მონანილეობით (ცოტა არ იყოს, ტერმინი ბუნ-
დოვანია...) შეუქმნია. ამჟამად გამოკვეთილი ტენდენციები,
ძალზე ხელშესახები სიმბოლიკა, ადვილად ამოსაცნობი პრო-
ტოტიპები, შეუნიღბავი, სრულიად არაორაზროვანი ჩანაფიქ-
რი და მკაფიო, გამჭვირვალე მიზანდასახულობა ის უმთავრე-
სი ღირსებებია, რომელთა წყალობითაც ავტორი კიდევ ერ-
თხელ განამტკიცებს იმ აზრს, რომ მისი სახით ქართულ მწერ-
ლობას ჰყავს საიმედო ძალა, რომელსაც მკითხველი რწმენით
შეჰყურებს.

მკითხველის იმედის გაცრუება ნებისმიერი ავტორისათ-
ვის ორმაგად მტკივნეულია.

როცა ავტორს, შემოქმედებითი გზის დასაწყისშივე მოპო-
ვებული პოპულარობით განებივრებულს, თვითკმაყოფილება
და თავდაჯერებულობა დაეუფლება, ანუ შინაგან ცენზორს
თვლენა-მოდუნება მოეძალდება, კეთილმოსურნე მკითხველის
სახით უეჭველად უნდა ამოქმედდეს გარეშე ცენზორი, რომე-
ლიც გამოაფხიზლებს, დააფიქრებს, შეცდომების გამოსწო-
რებისაკენ უბიძგებს.

ეს ორივე მხარისათვის სასიკეთოა. მწერლისათვის — სა-
გაკვეთილოდ, თანაც — მოპოვებული დიდი ნდობის შესანარ-
ჩუნებლად და გასამართლებლად, მკითხველისათვის — ესო-
დენ აუცილებელი თანაავტორობის, თანაგანმცდლობის გა-
მოსავლინებლად, რათა საყვარელი ავტორი განზილებული არ
იხილოს.

ბექა ქურხულს ნამდვილად უქმნის ამის საშიშროებას პიე-
სის აკორდული მონაკვეთი, რომელიც, რბილად რომ ვთქვათ,
ავტორის სერიოზული ნაფორხილება-ნაბორძიკების ფრიად
სამწუხარო ილუსტრაციად უნდა ჩაითვალოს.

ზოგადად, ნაწარმოების ფინალი ის ლურსმანია, რომელიც
„ყველაზე ღრმად უნდა იქნეს ჩარჭობილი“. ავტორი ხომ „ყვე-
ლაზე უღმობელი და ჟინიანი მკითხველია და ამიტომ ის ყვე-
ლაზე უფრო უნდა იყოს დასასრულით კმაყოფილი“ (მიხეილ
ჯავახიშვილი, „როგორ ვმუშაობ“).

არ ვიცი, რამდენად კმაყოფილია პიესის დასასრულით ბე-
ქა ქურხული, მაგრამ პირადად მე, როგორც მკითხველი, მთე-
ლი პასუხისმგებლობით ვაცხადებ, რომ მას უდავოდ დააკლ-
და ის „უღმობლობა და ჟინიანობა“, რის წყალობითაც ბოლო
ლურსმანი ღრმად და საიმედოდ უნდა ჩაჭედებულიყო.

ის, რაც, ზოგადად, ფინალს მოეთხოვება, ათასწილ (სწორედ
ათასწილი!) მოეკითხება დასასრულს, რომელიც აპოთეოზად
არის ჩაფიქრებული და რომლის ცენტრშიც ყოვლადწმიდა
ღმრთისმშობელი დგას. ვფიქრობთ, ნებისმიერი მკითხველის
აზრს გამოვხატავთ, თუ ვიტყვით, რომ დედა ღვთისა, მზე მარი-
ამი, სცენაზე ასეთი სახით არ უნდა შემოდიოდეს. მისი სიტყვე-
ბი, ხალხისადმი მიმართული, მომწუსხველი კატეგორიულო-
ბით, მკაცრი ტონით, ცივი ინტონაციით, უკიდურესი სიმკიცხე-
სიხისტით რომ ჭრის სმენას, ნესრიგის დამრღვევი (ვთქვათ,
„მატალოს“ მომწყობი) ონავრების წინაშე მდგომ საშუალო დო-
ნის კლასის ხელმძღვანელსაც კი არ შეეფერება, არამცთუ „დე-
დას, ქალწულს, შეუნიერ შრომანს“, რომელსაც „ახარება ან-
გელოზი ფრთოსანი: „შენგან იშუებს მეფე გპრპნოსანი, და მას
ჰმონებდენ მეფე მრავალ-ყმოსანი“ (დემეტრე მეფე).

ოდნავ გადავუხვევთ და მკითხველს მოვავაგონებთ, როგორ
შემოჰყავს შალვა დადიანს „უბედურ რუსში“ „შვიდმნათობიე-
რი“ თამარი:

„ოქროს სამეფო კარები გაიღო.

თითქო გაიღვლო მთელს დარბაზში, მოძრაობისაგან კრთო-
მა მოიღეს ძვირფასმა ქვებმა და კეთილშობილმა ლითონმა.

თეთრსა და ლურჯ ფერებში მოსილნი უცხო ასულნი გა-
მოვიდნენ ამ კარებიდან.

და ამ სისპეტაკემ სრულიად დაჰფარა ბრჭყვიალა ოქრო.

დარბაზის შუაგულ გაისმა ქალთა უხუნაისი საგალობელი.
მსმენელნი იხიბლებოდნენ ამ წარწარ ხმათა ბგერით.

მაგრამ აგერ ეს საგალობელიც მისწყდა და წინწილათა და
ეხანთა შექმნეს უცხო ნკრიალი.

იმავე დროს სამეფო ტახტის ახლო, მარმარილოს ორ
კვარცხლებეკზე შემდგარ ოქროს ლარნაკებს მოლურჯო,
ძლივდასანახი ბოლი ავარდა და მთელს დარბაზს მოეფინა
მუშკისა და ამბრის სურნელება.

დარბაზში თამარ პირიმზე შემოდიოდა.

— მადლობა უფალს, ყველას გხედავთ კვალად მშვიდობით!
ეს იყო თამარის ხმა!

მაგრამ რა ხმა იყო იგი! მტკიცე და ნაზი, ძალდაუტანებე-
ლი და ყველასათვის გასაგონი, თან ბგერა ხმისა ნამდვილ
მკერდიდან აღმომხდარი — მკვრივი და კრიალა, უხინვო და
შინაარსიანი.

ტახტზე იდგა მეფე-ქალი.

თეთრი სამოსი ეცვა, ლურჯი ფარჩის ოლარითა და სამხ-
რებით, რომლებიც თეთრის მარგალიტებით იყო მოოჭვილი.
თეთრივე გვირგვინი ადგა, ლაჟვარდოვანი თვლებით მორთუ-
ლი, წვრილი ფირუზების არშია-მოვლებული.

მაღალი ტანისა იყო, ჰაეროვანი, თითქმის სრულიად
ახალგაზრდა, უმანკო გამომეტყველების, მაგრამ მაღალ ფიქ-
რსა და ზრუნვას სიღარბისაღის იერი უცხოედ შეექსოვა მის
ნატივ სახე-პირისათვის.

თვალეები ჰქონდა უსაზღვრო ლმობიერებით აღსავსე, შემ-
წყალე და მიმტევებელი, მაგრამ იმავე წამს იგრძნობდით, რომ
ამ გამომეტყველებას ვერ გაუშინაურდებით, ვერ გაუტო-
ლებთ თქვენს განცდას, ვერ ჩაითრევთ ყოველდღიურ წვრილ-
მან სურვილებში“...

როგორც ვხედავთ, ციტირებულ მონაკვეთში ყოველი
სიტყვა, ყოველი ფრაზა უდიდესი პასუხისმგებლობით არის
შერჩეული, ყოველი ნიუანსი — შორს გამიზნული და ღრმად
გააზრებული. ავტორმა იცის, ვისზე წერს და როგორ უნდა წე-
როს, ეპიზოდში გამოვლენილი მოწინება, პატივისცემა, სიყ-
ვარული თამარის მიმართ ზუსტად შეესატყვისება მკითხვე-
ლის განწყობას იმ მეფე წმინდანისადმი, რომელიც, მემატია-
ნის სიტყვით, გახლდათ „მზე იგი მზეთა და ნათელი ნათელ-
თა“, რომელიც აკურთხა ღმერთმა უკუნისამდე და დაადგრა
თავსა მისსა გვირგვინი პატიოსნებისა... და წარემართა სუ-
ფევად უკუნისამდე ჭეშმარიტებისათვის, სიმშვიდისა და სი-
მართლისა“ („ქართლის ცხოვრება“).

რაოდენ აღმატებული სიფრთხილე, კრძალვა, თაყვანისცემა უნდა გამოამჟღავნოს ნებისმიერმა კალმოსანმა „დედათა შორის კურთხეულის“, „მიმადლებულის“ მიმართ, რომელსაც მართლმადიდებელი სამყარო აღიარებს, ვითარცა „უპატიოსნესა ქერუბიმთასა და აღმატებით უზეშთაესსა სერაზიმთასა, განუხრწნელად მშობელსა სიტყვისა ღვთისასა“ („ღირს არსის“ საგალობლიდან), და ასე განადიდებს: „გიხაროდენ, სიმაღლეო ძლით აღსავალო კაცობრივთა გულის სიტყვათაო! გიხაროდენ, სიღრმეო ძლით სახილველო ანგელოზთაცა თვალებისაო! გიხაროდენ, ვარსკულავო მომფენელო მზისაო! გიხაროდენ, ნიაღო ღმრთის განხორციელებისაო! გიხაროდენ, კიბეო ზეცისაო, რომლისა მიერ გარდამოხდა ღმერთი! გიხაროდენ, ხიდო ნიაღ-მყვანებელო ქუეყანისათა ცად მიმართ! გიხაროდენ, ანგელოზთა მრავალგანთქმულო საკვირველებაო! გიხაროდენ, ნათლისა გამოუთქუმელო მშობელო! გიხაროდენ, ვაზო მორჩისა დაუქნობელისაო! გიხაროდენ, ქუეყანაო უკუდავისა ნაყოფისაო“ (დაუჯდომელი საგალობელი ყოვლადწმიდა ღვთისმშობლისა)!

ბეჭა ქურხულის მიერ წარმოდგენილი ღვთისმშობლის მონოლოგი შეურაცხყოფელია არამარტო ავტორისა და მკითხველისათვის, არამედ ყოვლადწმიდა ღვთისმშობლის, მისი წილხვედრი ქვეყნისა და ამ მინის მკვიდრი მართლმადიდებელი ქრისტიანებისათვის, რომლებიც მას ასე მოწინებთ განადიდებენ აჰა, უკვე მეთათხე წელიწადია: „შენ ხარ ვენაბი, ახლად აღყუავებული, მორჩი კეთილი, ედემში დანერგული, ალვა სულწნელი, სამოთხით გამოსრული, ღმერთმან შეგამეკო, ვერავეთ გვგობს ქებული, და თავით თვისით მზე ხარ გაბრწყინებული!“.

დავიწყით იმით, რომ დედა ღვთისა მოქმედებაში შავით შემოსილი შემოდის. არც რომელიმე კანონიკურ ხატზე გამოსახული, არც ჯვარცმასთან მდგომი, არც გარდამოხსნაზე დამხობილი და არც გამოცხადებით ხილული ღვთისმშობელი შავებში არ არის გახვეული. ყველან, ყოველთვის იგი ნათლით არის შემოსილი და დიდ ტკივილთან ერთად დიდ რწმენას, სასოებას, აღდგომის საიდუმლოსთან დაკავშირებულ იმედს გამოხატავს.

ვერანაირად ვერ აღიქმება ღვთისმშობლად ის „შავებში ჩაცმული ქალი“, რომელიც მის წინაშე მუხლმოყრილ ხალხს მკაცრი ტონით მიმართავს: „ადექით! არ მიყვარს მუხლებზე დაჩოქილი ხალხი“ (სტილის გაუმართაობის აღმნიშვნელი ხაზი ჩვენია, რ.დ)!

ამ შემთხვევაში ავტორმა სიტყვის თამაშზე აგებულ მხატვრულ ეფექტზე თუ დაამყარა იმედი, აქაოდა, დაჩოქებული, წამოჩოქილი, ანუ მონური სულის, ხალხი არ მიყვარსო, განა შეიძლება მონურად ქედმობრილი ხალხისა და ღვთისმშობლის წინაშე მოწინებთ მუხლმოყრილ მორწმუნეთა გაიგებება? როგორც წესი, მართლმორწმუნენი კდემით იჩოქებენ ხატის წინაშე და ამით გამოხატავენ თაყვანისცემას ცხოველყოფელი ნათლითა და ზეციური გუნდის გალობით გარემოსილი „დედუფლისას“, რომელიც ასკეცი მშვენიერებით ბრწყინავს მამინ, როცა ადამის ძე მუხლმოყრილი ლოცულობს მის წინაშე, როცა მლოცველი მთელი არსებით განიცდის იმის სიახლოვეს, ვინც ხატზეა გამოსახული, და მისი სული მარადიული ნათლის სამკვიდროდან გამომავალ მადლს ამ ხატის ძალით შეიგრძნობს, რამეთუ სწამს, რომ „პატივი, რომელსაც მიაგებს ხატს, გადადის პირველსაზე და ხატის თაყვანისმცემელი თაყვანს სცემს მასზე გამოსახულ არსებას“ (დოგმატი VII მსოფლიო საეკლესიო კრებისა).

რაკი ეს ასეა (პირველწყაროს სარწმუნოებაში ეჭვის შეტანა შეუძლებელია!), გამოდის, რომ ორი ათასი წელია, მორწმუნენი, რომლებიც ხატის წინაშე იჩოქებენ, არქტიკის განარისხებენ? მამინ რატომ იყრიან მუხლს ხატის წინ ქრისტიანული მსოფლიოს „კათალიკოს-პატრიარქნი, ყოვლად სამღვდელონი მიტროპოლიტნი, მთავარეპისკოპოსნი და ეპისკო-

პოსნი, პატიოსანნი მღვდელნი, ქრისტეს მიერ დიაკონნი და ყოველი სამონაზვნო წესნი ზიარნი ეკლესიისანი“ (ყოველდღიური ლოცვებიდან), რატომ ვამბობთ ღვთისმშობლის ნებისმიერი დაუჯდომლის დასასრულს დართულ ლოცვას მუხლმოყრით, რატომ ვიჩოქებთ წირვასა თუ პარაკლისზე „ღირს არსის“ წარმოთქმისას?

ახლა ფეხზე წამომდგარი ხალხისადმი მიმართული სიტყვებიც მოვისმინოთ! „გამარჯობათ, ქართველებო! ბოლო დროს უმწეოდ რომ გაიძახოდით, გვეშველება რამე? ღვთისმშობელი გადაგვარჩენს? საქართველო ხომ მისი წილხვედრი ქვეყანაა! ტყუილად ირჯებოდით“ (სტილი და პუნქტუაცია დაცულია, რ.დ)!

აქ იმდენად უპასუხისმგებლოდ, იმდენად შეუსაბამოდაა მოხმობილი ყოველი ფრაზა, შავით თეთრზე რომ არ ეწეროს, ამ სიტყვების წარმომთქმელი ღვთისმშობელიაო, ვიფიქრებდით, რომელიმე იაფფასიანი ტელეშოუს ან ყბადაღებული იუმორინას წამყვანი მიმართავს მაყურებელს. პიესას არ ახლავს ხალხის რეაქციის გამომხატველი რემარკა, მაგრამ ადვილი წარმოსადგენია, როგორ შეიძლება გამოიყურებოდეს ის საზოგადოება, რომლის რწმენა-სასოებასაც ცივი წყლის ესოდენ დიდი ნაკადი გადაესხა.

(მკითხველს ვთხოვთ, კიდევ ერთხელ მიაქციოს ყურადღება წმ. თამარის ჩაცმულობას, საზოგადოებასთან შეხვედრასა და მისადმი მიმართულ სიტყვებს „უბედური რუსის“ ზემოთ ციტირებულ ამონარიდში).

ამას მოსდევს ყოვლად გამოგნებელი, სრულიად გაუმართლებელი, ძნელად გასაცნობიერებელი სალანძღავი სიტყვები, რომელთა კორიანტელსაც დედა ღვთისა შეკრებილთა მისამართით აფრქვევს: „თქვე ბრიყვებო!“ „თქვე უნიგნურებო!“ „თქვე უქნარებო!“ და შიგადაშიგ: „ყოჩაღ, ქართველებო!“

სხვისი არ ვიცი და ამ მაგარ-მაგარმა გამოთქმებმა მართლა დაგვბნია. ლამის დავიჯეროთ, რომ კორექტორს რაღაც შეეშალა და ღვთისმშობელს სხვისთვის განკუთვნილი სიტყვები მიანერა. თავს ნებას ვერ ვაძლევთ, დაწეროთ, ვისთან შეიძლება ასოცირდებოდეს ამგვარად მოსაუბრე მზე-მარიამი.

მიზანშეწონილად მიგვაჩნია, აქ გავისხენოთ ფრაგმენტი გურამ დოჩანაშვილის მოთხრობიდან „ორნი იქა, იქა“, რომელშიც ყოვლადწმიდა ღვთისმშობლის შეხვედრა 9 აპრილის უმწეო მსხვერპლსა და პირისისხლიან ჯალათთან ასეა აღწერილი:

- ვერა ცნობ, შვილო?
- ვერა! — თქვა გოგონამ, მაგრამ გული ძალიან უცემდა.
- შენი მკვლელია, შვილო!
- მე ამან მომკლა... იქა? — იკითხა გოგონამ.
- ბარი მიეცით! — თქვა მარიამმა.
- მე ბარი არ მინდა! — ასავსავდა ხნიერი სტასიკ, — მე ბარი რად მინდა, თადარიგში გასული ვარ!
- ის საწამლაგი, — თქვა მარიამმა, — როგორ გაბედეო, როგორ იხმარეთ?
- მე პირადად არ ვიცოდი, საწამლაგი თუ იყო!..
- და ბარი? ბარიც არ იცოდი?
- შეძრწუნებული სტასიკი სხაპასხუპით ალაპარაკდა:
— მე პატარა კაცი ვარ! მე პრიკაზებს ვასრულებდი!
- ყური დამიგდე. მე აქ არავის ვასამართლებ. არასოდეს. მაგრამ შენი თავი მე გამომიგზავნეს, ალბათ, იმიტომ, რომ ეს გოგონა ჩემი გამორჩეული შვილობილია. მე არაფრის მისჯა არ შემიძლია, — ღვთისმშობელმა გოგონასაკენ გაიშვირა ხელი, — დაე, ამან გაგასამართლოს...“.

ღვთისმშობლის დოჩანაშვილისეული ხატება სულგრძელობის, განონანსორებულობის, სამართლიანობის, დიდსულოვნების, მიმტევებლობის დიდებული ნიმუშია. ყოვლად გადაგვარებულ, ბრძანების უსიტყვოდ შემსრულებელ მარიონეტსაც კი იგი სალანძღავი სიტყვებით როდი მიმართავს. განაჩენის გამოტანასაც უმანკო გოგონას მიანდობს.

ამ ხალხმა კი, რომელმაც საძულველი ტირანი და მისი სისხლიანი რეჟიმი დაამხო, რა დააშავა, რატომ მოიხსენიებს დედა ღვთისა ასე უშვერად? თუნდაც მართლა დაემსახურებინათ ლანძღვა-გინება, „ყველაზე დიდ ქალბატონს, წმინდა მარიამ ღვთისმშობელს, დიდ მარიამს, მზეს“ (გურამ დოჩანაშვილი) ეს როგორ ეკადრება? აშარი დედაკაცის ამპლუაში როგორ აღვიქვათ?

ცალკე მსჯელობის საგანია ღვთისმშობლის მიერ მოთხრობილი ქართველ-ებრაელთა ურთიერთობის, მაცხოვრის კვართის საქართველოში დამკვიდრებისა თუ საქართველოს წილხვდომილობის ბეჭა ქურხულისეული ინტერპრეტაცია. ქრისტემდე 6 საუკუნით ადრე საქართველოში **თურმე** ყოვლადწმიდა მარიამის **მუხლის ხალხი** ჩამოსულა; საქართველო ღვთისმშობლის წილხვდომილი ქვეყანა რომ გამხდარა, ამაში არავითარი მისტიკა არ ყოფილა გარეული, ეს საესებით **პრავმადული გადაწყვეტილება** ყოფილა; დედა ღვთისას საქართველო იმიტომ შეხვედრია საქადაგებლად, რომ მცხეთაში მისი **ნათესავეები** ცხოვრობდნენ (ნათესავეებად 6 საუკუნის წინათ აქ დასახლებული ებრაელები იგულისხმებიან!..); ელიოზ მცხეთელი და ლონგინოზ კარსნელი **მღვდელმთავრებად** მოიხსენიებიან; **მარიამ მაგდალინელი ღვთისმშობლის** და ყოფილა; **ჯვარზე გართხმულ** ქრისტეს იოანესათვის უთქვამს, „შენ უპატრონებ დედაჩემს“; **ერთ-ერთ ჯარისკაცს კვართი უფლისა წილში შეხვედრია, მაგრამ არ მიუთვისებია** და ღვთისმშობლისათვის მიუცია, მას კი ლონგინოზისა და ელიოზისათვის **მიუბარებია**, რათა საქართველოში **შეენახათ** (თურმე იგი მათ **ენდობოდა, როგორც ნათესავეებს**); თურმე ეს კვართი **სიდონიას საფლავში ყოფილა დაფლული** (ავტორისეულ სტილსა და ფაქტობრივ უზუსტობებზე მიმანიშნებელი ხაზგასმა ყველგან ჩვენია, რ.დ)... არსად ჩანს ლოგიკური დასაბუთება იმისა, თუ რატომ გამოკვეთა ეს საკითხები ავტორმა.

იქნებ ეს მდაბიური მეტყველება, ტიპური ნონსენსი (ჩვენ მას „მგზავრის წერილების“ იმ ეპიზოდს შევადარებდით, რუსი ოფიცერი მთხრობელს (ილიას!) „მდაბიურის ენით“ რომ განუმარტავს, თუ რა არის განათლება), იმიტომ გახდა აუცილებელი (ვისგან, ღვთისმშობლისაგან?), რომ ამ სიტყვების მთქმელი (დედა ღვთისა!) **პრიყვებს, უვიცებსა და უქნარებს** მიმართავს და მიაჩნია, რომ მათ **მხოლოდ ასეთი, მდაბიური ენით** გააგებინებს სათქმელს?

რას მოვესწარით! ღვთისმშობელი ვულგარული მეტყველების ნიმუშებს აფრქვევს და ალაგ-ალაგ ჩაურთავს: „მაპატიეთ უხამსობისათვის!“ „კიდევ ერთხელ მაპატიეთ უხეშობისათვის!“ (სტილი დაცულია!)

ჩვენ მაინც ასე გვგონია, შეკრებილთ ის დედაბერი მიმართავს, ხისტარიანი ცოცხით რომ ჰგვის ქუჩას (სცენას) და მთლად დალაგებულად ვერ ლაპარაკობს. რა ვქნა, ასეთი საუბარი მხოლოდ მას თუ ეკადრება (ოჰ, ეს კორექტურა!)... სხვაგვარად როგორ ავხსნათ „დედათა შორის კურთხეულის, მიმადლებული მარიამის“ ესოდენ ბანალური, ამავე დროს ძველბიჭური მეტყველება: „თქვე უქნარებო, იმუშავეთ, იკითხეთ წიგნები, ნაკლებად ჭამეთ და სვით, გადმოჯექით თქვენი ჯიბებიდან, ნაკლებად უყურეთ გადაცემას „ცეკვავენ და მღერიან ვარსკვლავები“?

კომენტარებისაგან თავი თუ არ შევიკავებთ, სიტყვა კიდევ დიდხანს გამიგრძელდება...

სცენის აკორდული მომენტი მაინც უნდა გაგაჟღეროთ: ღვთისმშობელი, რომელიც ხალხს დაემშვიდობა („ნახვამდის!“), კიდევ ერთხელ შემობრუნდება სცენაზე მყოფი ხალხისაკენ: „არ დაივინოთ თქვენი წინაპრები: შოთა, დავითი, თამარი, გურამიშვილი, ბარათაშვილი, ილია, ვაჟა, კლდიაშვილი, ფიროსმანი, გალაკტიონი, ივანე ჯავახიშვილი, პაოლო, ტიცინი, გურამ რჩეულიშვილი და სხვები...“

ვერაფრით გავიგეთ, რა პრინციპი უდევს საფუძვლად ამ ჩამონათვალს...

საერთოდაც, ნუთუ შეიძლება ციტირებულ სიტყვებში სხვა რამ დავინახოთ, თუ არა შემზარავი სიყალბე და კიდევ უფრო ამაზრზენი უფიცობა?

აკორდის აკორდიც ვნახოთ: „აბა, თქვენ იცით! არ მომატყუოთ! იცოდეთ, ტყუილებს ვერ ვიტან!“.

რა ვუყოთ, თუ ამის წამკითხველთ, უფროსი პიონერხელმძღვანელის, გინდაც კომკავშირის კომიტეტის მდივნის, ხმა ჩაგვესმის!

არავითარ შემთხვევაში არ შეგვიძლია ნაფუყრუოთ ერთ უკიდურესად მკრეხელურ, ქრისტიანული დოგმატის უარყოფელ ფრაზას, რომელიც აგრეთვე შავით თეთრზე წერია: „მე ისრაელში დავიბადე და ჩემი პირველი შვილი, იესო, იქ ვში („იესოსთან“ მეორე მძიმე ჩვენი დასმულია, რ.დ)...მერე, როცა იესომ თავისი თავი ღმერთის შვილად შერაცხა“...

(უფალო, იესო ქრისტე, ძეო ღვთისაო! საჩოთირო ადგილების ციტირებისათვის შემინყალე, შემინყალე, შემინყალე მე ცოდვილი!..)

ნუთუ განმარტება სჭირდება იმას, რომ პირველ შვილზე მაშინ საუბრობენ, როცა, სულ მცირე, მეორე შვილიც არსებობს? ნუთუ ფარსმანს დავემსგავსეთ, კონსტანტინე გამსახურდიას სიტყვით, „ღვთისმშობლის უხრწნელობის ლეგენდას რომ აპამპულავებდა“? ნუთუ ეჭვქვეშ დადგა წინასწარმეტყველება იერემიასი, ძველ აღთქმაშივე მოსწავებული: „აჰა, ქალწულმან მუცლად იღოს და შვას ძე და უნოდონ სახელი მისი ემმანუილ“ („ჩუენ თანა ღმერთი“)? ნუთუ დადგა ჟამი საყოველთაოდ აღიარებული იმ დოგმატის რევიზიისა, რომლის თანახმადაც, ღვთისმშობელი ქალწული, რომელმაც ძე ღვთისა, იესო ქრისტე, შვა, მარადის ქალწულად დარჩა (იხ. დეკანოზი ოლეგ დავიდენკო, დოგმატური ღვთისმეტყველება, გვ. 391-396; რუსულ ენაზე)?

ნუთუ არც ის გვაშინებს, რომ, „ვინც უარყოფს რომ მარიამმა ღმერთი შვა ვერ იხილავს მისი ღმრთეების დიდებას (წმ. ეფრემ ასური) და არც ის რომ, „თუ ვინმე ღვთისმშობლად არ აღიარებს მარიამს, იგი განდევნილია ღმრთეებისაგან“ (წმ. გრიგოლ ღმრთისმეტყველი)?

ან როგორ **შერაცხა იესომ თავისი თავი ღმერთის შვილად?**

სიტყვა გაგვიგრძელდა. დასასრულ, მაინც ვიტყვი, რომ ბეჭა ქურხულის „ცოცხზე გადამჯდარი მეფე“ კარგი პიესაა. ავტორი ღრმად სწვდება მასში ასახულ მოვლენებს, მხატვრული ჩანაფიქრიც მშვენიერია!.. საქართველოს უახლესი ისტორიის ამსახველი მომენტები, მხატვრულად გარდასახულ-ტრანსფორმირებული, მასში საკმაოდ მაღალოსტატურადაა წარმოდგენილი...

რაც შეეხება აპოთეოზს, მისი სახით ის ფონია შექმნილი, რომელიც უდავოდ ყოველ წერტილში ახრჩობს... იგი მთელ ღირსებას უკარგავს პიესას, ამიტომ ან საერთოდ უნდა მოსცილდეს მას, ან ძირფესვიანად გადამუშავდეს.

ბოლოს და ბოლოს, ხომ არსებობს უაღრესად სათუთი, უკიდურესად საკრალური საკითხები, რომელთაც საფუძვლად პარადიგმული აზროვნება უდევს და ამიტომაც საკუთარ ფანტაზიაზე შექმნილი ვერსიებით ვერ შევალამაზებთ?! გადამუშავების გარეშე ამ მონაკვეთის მთქმელად არამცთუ ღვთისმშობელი, ის შარახვეტია დედაკაციც კი არ გამოდგება! მაყურებელი სტვენით გააცილებს მას!...

P.S.

ვისურვებდით, „მარსელ პრუსტის ანკეტაში“ კითხვაზე: „თუკი ოდესმე შეხვდებოდით ღმერთს, რას ისურვებდით, რომ მას თქვენთვის ეთქვა?“ — ბეჭა ქურხულს ასეთი პასუხი გაეცა: „სულიერი მოძღვარი შეარჩიე, შენდობა სთხოვე, ძნელად გადასაჭრელ საკითხებზე მას ჰკითხე რჩევა, მას მიენდე, რათა შენი მომავალი წარმართოს... მისი სახით მე მომენდობი, შვილო!“

გურამ ბენაშვილი

ლიტერატურული ვიტრაჟები

ბურამ ასათიანი

გურამ ასათიანის ანალიტიკური აზროვნების უნივერსალურ სივრცეებში, სინანულის ამგვარი ფრაგმენტი იპოვება: „საოცარია, — წერდა იგი, — ყველაზე მეტად ქართველი თითქოს ქართველს მტრობს, მაგრამ უქართველოდ გაძლება არ შეუძლია, ვინაიდან მაინცდამაინც მასთან სურს მეტოქეობა, დატოლება, ძალის მოსინჯვა... ეს მხოლოდ წარსულ საუკუნეთა მემკვიდრეობა არ არის...“

ქართული სულის სუბსტანციისა და მენტალობის უნიკალურმა მკვლევარმა, მან ზუსტი აქცენტებით აღბეჭდა ჩვენი ისტორიული სინამდვილიდან არეკლილი და მხატვრულ ცნობიერებაში სუბლიმირებული ეროვნული ფსიქოტიპის ურთიერთგამომრიცხავი თვისებები, რომელთა ერთობლიობამაც „წარმატებით“ შესძლო გამკლავებოდა საუკუნეებს...

მას ყველასაგან განსხვავებული სააზროვნო მასშტაბები და სტილი გამოარჩევდა... სიტყვის ფერმწერი და უწარმატვეს ხილვათა შთაგონებული ანალიტიკოსი, იგი ბოლომდე ერთგული დარჩა მისთვის ესოდენ ორგანული ესთეტიკური პრინციპებისა...

მისი აზროვნების დიაპაზონი სცილდება წმინდა ლიტერატურული კვლევის საზღვრებს და ეროვნული ყოფიერების იმ კონცეპტუალური პარადიგმების რეფლექსირებას ახდენს, რომელთაც არსებითად ეფუძნება მისი იდენტობისა და ფუნდამენტურ ღირებულებათა სპექტრი...

ქართული მწერლობისა და ხალხური სიბრძნის პარალელურმა კვლევამ, მისთვის ნათელი გახადა, ადამიანის ეროვნული იდეალის საუკუნეებით ნაძერწი ხატი, რომელიც უნიკალურმა არა გაქვავებული იერსახით, არამედ დრო-ჟამთან ჰარმონიული შესისხლხორცების ბუნებრივი უნარით...

გურამ ასათიანის ვრცელი ფენომენოლოგიური ოპუსი „სათავებთან“, თუ ლირიკულ მედიტაციათა ტექსტი „როგორ უყვარდათ საქართველოში“, ნიმუშია ლიტერატურული აზროვნების განსაკუთრებული „მულტიპერსპექტივისტული“ პოტენციისა...

შთაბეჭდავია ისტორიული წარსულისა თუ კლასიკური მწერლობის სივრცეებში მისი, როგორც ინტერპრეტატორის როლი და ფუნქცია... თითქოს არაფერია ეპისტემოლოგიურ „ლაბორინთებში“ მოარული მისი თვალთახედვისათვის უცხო და შორეული, ფერმიხდელი და კვდომამუშაური... და მოედინება მკითხველის ცნობიერებისაკენ შორეული წარსულის სათავეებიდან მომდინარე სულიერ გამოცდილებათა ნაკადი...

ძნელია წარმოვიდგინოთ, ჰქონდა თუ არა მას, ნათელმხილველის ტალანტით აღბეჭდილ ინტელექტუალს, ეროვნული სულიერების მოსალოდნელი „ჩამოღამების“ ავი წინათგრძნობა... გრძნობდა თუ არა, მისი მძაფრი კრეატიულობით გამორჩეული ალლო იმას, რომ მისი მონივნებისა და რომანტიკული გატაცების უპირველეს „ხეათებას“ — ერის სულიერ კულტურას, პერიფერიული სტატუსი განესაზღვრებოდა... რომ ჩვრად იქცეოდა პიროვნება და მისი ინდივიდუალობა... ადამიანებში მოხდებოდა რაღაც გაუთვალისწინებელი მუტაცია და იშვებოდა შემზარავად სასტიკი და ჩლუნგი არსებათა კასტა, არსებითად სრულიად ახალი ჯიში, ბუნებრივია უკვე არა homo sapiens, არამედ წამლილ და პიროვნულად გადარეცხილ სულთა ერთობა...

* დასასრული. იხ. „ჩვენი მწერლობა“ №6,7

გურამ ასათიანი, ქართული სულის ამ შემზარავ მეტამორფოზებს, ცხადია, ვერც კი წარმოიდგენდა, რადგან წინააღმდეგ შემთხვევაში, ქართველში მძლავრად ფესვგადგმულ ქრისტიანულ სათნოებათა სუბსტანციურ ბუნებას, ასე გატაცებით ვეღარ უკმევდა გუნდრუკს...

დაუვინყარია გურამ ასათიანი, როგორც XIX საუკუნის გენიალურ შემოქმედთა მკვლევარი... რომანტიკოსების, ილიას, აკაკის, ვაჟას და სხვათა ლიტერატურული პორტრეტები მისთვის ჩვეული ლირიკული გალანტურობით „იქსოვება“...

შემოქმედის ეკზისტენცია და მისი სულიერი პარადიგმები ერთ მთლიან, ჰარმონიულ სუბსტანციად წარმოსდგება კრიტიკოსის რეფლექსიებში... მის წინაშე თითქოს განიფანტებიან დროის ნისლოვანებანი და საოცარი სიცხადით ჩნდებიან დიდ ქართველთა კეთილშობილი სილუეტები...

ღრმადამიანური ტკივილებითა და რაინდული ჭირთათმენით აღბეჭდილთა შთამაგონებელი სახეები, კიდევ უფრო ამალღებენ და ახალი სემანტიკით „მოსავენ“ მათ ბრწყინვალე მხატვრულ ტექსტებს...

ლიტერატორის უნიკალური ტალანტით აღბეჭდილი ეს პორტრეტები ჰუმანიტარული კვლევისა და აზროვნების ასლებურ სტილისტიკას ამკვიდრებდა, თავისუფლდებოდა რა დოგმატიზმისაგან, კატეგორიულობისა და კონსერვატული მეთოდოლოგიისაგან... ძიების ესთეტიკური პათოსი, ალუზიათა თუ რემინისცენციათა აქტუალიზაცია და ჰერმენევტიკული ინტერპრეტაციები, მწერლის პიროვნული და შემოქმედებითი ხატის სრულყოფილი წარმოდგენის შესაძლებლობებს ზრდიდნენ...

ამით იგი ეხმარებოდა მკითხველს საკუთარი კულტურული იდენტობის ჩამოყალიბებაში, სულიერებასთან ინდივიდუალური მიმართების დადგენაში...


მისი ლიტერატურული ინტერესების არეალი, თვით ამ კონკრეტულ ოპუსებშიც კი მასშტაბურია... ცალკეული მწერლის ესთეტიკური, სოციოლოგიური თუ ეკზისტენციური კონტექსტები კულტურულ სამყაროსთან მიმართების სპექტრში განიხილება, სწორედ ეს ე.წ. კომპარატივისტული დისკურსი ანიჭებს მათ მაღალ შემეცნებით ღირებულებას...

გურამ ასათიანის სახელი ჩვენი კულტურული საზოგადოებისათვის, უპირველეს ყოვლისა, თხემითტერფამდე ესთეტიკის წარმოდგენასთან ასოცირდებოდა... და სრულიად სამართლიანადაც, რადგან მისთვის, როგორც ადამიანისა და მოაზროვნისათვის, უპირველესი, ხელოვანის სულის ესთეტიკური ბუნება და პიროვნული არტისტიზმი იყო... სწორედ აქედან, ალქმის ამ თვალსაწიერიდან მონიშნებოდა მისთვის სინამდვილესთან დამოკიდებულების ემოციური პათოსი... ეს, რა თქმა უნდა, არ იყო ჰერმეტიზმი და არც ონტოლოგიური სკეფსისი...


ის ნიკოლოზ ბარათაშვილისა და ვაჟას, ვალაკტიონისა და ანას პოეზიის სურნელით იყო ატანილი და იქნებ ამიტომაც, მისი ესთეტიკური იდეალი პროზაული „ბუნებრიობის“ ტლანქ და მოუხეშავ ნაკვეთს ვერ ეგუებოდა... და, მიუხედავად ამისა, მისთვის ყოფიერებაზე ფიქრი მხოლოდ „არტისტული ყვავილების“ ტკობით განცდილ მარადიულ ნეტარებად ვერ იქცა... რადგან კარგად იცოდა, რომ ნიადაგ შენუხებული პატარა ერის შვილისათვის, ეს ყოველივე, გაუმართლებელი „ფუფუნება“ იქნებოდა... ამიტომაც „დაემორჩილა“ ბედს და დიდსულოვნად უკუაგდო მისი გალანტური ბუნებისათვის ორგანული რომანტიკული „ცდუნებები“...

მისი „პოეტური ანალიტიკა“ კულტურული ტექსტისა, მომავლის სივრცეებისაკენ მიმავალი სააზროვნო ბილიკებისა, რომელსაც, ღრმად ვარ დარწმუნებული, ერთ დროს მოკრძალებით გაუყვება გონიერი ჰუმანიტარი... ხოლო მისი ლიტერატურული აზროვნების კულტურა დარჩება როგორც ქართული ანალიტიკური გონის ეტალონი...

იყო მომავალზე ორიენტირებული შემოქმედი და მოქალაქე... პროზაული ინერციით აღბეჭდილი რეალობის ანტაგონისტი და ერთი კრეატიული ოაზისი... პიკანტურ მისწრაფებათა დაუღალავი ენთუზიასტი, თვალსაწირო ილუსტრატორი




გურამ ასათიანი



გიორგი გვახვორია



რევაზ თვარაძე



ჯანსულ ჩარკვიანი

უნივერსალიზმისა... ამიტომაც ანდობდა ხოლმე საკუთარ ბედს... დისნერას ბოჰემურ ჟამთა „ხავერდოვან ფრთებს“... ესაც მისი უნიკალური მენტალობის თანდაყოლილი „სტიგმა“ იყო, იქნებ გამართლებულიცა და აუცილებელიც...

გვაქვს კი ჩვენ უფლება, საზოგადოებრივი გაცვეთილი კეთილდღეობის სახელით, ეჭვი შევიტანოთ მისი ამგვარი არჩევანის სისწორეში?! იმ არჩევანისა, რომელიც მისსავე ცხოვრებას უნიკალურ „სამკაულად“ აღებეჭდა... სამწუხაროდ ერთობ მიძიმე დასასრულით...

გურამ ასათიანის ფენომენი კიდევ ერთი დამაფიქრებელი კულტურული მოვლენაა, პროტაგონისტის ნებით „გათამაშებული“ მისტერიაა, გონებით ზეადმატებული შემოქმედის ოდისეაა სულიერი კულტურის ფარულ მშვენიერებათა ლაბირინთებისაკენ...

„ყოველგვარი თავისთავადობა პირველადი და ორიგინალურია, ორიგინალობა კი — მორალური... დიდებულია ორიგინალობა ადამიანისა, მის გარეშე არ არის არც გონების ენერგია და არც სულის სილამაზე“ (ფრ. შლეგელი)...

დასანანია, რომ დროის დინება აფერმკრთალებს და დავინწყების ნისლს ერევა თვით ასეთ უნიკალურ პერსონათა მიწიერი „ცხოვრებანი“, ანუ მათი ამქვეყნიური მყოფობის უჩვეულო „ფერადოვნება“...

თუმც სანუგეშო ისაა, რომ მათივე ღირსეული სულიერი მემკვიდრეობაა გარანტი ერთ დროს მღელვარე და მაძიებელ სულთა გამოსხივებისა...

P.S.

როცა XX საუკუნის ლიტერატურულ მოღვაწეებზე ვსაუბრობთ, ერთი რამ არ უნდა დავივიწყოთ... კერძოდ ის, რომ სრულად წარმოვიდგინოთ უკიდურესად დრამატული და პარადოქსული ტეხილებით გადატვირთული საუკუნე და მის სივრცეში მიმდინარე ლიტერატურული პროცესების სრულიად ახალი სუბიექტი — საბჭოთა ლიტერატურის სახით...

ლიტერატურული საქმიანობის თანმიმდევრული დეპროფესიონალიზაციიდან დაწყებული, ლიტერატურული კასტისა თუ ეტიკეტის უმკაცრესი ინსტიტუციონალიზმით დამთავრებული — აი, დიაპაზონი იმ ბერკეტებისა, რომელთა გაცნობიერების გარეშე შეუძლებელია საბჭოთა ლიტერატურული პოლიტიკის წარმოდგენა...

მხოლოდ ამგვარად გახდება ჩვენთვის საცნაური საბჭოეთის სივრცეში განხორციელებული გლობალური კულტურული ექსპერიმენტის არსი...

ლიტერატურული პროცესების სოციოლოგიური ანალიზი მომავალში კიდევ უფრო ღრმად წარმოაჩენს ამ უნიკალური საუკუნის კულტურის „ნეოკლასიციზტური“ არქიტექტურის მიღმა არსებულ „ტრაგიკომიკურ“ მისტერიებს...

ბივი გვახვორია

გიორგი გვახვორია იმ იშვიათ პოეტთაგანია, რომელთა მიმართ ყოველთვის ჩნდება სურვილი ხელახალი, ან უკვე ანალიტიკური მიზრუნებისა, როცა პოეზიით ტკობას უნდა შეენაცვლოს ფიქრის, განსჯა-ანალიზისა თუ მასში „ფარფატი“ მისწრაფებანი...

რეალური ყოფიერების „იდუმალეზანი“ და მათთან გრძნობადი კავშირების გულწრფელი მაძიებელი — აი ის „ავანსცენა“, რომლისთვისაც გაცვეთილი ჰუმანიზმით „მოჩითულ“ რეფლექსიებს — ასე პოპულარულსა და პრესტიჟულს დღეს, ოდენ მხოლოდ ღირსებააყრილი „ბანოვანის“ ფასი თუ გააჩნია...

საგულისხმოა, რომ მის პოეტურ წარმოსახვაში ერთიანდებიან ანალიზისა და სინთეზის კონოტაციები... სწორედ ამ მრავალგანზომილებიანი წარმოსახვის წყალობით ცნობიერდება მის ლექსებში ფერთა, კონტრასტთა და ბგერათა უნიკალური „სურნელის“ სულიერი არსი...

„სასწაულმოქმედის“ მაღალი ხელოვნებით შლის და აქუცმაცებს ერთ მთლიან მონოლითად წარმოდგენილ „ვიზუალს“, თითქოს მხოლოდ იმიტომ, რომ კვლავ, უკვე თავისავე სულის კარნახით შექმნას თუნდაც ახლის ილუზია, რათა მის თაღებქვეშ მდგარმა მოკრძალებით წარმოსთქვას გულწრფელი მონოლოგი — „მე რა მომყვა დღევანდლამდე? მხოლოდ სტროფის ნაფლეთები, სანუგეშოდ ცხელი ჩაი მხოლოდ ერთი ფინჯანი და ჩემსავით დაძველებულ, დანგრეულ და დაფერდებულ ტაძარს როცა დავინახავ, გადავინერო პირჯვარი“...

ლირიკული ინტუიცია მსოფლგანცდის იმ „ნაპირებისაკენ“ მიუძღვის პროტაგონისტის სულისკვეთებას, სადაც სევდის იდილიური „შენაპირი“ ვერ გუობს სისასტიკის, გააფთრებული ბრძოლებისა თუ „სვებედნიერი“ პროვინციალიზმის უაზრო ქარიზმებს... სადაც უფრო ქრისტიანული სიქველის სუფევება, რომელშიაც მეტია მოწყალება, ლმობიერება და არცთუ იშვიათად ზეციური სულთმოფენა...

რიგი მისი ლირიკული ქმნილებებისა სინანული და თანალმობაა ცდომილებათა ნისლოვანებაში უსასოოდ მორაული ადამიანების, უპირველეს ყოვლისა კი საკუთარი თავის მიმართ — „მომიტვეე აქამდე თუ ვუძლებ და ვუძლებდი თავსმომხვეულ ცხოვრებას და თუ ისევ მიზიდავს, თუ ვერ დავთმე ქვეყანა გულხარბი და უძლები, თითქოს გადმოხატული პართენონის ფრიზიდან“...

იგი მშვენივრად გრძნობს საკუთარ ძალმოსილებას იქაც, სადაც ხელოვანი არჩევანის წინაშეა — აქციოს თუ არა საკუთარი მუხის „ღირსად“ პროზაიზმებით „გადაპენტილი“ სინამდვილე...

არაფერია გიორგი გვახვორის ესთეტიკური გრძნობებისათვის ცხოვრებაში ისეთი რამ, რაც ხელოვნების წვდომის ღირსად არ წარმოიდგინებოდა... რაც არსებობს რეალობაში, უნდა იარსებოს ხელოვნებაშიც — ასეთია მისი კონცეფცია...

პოეტის რეალიზმი, მისთვის ძვირფას ადამიანთა სახეები-თაცაა მოდელირებული და ამიტომაც იქნენ მისი ცნობიერების ნაკადი პლასტიკური კონცეფციის ფუნქციას...

მშვიდი, აპოლოგეტური, ირონიული თუ გროტესკული რაკურსით წარმოსახული პერსონალები იმ უკვდავთა „ელიზიუმს“ ქმნიან, რომლის მკვიდრნიც პოეტისათვის საკრალურ სახელებად ქცეულან...

მისი ისტორიული სახელებით „თრობის“ ილუსტრაციაა თუნდაც ეს ლირიკული ტექსტი: „არ ვიცი, ამას რა ეწოდება, რად მათრობს ასე სახელი „ზევას“, რა ჰქვია სულის გრიფზე გაჭიმულ უხილავ სიმის იდუმალ რხევას?.. ან მოკრძალებით რად მითქვამს-მეთქი, ბევრჯერ სახელი „კურაპალატი“? მაინც რა არის სახელი „ვარსკენ“, სახელი „ფარსმან“ ანდა „მითრიდატი“, რატომ ვთვრებოდი, მემატინე ამ სახელებს რომ ჩამომითვლიდა“...

ამ პოეტური ქმნილების კომპოზიცია პროეცირებულია ისტორიული წარსულის აქტუალიზაციასა და სტრუქტურულად მოტივირებულ ემოციასზე...

სახელთა იდუმალი „მაგია“ ლექსის ყოველი ნაკეთის „პროტაგონისტია“ და იგი ვითარცა ეროვნული სულის სიმბოლო მაპროვოცირებელია განცდის ზეაღმატებული სიმძაფრისა — „სულს დამძიმებულს ამ საუკუნის ყველა ცდუნებით, რატომ ჰგონია, რომ დაუბრუნებს კვლავ სასოებას სახელი „მართა“ და „სიდონია“? ან ქართლის ჭირით გაოგნებული რომ გაიგონებს სახელს „ქეთევან“, გამხნეებული რად წამოიწვევს წაჩოქებული სულისკვეთება? რად არ ნელდება ამ სახელებით თრობა ასაკით ანდა სიბერით, ვით ორლესული ცეცხლისმფრქვეველი, რატომ გიზგიზებს სიტყვა „იბერი“?..

ლირიკული ტექსტის ორიენტაცია წარსულის კულტურულსა თუ ისტორიულ ალუზიებზე ითვალისწინებს იმ პლურალისტურ კონტექსტებსაც, რომლებზედაც „აპელირებს“ ავტორი... ასე რომ ქმნილების სემანტიკური აურა არამარკირებული ასოციაციებითაა „გარემოცული“ და მკითხველის არა მხოლოდ ემოციურ კულტურაზეა პროეცირებული... დრო-ჟამის აღქმის ფორმალური, რიტორიკული სპეციფიკის უარყოფელი ეს ლირიკული მონოლოგი იმ ლიტერატურული პრაქტიკის ერთგულია, რომლისთვისაც წარსული ისევე კორექტირდება აწმყოთი, როგორც აწმყო წარსულით...

წარსულისა და აწმყო ლირო-ეპიკურ „კადრებს“ შემოქმედის ინტროსპექტული პასაჟები სცვლის... ამ ტიპის მხატვრული ტექსტები, ერთდროულად მთელი თაობის გულწრფელი მანიფესტაციაა და ერთი პერსონის მონოლოგიც...

თვით სახელწოდებანი ამ ლექსებისა, მიანიშნებენ კონკრეტულ მოტივაციათა აქცენტებზე, მათი შთაგონების იმპულსებზე... მათში პოეტის მხატვრული წარმოსახვები გონისა და ემოციის, სიმშვიდისა და მღელვარების ჰარმონიული ერთიანობა... ისინი არ წარმოადგენენ ვილაციას თუ რაღაცის აპოლოგიას და თითქოს იმისათვის არიან მოწოდებულნი, რომ კვლავ კიდევ ერთხელ გაუტოცხლონ მკითხველს ერის სულიერ გამოცდილებათა განსაცვიფრებელი პლასტები...

დროის შთამბეჭდავი „ჩანახატები“, ალბეჭდილი დეკორატიული ინტერპრეტაციებითა და თხრობის ელემენტთა ესთეტიზაციით, სრული გამჭვირვალებით გადმოსცემენ სემანტიკურ ნიუანსებს, ანუ პრინციპულად მნიშვნელოვან იმ „გზავნილს“, რომელსაც პოეზიიდან ელოდება მკითხველი...

ძალზედ მნიშვნელოვანი სულიერი „ყვავილოვნების“ შედეგია ლექსების ეს ვრცელი ციკლი... იგი თითქოს პასუხია ყოველივე იმაზე, რამაც გულწრფელად შეძრა პოეტის მგრძნობიარე არსება... და მითუფრო უკომპრომისოა იგი, რამდენადაც განრიდებულია ხმაურიან მრისხანებასა და ცრემლიან საყვედურებს... იქნებ ამგვარი „პურიტანიზმიც“ განაპირობებს მისი ფილოსოფიური ლირიკის ტონალობას და რაც არსებითია, მის პოეტურ ენას, რომელშიც არ იპოვება უსაგნო და უმისამართო მეტაფორები, ავანგარდისტული „თამაში“ სიმულაკრებითა თუ ნეოლოგიზმებით...

გივი გვეგჭკორის პოეტური სამყარო „მოულოდნელად“ ტრადიციულია... მასში უხვადაა ელემენტურ ფიქრთა „ფეიერვერკები“, სააზროვნო ბილიკების გალანტური „ხლართები“, ნატიფი ხელრთვით შესრულებული იმპრესიები, რომელნიც სეისმოგრაფიული სიზუსტით ავლენენ შემოქმედის სულის ვიბრაციებს — „ვსვამ ხავერდოვან დღეების ღვინოს და ისე მათრობს, როგორც კიანტი, ეს გაუმარჯოს ადრიატიკას, სულ რომ შრიალებს, ვით ფოლიანტი, ეს გაუმარჯოს რომის პინიებს და რომში ჩემზე გაცემულ ვიზას, მთვარიან ღამეს და პულჩინელას მოსაფერებლად გადმოხრილ პიზას, გარიბალდთან ლირებს და სოფლის ტრატორიაში გაკრულ ბოტიჩელს და ლატინურის კაბალისტიკას, ჩემს განითლებას და ჩემს ბოდებებს... ფორთოხალს წყალში ატივტივებულს და სან-მარკოსთან მისულ გონდოლას და კიდევ მრავალს, რაც არ მინახავს ან მინახავს და არ მაგონდება“...

პოეტის ფერწერულ წარმოსახვათა ამ „კალეიდოსკოპში“, მოგონებათა ნარნარი პლასტიკაა არსებითი... ემოციური კულტურის სინატივე გამომსახველობის იმ სიმალეს აღწევს, საიდანაც მშვენიერის ხიბლით „იმოსება“ ყოველი ნაკეთი ამ ისედაც შთამბეჭდავი პანორამისა... ეს იტალიური არაბესკები ნოსტალგიის სვედიანი მელოდიითაა მოტივირებული და ამიტომაც იქნენ იმ კლასიკური ლირიკული მონოლოგის რეპუტაციას, რომლის მიმართ ვერასოდეს იქნება გულგრილი ნამდვილი მკითხველი...

ლირიკული აქცენტებით ალბეჭდილ მთელ რიგ ქმნილებებში, პოეტის ცნობიერება დრამატიზმის იმ რეგისტრებს აღწევს, რომელიც არღვევს მოვლენათა პასიური აღქმის ჩვეულ ინერციას და უბიძგებს მკითხველს — შეიმეცნოს და განიხილოს ნილაბაფარებული რეალობისაგან...

ანალიტიკური განსჯის მძაფრი პათოსი ფილოსოფიური ჭკრეტის მძლავრ იმპულსად სუბლიმირდება, რომლის სამსჯავროს წინაშეც, თეატრალური მოძრავი სცენის პრინციპით, ჩნდება იან და უჩინარდება იან ბოროტებანი ამაქვეყნისა...

ეს არის ინვექტივები ჭეშმარიტი შემოქმედისა, რომელმაც შეიცნო ყოფიერების ბრძნული „მაგია“, მაგრამ უძღურია იცხოვროს მისი კარნახით... მხოლოდ პოეზიაა ის ერთადერთი „ამბიონი“, რომლიდანაც მიწიერებიდან თავდახსნილი სული უფლებამოსილია შეასრულოს უფლისგან მონიჭებული როლი, რომლისთვისაც ყოველი ლექსი უკანასკნელი შთოსის წმინდა აღსარებად, იმედად და სასოებად წარმოიდგინება: „...მთელი ჩემი ცხოვრება მხოლოდ სინანულია გარდასულის გამო... არა სხვა გზით იარე, ჩემზე ქედმოუხრელად, ჩემზე თავისუფლად!.. მზერის დასაპურებლად მდიდარი და გულუხვი გამლილია სუფრა... არა იქ ვერ ნაეყვან, ის გზა ოლოროლორა, მოფენილი ეკლით და იქ სამათხოვროა უკვდავების მიმქრალი სხივის ანარეკლი... მე არა ვარ რჩეული, მაგრამ მივეც საჯიჯგნად თავი სულთა მხუთავს, შენ გინახავს თუ არა, აბრეშუმის ჭიისთვის გასხეპილი თუთა? ის თუთა ვარ, ფოთლებით უნდა გაუმადლარი თუთის ჭია ვაძლო... შენ ეგ არ გველეება, გულის გასახარებლად იშრიალე ცაცხვო!“

პოეტის სულის მოძრაობის ტრანსპორტი უიმედობიდან პედთან შერიგებით იფარგლება. თუმც აზროვნების რეალისტური კონტურები — ცხადისა და დაფარულის, მატერიალის და სულიერის, მიწიერისა და ზეციერის კატეგორიებით „აზროვნებს“, ანუ შეიცავს „ადამიანურისა“ და „ღვთაებრივის“ საკრალურ სინთეზს, რომლის წვდომაა პოეტის მსოფლგანცდის იდეალი...

რწმენის ამ კონცეპტუალური საზრისიდან გამომდინარე, მისთვის არაორგანულია მიწიერი ამაოებისა და უსასოო ნიჰილიზმის აპოლოგეტიკა... ზოგადად ქართული პოეზიისათვის ნაკლებად დამახასიათებელი მისტიციზმი და ადამიანურ განზომილებათა დესტრუქციული დისკურსი... ნამიერი სიცოცხლით ბავშვური აღფრთოვანება და მადლიერების რევერანსი უნივერსუმისადმი, კიდევ ერთი მშვენიერი პასაჟია მისი ლირიკისა — „ჩემო თვალის ამხელო, როგორ მადლობელი ვარ, რომ შენს მინას მამთხვიე და შუქს დაუცხრომელს, რომ უწმინდეს ნაღველში სიხარულიც ერია და რომ გთხოვე იმაზე უფრო მეტი მომეც! ვნებით აკანკალებულ გაზაფხულს დამასნარ, ზამთრებსა და ზაფხუ-

ლებს და შენს შემოდგომებს, ბეჩავს როგორ მექნება სამდურავი მამასთან, მე რომ გათხოვე, იმაზე უფრო მეტი მომეცა!..“

„რეალობა ფორმათა მირიადებშია განსახოვნებული და თუ სული მზადაა ფანტაზიისათვის (მითუმეტეს, როცა ლაპარაკია ჭეშმარიტ შემოქმედზე) იგი თვითონვე თავისში შეისრუტავს ცხოვრების თვით ყველაზე სუსტ მინიშნებებს და ამ „ჰაერის რხევებს“ ზემთაგონებად აქცევს...“ ეს ჰენრი ჯეიმსის რეფლექსიაა და იგი რეალობის ლინგვისტურ ეკვივალენტად გარდასახვის გრადაციას განსახიერებს...

პოეტური აქტის ეს რომანტიკული კონცეფციაა გივი გეგეჭკორის ერთი ბრწყინვალე ლირიკული მონოლოგის ესთეტიკური იმპულსი, მისი პათეტიკური ვექტორების დასაბამი და სტრუქტურული „სქემა“...

ამ ქმნილების პროტაგონისტი რეალური ქალბატონია, გენიალური ქართველი პოეტის ან უკვე მარტოდმთენილი და დაუძღვრებული ქალიშვილი, საამაყო მამის აჩრდილისა მოდარაჯე და მასზე ტკბილ-მწარე მოგონებებით გამამსპინძლებელი... ამ უმინკო „ჟამის“ ფერწერული რეტროსპექტივაა ლექსის ფაბულა — „მე შენთან ერთხელ შემოვედ, ლუკა რაზიკაშვილის ასული გულქან, და დავინახე, შენ მამაშენი თუ როგორ გადგა უხილავ შუქად, სანოლზე იჯექ და დაეძებდი ძირს ჩამოშვებულ ფეხით იატაკს, შემოგვცქეროდი, მაგრამ ასაკმა თვალში სინათლე გაგიცრიატა. სახეზე გედო ფერი მინიდან ამოღებული ძველი ამფორის და მე ვერაფრით ვერ გაგიბედე გაძვალტყავებულ ხელზე ამბორი... სანოლზე იჯექ და ყრმობის სიზმრებს, თითქოს სიფრთხილით და მორიდებით, უხილავ თოკზე, ვით ბევრჯერ რეცხვით გაცრეცილ ქსოვილს, ისე ჰკიდებდი“...

იკვებება აქქმის რაკურსი და ლირიკული მონოლოგი უინტიმეს, ქვეცნობიერთან მიახლოებული მედიტაციებით მოდელირდება... ეს არის დისკურსი, უფლებამოსილი, წარმოაჩინოს ყველაზე ღირსსახსოვარი ჟამი პერსონაჟის ცხოვრებისა, მისი ნეტარი წარსულის სილუეტური მშვენიერებანი — „მე მივხვდი, როცა გავიდა ხანი, რაზიკაშვილის ასული გულქან, რომ თურმე მაინც არა ყოფილა მამაშენისთვის სანუთრო გულქვა, რადგან შენ ჰყავდი, შენ ღალანებდი, როგორც ახუნის გორზე კესანე, მისი სიბერის მანუგებებლად და მის სულის მონათესავედ. ის ბედნიერი იყო, მის გვერდით როცა მიწაში იქნევი სამთითოს, ან როცა დინჯად ცომს აბრტყელებდი და ჯვარს ასტამით შუაში სვამდი. ის ბედნიერი იყო, პანია, ქალბატონს როცა კაბას გჩუქნიდა და ქალამნები თალათინისა, როცა მოჰქონდა შენთვის დუქნიდან... და შენ გესმოდა ხნულში ჩამჯდარი მისი ჩურჩული და საუბარი, ქვას რომ აწვდიან კალატოზს ისე, როცა აწვდიდა სიტყვას უფალი“...

დაბოლოს, ეს უწარმტაცესი და ღრმადშთამბეჭდავი მონოლოგი თვით წარატორის სუბიექტური აღსარება-საყვედურით მთავრდება... მწუხარე ფინალის ეს ცნობიერი თუ არაცნობიერი ფერმენტი სრულ ჰარმონიაშია პოეტური ტექსტის სემანტიკურ განზომილებებთან და ავტორის ინდივიდუალური ცნობიერების რეპრეზენტაციად იაზრება... — „როცა მოგკვდები და თვალს დავხუჭავ, ეტყობა იმის ღირსი არა ვარ, მავს ჩაიცვამდე, თმას გაიშლიდე, წინ დაიდებდე ამ ჩემს ტალავარს და ცრემლით ისე დაასველებდე, რაზიკაშვილის ასული გულქან, ვით შენ ამკობდი უმანკო ცრემლით... ჩემთვის სანუთრო ყოფილა გულქვა“...

ასეთია ამ ჭეშმარიტ პოეტური ქმნილების სემანტიკური კოორდინატები და ის მენტალური პარადიგმები, რომელნიც დროის კულტურული უნივერსუმის კონტექსტში მოიაზრებიან და აბსოლუტური რეალიზმით სახიერდებიან მკითხველის წინაშე.

„შუქი ფერმიხდილი თოვლის“ — ასეთია სათაური გივი გეგეჭკორის უკანასკნელი ლექსების წიგნისა... იგი რაღაც ძალზედ არსებითი სულიერი აღმაფრენის, თუმც საბედისწეროდ სევდიანი შთაგონების ნაყოფია... თითქოს მოკრძალებული

რევერანსია ყოველივე იმის მიმართ, რამაც სამუდამოდ შეარხია მისი მგრძობიარე სული...

აქ, ამ წიგნში, ყოველი „კუთხე-კუნჭული“ განსაცვიფრებლად ტრადიციულია, ახლობელია, საამოდ სურნელოვანია... უხვადაა ფიქრთა ხვეწვანი შუქ-ჩრდილები, დიდი ოსტატის ხელრთვით შესრულებული სულის ფერწერული პეიზაჟები...

მასში თითქოს საბოლოოდ ნაზდება „მზე შემოდგომის“, ინმინდება განცდათა გამმა... ჭეშმარიტი ფილოსოფიური ლირიკის ამ ფრაგმენტებში პოეტური სიბრძნის აქცენტები ქმნიან ესთეტიკური განცდის ემბლემატურ ფიგურებს...

გავიმეორებ, რომ მისი პოეტური სუბსტანციისათვის, აქაც, სრულიად უცხო და არაორგანულია პროსტრაციით გაჯერებული ნიჰილიზმი და გრძლად გაბმული ოხვრა-ვაება... ნევრასთენიული იმპულსებით მანიპულირება და უხამსი ინსტინქტებით ლაზღანდარობა, გონებაჭვრეტითი „სიახლეებით“ მარიაჟობა და მაღალფარდოვანი რიტორიკით მკითხველისათვის „თვალეში ნაცრის შეყრა“...

ეს არის პოეზია სულთა გასაკეთილმოიბლად მოვლენილი, ჩვენი ამღვრეული ფიქრებისა და გრძობების წმინდა სათავეებისაკენ მიმბრუნებელი, მაღალ სულიერ კულტურასთან მახიარებელი...

იგი თვით იყო სათნოება, სიკეთისა და მშვენიერების აპოლოგეტი, რაღაც დიდ იდუმალებასთან „დამეგობრებული“, სიბილნისა და უკეთურების, უნიჭობისა და ქედმაღლობის შეურიგებელი ოპოზიციონერი...

ასეთი იყო იგი — ქართული პატიოსნებით სავსე, ჭეშმარიტი პოეზიის დიდი ხელოვანი — გივი გეგეჭკორი...

რეზუმე

პოსტმოდერნისტული აზროვნების სიმპტომად წარმოიგინება ჩემთვის, მეხსიერებას შემორჩენილი ერთი, ფრიალ საგულისხმო რემინისცენცია...

რამოდენიმე წლის წინ, ვაიმარის გოეთეს საერთაშორისო საზოგადოებამ გამოაცხადა კონკურსი და მასში მონაწილეობის მისაღებად მსოფლიოს მრავალი ქვეყნის ინტელექტუალი მიიწვია...

„გავათავისუფლოთ მომავალი წარსულისაგან? გავათავისუფლოთ წარსული მომავლისაგან?“ — ასეთი იყო ორგანიზატორთა მიერ შემოთავაზებული სლოგანი... კითხვითი ნიშნები დელიკატურად მიანიშნებდნენ იმას, რომ ეს ოდიოზური მონოდებანი კატეგორიულობის უფლებით არ იყვნენ აღბეჭდილი და მათში უფრო ვარაუდი სჭარბობდა, ვარაუდი იმისა, იქნებ სჯობდესო განვთავისუფლდეთ ისტორიის ტყვეობიდან, არად ჩავთვალოთ წარსულის ცოდვები და სრულიად უმანკოებმა, ჩვენივე მხრებიდან შორს მოვისროლოთ ძველი დიდების „ტვირთი“...

ამგვარად „გასპექტაკებულთათვის“ იქნებ უფრო ადვილად ჩამოდგესო ნეტარი ყოფიერება, ჟამი როცა წარსული სრული აბსტრაქციაა, სამუდამოდ დადუმებული და სახედაკარგული... როცა ყოველი ახალი თაობა უწარსულო სიახლის შემოქმედი და „ცარიელი ფურცლიდან“ იწყებს ღწვასა და აზროვნებას...

ამ ოდენ მწუხარედ დამაფიქრებელმა, კვაზინტელექტუალურმა დისკურსმა შეუძლებელი ილიას ძალზედ ცნობილი შეგონება არ გაგვახსენოს: „ყოველი ერი თავისი ისტორიით სულდგმულობს, იგია, საგანძე, საცა ერი პოულობს თავისის სულის ღონეს, თავისის სულის ბეგრას, თავის ზნეობითს და გონებითს აღმატებულებას, თვის ვინაობას, თვის თვისებას... ერის დაცემა და გათახსირება მაშინ იწყება, როცა ერი, თვის საუბედუროდ, თავის ისტორიას ივიწყებს... დავიწყება ისტორიისა, თავისის წარსულისა და ყოფილის ცხოვრების აღმოფხვრა ხსოვნისაგან — მომასწავებელია ერის სულით და ხორციტ მოშლის, დარღვევის და მთლიანად წარწყმედისაცა. წარსული — მკვიდრი საძირკველია ანმყოსი, როგორც ანმყო — მომავლისა“...

შეუძლებელია, ამაზე შთამბეჭდავად გაეცეს პასუხი იმ საერთაშორისო საზოგადოების მესვეურთა გონებაში „ამოზრდილ“ კითხვებს, რომელიც სამყაროს ინტელექტუალური გიგანტის სახელს ატარებს და გენიალური ლაიბნიცის სამშობლოდანაა...

შორეული თუ ახლოწარსულის ალუზიები, ასე აქტუალური დღესაც, ოდენ ერთგვარი „პრელუდიაა“ იმ ლიტერატორის სილუეტური პორტრეტისა, რომელმაც ერის სულიერების ისტორიის უწყვეტელობა ანუ დროთა პერმანენტული კავშირი აქცია თავისი ხანგრძლივი და ძალზედ ნაყოფიერი ინტელექტუალური მოღვაწეობის ლაიტმოტივად...

იმპრესიები, კონცეფციები, განმარტებანი, ფაქტები, ალუზიები, ქვეყნები და სოციალური, წარსული, აწმყო და მომავალი — რევან თვარაძის, ამ ბრწყინვალე მოაზროვნისა და მოქალაქის ანალიტიკური დიაპაზონის პარამეტრებია...

რაც უფრო ღრმად შეიმეცნებ მის მეცნიერულ განსჯა-ანალიზებს, მით უფრო გავსებს განცდა იმისა, რომ შენს წინაშეა ურთულეს პრობლემათა წვდომის უნივერსალიზმი, რომელიც თავისში შეიცავს აზრისა და ემოციის, რაციონისა და ინტუიციის პარამონიულ „თანაცხოვრებას“...

მისი ანალიტიკური ტექსტებისათვის სრულიად უცხოა ესოდენ პოპულარული „პათეთიკური ცდომილებანი“, ანუ „არალირებულეზობი“ აღფრთოვანება... იგნორირებულია მისი ანტინომიაც „პათეთიკური ცდომილების“ სახით — მაღალ სულიერ ფასეულობათა აკვიტებულ „რევიზიას“ რომ გულისხმობს.

მრავალი უღრმავდებოდა და ეძიებდა ქართველი ერის სულიერი ისტორიის ეპოქალურ გრადაციებს, მის ბრუტალურსა თუ კრეატიულს, დემონიურსა თუ ანგელოსურ კონფიგურაციებს, მის ბიბლიურ, მითოლოგიურსა თუ ლიტერატურულ ანალოგიებს.

ამ ინტენციებით აღბეჭდილი ანალიტიკური ტექსტები უფრო ხშირად იმ ფსევდოკონცეპტუალური სქემების დუბლირებას წარმოადგენდნენ, რომელნიც ახალსა და ღირებულს არაფერს აუნყებდნენ საზოგადოებას და ბოლოსა და ბოლოს, ოდენ დოგმატიზებული სულიერი „ისტორიის“ ილუსტრაციას განასახიერებდნენ.

რევან თვარაძე სულიერი სუბსტანციითა თუ აზროვნების მთლიანი სისტემით, რაფინირებული ინტელექტუალი და ანალიტიკოსი იყო...

სიმპტომურია, რომ ლიტერატურისათვის ორგანული კრეატიულობა, მის მიერ აღქმული იქნა, როგორც იმპულსი ანალიზის ფენომენოლოგიური მეთოდოლოგიისა, ანუ მხატვრული ქმნილების წიაღში იმ კონტექსტების გათვალისწინებისა, რომლიდანაც იღებენ დასაბამს ავტორის ფიქრები და ზოგადად მისი აზროვნების მთლიანი სისტემა... ასე „მოიძიება“ მის მიერ ლიტერატურული ტექსტის ჭეშმარიტი საზრისი... დროისა და მთელი ეპოქის კულტურული გამოცდილების ორიენტირები...

აქედანვე იმპულსირებული ტენდენცია, სინთეზის პრევალირებისა მშრალი ანალიზის მეთოდზე, სწრაფვა უნივერსალიზმისაკენ, კულტუროლოგიური კონტექსტებისაკენ, სულიერი ტრადიციის ობიექტივაციისაკენ...

რევან თვარაძის აზროვნების სფერო ერთი მხრივ მოიცავს კლასიკური სულიერი მემკვიდრეობის უძველეს შრეებს, ხოლო მეორეს მხრივ თანამედროვეობის გნოსეოლოგიურ ასპექტებს...

დროთა კავშირი ანუ სულიერების ისტორიის უწყვეტელობა მის ნაფიქრ-ნააზრეთა ლაიტმოტივია და ამითაც არის უნიკალური...

მათში, ერის სულიერი აქტივობის ყოველი მომენტი აღქმულია როგორც გლობალური დროის გამოწვევათა მიმართ გაღებული „საზღაური“ და ბიძგი მომავლისა...

ნიშანდობლივია, რომ მის ანალიტიკას მიმზიდველობას სძენს ჭეშმარიტი ლიტერატორისათვის დამახასიათებელი ემოციური ხიბლი, საანალიზო ტექსტიდან მომდინარე კრეატიული ენერგეტიკა... და კიდევ, მასში „უარყოფილია“ ანალიტიკოსის უკიდურესი სუბიექტივიზმისა თუ განყენებული აზროვნებით მანიპულირების მეთოდოლოგია ლიტერატურის მათემატიზაციისა თუ

სტრუქტურულიზაციის ტენდენცია და მიღწეულია ინტერპრეტაციის ხელოვნების ის დონე, საიდანაც ლიტერატურული ქმნილება შეიმეცნება როგორც ნარატივიცა და როგორც ნატიფი ხელოვნების ნიმუშიც, რომლის ესთეტიკური აღქმის გარეშე, ნონსენსია მისი სპეციფიკისა და არსის სრულყოფილი გაცნობიერება...

სიმპტომურია ისიც, რომ მკვლევარი არ იზღუდება კონკრეტულის ჩარჩოებით და მის მიღმა სჭვრეტს კულტურული ტრადიციების უფართოეს სპექტრს, ანუ ინტერტექსტუალურ მასშტაბებს, რომელნიც უფრო მყარ და არსობრივ წარმოდგენას ქმნიან საანალიზო მასალის მიმართ...

ქართული სულიერების ისტორია, ესოდენ „იდუმალისა“ და მრავალწახანგოვანიც, თითქოს შეუძლებელიც კია ერთხელ და სამუდამოდ „მოიხელთო“ და განსაზღვრო მისი ზუსტი და უცდომელი ეპისტემოლოგიური ჰორიზონტები თუ ესთეტიკური „სტიქია“...

არსებითი კი ის არის, რომ XX საუკუნის ბრწყინვალე ლიტერატორთა შორის იგი ირჩეოდა თავისი დახვეწილი პროფესიონალიზმითა და ფუნდამენტურ პრობლემებზე კონცენტრირების უნარით, პრინციპულობითა და სულიერი არისტოკრატიზმით... ხანგრძლივი ფიქრით აღბეჭდილ მის ანალიტიკურ ფორმულებში სჭვიადა „გონიერი ექსტაზის“ პათოსიც, ანუ ის, რომელზეც თვით ძველი პლატონიკოსები აპელირებდნენ და რომელიც ჭეშმარიტ ღირსებად აღბეჭდებოდა რჩეულ ლიტერატორთა ქმნილებებს...

ჩვენი ერის ინტელექტუალური განვითარების ყოველი ახალი ეტაპი, კვლავ და კვლავ, ღრმა ინტერესით მიუბრუნდება ალბათ XX საუკუნის სულიერი ევოლუციის განმსაზღვრელ ფაქტორებს, ქართული კულტურული რენესანსის იმ შემოქმედთა მრავალმნიშვნელოვან ღვაწლს, რომელთა აქტიური ცნობიერების ძალთახმევიტაც ჩამოყალიბდა მოაზროვნე, შემოქმედი, მორალურად და ინტელექტუალურად მატერიალიზებული საქართველო...

ამ დიალექტიკური რეალობის ავტორია რევან თვარაძეც — ბრწყინვალე ჰუმანიტარი და ანალიტიკოსი...

უსაჩინოესი ლიტერატურული თაობის ერთი ლიდერთაგანი და საყოველთაოდ აღიარებული ინტელექტუალური მეტერი... ამგვარი ახსოვთ იგი, მისი აქტიური ახალგაზრდობისა და ბრძნული სიჭარბისაგან მომსწრე თაყვანისმცემლებს...

იცოდა და განიცდიდა თანამედროვეობის — ამ სიბერნით გაღიზიანებული „მონსტრის“ ისტერიულ ბუნებას... იცოდა, როგორ „იმუქრებოდა“ იგი კვაზიგონიერებითა და მულტიკულტურული ნოვაციებით, რომელნიც მხოლოდ მოკლევადიანი არსებობისათვის თუ იყვნენ განწირულნი...

მან, კიდევ უფრო უკეთ იცოდა, რომ როგორც მოაზროვნე, ის მხოლოდ ნაწილი იყო ათასხუთასწლოვანი ტრადიციებისა და რომ მის უპირობო მოვალეობას წარმოადგენდა „მსახურება“ იმ კოლოსალური სულიერი განძეულობისა, რომელსაც არსებითად ეფუძნებოდა ერის იდენტობა და მენტალიტეტი...

და, მაინც, ყოველივე ზემოთქმული მხოლოდ ერთი შესაძლებელი რაკურსია რევან თვარაძის პიროვნულ-შემოქმედებითი აბრისისა...

ჯანსუღ ჩარკვიანი

ლიტერატურულ ქმნილებათა იდეური თუ ესთეტიკური კონტექსტები, ზოგადად კი ლიტერატურული პროცესების ტრადიციული სპეციფიკა, სამწუხაროდ, დღეს ვეღარ იზიდავს ადამიანთა სულიერ მოთხოვნილებებს...

ჩვენ, შესაძლოა გამოვედით რომანტიკული მსოფლგანცდის იმ ნეტარი „ტრანსიდან“, რომლისთვისაც სრულიად ბუნებრივი იყო მაღალი სულიერი ღირებულებებით აღფრთოვანებაცა და განცვიფრებაც... სრულმა ინტელექტუალურმა ინდიფერენტობამ კულტურული ცნობიერების იმ კრიტიკულ ფაზას მიაღწია, როდესაც ამორფული კრიტიკიუმიებითა და არგუმენტაციებით

რეფლექსირდება, ანუ პოსტმოდერნისტული განზომილებებით აღიქმება ყოფიერების ფუნდამენტური მოტივაციებიც კი...

გაუფერულდა და დაჩლუნგდა სულიერი წვდომის ის კრეატიული იმპულსები, ხელოვნების ქმნილებას სიცოცხლესა და მშვენიერებას რომ ანიჭებდა...

ამ ოდენ ელეგიური განსჯის ფონზე წარმოვიდგენ ჯანსუღ ჩარკვიანის უაღრესად კრეატიულსა და მკვეთრი ინდივიდუალობით აღბეჭდილ პოეზიას...

უპირველეს ყოვლისა ის, რომ მოტივაციათა უფართოესი დიპაზონი წარსულისადმი უსაზღვრო პიეტეტითაა „მოსილი“ — „სხვა გზა არ არის, ერთი გზაა პაპაშენისა — შენც იმ გზით წახვალ“ — ამ საკრალური რწმენით აკვალაინებს იგი საკუთარ თავსაც და ორიენტაციადაკარგულ თანამედროვეთაც...

აქედან, ამ მაღალი მორალური მსოფლგანცდიდან თვალსაჩინოვდება მისი შემოქმედებითი რეპერტუარის კონცეპტუალური პარადიგმები — მრისხანების, ტკივილისა და აღფრთოვანების სახით...

მათი გრადაციები იმ ღრმად განცდილ რეალობას ირეკლავს, რომლის სივრცე ანტინომიურ მოვლენათა ასპარეზადაა ქცეული, სადაც შემადრწუნებელ ნეგაციათა „გვერდით“, არის სუფევა სათნობათა და სიქველეთა — „და თუ ვერაფრით ვერ დაგისხნიათ ეშმაკებისგან თავი სხეული, მიირთვით ღვინო, ჩემი სისხლია, მიირთვით პური, ჩემი სხეული“...

ამ ბიბლიური ალუზიის „ადრესატი“ პოეტის თანამედროვეობაა და იგი აღიქმება მისი გაადამიანურების საკრალურ მეტაფორად... მოძმეთა სიყვარულის იმ მაღალ „ინსტანციად“, სულიერების ჯერგანუცდელი სიღრმეებისაკენ რომ მიმართავს ადამიანთა ცნობიერებას...

მისთვის ზოგჯერ „არაფერია“ თვით პუბლიცისტური დისკურსის „ცდომილებანი“, რადგან, ღრმად სწამს, რომ შეუძლებელია რაფინირებული ემოციებით „მოვარაყებულ ჩარჩოში“ დააბტო ქვეყნის კოლოსალური საფიქრალი, მისხალ-მისხალ აწონ-გაზომი ზეგავად მოვარდნილი და ყოვლის ნამლევავი სატკივარი...

და როგორც ლოგიკური შედეგი ზეაღმატებული ვნებათაღელვისა, სახეზეა პოეზიის ირაციონალური სტიქიის, ყოფიერების ღია და უსასრულო შეგრძნების დინამიური ფრაგმენტები — „მოუწრდილებელ სინათლეს ვეძებ, სამოსი მგლისა ჩაუცვამთ ვერძებს, მუზა უკუღმა შემჯდარა ვირზე, დედათა შორის კურთხეულს ვეძებ, მე ვეძებ ჩემი შეცდომის მიზეზს, სიცოცხლის ცეცხლი რომ გაგურითმო, იმ სიტყვას ვეძებ ნეტარ სტრიქონით, ყოვლად ძლიერო, ვიპოვი ვითომ?! — დაიხ, ვიპოვი“...

პოეტის ლირიკულ მონოლოგებში მონუმენტურ შეგრძნებათა განცდის მაძიებელი სული „მიმოდის“ და ამიტომაც არაჩვეულებრივად გადამდებია მისი რომანტიკული პათოსიცა და მძაფრი მოქალაქეობრივი იმპულსებიც...

დღეს, რატომღაც დამკვიდრდა და ერთობ გამრავლდა ლირიკულ, „მედიტაციათა“ ულტრაგაფაქიზებული „სახეობანი“... ილაჯგანვეტილი ლულულის „პოეტიკა“ ის საიმედო „თავშესაფარი“ გახდა, რომლისკენაც ისწრაფიან პოეზიასთან „მწყრალად მყოფი“ გუნდი და გუნდი „ვარსკვლავთა“ ანუ სიმრავლე ლექსის მწერალთა... იქნებ სწორედ ამგვარმა უსაგნო და უმისამართო „ლირიკამ“ და მასზე ორიენტირებულმა გემოვნებამ დააჩლუნგა და ძალოვანება დააკარგვინა ქართული ლექსის სიცოცხლითა და მაღალი, რეზონანსული მწხუნარებით აღბეჭდილ ბუნებას...

საკუთარ მომენტალურ განწყობილებებთან ლაცივის ნაცვლად, ჭეშმარიტი პოეტის ლირიკა, როგორ იქცევა რეალობის კონცეპტუალური კონტექსტების გრაციოზულ მანიფესტაციად, ამის ილუსტრაციაა თუნდაც ეს მონოლოგი: „მე უნდა მეთქვა ყველა უკლებლად — გზა დახლართული ეკალბარდებდა, ქვეყანას შვილი როგორ უკვდება, ქვეყანას შვილი ვით ებადება, ზოგჯერ მგლოვარე, ზოგჯერ მწუნხარე, ჩემი მამულის ცოდვით ვინვოდი, მაინც შემტევი, მაინც მქუხარე, მაინც ამაყი სიტყვით ვიბრძოდი“...

მეტ-ნაკლებად გასაგებია, რომ მოქალაქეობრივი ლირიკის დინამიური პათოსი ნაკლებად მოსაწონია სენსიტიურ მოდულაციებზე ორიენტირებული პერსონისათვის, სულის მხოლოდ შინაგან ვიზიონებზე პროეცირებული შემოქმედისათვის, მაგრამ ისიც ხომ ცხადია, რომ ჩვენს ამღვრულ სულიერსა და ფიზიკურ ყოფას ჰაერივით სჭირდება მოქალაქეობრივი სულისკვეთების გამომხატველი ქმნილებები, მათში განხატებული მრისხანებაცა და კაემანიც...

რადგან სწორედ ამ ტიპის ლიტერატურამ ურწნა „აკვანი“ თაობათა ოცნებებსა და მისწრაფებებს, მომავლის „სიზმრებსა“ და რწმენის გაკვეთილებს...

პოეზიას ნიალიდან ამოზიდული დიდი სიმართლისა და იდუმალი მრისხანების ინტონაციები, აკრძალული თავისუფლების მოლოდინით „ამწყურვადლება“ მორალური და ინტელექტუალური „კაზუსტიკით“ შეპყრობილ საზოგადოებას. ამიტომაც ასრულებდა იგი დიდი უმრავლესობისათვის „კათარზისის“, ხოლო „პრივილეგიერებულთათვის“ — მამხილებელი „დოკუმენტის“ ფუნქციას...

პოეზიის ამ პოზიტიური ინერციის გამოძახილია კიდევ ერთი ლირიკული ფრაგმენტი — „გონება რომ არ დაჩლუნგდეს, რაც გტკივა, ის რომ გაცხადდეს, ალბათ, არ უნდა გაჩუმდე, ალბათ არ უნდა დაწყნარდე, ალბათ არ უნდა დადუმდე, პირიქით, უნდა გაცხარდე, პირიქით, უნდა ადულდე, სისხლივით უნდა ადულდე, მუხლში ჩაუდგე ბიჭუნებს, ვინ გადაიხდის გადუხდელს, ვინ გაპატიებს სიჩუმეს!..“

მოქალაქეობრივი პოეზიისათვის ორგანული საზოგადოებრივი ცხოვრების მღელვარე აქცენტები ძიების პათოსით განაწყობდნენ პოეტის ცნობიერებას და მკითხველსაც „აიძულებდნენ“ განრიდებოდა რეალობის მშვიდი მეთვალყურის როლს, რათა ყოფილიყო მეტ-ნაკლებად აქტიური მოქალაქე თავისი ქვეყნისა...

და კიდევ: ამ მეგამოტივაციის ორგანული კონცეფცია შეგონება იმისა, რომ თანამედროვეობას, ვითარცა წარსულს, გაფრთხილება და სიყვარული სჭირდება... რომ იგი ჩვენთვის, ასე თავმოსაწონებელი წარსულის ორგანული ნაწილი, მისი სისხლი — სისხლთაგანი და ხორცი — ხორცთაგანია, და რაც მთავარია, იგი საფეხურია მომავლისა... რომ სწორედ ჩვენი არსებობისათვის „გათამაშდა“ ის სისხლიანი ტრაგედიები, რომელთა შთამავგონებელი ექო, არც, დღეს უნდა აძლევდეს მოსვენების უფლებას მათ შთამომავალთ... ამიტომაც სრულიად ბუნებრივი და აქტუალურია პოეტის სინანული: „ვაი თუ კარგად ვერ ენთე, ვაი თუ დავაყოვნეთა? დგას რისხვად ოცდამეერთე, მკაცრი და მკაცრი ყოველთა“...

ჯანსუღ ჩარკვიანის პოეტური რეპერტუარი მშვენიერი პასტორალურ-ფერწერული „პაუზებისთავა“ აღბეჭდილი... შემოქმედის ლირიკული განცდების გამმა აქ უფრო ელასტიური, ხავერდოვანი და დანმედილია... მაღლა მხედსა და მოვლენათა ამაყად მჭვრეტელს აქ ადამიანური ბუნების „მორჩილი“ და მიმდევარი ენაცვლება, თუმც ამ რომანტიკულ მედიტაციებშიც პრევალირებს შემოდგომის ფერთა „მელანქოლია“ და სწორედ იგი განაპირობებს განწყობილებათა სულიერი აქცენტების განუმეორებელ ესთეტიკას...

ყოფიერების გაავებულ ტალღებს „განრიდებული“ იგი აქ ჰპოვებს და ეთაყვანება სიყვარულის ხატს და მონივნით იხრის ქედს იმ ერთადერთის წინაშე, რომელმაც სათნობათა ნიაღვს აზიარა მისი რომანტიკული სული...

პოეტის თრთოლვით აღბეჭდილ ხილვებში ამ ღვთაებრივი განცდის უნივერსალური, მორჭმული და ჰარმონიული განფენილობაა აქცენტირებული... სიყვარულის სრული სუფევა, უმაღლესი სულიერი ნეტარების წინაპირობად და ცთომილებათაგან განთავისუფლების ერთად-ერთ არგუმენტად სახიერდება... იგი მისთვის სიცოცხლის ისეთივე სათუთი განძია, როგორც ბავშვობა...

ღრმა სიმძიმისა და „მეტყველი“ დუმილის ჟამი ჩამომდგარა იმათი ხსოვნის წინაშე, ვინც მინიერ სამყოფელს სამუდამოდ

დამშვიდობებია და ზეცად შეხიზნულ სულად გარდასახულა... ტკბილ-მწარეა გახსენება მათი, წვეთ-წვეთად დასდის გულს ცრემლად მონოლოლი სათქმელი: „ის ჭირთამთემენი იყო ყოველთვის, ნატყვიარივით სტკიოდა მტრობა, მაგრამ რჩეული სული პოეტის, ამჯობინებდა სიმღერით თრობას... იდგა ლაშქარში, იდგა ძმობაში, ბანრით, წრიაპით და წერაყინით, მთრთოლვარე გულის ღრმა ჭრილობაში, პურის მარცვლები ჰქონდა ჩაყრილი“...

მტკივნეული განცდებით გარემოსილს, ვითარცა პოეტურ განცდათა დიდ ხელოვანს, ხელენიფება პოლარიზებული ტონალობებით წარმოსახოს სიცოცხლის ონტოლოგიური კონტექსტები და თვით მისით ტკბობის თავანყვეტილი ლტოლვა...

უნიკალურია ლირიკული ხილვებით „ნაძერწი“ პოემა „მექესე დღე“... იგი მეგობრებთან გატარებული ერთი დაუწყინარი ღამის „ქრონიკა“...

მთავარი მასში სულის საამოდ „მომთენთავი“ გულწრფელი ატმოსფეროა, ნივთიერი გარსის, ნივთიერი სიბილნისაგან განრიდებული მორალური ატმოსფერო... თამამი და მიუკიბ-მიოკიბავი მმართველის მინიატურული „სამყარო“.

ის რაც პოემაში ხდება არც ექსტრავაგანტურია და არც თუნდაც უჩვეულო...

და მაინც, ღამისთვის რომანტიკა და მის „ბოჰემურ“ სივრცეში ტკბილად „მოგალობე“ ქართული სიტყვა, განწყობილებათა იმ მოდულაციებს ახმოვანებს, რომლისთვისაც სრულიად ორგანულია სერიოზულობაცა და „შაყირიც“, სიხარულიცა და სევდაც... ამ ანტინომიური მჭევრმეტყველებითაა აღბეჭდილი სამთა ღამეული „ნადიმი“... რიტორიკული „ფიერვერკებით“ გაბრწყინებული ჟამი ადამიანური ურთიერთობებისა და დაუწყინარი მოგონებადღა ქვეული ბედნიერი ხვედრისა...

დროის „მორჩილი“ სულის დამაკნინებელი მარწუხებიდან ოცნებით თავდახსნილი, იგი სიცოცხლის ბუნებრივი კანონზომიერების, ანუ თავისუფალი ყოფიერების წყურვილითაა ატანილი...

საგულისხმია ისიც, რომ თვით მის მაჟორულ, ამაღლებული ობერტონებით აღბეჭდილ მონოლოგებში, ტრაგედიებით „დანაღმული“ ცხოვრების გულისცემა იგრძნობა...

მე მასში ვხედავ ქვეყნის ჭირისუფლად მოვლენილი სულის განსახიერებას, რომლის მიმართ შეუძლებელია იყო გულგრილი...

მისი ლირიკული ტირადები, საოცრად სუგესტიურნი, შთაგაგონებენ შუქ-ჩრდილებით „მოხატული“ ცხოვრების „ტექსტის“ საკრალურ აზრსა და მნიშვნელობას, მისი ირაციონალური თუ ლოგიკური გამოვლინებების ღვთაებრივ ხიბლსა და განუმეორებელ რომანტიკას...

და, როგორც გამოძახილი ყოველივე ამისა, სრულიად ბუნებრივია აღფრთოვანება მისით... მოწინება მისი ტალანტის მიმართ... ადამიანები იცვლიან წარმოდგენას პოეტისა და პოეზიის დანიშნულებაზე, მათ საზოგადოებრივ როლსა და ადგილზე, თვით პოეტური ხელოვნების რაობასა და სპეციფიკაზე...

რთულზე-რთულია დეფინიცია მისი უნივერსალური არსისა, თუმც სრულიად ლეგიტიმურია წარმოდგენა იმისა, რომ პოეზია აბსტრაქცია, ანუ არარსებულთ გატაცება არ არის, იგი სინამდვილის „ფერმწერია“, მის წიაღში მიმდინარე პროცესთა კონტექსტებით „მანიპულირების“ დიდოსტატია, ადამიანის სუბსტანციის პერმანენტული ძიების მანიით შეპყრობილი „მკვლევარია“ და ბოლოს, მშობლიური ქვეყნის მალმერთებელი „ქადაგია“...

მისი ამაყი და კეთილმობილი „უდიდებულესობა“ — პოეზია, დროის „კაპრიზების“ მორჩილი „თითქმის“ არასოდეს ყოფილა... იგი ერის სულიერების ინგრედიენტს წარმოადგენდა და მარადიულის პრეტენზიით იკვლევდა გზას ისტორიის თვით ყველაზე უფრო შემადრწუნებელ და უმეცარ „ჯურღმულეებშიაც“ კი...

ნონა აბაშაძე

ყუმუხური პოეზიის დიდოსტატი

ანვარ აჯიევი დალესტნის სახალხო პოეტი და ყუმუხური ლიტერატურის კლასიკოსია. დაიბადა 1914 წელს დალესტანში, გარდაიცვალა 1991 წელს. სამშობლოში უმეტესწილად მხოლოდ სახელით მოიხსენიებენ, როგორც ჩვენთან ჩვენს დიდ პოეტებს, საქართველოს და ქართველი ხალხის სიმბოლოებად რომ ქვეყლან. იქ ყველამ იცის, ვინ არის ანვარი. მის ლექსებზე დაწერილი ბევრი სიმღერა შესულია ყუმუხთა სასიმღერო საგანძურში. ისინი იმდენად პოპულარულია, რომ ბევრს ხალხური ჰგონია.

ყუმუხები დალესტნის ხალხთა შორის რიცხოვნობით მესამე ადგილზე არიან. მათი ენა განეკუთვნება თურქულ ენათა ჯგუფს. ბროკჰაუსისა და ეფრონის ენციკლოპედიურ ლექსიკონში დახასიათებული არიან როგორც ყველაზე კულტურული ჩრდილოკავკასიურ ტომთა შორის. ყუმუხური ენა საუკუნეთა მანძილზე ჩრდილოეთ კავკასიაში ლინგვა ფრანკა იყო. 1917 წლამდე აქ გამოცემულ ნიგნთა ნახევარი ყუმუხურ ენაზეა დაწერილი, რაც მონაშობს ამ ენის განვითარების მაღალ დონეს. გასაბჭოებამდე ყველა განათლებული ჩრდილოკავკასიელი თავს ვალდებული თვლიდა არაბულთან ერთად ეს ენაც ესწავლა. დალესტნის ეთნოსთა შორის ისინი გამოირჩევიან ტოლერანტობით, ურბანიზებულიობით, სტუმართმოყვარეობითა და გულთბილობით. ამ ხალხმა ადგილობრივი კულტურის თითქმის ყველა სფეროში მნიშვნელოვანი წვლილი შეიტანა და დიდი კულტურული გავლენა მოახდინა სხვა ეთნოსებზე.

ანვარ აჯიევიმ შესანიშნავად იცოდა თავისი ხალხის ისტორია. მის შემოქმედებაში აისახა წარსულის არაერთი ამბულელებელი ამბავი როგორც ლეგენდა, რომელშიც ოსტატურადაა ერთმანეთთან დაკავშირებული წარსულისა და თანამედროვეობის ღირებულებანი და რეალიები, პატიოსნად და გულწრფელად არის მორგებული მორალური აქცენტები.

ანვარი, როგორც საბჭოთა პოეტი, ბევრს წერდა საბჭოთა თემატიკაზეც, მაგრამ მისი პოეზია არასოდეს გამხდარა მლიქვნელური და უსახური. მისი ლექსები დაწერილია გულწრფელად, კარგი გემოვნებით, ზომიერების გრძნობით და რეალობის შეგრძნებით. მათი უმრავლესობა ღრმად ლირიკულიცაა და ამავე დროს თითქოს შეუმჩნევლად იჭრება სულის ხვეულებში და ინვევს არა მხოლოდ ემოციას, არამედ ფიქრსა და განსჯას.

განსაკუთრებით მინდა აღვნიშნო მისი პატრიოტული ლირიკა. საბჭოთა პერიოდის ბევრი დალესტნელი პოეტის შემოქმედებაში ისმოდა პოლიტიკური კონიუნქტურის შესაბამისად ნაკარნახევი დიდი და პატარა სამშობლოს თემა. ანვარ აჯიევეს არ დაუნახევრებია სამშობლოს ცნება. „მისთვის არ არსებობს დიდი და პატარა სამშობლო, მიყრუებული, მივარდნილი, სადღაც გადაკარგული პროვინცია. მის პოეზიაში ჩვენ, — ადამიანები ვცხოვრობთ ერთ მთლიან სისტემაში, ერთი ცის ქვეშ“ — წერდა მისი პატრიოტული ლირიკის შესახებ თვალსაჩინო დალესტნელი მწერალი ქამალ აბუკოვი. ანვარის პოეტური პროვინციის ჩამოყალიბებაზე გავლენა მოახდინა ყუმუხთა ხალხურმა პოეზიამ, აღმოსავლურმა, ყუმუხურმა და რუსულმა ლიტერატურამ. მის პოეზიაში, როგორც იშვიათი მარგალიტები, ისე კიაფობდნენ აღმოსავლური პოეზიისათვის დამახასიათებელი მეტაფორები და პოეტური სახეები.

ანვარ აჯიევიმ ყუმუხ ხალხს დაუტოვა არა მარტო შესანიშნავი პოეზია, არამედ ევროპულ და რუს კლასიკოსთა თარგმანებიც. მას ნოდარ დუმბაძის ნაწარმოებებიც უთარგმნია. მისი ძალიანმეტი შეიქმნა ტელესტუდია და დალესტნის ტელერადიოკომიტეტი, რომელსაც თავმჯდომარეობდა მრავალ წელიწადს. იყო რედაქტორი და სულისჩამდგმელი ალმანახისა „დრუჟბა“.

თანამედროვეები ახასიათებენ როგორც უაღრესად თავმდაბალ, გულუხვ და მოკრძალებულ ადამიანს, რომელიც ისე ცხოვ-



ანვარ აჯიევი

რობდა, როგორც ყველა რიგითი მოქალაქე. მახაჩყალაში დგას მისი სახელობის ლიტერატურული მუზეუმის თანამედროვე შენობა. ეს შენობა მადლიერმა შთამომავლებმა მას გარდაცვალების შემდეგ აუგეს. თვითონ ანვარი ცხოვრობდა მოკრძალებულ პატარა სახლში, ბელეტაჟზე, სადაც იკრიბებოდნენ იმდროინდელი ლიტერატორები, ჟურნალისტები და ყველა ის, ვისაც გული შესტკიოდა დალესტინის ლიტერატურის განვითარებაზე.

პირადად ჩემთვის ანვარ აჯიევის პოეზია სასიამოვნო მოულოდნელობა იყო დალესტანში. როდესაც მი-

მინვიეს მისი პოეზიის საღამოზე, არც ველოდი თუ ჩემზე ასეთ გავლენას მოახდენდა მისი ლექსები. ამ შთაბეჭდილების გაღრმავებას ხელი შეუწყო დამსწრეთა გულწრფელობამ და კეთილგანწყობამ, რასაც ისინი დაუფარავად გამოხატავდნენ ჩემს — როგორც ქართველის — მიმართ.

2014 წლის სექტემბერში მახაჩყალაში გაიმართა ანვარ აჯიევის დაბადებიდან 100 წლისთავისადმი მიძღვნილი იუბილე, რომელზე დასასწრებად მიმინვია დალესტინის კულტურის სამინისტრომ ყუმუხთა ა.-პ. სალავათოვის სახელობის მუსიკალურ-დრამატული თეატრის მესვეურთა ძალისხმევით.

რუსეთის სახელმწიფო საზღვარზე თავაზიანად შემხვდნენ. გააფორმეს ჩემი პასპორტი, დაათვალიერეს ჩემი ბარგი და ბედნიერი მგზავრობა მისურვეს მახაჩყალამდე. ქალაქში შესულს ბევრი ახალი, თანამედროვე შენობა მომხვდა თვალში. ერთ-ერთ მთავარ ქუჩაზე კი დიდი ტრანსპარანტი ეკიდა: მახაჩყალელებს „ველური დივიზიის“ 100 წლისთავის აღსანიშნავ ღონისძიებაზე ეპატიჟებოდნენ. ქალაქის ცენტრალურ მოედანზე კი თავმოყრილნი აღმართათ უზარმაზარი ბანერი, რომელზეც მრავალმნიშვნელოვნად ილიმებოდა პუტინი.

საიუბილეო საღამო დიდი ზარ-ზეიმით გაიმართა რუსულ დრამატულ თეატრში, რადგან იგი ზომით ყველაზე მასშტაბურია. საღამოზე სიტყვით გამოხვდა მთხოვა ანვარ აჯიევის სახელობის ლიტერატურული მუზეუმის ხელმძღვანელობამ. შევეცადე გამოსვლაში გამომეხატა ანვარის პოეზიის ჩემული აღქმა და შეფასება. საღამოს მუსიკალურ ნაწილში ჩემს საპატივცემულოდ შეასრულეს სულხან ცინცაძის ნაწარმოები. საიუბილეო საღამომ კარგად ჩაიარა, მაგრამ უნდა ითქვას, რომ მისი ყველაზე დიდი მოვლენა იყო დალესტინის პრეზიდენტის ბატონ რამაზან აბდულატიპოვის დასასწრებად, რომელიც მთელი თავისი ამალით და შეიარაღებული დაცვით მობრძანდა და სიტყვითაც გამოვიდა. იგი კარგი ორატორია. მისი სიტყვა გამოირჩეოდა ხალხის ფსიქოლოგიის ცოდნით, ბოლო ხანს საკმაოდ დაძაბული ატმოსფეროს განმუხტვის სურვილით, ლიტერატურის ცოდნით. დამსწრე საზოგადოება ნასიამოვნები დარჩა მისი მოსვლით, რადგან არასოდეს ერთ მის წინამორბედსაც კი თავი არ შეუნუხებია მწერალთა იუბილეზე დასასწრებად. მართალია, ანვარი არ არის რიგითი მწერალი. ამ მწერალთან ყუმუხები ძალიან ბევრი მგრძობიარე სიმიით არიან დაკავშირებული. ეს იცის ბატონმა აბდულატიპოვმა. მას კარგად ესმის დალესტანში არსებული საზოგადოებრივი აზრის შემართებაც და ხალხის განწყობაც. ცდილობს დაიცვას მმართველობის უფრო თანამედროვე სტილი. ზრუნავს წარმოების განვითარებასა და სამუშაო ადგილების შექმნაზე.

დალესტინის ინტელექტუალური საზოგადოება კეთილად არის საქართველოს და ქართველების მიმართ განწყობილი. მათთან საუბარში ნათლად ჩანს ინტერესი ჩვენდამი, თუმცა კონკრეტუ-

ლად არაფრის თქმა არ შეიძლება. ჩვენ პრაქტიკულად არ ვიცნობთ ერთმანეთს. არ ითარგმნება ჩვენი ლიტერატურა იქ და არც მათი — ჩვენთან. არ ეწყობა შეხვედრები, გამოფენები, კონფერენციები. მახაჩყალაში ყოფნის დროს დამებადა აზრი, გამართულიყო შეხვედრა ტელეგადაცემის სახით იმ დალესტინელებთან, რომლებმაც უმაღლესი განათლება მიიღეს საქართველოში. ასეთები კი იქ მრავლად არიან. მათ ნამდვილად განიცადეს საქართველოს, ქართული კულტურისა და გარემოს გავლენა. ისინი სხვადასხვა დარგის სპეციალისტებად ჩამოყალიბდნენ აქ — საქართველოში. ამის შესახებ ლაპარაკი მქონდა იქაურ ტელეჟურნალისტთან. მას იდეა მოეწონა, მაგრამ ან მე ნამოვედი ძალიან ადრე, ან სხვა რამ ჩემთვის უცნობი მიზეზის გამო, სამწუხაროდ, ეს გადაცემა არ მომზადდა. მე მაინც იმედი მაქვს, რომ გადაცემა გავაეთერში და იგი იქნება მეტად საინტერესო, დატვირთული ემოციებით და კეთილი მოგონებებით, რაც ასე გვჭირდება ყველას.

ქართველ მკითხველს კი მიინდა შევთავაზო რამდენიმე ჩემული თარგმანი ანვარის პოეზიიდან:

შენ მეკითხები — რა გქვია?

მე გიპასუხებ — ყველას გულისკენ გზის გამკვლევი ვარ.

სად მეჩქარება? — მე იქაც და აქაც, ყველა კართან მელიოდებიან.

ეს გზა ხან აქეთ მიდის, ხან იქეთ, ბედის ღიმილი კრთება და ქრება...

გზა ძლივსლა მიდის ქვით დაკბილული; ძნელად სავალი, საჭოჭმანო, საჭირვარამო, აღმართ-დაღმართი ყანობრებზე, კბოდეებზე,

სრამებზე წვალობს.

შენსკენ ვესწრაფვი სულმომდინარი, ვერ მოგისწარი, ვერსად დაგლანდე...

დაე, ყოველი ჩემი ოხვრა წვიმის ღრუბლად წამოგეჩრდილოს მოგესალმუნოს შუადღის ხვატში შვების მომგვრელად.

უშეთაზოდ მზე არ მზაოვს

ყველას არწმუნებ — თუ მზის ნახვა გსურთ ნადით მთებში, ველზე მოიწყენთ.

გაიარეთ და თავად მიხვდებით — მთა ველზე დაჩოქილი აქლემივით აყუდებულა.

მზე უღელტეხილს თავს დაადგება, ველს დაადნება, დაიღვრება,

კლდის ქიმებს იქით ცხვრებს გადალაღავს, და ველისკენ ჩქარობს დაისად.

— შენ ამბობ, რომ მდინარეები მთებში უნდა იზადებოდნენ...

ეს ასეა, მაგრამ...

არვინ კითხულობს, რატომ ჩქარობენ აგრერიგად დაბლობისკენ ჩამოჩქეფებას მთაში შობილნი,

რად ავინყდებათ გულმავინყებს მშობელი მთები...

შენ მხიარული ხარ, რატომ?

— ერთსა და იმავე დროს ათი მეგობარი მენვია სტუმრად.

— შენ მოწყენილი ხარ, რატომ?

— დღეს ერთი და იგივე სტუმარი მეათედ მოვიდა!

მართალია, ხორბლის ბელელს დარაჯობენ კატები,

მაგრამ მაინც მარცვლეული მარცვალ-მარცვალ ილევა.


ხმა გავარდა მზისქვეშეთში: კატები და თავგები

ძმობას ფიცებთანო სათავგეთში ერთმანეთს.

გიგი ხორნაული

უკვალოდ არ ჩაივლის

იკა ქადაგიძის ახალი პუბლიცისტიკური კრებული „ძირს ომერთა!“ ეროვნული გმირების — ზვიად გამსახურდიას და მერაბ კოსტავას — ხსოვნას ეძღვნება. ამ ფაქტმა ძალიან გამახარა. მინდა ყოველგვარი ზედმეტი მორიდებულობის გარეშე ის ძალზე სასიამოვნო შთაბეჭდილება გაგიზიაროთ, რომელიც ამ წიგნმა აღმიძრა. ყველამ იცის, რომ იკა ეროვნული მწერალია. იგი ქართულ მწერლობაში ფეხმოკიდებულ მანკიერებებს უშიშრად აკრიტიკებს. „ძირს ომერთა!“ ისეთივე მნიშვნელოვანი წიგნია, როგორც „ქართული კორიდა“, მისი რედაქტორი მე გახლდით. ამ კრებულმა დიდი მღელვარება და გამოხმაურება გამოიწვია, რადგან იკამ არ დამალა სიმართლე. ახალი წიგნიც ამ სულისკვეთების გაგრძელებაა. ეს რა თქმა უნდა მისასალმებელია.



პირადად მე ქართული მწერლობის უპირველეს მოვალეობად მიმაჩნია ქვეყნის სატკივრის გათავისება, აღწერა და მკითხველისთვის ისე მიწოდება, რომ მას ტკივილი შეუმსუბუქოს, თან გამოაფხიზლოს და ბრძოლისათვის შეამზადოს. ქართველ მწერალს არასოდეს ეცალა საკეკლუცოდ და მითუმეტეს არ სცალია დღეს. ევროპედ და ამერიკელ მწერლებს ჩვენი გასაჭირი არ ადგათ, ამიტომ ხელოვნურად ეძებენ რაღაც მასალას, ფანტაზიას, როგორმე მკითხველი რომ დაინტერესონ.

ჩვენ მძაფრი სიუჟეტები თავზესაყრელადა გვაქვს, ისეთები, რომლებიც ქართველ მკითხველს პირდაპირ გულსიგულში გაუვლის. ამ წიგნში ეს სიუჟეტები უზვადაა და ეს მისადმი ინტერესს ზრდის.

პირადად მე გულში ყველაზე მეტად მომხვდა წერილი, რომელშიც გადმოცემულია ზვიად გამსახურდიასა და მისი მთავრობის დამხობის ამბები, ხშირად — მცდარად — ხან რევოლუციად ასაღებენ და ხანაც სამოქალაქო ომად. სინამდვილეში კი ეს იყო რუსეთის სპეცსამსახურებისა და ქართველ შინაგამცემთა მიერ კარგად შემუშავებული გეგმა, რაც ნათლად მოწმობს რუსეთის აგრესიას საქართველოსადმი. ეს დღემდე გრძელდება. ამიტომ ამ სატკივართა მიუკერძოებლად წარმოჩენას დიდი დატვირთვა ეძლევა.

იმ ე.წ. სამოქალაქო ომმა თავიდან ბოლომდე ჩვენს თავზე გადაიარა. ის უბედურებები 90-იან წლებში უშუალოდ მე და ჩემს ოჯახს გადაგვხვდა, რადგან მთავრობის სასახლესთან ახლოს, სულხან-საბა ორბელიანის ქუჩაზე ვცხოვრობდით. აქ თხუთმეტი-თექვსმეტი დღის განმავლობაში კანტიკუნტად დარჩენილი ოჯახები გარეთ ვერ გამოვდიოდით, სახლის სახურავებზე ჩასაფრებული სნაიპერები გამბედავებს დაუნდობლად ხოცავდნენ. „სავონაროლა უნივერსიტეტში“ სწორედ ამ შემზარავ სინამდვილეზე მოგვითხრობს.

როდესაც მთავრობის სახლთან პუტჩისტებმა ეროვნულ ხელისუფლებას ცეცხლი გაუხსნეს, მათი სამხედრო შენაერთი „მხედრონი“ ამბოხებულ გვარდიელებთან ერთად ქუჩებში დათარეშობდა და, ვისაც მოიხელთებდა ხოცავდა და მათ სახლკარს ძარცვავდა და წვავდა. ქალაქის ამ რაიონში ჩაკვდა სიცოცხლე. ლამდამობით შეიდი ბეტეერი ლესელიძის ქუჩას ამოივლიდა, ზედ საქართველოს დროშები ჰქონდათ დამაგრებული, მთავრობის სახლს მიადგებოდნენ და ბათქა-ბუთქს ატყენდნენ. სამი-ოთხი საათის შემდეგ ბატებივით მწკრივად უკან ჩამოვივლიდნენ. დღისითაც განუწყვეტელი სროლისგან გამაყრუებელი ხმაური იდგა. სიკვდილს თვალეში ვუყურებდით. ნანას (ჩემს

მეუღლეს) ამის გამო ნევროზი გაუჩნდა და, ხელში რომ არ ჩამკვდომოდა, როგორმე აქედან უნდა გამეყვანა. ჩემი ძველი „მოსკვიჩი“ დავეკოქე, ეზოდან გავვარდი და გიჟური სისწრაფით ზედა ქუჩებისკენ გავუტიე. როგორც კი რუსთაველის მეტროს გავცდი, დავრწმუნდი, რომ ქალაქი ჩვეულებრივად ცხოვრობდა და ვითომდა ეს სამოქალაქო ომი საერთოდ არ ეხებოდა. ამან აღმამოფოთა და პროტესტის გრძნობა გამიღვიძა.

იკას წიგნში წარმოჩენილმა ფაქტებმა ეს მძიმე თითქოსდა მივიწყებული განცდები განმიახლა. მწერალმა ეს ტკივილი თავის პოემაშიც ასახა, სადაც 90-იანი წლების გაუსაძლისი ვითარება გააცოცხლა. ამის დაინყება არ შეიძლება, მაგრამ დღეს ბევრი ამ თემაზე ზერეულედაც არ ლაპარაკობს. მე კი სიცოცხლის ფასად დავბრუნდი შინ. იქაურობა ცეცხლის ალში იყო გახვეული. ოცდაათი წლის უნიკალურ მასალას ვდარდობდი. გამოსაცემად მომზადებული ფშარი ლექსიკონი, საერთოდ მთის ლექსიკა, დისერტაცია, აღმოსავლეთ საქართველოს მთის კუთხეების ტოპონიმიკა გასაქრობად მენანებოდა, იმიტომ, რომ ვისგანაც ეს ძვირფასი მასალა ჩავინერე, ის ხალხი ცოცხალი აღარ იყო.

ზოგადად, ტოპონიმიკის მნიშვნელობა მთელ მსოფლიოში განუზომლად დიდია, ეს კარგად ესმოდა იმ დონის მეცნიერსა და მამულიშვილს, როგორც იყო ზვიად გამსახურდია. პირადად კარგად მიცნობდა, ჯერ კიდევ ბ-ნი კონსტანტინეს შედეგის „დიდოსტატიის მარჯვენას“ რედაქტირების დროიდან (1963), მაშინ „ნაკადულის“ რედაქტორი გახლდით და კოლხურ კოშკს ხშირად ვსტუმრობდი. ზვიადს სწორედ მაშინ დავუახლოვდი. მან გაპრეზიდენტებისთანავე თავისთან საგანგებოდ დამიბარა და დამავალა ქართული ონომასტიკური ცენტრისთვის მეხელმძღვანელა და გამოსაცემად მომემზადებინა საქართველოს ტოპონიმიკა, რომელსაც ტერიტორიებისთვის ბრძოლაში გადამწყვეტი მნიშვნელობა დაეკისრებოდა. ამიტომ ამ უნიკალური მასალის განადგურება აუნახლავს და დანაკლისი იქნებოდა. ჩემს ბინაში დაბრუნებას თუნდაც სიკვდილის ფასად ვფიქრობდი, ოღონდ ეს მასალა გადამერჩინა. ცეცხლმოკიდებული სახლები ინვოდა, არ ვიცი, რა სასწაულით ამცდა ტყვიები!

აი, ასეთი საშინელი ვითარება იყო და ახლაც მიკვირს, ამდენს როგორ გავუძელით.

წერილის ნაკითხვის დროს აღმოვაჩინე, თურმე იკა მაშინ იქვე, ჩემს მეზობლად ცხოვრობდა და, ჩემს ბედქვემ მყოფს, ომის მთელი სიმძიმე ოჯახთან ერთად გადაუტანია, რაც ძალზე დამაჯერებლად და გულშიჩამწვდომადია გადმოცემული.

წიგნში დიდი ადგილი ეთმობა ვაიინტელიგენციის შავზნელ საქმიანობას, რომელმაც ეროვნული ხელისუფლების დამხობის შემდეგ ხელი მოითხო კანონიერ ქურდებთან მეგობრობით და ქვეყანას დაატეხა ის ჯოჯოხეთი, რომელსაც საქართველო ჯერ კიდევ ვერ მოერია! ამ გაზულუქებულმა მედროვე ინტელიგენტებმა, შევარდნაძეს რომ ტაშისკერით შეეგებნენ, ეროვნული მწერლობა და მწერლები ჩრდილში მოაქციეს და წინა პლანზე თავიანთი უნიჭო მეხოტბეები წამოსწიეს, რომლებიც პირადი კეთილდღეობის გამო ყველაფერს წარმეუბნებლად ჰყივდნენ და ყიდნან. იკა სწორედ ამ სატკივარზე ამახვილებს ყურადღებას. ხშირად იგივე ხალხი, თანამდებობითა და პრივილეგიებით განებივრებული „მონინავე ინტელიგენცია“, ეროვნული ინტერესების წინააღმდეგ ბრძოლას დღესაც აგრძელებს, რადგან მათ დანაშაული შერჩათ, სათანადოდ არ დასჯილან, დღემდე არ აღდგა ნამდვილი სამართლიანობა, რაც მწერლობაში (სამწუხაროდ, ყველა სფეროში) უკულმა აისახა, როგორც მრუდე სარკეში, და ძალიან მძიმე შედეგი გამოიწვია. ჩვენ ჯერ კიდევ არ ვიცით, ეს დამლუპველი პოლიტიკა სადამდე გასტანს!

„ძირს ომერთა!“
 კრებული
 უნიკალური
 მნიშვნელობის
 წიგნი
 იკა ქადაგიძის

აი, ამიტომ პირადად ჩემთვის და ბევრი სხვისთვისაც ძვირფასია წიგნი „ძირს ომერტა!“ ისეთი თხზულებანი, რომელნიც ამ ჭირს მედგრად ებრძვიან და არა პირიქით.

„ძირს ომერტა!“ თითოთოროლა მწერლის წიგნებთან ერთად, რასაც მე თვალყურს ვადევნებ, არის წიგნი, რომელიც ამბობს სიმართლეს — პირუთენელად და გაბედულად. ნამდვილ ინტელიგენტსა და ნამდვილ მწერალს სილაჩრე არ ეპატიება!

უნდა გვახსოვდეს და თვალწინ გვედგას იმ ტირანული ეპოქის მაგალითები, ხმას რომ იმაღლებდნენ და სამშობლოს თვალის დაუხამხამებლად ეწირებოდნენ ერის საუკეთესო შვილები! სწორედ ასეთი რჩეული მამულიშვილი, მწერალი

როზეტა გუჯეჯიანი

ქველი ქართული ყოფის სურათები

გივი ჩილვინაძის წიგნი „მზე შინა და მზე გარეთა — ქართული ხალხური დღეობა-დღესასწაულები და წეს-ჩვეულებები აღწერილი ბავშვებისათვის“ (რედაქტორი ლევან ფრუიძე, მხატვარი მარია გონგლაძე, რეცენზენტები: როზეტა გუჯეჯიანი და ნანა ხოჭოლავა, „საუნჯე“, 2014) უკვე მეორედ გამოიცა, ამჯერად საქართველოს კულტურისა და ძეგლთა დაცვის სამინისტროს ფინანსური მხარდაჭერით. იგი მრავალმხრივ საყურადღებო გამოცემაა. აღსანიშნავია წიგნის მაღალი პოლიგრაფიული დონე და ფერადი ილუსტრაციები.

თანამედროვე გლობალიზაციის პირობებში ყოველი კულტურული ერი ცდილობს ეთნიკური ტრადიციების შენარჩუნებასა და განვითარებას. ცნობილია იპაონის, სკანდინავიის ქვეყნების, გერმანიის, საფრანგეთის, პოლანდიის და სხვა სახელმწიფოთა ზრუნვა ეთნიკური კულტურის მობილობის მიმართულებით. ამ ქვეყნებში უდიდესი ყურადღება ეთმობა მოზარდთა დაინტერესებას მშობლიური კულტურით და ეთნოპედაგოგიკის დანერგვას სკოლებში. ამ მხრივ ქართული ლიტერატურა, სამწიგნობრო, შედარებით მწირია და პოპულარული, მოზარდთათვის განკუთვნილი შემეცნებითი ლიტერატურის დიდი დეფიციტია. გივი ჩილვინაძის წიგნი ამ მხრივაც არის მნიშვნელოვანი.

ბუნებრივია, მშობლიურ კულტურასთან ზიარება და მისი გათავისება მიმდინარეობს ადრეული სოციალიზაციის განმავლობაში. შესაბამისად, უკიდურესად აქტუალურია ეთნიკური კულტურის მნიშვნელოვან ელემენტთა შემეცნება ადრეულ ასაკშივე. ამ მხრივ განსაკუთრებულია ფოლკლორის როლი, სწორედ ბავშვობაში მოსმენილი ფოლკლორული ნიმუშები ან საკუთარი თვალთ ნანახი რიტუალი წარუშლელ შთაბეჭდილებას ახდენს მოზარდზე და ეთნიკური კულტურის ეს ელემენტები მისი ცხოვრების განუყოფელი ნაწილი ხდება. ავტორმა მოიძია ყოველივე საუკეთესო ქართულ ტრადიციულ სულიერი კულტურაში და მოზარდისათვის გასაგები ენით მოუთხრო მკითხველს.

წიგნი წარმოადგენს საქართველოს ყველა ისტორიულ-ეთნოგრაფიული მხარის მასალას. აღსანიშნავია, რომ აღწერილია ამჟამად საქართველოს საზღვრებს გარეთ მოქცეულ,

პოლიტიკოსი იყო საქართველოს პირველი პრეზიდენტი ზვიად გამსახურდია. გამიხარდა, რომ თვალსაჩინო პოეტმა და პროზაიკოსმა ზვიად გამსახურდიას და მისი თანამებრძოლის მერაბ კოსტავას ღვაწლი წარმოაჩინა კიდევ ერთხელ, ისეთ დროს, როცა ბევრ მედროვეს ჯერაც არ ეხატება გულზე.

დარწმუნებული ვარ, ჩემი უმცროსი კოლეგისა და უახლოესი მეგობრის წიგნი უკვალოდ არ ჩაივლის, რადგან იკა ძულომივით იბრძვის ეროვნულ ღირებულებათა გასარჩენად. მტკიცედ დგას ქართული მწერლობის სადარაჯოზე, რაც ქვეყნის მომავლისათვის სიკეთეს და სამართლიანობას გაამრავლებს და ნამდვილ მკითხველს თეთრისა და შავის მიუკერძოებლად გარჩევას ასწავლის!

ისტორიულად და ეთნიკურად ქართულ მხარეთა სანესჩვეულებო ტრადიციებიც და ეს მეტად მნიშვნელოვანია.


ავტორი თავს უყრის ქართულ ხალხურ დღესასწაულთა და სანესო სარიტუალო პრაქტიკის ძირითად ნაწილს, რომელიც სანახაობრივი ელემენტებითაც არის გამორჩეული და მათში აქტუალიზებულია ბავშვის როლი სოციალის ტრადიციულ ყოფაში. წიგნში აღწერილია საახალწლო ჩვეულებანი, საშობაო და სააღდგომო დიდი დღესასწაულების თანმხლები ხალხური რიტუალები (აღილო, ჭონა); ლამპრობის, ჭიაკოკონობის, გონჯაობა-ლაზარობის, შუამთობის ტრადიციები; ძეობის სიხარულისა და სახადთა მშვიდობიანად მოხდისაკენ მიმართული რიტუალები („ბატონებთან“ დაკავშირებული წეს-ჩვეულებანი); თეატრალიზებული საკარნავალო დღესასწაულები: ბერიკაობა, მურყვამობა, ყეენობა; ნაჩვენებია უაღრესად საინტერესო და სანახაობრივადაც საყურადღებო ჩიტიფაფობა, ყვავილთა დღესასწაული, რთველი და მასთან დაკავშირებული სანესო ტრადიციები; აღწერილია შრომითი ურთიერთდახმარების ფორმები: ნადი, ოჩხარი და გამოვლენილია მათი რაციონალური როლი სანესჩვეულებო ყოფაში.

ბუნებრივია, საკმაოდ რთულია ქართული ეთნიკური სარიტუალო პრაქტიკის ლაბირინთებში გზის გაკვლევა, რადგან ტრადიციული სულიერი კულტურის შესწავლას საქართველოში მეტად ხანგრძლივი ისტორია აქვს და

თითქმის ყოველ დღეობასა ან რიტუალთან დაკავშირებით სამეცნიერო წრეებში მრავალი და ხშირად ურთიერთგამომრიცხავი მოსაზრებებია გამოთქმული. სასიამოვნოდ გაცნობილი დავრჩი გივი ჩილვინაძის ნაშრომის გაცნობით. ავტორი ღრმად იცნობს ქართულ ხალხურ სარიტუალო პრაქტიკას და მასალას გვანჯდის მეცნიერულად გაანალიზებული, გააზრებული და მოზარდისათვის გასაგები ენით. სასიამოვნოა ისიც, რომ მეცნიერებაში ხანგრძლივი დროის განმავლობაში არსებული ევოლუციონისტური, მარქსისტული მოძღვრებიდან მომდინარე დოგმები გივი ჩილვინაძის წიგნში სრულიად არ გვხვდება.

ავტორი ფაქიზი გემოვნებითა და საკითხის ცოდნით გამოარჩევს განსაკუთრებით ფასეულს ქართულ სანესჩვეულებო პრაქტიკაში და მათი აღწერით ცდილობს, მოზარდებს გაუღვივოს საკუთარ ფესვებთან სიახლოვის და ქართულ კულტურასთან თანაზიარობის განცდა.

მნიშვნელოვან მასალას აწვდის მკითხველს წიგნს დართული ლექსიკონი, რომელშიც განმარტებულია გამოყენებული ეთნოგრაფიული ტერმინოლოგია. აქვეა დამონებული ლიტერატურის ვრცელი ბიბლიოგრაფია, ანუ წიგნი წარმოადგენს მაღალ აკადემიურ და პოლიგრაფიულ დონეზე შესრულებულ გამოცემას, განკუთვნილს მოზარდი თაობისათვის. ამ ღირსებების გამო მან უკვე საყოველთაო მოწონება დაიმსახურა.



ნინო ჩხიკვიშვილი

თბილი სიჩუმე...

**„ქურნალ“ „ჩვენი მწერლობის“
2015 წლის 20 თებერვლის ნომარში
გამოქვეყნებული
თამარ შაიშვილის
ლექსების გამო**

არ ვიცი, მეჩვენება თუ არა, მაგრამ ასე მგონია, რომ ახლა განსხვავებული, უსაგნო პოეზიაა „მოდაში“. ხშირად, როცა ჩემი თაობისა და, უფრო მეტად კი, ახალგაზრდა პოეტთა ლექსებს ვკითხულობ, ისეთი განცდა მრჩება, რომ... თითქოს აღარ სცალიათ ნამდვილი პოეზიისთვის, მათი სტრიქონები იმიტომ ინერება, რომ ვიღაცასთან თავი მოინონონ, მერე კი, სახელდახელოდ, წიგნად გამოსცენ და პრემიის მოსაპოვებლად გამართულ მარათონში დაწინაურდნენ... არ ვიცი, ასეთი „მონდომება“ იქნებ კარგაცაა და ეს პროცესი (ზოგჯერ) პოეზიის „განვითარებასაც“ კი ხელს უწყობს, მაგრამ ამ ფაქტორში სადღაც იკარგება მთავარი — გულწრფელი ტკივილი, სიყვარული, სამშობლოს განცდა...

თუმცა მე, როგორც ძველმოდური მკითხველი, მხატვრულ ტექსტში, სტრიქონებში, სულ გრძნობას ვეძებ. მინდა ამოვიკითხო უკვე „მოდველებულ“ გრძნობებზე, ტკივილზე, აღსასრულის სევდაზე, სიყვარულსა თუ სამშობლოზე... და როცა თამარ შაიშვილის ლექსები წავკითხე, უცნაური ნათელი სევდა დამეფლავა, სევდა ადამიანად ყოფნისა (როგორც გოდერძი ჩოხელი იტყოდა)... და სრულიად მოულოდნელად გოდერძი ჩოხელისეული (თუმცა მხოლოდ გოდერძი ჩოხელი რატომ? გაიხსენეთ, რამდენი ასეთი სევდით სავსე მწერალი გვყავდა) ტკივილი ვიგრძენი, სტრიქონიდან სტრიქონში რომ გადაედინებოდა და მკითხველს შეფარული, ბოლომდე ამოუცნობი სევდით ავსებდა.

თბილი სიჩუმე — ეს მეტაფორა სწორედ ამ სტრიქონებიდან გამოიყვანა, ჩინებულია, თუმცა მოულოდნელი არაა თამარის ლექსებისთვის, რომელთაც უკვე შეგიძლია პოეზია უწოდო, პოეზია, რომელიც გულწრფელია და რომელიც მკითხველის თვალწინ იბადება, სიჩუმეს „ავსებს“ და ... თან მოგყვება, როგორც ნაცნობი, შეჩვეული პეიზაჟი და, ამავე დროს, მიღმიერი სამყაროს წამიერი გაელვება: ვთქვით როგორცაა — „მნიფს შინდი, როგორც ღვთისმშობელი დედის თავშალი“;

ღვთისმშობლის გახსენება უნებურად ჩაგაფიქრებს სამშობლოს ბედზე... და კვლავ სევდას „წამოგაშველებს“, სევდას, როგორც ყველა პოეტის გენეტიკური კოდია, ქართველ მწერალში ასე რომაა გამძაფრებული და... თამარ შაიშვილამშვილიც ხომ ქართველი მწერალია, მერე რა, რომ... ახლა ქართველობა აღარაა მოდაში?!

მერე რა...
ყველა ხომ ვერ აედევნება მოდას?!

ნინო ვახანია

შექსპირული ტრაგედიის გმირი

(ზუგდიდიდან ხაშურამდე)

1. თბილისიდან დილით წამოსულები ქუთაისს რომ გავცდით, შემოდგომის მზემ ძალა მოიცა და ცოტათი დალილები კიდევ გავგახალისა. უკვე სამეგრელოში, სხვებისა არ ვიცი და, მე გული სხვანაირად ამიძგერდა.

— ახლა გზას პირდაპირ რომ გავუყვეთ, სად მივალთ? — ვითომ არ იცის, ისე მეკითხება ბატონი როსტომი. კინაღამ შევცდი და ვუპასუხე, სოხუმში-მეთქი. სათქმელი ენის ნვერზე შევიკავე, ერთმანეთს შეთქმულებით გადავხედეთ და ხუთივ (მანქანაში მსხდომნი) წაგვიღო ერთმა ნაღველმა. **როსტომ ჩხეიძეც, მაკა ჯაფარიძეც**, ქუთაისში დამგზავრებული **ელგუჯა თავბერიძეც**, ჩვენი მძლოლი **თემურ მურაჩაშვილი** და მეც ერთს ფიქრსა ვფიქრობთ: როდის იქნება, რომ აქედან პირდაპირაც განვაგრძობთ გზას და დაუბრკოლებლად ვივლით სანამდისაც გავგინხარდება — გალამდე, ოჩამჩირემდე, სოხუმამდე, გაგრამდე?! ბოლოს და ბოლოს ბევრზე კი არ ვოცნებობთ, მაგრამ ჯერჯერობით ხიდს იქით ჩვენ წილ მხოლოდ უდაბნოა, ლურჯად ნახავერდები. ამჯერად კი ზუგდიდში მივდივართ სტუდენტებსა და პედაგოგებთან შესახვედრად.

— დღეს მართალი და გულწრფელი სიტყვა წამლის ტოლფასიაო, — შეხვედრის შემდეგ გამართული მცირე ტრაპეზის დროს თქვა **კახა ქორთუამ**, ზუგდიდის უნივერსიტეტის ადმინისტრაციის უფროსმა (პროფესორი ისტორიკოსმა) და ასე გადაუხადა მადლობა როსტომ ჩხეიძეს იმდღევანდელი ლექციისთვის.

29 ნოემბერს **ზუგდიდის უნივერსიტეტის** ერთ-ერთ აუდიტორიაში სწორედ მართალი სიტყვის მოსასმენად შეკრებილიყვნენ სტუდენტები და პროფესორ-მასწავლებლები. გამოცხადებული იყო, რომ როსტომ ჩხეიძე **ივანე მაჩაბლის** შესახებ ისაუბრებდა, რაც იმავე დროს მისი პიესის, „26 ივნისის საიდუმლო“, წარდგინებაც იქნებოდა.

ზუგდიდის უნივერსიტეტი 2007 წლამდე თსუ-ს ფილიალი ყოფილა. შემდეგ კი დამოუკიდებელი გახდა და დღეს **შოთა მესხიას სახელობისაა**. სიხარულითა და ხაზგასმული პატივისცემით მივიღო სტუმრები რექტორმა, არაჩვეულებრივმა ქალბატონმა **თეონა ხუფენიამ**. სიამაყით დავგათვალისწინებინა უნივერსიტეტის შენობა, მოვილილ-გაკრიალებული დერეფნები და შესანიშნავი აუდიტორიები, ისეთი, კაცს გული რომ მიუფა, ლექციის მოსასმენადაც განაწყობს მსმენელს და თავსაც სრულფასოვან, ღირსეულ, დაფასებულ ადამიანად აგრძნობინებს. ყველაფრიდან ჩანს, აქ მარტო სტუმრებს არ სცემენ პატივს, უპირველესად სწორედ საკუთარ სტუდენტებსა და მათ აღმზრდელებზე ზრუნავენ, მათ აფასებენ...

ქალბატონი თეონა უნივერსიტეტის საჭირობოროტო საკითხებზე გვესაუბრება, თან წამდაუნუმ გვებოდიშება — ხან იმის გამო, რომ ტელეფონის ხარი აწყვეტინებს საუბარს, ხან — საღამოს გამართვა დიდ სააქტო დარბაზში რომ ვერ მოუხერხდა, ხან რის და ხანაც — რის... მერე მსმენელებით გადავსებულ ოთახში შევიძღვება, სტუმარს — როსტომ ჩხეიძეს — წარუდგენს შეკრებილთ. დანაწილებით იტყვის, რომ ადმინისტრაციული საქმეების გამო თვითონ ბოლომდე ვერ დაესწრება შეხვედრას, კიდევ ერთხელ მოგვიბოდიშებს და სიტყვას უნივერსიტეტის პროფესორს, ფილოლოგს, ჩვენს მეგობარ **ნესტან ფიფიას** გადასცემს.

ნესტანს უჭირს მოკლედ საუბარი — საკუთარი გრძნობებიც უნდა გამოხატოს, ბატონი როსტომის მრავალმხრივ მოღვაწეობაზეც თქვას თუნდ მცირედი, ზუგდიდის უნივერსიტეტის მუშაობაც ასწავლოს... და ეს ყველაფერი ორიოდვე წუთში მოასწროს, რათა დრო მოწვეულ ლექტორს დაუთმოს, ვის მოსასმენადაც შეკრებილა დღეს აქ ამდენი ხალხი.

ნესტან ფიფია:
დღეს ზუგდიდის სასწავლო უნივერსიტეტში მოლოდინის აღსრულების დღეა.

გვენვია ბატონი როსტომ ჩხეიძე; ნიჭით, შემოქმედებით ბარაქიანობით, კაცთმოყვარეობით გამორჩეული ადამიანი.

ქართველთა სამკვიდროს ქეშმარიტი ჭირისუფალი. ბატონი როსტომის ათეულობით სქელტანიან ქმნილებას, თარგმანებს, მის მიერ აღდგენილ სალონურ კულტურას ნარდგენა ჩვენგან არ სჭირდება, მაგრამ არის განსაკუთრებული მაღლი, რასაც კეთილი მეზალის მიერ ნერგი კეთილობის ხელდასხმა და ნიჭის ქომავობის წყურვილი ჰქვია. ოთარ ჩხეიძის ფუძეზე, ნითელი რეჟიმის დროს სამართლიანობისათვის ბრძოლის გარემოში აღზრდილი როსტომ ჩხეიძე ერის, გენის, სამართლიანობის ერთგული რაინდია. მას მრავალთაგან გამომარჩევს სწორედ ნიჭის ქომავობის წყურვილიც.

ბატონი როსტომი სანთლით კი არა, შინაგანი ნათლიერების ჩირაღდნით დაეძებს ნიჭს, ნიჭის ნასახს საქართველოში, რათა ის არ დაიკარგოს, არ დაეკარგოს გასახარჯად საქვეყნო საქმეს, ქვეყანას, დღევანდელი სტუმრობაც ამის დასტურია. ის მობრძანდა უნივერსიტეტში საჯარო ლექციის წასაკითხად.

უნდა აღინიშნოს, რომ შემოქმედებითი ურთიერთობა ბატონ როსტომთან ჩვენს სტუდენტებს დაწყებული აქვთ. რამდენიმე სტუდენტმა ბოლო ორი წლის განმავლობაში წარმატებით დაიცვა საბაკალავრო ნაშრომი მის ბიოგრაფიულ რომანებზე 2012-13 წელს — „მზის რაინდის“, „მზე და მწუხრის“, „ყაზბეგიანას“ მიხედვით, 2013-14 სასწავლო წელს „ბურჯი ეროვნებისას“ მიხედვით.

2014-15 სასწავლო წელს ბაკალავრი თათია ჯაპავა მუშაობს თემაზე „შავი ჩოხის“ მიხედვით, სალომე ჭკადუა კი „მგზავრი თიბათვის თვეში“ მიხედვით.

აღნიშნული თანამშრომლობა მაღლიანი აღმოჩნდა, თამამად ვიტყვი. ამის უფლებას მაძლევს იმ სტუდენტთა აღტაცება ბატონი როსტომის წიგნების გაცნობის შემდეგ არსებისმომცველი სინრფელით რომ იტყვიან:

- მთელი ეპოქაა.
- ჩავიკარგე მწერლის მიერ შექმნილ სამყაროში.
- ეს წიგნი არ უნდა გამომჩინოდა.

ბატონებო და ქალბატონებო, საუბარი როსტომ ჩხეიძის ღვანლსა და შემოქმედებაზე ვრცელი და ძნელია თავისი მრავალფეროვნების გამო. მე მხოლოდ გილოცავთ შემდგარ საინტერესო შეხვედრას და ვიტყვებთ იმედს, რომ ეს არის დასაწყისი შემდგომი ურთიერთობისა.

შემდეგ სიტყვა უნივერსიტეტის პროფესორმა ბელა მოსიამ თხოვა და ცამეტი წლის განმავლობაში გულში ნატარები ხმამაღლა გაამჟღავნა:

2001 წელს გაზეთ „ახალ ეპოქაში“ (უფრო სწორად, მის ლიტერატურულ დამატებაში „ჩვენი მწერლობა“) დაიბეჭდა გამომხატურება ჩემს ახალგამოცემულ მონოგრაფიაზე. წიგნს ერქვა „ახალი ალექსის სახისმეტყველებითი აზროვნების ასახვა ქართულ ფოლკლორში (მეგრული მასალების მიხედვით)“. რეცენზენტი მაღალ შეფასებას აძლევდა ჩემს ნაშრომს. მე კი, მონოგრაფიის ავტორი, ბატონ როსტომს, ამ გაზეთის რედაქტორს, პირადად არც ვიცნობდი. ახლა, ცამეტი წლის შემდეგ საჯაროდ ვუხედი მაღლობას იმ გულისხმიერებისა და დაფასებისთვის, რაც მაშინ ასე უშურველად გამოიჩინა. სამადლობელო კიდევ ბევრი აქვთ აქაურებს, თუმცა უჯობთ სტუმარს მოუსმინონ. აქვე გთავაზობთ როსტომ ჩხეიძის ლექციის მოკლე ჩანაწერს:

ამ კედლებში პირველად ვარ. ზუგდიდში პირველად არ ვარ. ჩემი წიგნების განხილვაც ყოფილა, სხვისი წიგნების განხილვაშიც მიმიღია მონაწილეობა, საჯარო ლექციებიც წამიკითხავს. დღეისთვის მე და ქალბატონმა ნესტანმა საჯარო ლექციის თემად შევარჩიეთ ივანე მაჩაბლის ტრაგიკული გაქრობის ამბავი.

ეს არის ყველაზე მღელვარე ხანა, დახუნძლული მძაფრი, მწვავე მოვლენებით, ათასნაირი წინააღმდეგობებით, შეჯახებებით და, თუ ვინმე წარმოდგებოდა იმხანად გამოკვეთილ ფიგურად, ივანე მაჩაბელი. მისი სახელი დღეს უფრო ცნობი-



კახა ქორთუა, როსტომ ჩხეიძე, თეონა ხუფენია

ლია უილიამ შექსპირის მთარგმნელად და ნაკლებადაა დაფასებული, როგორც ქართული ენის კანონმდებელი. უნდა იცოდეთ, რომ ილია ჭავჭავაძესთან, აკაკი წერეთელსა და იაკობ გოგებაშვილთან ერთად ივანე მაჩაბელსაც მიუძღვის გამორჩეული წვლილი ქართული ენის ნორმების დადგენაში.

XIX საუკუნის 80-იანი წლებიდან ილია ქვეყნის პრეზიდენტად მოიაზრება, ხოლო ივანე მაჩაბელს მის შემცველად მიიჩნევენ. ეს ის დროა, როცა ყველა, ვინც კი საზოგადოებრივ ასპარეზზეა, ცდილობს ილიას დაემსგავსოს, აგერ გამოჩნდა ახალგაზრდა კაცი, ივანე მაჩაბელი და ისიც ცდილობს ილიას დაემსგავსოს. ილიამაც ამოიყენა ვანო გვერდით, რამაც ხელისუფლება შეაშფოთა.

თუ ვინმე შეეგება ვანო მაჩაბელს სიხარულით, ეს ილია იყო. მათ ერთად მოჰკიდეს ხელი „მეფე ლირის“ თარგმნას შექსპირის თარგმნა სხვებმა დაიწყეს. დიმიტრი ყიფიანის მიერ თარგმნილი „რომეო და ჯულიეტა“ პირველად ბანძამი დაიდგა, ნიკო დადიანის, შალვა დადიანის მამის თაოსნობით. აქედან იწყება ჩვენში შექსპირიანა. სხვათა შორის, ყველა იდეა, რომელსაც ილიამ მოაბა თავი, სხვისა იყო. იდეების დაუშრეტელ წყაროდ განსაკუთრებით დიმიტრი ყიფიანი მოჩანს. თუმცა დაინახავს თუ არა, რომ სხვა უკეთ შეასრულებს მის წამოწყებულ საქმეს, მაშინვე უთმობს ასპარეზს. ასე მოხდა შექსპირის თარგმნასთან დაკავშირებითაც. გამოჩნდა თუ არა ივანე მაჩაბელი, დიმიტრი ყიფიანმა შექსპირს თავი მიანება.

ილიას და ივანე მაჩაბლის პოზიციები ბანკში გაიხლიჩა და კიდევ მოყვა ტრაგედია. სამკვედრო-სახიცოცხლოდ გადაედგინენ ისინი ერთმანეთს.. თავიდან ეს იყო კამათი ორ მეგობარს, ერთმანეთის მოყვარულ ადამიანებს შორის. თითქოს უბრალო რამით დაიწყო უთანხმოება. ილია უფრო მკაცრი საბანკო პოლიტიკის მომხრე იყო, მაჩაბელი კი — უფრო ლიბერალურის. როგორც ხშირად ხდება ხოლმე, ჩაერივნენ სხვები და მთელი თბილისი ორად გაიყო, ქართლი და კახეთი სხვადასხვა მხარეს აღმოჩნდა. ილია რომ თავგადაკლული იბრძოდა საქართველოს ერთიანობისთვის, ახლა მის თვალწინ იშლებოდა ერთიანი საზოგადოება. მაშინდელი ბანკი ფაქტობრივად პარლამენტი აღმოჩნდა, სადაც შესვლა და პაექრობაზე დასწრება თავისუფალი გახლდათ. დირექტორობის ორივე კანდიდატს საკუთარი მხარდამჭერები ჰყავდა. თუმცა ვანო მაჩაბელს, როგორც ახალგაზრდასა და გამოცდილი მოპაექრისაგან დაჩაგრულს, უფრო მეტი ადამიანი უჭერდა მხარს.

საყურადღებოა ერთი ფაქტი. ვანომ მოინდომა „დროების“ რედაქტორობა. სერგეი მესხი დააკვდა ამ გაზეთს, შექმნა, გამოსცა და კიდევ გადაყვა მას, ახალგაზრდა გარდაიცვალა. და აი, როცა სერგეი მესხი ავად გახდა და რედაქტორობა მაჩაბელს

უნდა აეღო ხელში, ხელისუფლებამ, რომელიც ამ ამბით შემოფოთებული იყო, არ მისცა დრო ახალ რედაქტორს ვალეების გადასახდელად. სულაც წინასწარ მოსთხოვა ვალეების გადახდა, რისი შესაძლებლობაც მაჩაბელს არ ჰქონდა. ილიამ წერილი მისწერა დავით მესხს და სთხოვა, მას ეთავა, რომ ქართველი საზოგადოება დახმარებოდა მაჩაბელს. მე ამდენი შემომინიროა და სხვებიც მხარში უნდა ამოუდგნენ ამ კარგ საქმესო. ამას ახდელად ვერ ვიტყვი, რადგან მე ვანო დაპირისპირებული ვართ და ჩემგან დახმარებას არ მიიღებო. ამ წერილით კარგად ჩანს ილიას პიროვნება. მისთვის ჯერ საზოგადოებრივია უწინარესი და მერე — პირადი. მოგვიანებითაც, როცა მაჩაბელი უკვე მარტო თარგმნიდა შექსპირის პიესებს, „ივერია“ ხელმოუწერელი სტატიით, რომლის ავტორიც ილია ჭავჭავაძე გახლდათ, გამოეხმაურა ამ თარგმანებს. მიგვანინა ისინი ქართული კულტურის შენახენად და ქართველი საზოგადოების გამარჯვებად, — აღნიშნავდა ავტორი. მაჩაბელსაც არანაკლებ უყვარდა ილია, მაგრამ დაპირისპირებას მაინც ვერ დაუსხლტენ. ვანომ რამდენჯერმე უარი თქვა ილიასთან ბრძოლაზე, მაგრამ ამის საშუალება მომხრეებმა არ მისცეს. გადასახლებული დიმიტრი ყიფიანის მკვლელობის ამბავი რომ გაიგეს, ვანომ და ილიამ ერთად იტირეს...

ილიამ ბრძოლა ლამის წააგო. მაჩაბელს მეტი მომხრე ჰყავდა და აქ მას მოუვიდა საბედისწერო შეცდომა. ქვეყნდება ანონიმური წიგნი, სადაც მოთხრობილია ილია ჭავჭავაძე. გველუბაპივით აწევს ქვეყანას, წყალს არ უშვებს ჩვენკენ, ყველაფერი თავისთვის უნდაო, რასაც კი ხელი მოკიდა, სულ წაახდინა, სხვა უკეთ გააკეთებდა, მაგრამ არავის არაფერს ანდობსო, და სხვა. ნიგნაკის ავტორი მაჩაბელი გახლდათ. ამ წიგნმა მკითხველზე საპირისპიროდ იმოქმედა და სასწორი ილიასკენ გადაიხარა.

დავით ერისთავმა, „სამშობლოს“ ავტორმა, ტივებით ჩამოიყვანა ხალხი, ვანოს გამარჯვება რომ ეზვიდით, მაგრამ გამოიარა ილიამ დიდი უპირატესობით.

თუმცა გამარჯვებულმა შესთავაზა წაგებულს ბანკში დარჩენა, მაგრამ იგი წავიდა ბანკიდან და საერთოდ, ცოცხლად დაინგრა, დაიშალა. ამას იმით ხსნიან, დამარცხება განიცადაო. ვინც იცნობს ივანე მაჩაბლის პიროვნულ ხასიათს, მიხვდება, რომ გამორიცხულია, ამის გამო გამხდარიყო ცუდი. მან ვერ გადაიტანა ის ბროშურა. იცოდა, რაც იქ ეწერა, პირმნიდან ტყუილი იყო. თვითონ პატიოსანი კაცი სხვებს აპყვავდა და ამან მიიყვანა იქამდე, რომ ძლივს გადარჩა.

მაჩაბელი გაქრა შუაგულ თბილისში. გაოგნდა ყველა, შემფოთდა მთელი საზოგადოება. გაისმოდა ათასნაირი ტყუილმართალი. შეითხზა უამრავი ჭორი. ერთი ვერსიით, მტკვარში გადავარდაო. გაჩხრიკეს მტკვარი კასპიის ზღვამდე, მაგრამ გვაში ვერ იპოვეს (როცა XX საუკუნის 60-იან წლებში მტკვარში უნებურად გადავარდა ცნობილი მეცნიერი, მჭერმეტყველი, ნიკოლოზ კანდელაკი, მისი გვაში მალევე აღმოაჩინეს მდინარეში). ისიც ითქვა, დუხობორებს გაჰყვა საბერძნეთშიო. არაფერი საერთო მათთან არ ჰქონდა და საქართველოს ვიღაც რუსი სექტანტების გულისათვის როგორ მიატოვებდა. ერთი სიტყვით, შექსპირის გამირივით გაქრა... ამით კარგად ისარგებლეს სოციალ-დემოკრატებმა და მხვრილი ილიასკენ მიმართეს, მისი სახელის გატყვევას შეეცადნენ. მოკლავდა ის, ვისაც მისი არყოფნა ხელს აძლევდაო, გამჭვირვალედ მიუთითეს ილიასკენ. აქედან დაიწყეს ილიას დისკრედიტირება. მერე სხვა წერილებიც მოაყოლონ და უღმობელი წამოწყება წინამართლი დაამთავრეს.

თედო სახოკიამ, შალვა დადიანმა, გერონტი ქიქოძემ, ნესიერმა, პატიოსანმა ადამიანებმა იცოდნენ სიმართლე ივანე მაჩაბლის საიდუმლო გაქრობასთან დაკავშირებით. იცოდნენ, რომ ეს ოჯახური დრამის შედეგი იყო. მათ უამბეს ამის შესახებ ვახტანგ ჭელიძეს და ოთარ ჩხეიძეს. მეც იმათგან ვიცი. ვახტანგ ჭელიძემ დაწერა შესანიშნავი ბიოგრაფიული რომანი ივანე მაჩაბელზე. მკითხველს თვალწინ გადაეშლება ხასიათები, მთელი ეპოქა. რომანი წყდება იმით, რომ ილია ძალიან განიცდის მაჩაბლის გაუჩინარებას. ღია ფინალია, მოშარავანდებული ლეგენ-

დით. სიმართლის დაწერის დრო ჯერ არ არისო, — ამბობდნენ ისინი. მე კი დავეწერე მხატვრულ-დოკუმენტური პიესა, „26 ივნისის საიდუმლო“, სადაც ილია ჭავჭავაძე გამოვიყვანე გამომძიებლად, დეტექტივად და კიდევ გავახსენებინე საქმე.

ცნობილია, აკაკი ეტრფოდა ტასო ბაგრატიონ-მაჩაბელს. უძღვნიდა ლექსებს, უგზავნიდა წერილებს. ეს იყო პლატონური სიყვარული და არაფერი მეტი. სოსო სიგუამ ფსიქონალიზის მეთოდი მოიმარჯვა და ისე წაიკითხა აკაკის „გამზრდელი“, რომელიც პოეტმა მაჩაბლის დაკარგვის შემდეგ მალევე დაწერა. 60 წლის მწერალმა დიდი გზნებით შექმნა ეს ნაწარმოები. დარწმუნებული ვარ, აკაკიმ საკუთარი თავი იგულისხმა საფარ-ბეგში. საკუთარ თავს მოექცა ძალიან მკაცრად, უღმერთოდ. უკიდურესი სიმძაფრით ამოაფრქვია თავისი განცდები, მე ვარ დამნაშავე, თუნდაც ფიქრში.

შეუძლებელია, ილიას გამოუკვლეველი დარჩენოდა ეს ამბები. აკაკიმ ქალის ღირსების გადასარჩენად სიმართლის დამალვა არჩია. ილია არ ეთანხმებოდა, მაგრამ როცა აკაკიმ უთხრა, ტასო თავს მოიკლავს და არც მე ვიციოცხლებო, ილიაც იძულებული გახდა, პირში წყალი ჩაეგუბებინა. ორი ადამიანი იყო მაშინ საქართველოში, ვისაც ილია გაუწევდა ანგარიშს — აკაკი წერეთელი და იაკობ გოგებაშვილი. გოგებაშვილს ამ საქმესთან არაფერი აკავშირებდა, აკაკი კი სისხლხორცულად იყო დაინტერესებული სიმართლის დამალვაში და ილიამაც მას თანაუგრძნო.

...
ლექციის შემდეგ წიგნის ავტორმა ერთი საგულისხმო პასუხი წაიკითხა პიესიდან მსახიობური ოსტატობით.

...
თითქოს გამოგნებელი, თავზარდამცემი ამბავი გაიგო საზოგადოებამ. არადა, პირველად არ ესმით. პიესა წიგნად 2011 წელს გამოვიდა და მსმენელთაგან ბევრსა აქვს წაკითხული. ლექციის შემდეგ ჩამოვარდნილი სიჩუმის რამდენიმე წამი ბატონი როსტომის კიდევ ერთი გამარჯვებაა. დოკუმენტებით გამყარებულ სიმართლეს ორატორის არტისტიზმი უფრო გამოკვეთს და ათვალსაჩინოებს. პიესიდან ერთი ნაწყვეტის წაკითხვა წარუშლელ შთაბეჭდილებას ახდენს მსმენელზე. სწორედ ამის დასტური გახლდათ რამდენიმე ხნის განმავლობაში გაყურებული, სუნთქვაშეკრული დარბაზი. მერე კი, ზაფრის გადავლის შემდეგ, სეტყვასავით წამოვიდა კითხვები:

— ოჯახური დრამის შესახებ ილიას სადმე უწერია თუ თქვენი ფანტაზიაა? — მიმართავს ლექტორს ბიზნესის ფაკულტეტის მაგისტრატურის სტუდენტი **ზენა ძიძარია**.

ამ ეკონომისტ-მათემატიკოსებს ხომ ყველაფერი დოკუმენტურად მოწესრიგებულ-დადასტურებულ-დასაბუთებული უყვართ. მწერლური ფანტაზიის სიმართლისა არა სჯერათ.

— პიესის დაბეჭდვის შემდეგ, — უპასუხებს ბატონი როსტომი, — ქუთაისის მუზეუმის არქივში ტრიფონ ჯაფარიძის მოგონებებს მიაგნო და გამოაქვეყნა ისინი ციცილი მუმლაძემ. ტრიფონ ჯაფარიძე მოულოდნელად და ჩემდა სასიხარულოდ, ადასტურებს, რომ ილია ჭავჭავაძეს მიაჩნდა, ვანო მაჩაბლის დალუპვა ოჯახური დრამის შედეგი იყო.

— ილიას მკვლევლობაში რომ „იმერელი ბიჭი“ ურევია, ნოდარ გრიგალაშვილმა დაწერა, სერგო ორჯონიკიძე არ არისო, და დავიჯეროთ? — სხვა კალაპოტი მისცა საუბარს **ნესტან ფიფია**.

ბატონი როსტომი დარწმუნებულია, რომ ილიას მკვლევლობაში ორჯონიკიძის ხელი ამკარავდ ურევია და „იმერელი ბიჭი“ თუნდ სხვა აღმოჩნდეს, ამით სერგო ორჯონიკიძის ავკაცობა ოდნავადაც ვერ შემცირდება.

კითხვა-პასუხში უნივერსიტეტის ლექტორები; **თამთა როგავა, კახა ქორთუა და ზენაბ სარია**, სტუდენტი **ნოე თოფურია**ც ჩაერთვნენ.

— შოთა რუსთაველმაც რეალისტურად მოგვიტანა სამეფო კარის ამბები. ახლა ქვეყანას რთული ეპოქა უდგას. რომელი ვამჯობინოთ — ლეგენდა თუ სინამდვილე? რამდენადაა საზოგადოება სიმართლისთვის მზად?

— უნდა მოვამზადოთ საზოგადოება სიმართლისთვის. ლეგენდაც დარჩეს: გაქრეს შექსპირის მთარგმნელი შექსპირის გმირივით. ოღონდ მე მომხრე ვარ — როგორი მწარეც უნდა იყოს სიმართლე, ის უნდა ვიცოდეთ შეულამაზებლად. ბოლოს და ბოლოს, ამ შემთხვევაში გავათავისუფლოთ ცილისწამებისგან ილია.

— აკაკის ჯენტლმენობის შესახებ ვიცით, მაგრამ სიმართლის დაფარვა დანაშაული არაა? საიდან, რომელი წყაროებიდან ჩანს, რომ ტასო აკაკის შეეხმინა და მას უხმო დასახმარებლად? ეს ამბავი ილიამ იცოდა?

— ჩანს თედო სახოკიას ნაამბობიდან. სხვათა შორის, 1938 წელს, ლოგინად ჩავარდნილმა სოსიკო მერკვილაძემ შეუთვალა თედოს, მნახოსო. სავარაუდოდ, ამ ამბის თქმა უნდოდა, მაგრამ ვერ მოასწრო. ვვარაუდობ, რომ ილიამ სიმართლე იცოდა.

— მაინც რჩება კითხვები...

— თედო სახოკია ტყუილს არ იტყოდა. მისი ვარაუდიც კი საყურადღებოა. ჩანს, რომ რეალური ამბავია.

— რატომ არ გაამჟღავნებოდა ოფიცრის ვინაობა?

— არ ვიცი და იმიტომ. თედო სახოკიამ იქნებ იცოდა, მაგრამ მე არ ვიცი. და ეს არც არის მთავარი...

რეპლიკა დარბაზიდან; — არც ის დარჩებოდა უცნობი...

მსმენელი ღელავს. ტასო მაჩაბელს ჩრდილი მიადგა. არ ემეტებათ ულამაზესი ქალბატონი... პიესისთვის, დრამატურგიული კონფლიქტისათვის კი კარგია, მაგრამ რამდენად მართალია? რეალობა? მაინც შეჩვეული ჭირი ხომ არ გვირჩევნია. არ თქმულა, მაგრამ ქვეტექსტი ამკარაა: იყოს ისეე ბანკის საქმეების გამო შურისძიება ან ლეგენდურ-მისტიკური გაქრობა. სიმართლე მწარეა.

ახლა ელგუჯა თავბერიძე მიმართავს ცნობისმოყვარეობით ატაცებულ, უფრო მეტის გაგების სურვილით შეპყრობილ აუდიტორიას:

— როსტომ ჩხეიძის ეს პიესა („26 ივნისის საიდუმლო“) ლიტერატურულ-დოკუმენტური ნაწარმოებია. ლიტერატურულად ნებისმიერი ამბავი შეიძლება ნებისმიერად დამუშავდეს და კარგად დანერგოს ყოველთვის ექნება სიცოცხლისა და არსებობის უფლება, თუნდ რეალობისგან შორსაც იდგეს. თუმცა როსტომის ეს პიესა რეალობასთან ყველაზე მიახლოებული ვერსიაა, მიუხედავად იმისა, რომ მასში დოკუმენტები გამოყენებული არაა. თედო სახოკიას „ჩვენი საუკუნის ადამიანები“ ბევრ საინტერესო ინფორმაციას გვანდის. ავტორმა ბევრი კულუარული ამბავიც იცოდა. ვფიქრობ, სიმართლის დრო არასოდეს იქნება, თუ ერთხელაც არ თქვი. მე ეჭვიც არ მეპარება, რომ ილია ამას გამოუძიებლად არ დატოვებდა. ის ბრალდება ხომ უნდა აეშორებინა თავიდან, რასაც მარქსისტები უფრცვლებდნენ. ტრიფონ ჯაფარიძის მოგონებები ახლა წიგნადაც გამოვიდა. იქ რაც სერია, ნამდვილია. თვითონ საინტერესო პიროვნება გახლდათ. მას აქვს შედგენილი აკაკის თხზულებათა კრებული, რომელიც შემდეგ ერთმა ჯგუფმა მიითვისა... საყურადღებოა, რომ აკაკიმ „გამზრდელის“ ფესვები, რაც შეიძლება, შორს გადასწია, მოქმედება აფხაზეთში გადაიტანა ალბათ, იმიტომ, რომ იოლად ვერავის ამოეცნო დაშიფრული ამბავი. მაგრამ ილიას თვალს რამე გამოეპარებოდა?! შეიძლება, მომავალში კიდევ გამოჩნდეს დოკუმენტები, რომლებიც ამ ვერსიას დაადასტურებენ.

პიესისგან კიდევ ბევრ რამეს გაიგებთ. ძალიან შთამბეჭდავდაა დახატული სოციალ-დემოკრატიის სახეები. ისინი ბოგინობდნენ იმ ქვეყანაში, რომლისთვისაც ილიას უნდა მოეველო.

ამ მრავალმნიშვნელოვანი აზრის გამოთქმით დაასრულა თავისი სათქმელი ბატონმა ელგუჯამ, ნესტან ფიფია კი შეაჯამა:

— ჩვენი შეხვედრა კი არ დასრულდა, ის მხოლოდ დაიწყო და მომავალში აუცილებლად უნდა გაგრძელდეს.

ვიშლებით და არც გვეთმობა ერთმანეთი გასაშორებლად.

აგერ, ერთმა ლექტორმა სოხუმში გატარებული სტუდენტობა გაიხსენა, მეორემ — სოხუმელი ლექტორი, რომელიც 90-იანებში ზუგდიდში უკითხავდა ლექციებს... რღაც ხში-



ხაშურის I საჯარო სკოლის VI კლასის მოსწავლეები

რად ვასწავნებთ სოხუმს, აფხაზეთს... ჰაერიც თითქოს ტკბილმწარე მოგონებებითაა გაჟღენთილი. ფიზიკურდაც ისე ახლოს ვართ მონატრებულ მხარესთან, იოლად ვაძლევთ თავს სასიამოვნო ილუზიებით მოტყუების უფლებას — თითქოს იქაური ცა დაგვეყურებს და იქაური ჰაერით ვსუნთქავთ.

უცნაური და იდუმალ-მეტაფიზიკური ძაფებით გადაება ერთმანეთს ივანე მაჩაბლის გაქრობა და აფხაზეთის დაკარგვა.

რა საერთო აქვს ამ ორ ტრაგედიას ერთმანეთთან? ალბათ, არც არაფერი ან იქნებ თვალისთვის შეუმჩნეველი ღრმა და საფუძვლიანი რამე? ამაზე არ ვსაუბრობთ. უნივერსიტეტის ეზოში სამახსოვრო ფოტოს ვიღებთ და, კაცმა არ იცის, ჩვენს სახეებზე აღბეჭდილი ფარული ნაღველი ივანე მაჩაბლის ბედის გამოძახილია თუ აუტანელი ნოსტალგიის.

II.

ზუგდიდური შთაბეჭდილებებიდან ჯერ კარგად გამოსული არც ვიყავით, როცა გავიგეთ, რომ იმავე საკითხით, ივანე მაჩაბლის ტრაგიკული დაკარგვით და ამ თემაზე დაწერილი პიესით ახლა ხაშურის პირველ საჯარო სკოლაში დაინტერესდნენ. „26 ივნისის საიდუმლო“ ავტორი, როსტომ ჩხეიძე, პარასკევს, 12 დეკემბერს, პირველ საათზე სკოლაში გახლდათ და მოსწავლეებსა და მათ აღმზრდელებს ესაუბრებოდა. მანამდე, ახალგაზრდა, მაგრამ უკვე გამოცდილმა დირექტორმა, მორის დანდურიძემ, რომელიც ამ სკოლაში სულ ახალი (ათიოდე დღის) დანიშნული აღმოჩნდა, თავის კაბინეტში მიგვიღო, გულმტკივნეულად და სიყვარულით გვესაუბრა სკოლაზე, ქალაქზე, აღზრდისა და სწავლების საჭირობოროტო საკითხებზე. გავიგეთ, რა გულმოდგინედ ემზადებიან სკოლის 100 წლის იუბილეს აღსანიშნავად. ეს ძველისძველი, მკვიდრად ნაგები, მდიდარი წარსულის მქონე სკოლა სამართლიანად ამაყობს თავისი აღზრდილებით, უპირველესად მაინც გრიგოლ კიკნაძით.

ამჟამად მწერალთან შეხვედრის თაოსანი ქართული ენისა და ლიტერატურის მასწავლებელი, VI კლასის დამრიგებელი, ქალბატონი ფატი კურტანიძეა. ალბათ, ამიტომ მსმენელთა დიდი ნაწილი მეექვსეკლასელებია, მათთან ერთად კი, აბა, ამ შემთხვევას ხელიდან ვინ გაუშვებს და, მაღალკლასელებიცა და მასწავლებლებიც შეკრებილან. გემოვნებით მოწყობილი კაბინეტი თავისთავად მეტყველებს პედაგოგის ღირსებასა და მონოდებაზე. თვალნათლივ ვრწმუნდებით, როგორ უყვართ აქაურებს ქართული სიტყვა, როგორ აფასებენ მწერალს, როგორ უფრთხილდებიან სსოვნას, უვლიან და ესათუთებან ისტორიას და იმედით შეპყურებენ მომავალს.

სტუმრის უშუალო, გულითადა და იმავე დროს პროფესი-
ულმა საუბარმა, როგორც ყოველთვის, ახლაც მოხიბლა, მოაჯა-
დოვა მსმენელი. არც მიფიქრია, რომ ერთი კვირის წინ წა-
კითხულ ლექციას ახლაც სიტყვა-სიტყვით გაიმეორებდა. ასეთი
რამ მისი რანგის ლექტორისგან მოსალოდნელი არ არის, მაგრამ
ასე განსხვავებულად თუ შეძლება იმავე თემაზე მსჯელობას
და ისე, რომ არც ემსი მოკლებოდა ნათქვამს და არც შემეცნები-
თი მნიშვნელობა, მაინც ვერ წარმომედგინა. მწერალმა შეკრე-
ბილთ ხელისგულზე გადაუშალა XIX საუკუნის საზოგადოებრი-
ვი ცხოვრების სხვადასხვა მხარე. დინჯად და ძირისძირობამდე
მოჩხრიკა ბევრი მნიშვნელოვანი და დასამახსოვრებელი ამბავი,
ყურადღება გაამახვილა მოღვაწეთა პიროვნულ თვისებებზე,
გამოკვეთა ხასიათები, საგულისხმოდ შეაფასა მოვლენები.

ლექცია ისე იყო შეკრული და აგებული, რომ მოსწავლეებს არ
გაუჭირდებოდათ ზნეობის მაგალითების ამოკრება, თუმცა არ-
ცერთი დიდაქტიკური მოწოდება არ გახმოვანებულა. სხვადასხვა
კუთხიდან დაეინახეთ, სხვადასხვა ჭრილში გავეცანით ილია ჭავ-
ჭავაძის, აკაკი წერეთლის, ივანე მაჩაბლის, დიმიტრი ყიფიანის,
ნიკო ნიკოლაძის, სერგეი მესხის, სხვათა საქმიანობას. ერთიანო-
ბაში, მთლიანობაში გავიაზრეთ და აღვიქვით მათი გამორჩეუ-
ლობის საფუძველი. გამოიკვეთა: ინდივიდუალური თვისებებით
ერთმანეთისგან განსხვავებულ ადამიანებს საერთო მიზანი აერ-
თიანებდა, პიროვნულზე მაღლა საზოგადოებრივი ინტერესების
დაყენებით არარსებული, გამქრალი სახელმწიფოს კვლავ ამოგე-
ბას ესწრაფოდნენ. ეს მუხტი მსჭვალავდა საუბარს.

მოსწავლეთა ცნობისმოყვარე, გაფართოებული, მრავ-
ლისმეტყველი თვალები სარკესავით ირეკლავდა ყოველი
ფრაზის, წინადადების, აზრის განწყობას.

და კიდევ აქტიურად ჩაერთვნენ ლექციის შემდეგ გამარ-
თულ სჯა-ბაასში მეექვსეკლასელები: **დემეტრე კაპანაძე, მა-
რიამ ზაზაძე, ნიკოლოზ ბარბაქაძე, საბა გოგიჩაიშვილი,
ინოლა ღონდაძე, არჩილ ცაცანაშვილი, ნინო რომაშვილი,**
მეათეკლასელები: **ქეთი ბარბაქაძე, დავით ბარათაშვილი,
დავით კონსტანტინოვი, ანი ბერიძე.**

ზავშვური გულწრფელი თბილი ხიზნი ზოგჯერ თავადვე სვამ-
დნენ შეკითხვებს, თავადვე პასუხობდნენ მათზე, თავადვე გა-
მოთქვამდნენ ვარაუდებსა და მოსაზრებებს... თქვენ რას ფიქ-
რობთ? თქვენ როგორ შეაფასებთ? თქვენ როგორ წარმოგიდ-
გენიათ? თქვენი აზრი გვაინტერესებს. თქვენ რომ იქ ყოფი-
ლიყავით, როგორ მოიქცეოდით? ვის დაუჭერდით მხარს?
თქვენ მიხვდებოდით? გამაჟღავნებდით? — თითქმის ყველა
კითხვა ამ ინტერესით მთავრდებოდა.

უნდა გენახათ და მოგესმინათ როგორი სერიოზულობით, რო-
გორ მოფიქრებულად, ღრმად ანალიტიკურად უპასუხებდა ბატონ-
ნი როსტომი ახალგაზრდების ხანდახან უმნიშვარ შეკითხვებსაც.

ბოლოს სტუმარსაც და დამხვდურთაც მადლობა გადაუხა-
დეს ქალბატონმა ფატი კურტანიძემ, ბატონმა მორის დანდუ-
რიშვილმა, სასწავლო ნაწილის გამგემ, ქალბატონმა **თამარ
ბოჯგუამ**, თუმცა მეექვსეკლასელები და მათი დამრიგებელი
იოლად ვერ შეელივნენ როსტომ ჩხეიძეს. მას შემდეგ, რაც
სხვები დაგვემშვიდობნენ, ოთახში, მყუდრო გარემოში, ჩვენ-
თან ერთად მხოლოდ ფატი მასწავლებელი და მისი კლასი და-
რჩა. ყმანვილებმა თავიანთი შემოქმედება გაგვაცნეს — ნაგვი-
კითხეს ლექსები, ჩანახატები, ნოველები... მათ გულში უკვე ჩა-
სახულია მთავარი — ქვეყნის, ერთმანეთის, ზოგადად, ადამი-
ანის სიყვარული. აღმზრდელთა ყოველდღიური მზრუნველობა
და შიგადაშიგ ასეთი შეხვედრები, ცხადია, ნერგს კეთილს გაზ-
რდის და მოგვცემს „ნაყოფს ვით კაცი კაცურს“...

ამ იმედით ვემშვიდობებით სკოლას. გულში კი იოსებ დავი-
თაშვილის უნებლიეთ წამოგონებულ სტრიქონებს ვიმეორებ:

**იზარდე, მწვანე ჯეჯილო,
დაპურდი, გახდი ყანაო...**

და უკვე მომავალ შეხვედრებს ვგეგმავთ.

ვარლამ შალამოვი

პატარ-პატარა ნოველები

გულჯალონება

კედელი შექანდა და ნაცნობი მოტკბო გულზიდვა მომანვა
ყელში. ასანთის დამწვარი ღერი უკვე მეთათსეჯერ მიცურავ-
და ჩემს თვალწინ. ხელი უნდა მეტაცა ამ აბეზარი ასანთისათ-
ვის, მაგრამ სადღაც გაქრა — ველარაფერს ვხედავდი. სამყა-
რო ჯერ კიდევ მთლად არ წასულიყო ჩემგან: იქ, ბულვარზე,
მესმოდა ხმა, შორეული, დაჟინებული ხმა ექთნისა. მერე
აცემციმდა თეთრი ხალათები, სახლის კუთხე, ვარსკვლავიანი
ცა, საიდანღაც ამობობდა ვეებერთელა ნაცრისფერი კუ,
გულგრილად რომ უბრწყინავდა თვალეზე; ვიღაცამ ნეკნები
შეუმტვრია კუს და რომელიღაც სოროში შევფორთხდი, ხე-
ლებით ვებლაუჭებოდი და სხეულის მალლა აზიდვას ვლამობ-
დი, მხოლოდ ხელეხლა ვენდობოდი.

გამახსენდა სხვისი დაჟინებული თითები, რომლებიც ჩემს
თავსა და მხრებს მარჯვედ მილურსმავდნენ სანოლს. ყველა-
ფერი მიყურდა და მე ერთი-ერთზე დავრჩი ვიღაცასთან, გუ-
ლივერით უზარმაზარი რომ იყო. მწერივით ვინეჭი ფიცარ-
ზე და ეს ვიღაც ლუპით მათვალეირებდა. აქეთ-იქით ვტრია-
ლებდი და საზარელი ლუპა კვალდაკვალ მომდევდა. შემზა-
რავი მინის ქვეშ ვიკაკებოდი. და როდესაც სანიტრებმა საა-
ვადმყოფოს სანოლზე გადამასვენეს და დადგა ნეტარი განს-
ვენება მარტობისა, მაშინდა მივხვდი, რომ გულივერის ლუ-
პა კომპარი როდი ყოფილა, არამედ — მორიგე ექიმის სათვა-
ლე. ამიტომაც ენით გამოუთქმელი სიხარული დამეუფლა.

თავი მტკიოდა და ერთი ბენოზეც თუკი გავინძრეოდი,
თავბურ მივხეოდა. ფიქრი მიჭირდა და მხოლოდ მოგონებებში
შემძლო წასვლა, და ძველისძველი, თავზარდამცემი სურა-
თები ჩნდებოდა, როგორც მუნჯი კინოს კადრები შავ-თეთრი
ფიგურებით. მოტკბო გულზიდვა, მსგავსი ეთერის ნარკოზი-
სა, არა და არ მეშვებოდა. ამას კარგად ვიცნობდი და ეს პირ-
ველი შეგრძნება ახლაც გამოვიცანი. გამახსენდა, რომ მრავ-
ალი წლის წინათ, ჩრდილოეთში, ექვსთვიანი შეუსვენებელი
მუშაობის შემდეგ, პირველად გამოგვიცხადეს დასვენების
დღე. ყველას, უკლებლივ ყველას, ენადა წოლა, ნოლა და უქ-
მად ყოფილა — არც ტანსაცმელი უნდა შეგელაზათებინა და
არც უნდა განძრეულიყავი... ნოლა, ნოლა და ნოლა! მაგრამ
ყველანი დილითვე წამოგვაბტუნეს და შეშაზე გაგვრეკეს. და-
სახლებიდან რვა კილომეტრის მანძილზე ტარდებოდა ხე-
ტყის დამზადება. უნდა ამოგერჩია მორი, რომელსაც მოერე-
ოდი და შინ მიგეტანა. მე განზე ვასვლა ვარჩიე — ორი კილო-
მეტრის იქით ძველი შტაბელები მეგულეობდა და შესაფერ
მორს ვიპოვი-მეთქი. აღმართში სვლა გამიჭირდა და როცა
შტაბელს მივადექი — მსუბუქ მორს ვერსად ნავანყდი. უფრო
ზევით შავად აჩონჩხილიყო შემის ზეინები და აღმართს ავუ-
ყევი. თვალში მომხვდა თხელი მორები, ოღონდ ბოლოებით
შტაბელში ჩაჭედლიყვნენ და მე კი ჯანი არა მყოფინდა მო-
რის გამოსათრევად. რამდენჯერმე ვცადე და არაქათი სულმ-
თლად გამომელია. მაგრამ უშეშოდ დაბრუნება არ ეგებისო,
უკანასკნელი ძალღონე მოვიკრიფე და კიდევ უფრო მაღლა
ავფოფხდი შტაბელამდე, ზედ თოვლი რომ ეყარა. დიდხანს
მოვუნდი ფხვიერი, ჭრატუნა თოვლის გადახვეტას ხელებითა
და ფეხებით, და ბოლოს და ბოლოს ერთი მორი გამოვადვრინე.
მაგრამ ეს ოხერი მორი ძალზე მძიმე გამოდგა. მაშინ ყელი-
დან მოვიდრე ჭუჭყიანი პირსახოცი, შარფის მაგივრობას რომ

მინევედა, მორის კენწერო ზედ მივაბი და ქვევით მივათრევედი მორს. ის კი ხტუნაობდა და ფეხებში მირტყამდა. ანდა ხელიდან მისხლტებოდა და დაღმართში წინ მისწრებდა. დროდადრო ქონდარა ბუჩქში იჩხირებოდა ან თოვლში ჩაერჭობოდა, მივუხობდებოდი და ისევ დავძრავდი ადგილიდან. ჯერ კიდევ მაღლა მთაზე ვიყავი, როცა შევნიშნე, რომ უკვე ბინდდებოდა. მივხვდი, დიდი დრო გასულა-მეთქი, დასახლებისა და ზონისაკენ მიმავალი გზა კი ჯერ შორს იყო. შარფი მოვნიე და მორი კვლავ ხტუნვა-ხტუნვით გავარდა ქვევით. და აი, როგორც იქნა, მორი გზაზე გამოვართიე. ტყე ჩემს თვალწინ გაქან-გამოქანდა, მოტკბო გულზიდვა მომანვა ყელში და გონს მოვედი მეჯალამბრის ჯიხურში — მეჯალამბრე სუსხიანი თოვლით მიხელდა ხელებსა და პირისახეს.

ყოველივე ეს ახლა მეზმანებოდა კედელზე, საავადმყოფოში.

ოღონდ მეჯალამბრის ნაცვლად ჩემი ხელი ექიმს ეჭირა. რივა-როჩის აპარატიც, სისხლის წნევის გასაზომად, აქვე ჩანდა. და მე, როდესაც მივხვდი, რომ ჩრდილოეთში როდი ვიმყოფებოდი, სიხარულმა შემიპყრო.

— სადა ვარ?

— ნევროლოგიის ინსტიტუტი.

ექიმი რაღაცას მეკითხებოდა. ძლივძლივობით ვპასუხობდი. მარტოდმარტო დარჩენა მენადა. არ მეშინოდა მოგონებებისა.

მაგია

მინაზე ჯოხით დააკაკუნეს და მივხვდი, რაც იყო — სტეკი განყოფილების უფროსისა.

— ემსაათში მოვდივარ, — დავიღრიალე ფანჯრიდან, შარვალი ჩავიცვი და გიმნასტურის საყელო შევიკარი. იმავე წამს ოთახის ზღურბლზე გამომეცხადა ჩემი უფროსის შიკრიკი მიშკა და ხმამაღლა წარმოთქვა ჩვეულებრივი ფორმულა, რომელიც ჩემთვის ყოველი სამუშაო დღის დაწყებას ნიშნავდა:

— უფროსი გიხმობს!

— კაბინეტში?

— არა, ვახტზე!

ამასობაში უკვე გავდიოდი ოთახიდან.

ამ უფროსთან მუშაობა მეიოლებოდა. იგი სისასტიკეს არ იჩენდა ტუსალების მიმართ, გონიერი კაცი გახლდათ და თუმცა მაღალ მატერიებს ნიდავ თარგმნიდა თავის უხემ ენაზე, მაინც მშვენივრად ესმოდა — რა და როგორ.


მართალია, მაშინ მოდაში იყო „გადანრობა“ და ეგებ უფროსი ცდილობდა, რომ უცნობ კალაპოტში სწორ ფარვატერს გაჰყოლოდა. ვინ იცის, ვინ იცის! იმხანად ამაზე ფიქრით თავი არ ამიტკივებია.

ვიცოდი, რომ უფროსს — სტუკოვი იყო გვარად — ბევრჯერ ჰქონია შეხლა-შემოხლა უმაღლეს უფროსობასთან, მისთვის მრავალი საქმეც კი „შეუკერიათ“ ლაგერში, მაგრამ ამ უნაყოფოდ დასრულებული საქმეებისა თუ შუაგზაზე შეწყვეტილ გამოძიებათა წვრილმანები და არსი მე არ ვიცი.

სტუკოვს იმიტომ ვუყვარდი, რომ ქრთამებს არ ვეტიანებოდი და მთვრალეები არ მეჭაჸნიკებოდა. სტუკოვს კი რატომღაც სძულდა მთვრალეები... კიდევ რა? ალბათ გამბედაობისთვისაც ვუყვარდი.

სტუკოვი ხნიერი იყო, მარტოხელა. ძალიან უყვარდა ტექნიკისა და მეცნიერების ყოველგვარი სიახლენი. ასე რომ, მონათხრობი, ვთქვათ, ბრუკლინის ხიდზე მის აღფრთოვანებას იწვევდა. მაგრამ მე არ მეხერხებოდა თხრობა იმისა, რაც ბრუკლინის ხიდს დაემსგავსებოდა.

სამაგიეროდ, სტუკოვს ამას უამბობდა მილერი, პაველ პეტროვიჩ მილერი, ინჟინერი, გასამართლებული ქალაქ შახტის ცნობილ პროცესზე.



მხატვარი ნოდარ ბაღურაშვილი

სტუკოვს ამიტომაც უყვარდა მილერი და ათასგვარ სამეცნიერო სიახლეებს ხარბად ისმენდა.

ვახტთან დავენიე სტუკოვს.

— სულ გძინავს და გძინავს.

— სულაც არა.

— აბა თუ იცი, ეტაპი რომ მოვიდა მოსკოვიდან? პერმის გამოვლით. ამიტომაც ვამბობ, გძინავს-მეთქი. შენები წამოიყვანე, ხალხი უნდა ამოვარჩიოთ.

ჩვენი განყოფილება ბინადრობდა თავისუფალი სამყაროს ზედ კიდზე, სარკინიგზო ხაზის ბოლოში — იმას იქით იწყებოდა მრავალდღიანი ქვეითი ეტაპები ტაიგის გავლით — და სტუკოვს მიცემული ჰქონდა უფლება, რომ თავად გამოერჩია და დაეტოვებინა საჭირო ხალხი.

ეს იყო გასაოცარი მაგია, ფოკუსები გამოყენებითი ფსიქოლოგიიდან, თუ რა ქვია მაგას, ფოკუსები, რომელთაც გვიჩვენებდა სტუკოვი, ჩვენი უფროსი, სატუსალოებში სამუშაოზე უკვე რომ დაბერებულყო. სტუკოვს მაყურებლები სწყუროდა და, ალბათ, მარტოოდენ მე ძალმიძდა შემეფასებინა მისი საოცარი ნიჭი, უნარი, რომელიც კარგა ხანს ზებუნებრივი მეგონა, იმ დრომდე მეგონა, ვიდრე ვიგრძნობდი, რომ ამ მაგიურ ძალას თავად მეც ვფლობდი.

უმაღლესმა უფროსობამ ნება დაგვრთო, რომ განყოფილებაში ორმოცდაათი ხურო დაგვეტოვებინა. და აგერ, ჩვენი უფროსის ნინაშე ჩამწკრივებული იყო ეტაპი, ოღონდ ერთ რიგად კი არ იდგნენ, უკან სამი-ოთხი რიგი იყო გადაჭიმული.

სტუკოვი ნელ-ნელა მიაბიჯებდა ეტაპის გასწვრივ და სტეკს არაკუნებდა თავის გაუნმენდელ ჩექმებზე. დროდადრო ხელს აღმართავდა და:

— გამოდი შენ, შენ, შენც. არა, შენ არა. აი — შენ... სულ რამდენია?

— ორმოცდაორი.

— კეთილი, კიდევ რვა გვინდა. შენ... შენ... შენ.

ჩვენ ყველანი გვარებს ვინერდით და პირად საქმეებს ვიბარებდით.

ორმოცდაათივეს ემარჯვებოდა ნაჯახისა და ხერხის ხმა-რება.

— ოცდაათი ზეინკალი!

ოდნავ შექმუხნილი სტუკოვი ისევ მიაბიჯებდა ეტაპის გასწვრივ.

— გამოდი შენ... შენ... შენ... შენ კი — უკან! ბლატარებიდან ხომ არა ხარ?

— დიას, ბლატარებიდან ვარ, მოქალაქე უფროსო.

ერთ შეცდომასაც კი არ უშვებდა წამლად, ისე გამოარჩევდა ოცდაათ ზეინკალს.

ახლა საჭირო იყო ათი კანცელარისტი.

— თვალით შეგიძლია ამოარჩიო?

— არა.

— მამ წავედით. აბა, გამოდი შენ... შენ... შენ.

გამოვიდა ექვსი კაცი.

— მეტი მონაგარიშე ამ ეტაპზე არა გვყავს, — თქვა სტუკოვმა.

შევაიმონმეთ საქმეები და სწორია: მეტი არ ყოფილა. კანცელარისტიები მომდევნო ეტაპიდან უნდა გამოგვერჩია.

ეს იყო საყვარელი გართობა სტუკოვისა, მე კი მათგანებდა და მათგანებდა. თავად სტუკოვს ბალღივით უხაროდა თავისი მაგიური ნიჭი და წუხდა, თუკი თავდაჯერებას კარგავდა. იგი შეცდომას როდი უშვებდა, უბრალოდ კარგავდა თავდაჯერებას და ჩვენ ხალხის აყვანა მაშინვე უნდა შეგვეწყვიტა.

მუდამ სიამოვნებით ვუცქერდი ამ თამაშს, რომელსაც არაფერი ჰქონდა საერთო სისასტიკესთან და არც სხვათა სისხლისღვრასთან.

მანცვიფრებდა სტუკოვისეული ცოდნა ადამიანისა. მანცვიფრებდა ეს ძველისძველი, მარადიული კავშირი სულსა და სხეულს შორის.

აუჰ, რამდენჯერ მინახავს ეს ფოკუსები, ეს დემონსტრაცია ჩვენი უფროსის იდუმალი ძალისა, ტუსალებთან მუშაობის მრავალწლიანი გამოცდილების გარდა არაფერს რომ არ ეყრდნობოდა. პატიმრის ტანსაცმელი წარმოცავს განსხვავებებს და აიოლებს ამოცანას — ადამიანის სახეზე, ხელებზე ამოიკითხო მისი პროფესია.

— მოქალაქე უფროსო, დღეს ვინ უნდა გამოვარჩიოთ?

— ოცი ხურო. ოლონდ ტელეფონოგრამა მივიღე სამმართველოდან — გამოვარჩიო ყველა, ვისაც ადრე ორგანოებში უშუაშავია, — სტუკოვს ჩაეცინა, — და მიყენებული აქვს საყოფაცხოვრებო ან სამსახურებრივი მუხლი. მაშასადამე, ხელახლა მიუჯდებათ გამოძიებლის მაგიდას. აბა, ამაზე შენ რას ფიქრობ?

— არაფერსაც არა ვფიქრობ. ბრძანება არის ბრძანება.

— მიხვდი კი შენა, ხუროებს როგორ გამოვარჩევდი?

— თითქოს მიხვდით...

— მე უბრალოდ გლახებს გამოვარჩევ ხოლმე, გლახებსა. ყოველი გლახი ხუროც არის. და კეთილსინდისიერ მუშაკაცებსაც გლახებში ვეძებ. და არასდროს მეშლება. თვალებზე კი როგორ უნდა გამოვიცნო ორგანოთა მუშაკები — ამას ვერ გეტყვი. თვალები აქეთ-იქით გაურბით თუ რა არი?! მითხარი ერთი!

— არ ვიცი.

— არც მე ვიცი. აბა, ეგებ სიბერეში ვისწავლო. სანამ პენსიაზე გავალ.

ეტაპი, როგორც ყოველთვის, ვაგონების გასწვრივ გამწკრივდა. სტუკოვმა წარმოთქვა თავისი ჩვეულებრივი სიტყვა მუშაობისა და ჩათვლების თაობაზე, მერე ხელი გაიშვირა და ვაგონების გასწვრივ ორჯერ გაიარ-გამოიარა.

— მე ხუროები მჭირდება. ოცი კაცი. თავად გამოვარჩევ, არავინ გაინძრეს. გამოდი შენ... შენ... შენ. მორჩა და გათავდა. გამოართვით საქმეები.

უფროსის თითებმა რალაც მოსინჯეს ფრენჩის ჯიბეში.

— ჯერ არ დაიშალოთ. კიდე ერთი საქმე მაქვს.

სტუკოვმა მუჭში ჩაბლუჯული ქალაღი მალლა ასწია.

— არიან თქვენში ორგანოთა მუშაკები?

— ორი ათასი პატიმარი დუმდა.

— გეკითხებით, არიან თქვენს შორის ისინი, ვისაც ადრე ორგანოებში უშუაშავია? ორგანოებში!

უკანა რიგებიდან, თითებით მეზობლებს რომ გასწვრივ-მოსწევდა, ენერგიულად მოძვრებოდა გამხდარი კაცი, თვალები მართლაც აქეთ-იქით გაურბოდა.

— მოქალაქე უფროსო, მე ჩამშვებად ვმუშაობდი.

— დაიკარგე აქედან! — ზიზლითა და სიამოვნებით წარმოთქვა სტუკოვმა.

პროტაქსი

ლაგერის იზოლატორი ძველისძველი ნაგებობა იყო. იფიქრებდი, კარცერში ხის კედელს ხელი რომ ჰკრა, კედელი ჩამოვარდებოდა, იზოლატორი დაიფშვებოდა და მორები აქეთ-იქით გაიფანტებოდა. მაგრამ იზოლატორი არ ეცემოდა და ერთკაცია-ნი კარცერები, სულ შვიდი ცალი გახლდათ, ჭაპანს ერთგულად ეწეოდნენ. რა თქმა უნდა, ნებისმიერი ხმამალა ნათქვამი მეზობელს ესმოდა, მაგრამ კარცერში მჯდომთ ძალიან ეშინოდათ სასჯელისა. მორიგე ზედამხედველი საკანს ცარცით ჯვარს დაუსვამდა და საკნის ბინადარს საკვებს აღარ მართმევდნენ. ორ ჯვარს დაუსვამდა და პურსაც დაემშვიდობებოდა. ეს იყო კარცერი ლაგერში ჩადენილი დანაშაულისათვის. უფრო სახიფათო ქმედებაში ექვმიტანილთ — ყველას სამმართველოში მიაბრძანებდნენ ხოლმე.

ახლა კი, მოულოდნელად, აქამდე რომ არ მომხდარა, უცებ დააპატიმრეს ყველა ტუსალი, ვინც ლაგერის დანესებულებათა გამგეებად გაემწესებინათ. რალაც მსხვილი საქმე იკერებოდა, რალაც სალაგერო პროცესი მზადდებოდა. ვილაცის განკარგულებით მზადდებოდა.

და აი, ჩვენ ყველანი, ექვსი სული, ბადრაგებით გარშემორტყმულნი, ვიდექით იზოლატორის ვინრო ტალანში, ვგრძნობდით და გვესმოდა მხოლოდ ის, რომ ჩვენ ისევ წამოგვედო მჭრელი კბილანები იმავე მანქანისა, როგორც რამდენიმე წლის წინათ, და რომ მიზეზს შევიტყობდით მხოლოდ ხვალ, უფრო ადრე — ვერა და ვერა...

საცვლებისამარა დაგვტოვეს და ყოველი ჩვენგანი შეჰყავდათ ერთკაციან კარცერში. მეუჭვნავე შესანახად მიღებულ ნივთებს ბეჯითად აღწუსხავდა, ტომრებში სტენიდა, საქდეს მიაბამდა და ზედ აწერდა, ვისაო. გამომძიებელი, მე ვიცოდი მისი გვარი — პესნიაკევიჩი — მართავდა „ოპერაციას“.

პირველი ჩვენგანი ყავარჯნებზე იდგა. ფარნის ახლოს მდებარე მერხზე ჩამოჯდა, ყავარჯნები იატაკზე დააწყო და ტანისამოსის გახდას შეუდგა. გაუშვილდა ფოლადის კორსეტი.

— მოვიხსნა?

— აბა როგორ!

კორსეტის ბანრების გახსნა დაიწყო და გამომძიებელი პესნიაკევიჩი მისახმარებლად დაიღუნა.

— მიყიდე, ჯიგარო? — ბლატარულად მოუქცია კორსეტოსანმა. მიყიდო, ამ სიტყვაში შეურაცხყოფელი აზრი არ ჩაუღია.

— გიცანი, პლევე.

კორსეტოსანი იყო პლევე, ლაგერის სამკერვალო სახელოსნოს გამგე. ეს გახლდათ შესაშური ადგილი, სადაც ოცი ოსტატი მუშაობდა. ისინი მოქირავნეთაგანაც იღებდნენ შეკვეთებს — უფროსობის ნებართვით.

ტიტიკანა კაცი მერხზე მოიკეცა. ფოლადის კორსეტი იატაკზე ეგდა. მიმდინარებოდა ჩანერა ჩამორთმეული ნივთების ოქმში.

იზოლატორის მეკუჭნავემ კორსეტს ჩექმის წვერი ჰკრა და პლევეს ჰკითხა:

— ეს ხარახურა როგორ ჩაენეროთ?

— ფოლადის პროტეზი-კორსეტი, — მიუგო ტიტლიკანა კაცმა.

გამომძიებელი პესნიაკევიჩი სადღაც განზე გავიდა და პლევეს ვკითხე:

— ამ მეძებარს მართლა იცნობდი წინათ?

— აბა რა! — ხისტად თქვა პლევემ. — დედამისს ბორდელი ჰქონდა გახსნილი მინსკში. ჰოდა, დავდიოდი იქა. ჯერ კიდევ იმ პირსისხლიან ნიკოლოზის დროს.

ტალანის სიღრმიდან გამოჩნდა პესნიაკევიჩი და მასთან ერთად — ოთხი ბადრაგი. ისინი პლევეს ხელ-ფეხს ჩაეჭიდნენ, ასნიეს და კარცერში შეაგდეს. კლიტე გატკაცუნდა.

მომდევნო იყო ცხენბაზის გამგე კარავაევი. ყოფილი ბუდიონელი, სამოქალაქო ომში ხელი რომ ჰქონდა დაკარგული. კარავაევმა პროტეზის რკინა დაარაკუნა მორიგის მაგიდაზე.

- თქვე ნაბიჭვრებო...
- მოიძრე შენი რკინა. ჩაგვაბარე ხელი.

კარავაევმა მალლა აღმართა მოხსნილი პროტეზი, თითქოს მოქნევა ენადა. მაგრამ ბადრაგები დაასკდნენ ცხენარმიელს და ისიც კარცერში შეაგდეს. მაშინვე მოგვესმა ენაძებური დედის გინება.

— მისმინე შენა, რუჩკინ, — ალაპარაკდა იზოლატორის გამგე, — ამდენს რომ ხმაურობ, იცოდე, ცხელ საკვებს ველარ ელირსები.

- ნაი, შენი ცხელი საკვებიც...

იზოლატორის გამგემ ჯიბიდან ცარცის ნატეხი ამოიღო და კარავაევის კარცერს ჯვარი დაუსვა.

- აბა, ხელს ვინ მომიწერს, ხელი ჩაგაბარეთო?

— არავინაც არ მოგიწერს. რამე ნიშანი დაუსვი, — ბრძანა პესნიაკევიჩმა.

დადგა ექიმის რიგი, ჩვენი დოქტორ ჟიტკოვისა. დაყრუებულმა ბერიკაცმა ჩააბარა ყურის სასმენი თალფაქი. შემდეგი გახლდათ პოლკოვნიკი პანინი, სადურგლო სახელოსნოს გამგე. გერმანიის ფრონტზე, სადაღაც პრუსიაში, ქვემეხის ჭურვს ფეხი მოეგლიჯა პოლკოვნიკისათვის. ჩინებული დურგალი იყო და მიაბობდა, რომ რუსეთში თავადიშვილებს მუდამ რაიმე ხელობას ასწავლიდნენ ხოლმე, ვინ იცის, როდის გამოვადგებათო. აგერ ამას გამოადგა კიდევ. მოხუცებულმა პოლკოვნიკმა პროტეზი მოიხსნა და ასკინკილა გაძუნძულდა თავის კარცერში.

ორნილა დავრჩით — გრიშა, გვარად შორი — უფროსი ბრიგადირი და მე.

— შეხედე, რა კოხტად მირბის, — თქვა გრიშამ. მას დაეუფლა ნერვიული მხიარულება პატიმრისა, — იმან ფეხი, ამან ხელი, მე კი, აგერ, თვალს ჩავაბარებ. — და გრიშამ მარჯვენდ გამოიღო თავისი ფაიფურის თვალი, ხელისგულზე დაიდო და მაჩვენა.

— განა შენ ხელოვნური თვალი გაქვს? — გაკვირვებით ვკითხე. — არასოდეს შემიმჩნევია.

— ფინთად ამჩნევ. და თვალიც კარგად მაქვს მორგებული. ილბალი მქონია.

ვიდრე გრიშას თვალს ინერდნენ ოქმში, იზოლატორის გამგე გამხიარულდა და თავშეუკავებლად ხითხითებდა.

— იმან, მაშასადამე, ხელი, ამან — ფეხი, იმან — ყური, ამან კი ზურგი, იმან — თვალი. ნაწილ-ნაწილ მთელი სხეული მოგვიქურდება შენ რალას შვრები? — ყურადღებით მათვალაიერებდა ტიტლიკანას. — შენ რას ჩაგვაბარებ? სულს ჩაგვაბარებ?

- არა, — ვთქვი მე. — სულს არ ჩაგვაბარებთ.

ხელნერა

გვიან ღამით კრისტი გამოიძახეს „ცხენბაზის მიღმა“. ლაგერში ასე ეძახდნენ მომცრო სახლს, დასახლების კიდეზე ბორცვს რომ მიხუტებოდა. იქ ბინადრობდა, როგორც ლაგერში ანგლობდნენ, „განსაკუთრებით მნიშვნელოვან საქმეთა“ გამომძიებელი, რამეთუ ლაგერში არა ყოფილა „საქმეები“, რომლებიც განსაკუთრებით მნიშვნელოვანი არ ყოფილიყო — ყოველი შეცოდება და შეცოდებისნაირობა შეიძლება დაესაჯათ სიკვდილით. ან სიკვდილი ან სრული გამართლება. ოღონდ ვიღას შეეძლო მოეთხრო თავისი სრული გამართლებ-

ბა? ყველაფრისათვის მზადყოფი, ყველაფერზე გულაცრუებული კრისტი ვინრო ბილიკზე მიაბიჯებდა. აი, შუქიც აინთო სამზარეულოს პანია სახლში — ეს პურისმჭრელია. ახლა, ალბათ, საუზმისათვის ულუფების დაჭრას დაიწყებს. ხვალინდელი საუზმისათვის. ექნება კი კრისტს ხვალინდელი დღე და ხვალინდელი საუზმე? ეს არ იცოდა და თავისი არცოდნა უხაროდა. ფეხქვეშ რალაც მოედო, არც თოვლსა ჰგავდა და არც ყინულის ნამსხვრევს. კრისტი დაიღუნა, დამზრალი ქერქი აიღო და მყისვე მიხვდა, რომ ეს იყო თალგამის ნაქურჩალი, გაყინული ქერქი თალგამისა. ყინული უკვე შემოადნა თითებში და კრისტმა ქერქი პირში ჩაიტენა. აჩქარება არაფრად ღირდა. კრისტმა შემოიარა მთელი ბილიკი, დანყებული ბოლო ბარაკებიდან და ხვდებოდა, რომ ამ გრძელ, თოვლიან გზას მიკვალავდა, რომ დღეს ჯერ არავის გაველო აქ, დასახლების პირას — გამომძიებლისაკენ. თითქოსდა ცელოფანში გახვეული ნაგლეჯები თალგამისა თოვლს მიჰყინოდა გზაზე. კრისტმა მთელი ათი ცალი მოიძია — ზოგი დიდრონი, ზოგიც მომცრო. დიდი ხანია კრისტს აღარ შეხვედრია ადამიანები, რომლებიც თოვლში გადაყრიდნენ თალგამის ქერქებს. არა, ამას ტუსადი არ იზამდა. რა თქმა უნდა, მოქირავნე იქნებოდა. ეგებ თავად გამომძიებელიც ბრძანდებოდა. კრისტმა ნაპოვნი ქერქები კარგად დაღეჭა და შეჭამა — პირში რალაც სუნი იგრძნო კარგახნის დაეინყებულისა — მშობელი მინაც ეთქმოდა, ნედლი ზოსტნეულიც, და გუნებაზე მოსულმა გამომძიებლის სახლის კარზე დააკაკუნა.

გამომძიებელი ტანმორჩილი იყო, გამხდარი, პირგაუპარსავი. აქ მხოლოდ სამსახურის კაბინეტი ჰქონდა, სადაც იდგარკინის სანოლი, დაფარული ჯარისკაცული საბნით და ზედ — დაჭმუჭნილი ჭუჭყიანი ბალიში... მაგიდა — თვითნაკეთი სანერი მაგიდა გადაბრეცილი გამოსანევი ყუთებით, რომლებიც გადაეტენათ ქალღღებებსა და რალაც საქალღღებებს. ფანჯრის რაფაზე — ყუთი ჩანკნიკებული ბარათებით. ეტაჟერიც მჭიდროდ გატენილი საქალღღებებით იყო გავსებული. საფერფლე — გამოჭრილი კონსერვის ქილიდან. ფანჯრის თავზე — კედლის საათი. ახლა საათი თერთმეტის ნახევარს აჩვენებდა. გამომძიებელი ქალღღღით აჩაღებდა ცეცხლს რკინის ლუმელში.

გამომძიებელს თეთრი კანი ჰქონდა, ფერმკრთალი იყო ყველა გამომძიებლის დარად. ოთახში არც მედლეური ჩანდა, არც რევოლვერი.

— დაჯექ, კრისტ, — უთხრა გამომძიებელმა. ტუსალს „თქვენობით“ მიმართავდა. ძველი ტაბურეტი მიუჩოჩა დასაჯდომად. თავად სკამზე იჯდა — თვითნაკეთი სკამზე, მალალი საზურგე რომ ჰქონდა.

— თქვენს საქმეს გადავხედე, — თქვა გამომძიებელმა, — და ერთი წინადადება უნდა შემოგთავაზოთ. ოღონდ არ ვიცი, თქვენ ხელს გაძღვეთ თუ არა.

კრისტი გაიჩინდა, ნეტა რა მოხდებაო. გამომძიებელი დაღუმდა. მერე:

- მე უნდა ვიცოდე თქვენზე კიდევ რალაც-რულაცეები.
- კრისტმა თავი ასწია და ვერაფრით შეიკავა ბოყინი. სასიამოვნო ბოყინი იყო — ნედლი თალგამის დაუოკებელი გემო.
- დანერეთ განცხადება.
- განცხადება?
- ჰო, განცხადება. აი, ქალღღღის ფურცელი, აგერ კალამიც.

- განცხადება? რაზე? ვის?
- და ვინც გენებოთ, იმას! აბა, თუკი განცხადება არა, მაშინ ლექსი ბლოკისა. ჰოდა სულერთია. გამიგეთ? ანდა პუშკინის „ჩიტუნა“.

**გუმინ გავალე გალია
დატყვევებული ჩიტისა,
ტყეს დავუბრუნე ჭიჭიკია
ლალი და თავისუფალი, —**

გამოთქმით წარმოთქვა გამომძიებელმა.

— ეს პუშკინის „ჩიტუნა“ არ გახლავთ, — გამომშრალი ტვინის მთელი ძალები დაძაბა და წაიჩურჩულა კრისტმა.

— აბა ვისია?

— ტუმანსკისა.

— ტუმანსკი? პირველად მესმის.

— ა-ა, თქვენ რაღაც ექსპერტიზა გჭირდებათ? ვინმე ხომ არ მომიკლავს? ან წერილი ხომ არ გამიგზავნია ლაგერიდან გარეთ? ანდა ბლატარებისათვის მალაზიის ჩეკი ხომ არ დამიმზადებია?

— სულაც არა. ამგვარი ექსპერტიზები ჩვენ არ გვიჭირს. — გამომძიებელმა გაიღიმა, დასიებული ღრძილები გამოუჩინდა, წვრილ-წვრილი კბილები, სისხლმდინარე ღრძილები. ამ ღიმილის გაელვებამ, რაგინდ უფასური ყოფილიყო, მაინც ცოტაოდენი ნათელი შესძინა ოთახს. და კრისტის სულშიც ჩაიღვარა. კრისტმა უნებურად შეავლო თვალი გამომძიებლის პირს.

— ჰო, — თქვა გამომძიებელმა, ამ მზერას რომ ჩაავლო. — სურავანდია, სურავანდი. აქ სურავანდი ლალებსაც ერჩის. ნელი ბოსტნეული გვაკლია.

კრისტს გაახსენდა თალგამი. ვიტამინები — ქერქში უფრო ბლომად რომაა, ვიდრე რბილში — ერგო კრისტს და არა გამომძიებელს. კრისტს საუბრის გაბმა ენადა, რათა მოეყოლა, როგორ წუნნიდა, როგორ ლოლნიდა თალგამის ქერქებს, რომლებიც გამომძიებელს გადაუყრია, მაგრამ ვერ გაბედა, ვაითუ უფროსობას არ დაეტუქსა მეტისმეტი თავის აგდება.

— მამ გაიგეთ თუ ვერა? მე უნდა ვნახო თქვენი ხელწერა.

კრისტს ჯერ კიდევ ვერაფერი გაეგო.

— დანერეთ! — კარნახობდა გამომძიებელი, — „საბადოს უფროსს. განცხადება ტუსად კრისტისა, დაბადების წელი, მუხლი, ვადა. გთხოვთ გადამიყვანოთ უფრო მსუბუქ სამუშაოზე...“ საკმარისია.

გამომძიებელმა აიღო კრისტის დაუმთავრებელი განცხადება, დახედა, მერე დახია და ცეცხლში მოისროლა... ღუმელის შუქი წამით აკაშკაშდა.

— დაჯექით მაგიდასთან. ნაპირას.

კრისტს ჰქონდა კალიგრაფიული ხელწერა, გადამწერლის ხელწერა, რომელიც თავად მას ძალიან მოსწონდა, მისი ამხანაგები კი ყველანი დასცინოდნენ, რომ მისი ხელწერა არ ჰგავდა პროკურორის ან ექიმის ხელწერას. ეს არ არის მეცნიერის, მწერლის, პოეტის ხელწერა, ეს არის სანყოფის გამგის ხელწერა. იცინოდნენ, რომ კრისტს შეეძლო გაეკეთებინა მეფის გადამწერლის კარიერა, რასაც კუპრინი მოგვითხრობს.

მაგრამ დაცინვას კაცი არ მოუკლავს და კრისტი კვლავ მკაფიოდ გადათეთრებულ ხელნაწერებს აბარებდა გადასაბეჭდად — მბეჭდავ-მემანქანეები ამას უწონებდნენ, მაგრამ გულში ეცინებოდათ.

ახლა კი წერაქვსა და ნიჩბის ტარს მიჩვეული თითებით ველარ ახერხებდა სანერკალამის ხელში მოგდებას, მაგრამ ბოლოს და ბოლოს ესეც მოგვარდა.

— აქ უნესრიგობაა, ქაოსი, — ამბობდა გამომძიებელი. — ეს თავადაც კარგად მესმის. მაგრამ თქვენ ხომ დამეხმარებით, რომ ყველაფერი მოვანერვიოთ.

— რა თქმა უნდა, რა თქმა უნდა, — თქვა კრისტმა. ღუმელი უკვე გახურებულიყო და ოთახში დათბა. — ეჰ, მომანევიანა ერთი...

— მე მწვევლი არა ვარ, — უკმეხად თქვა გამომძიებელმა. — და არც პური მაქვს აქა. ხვალ სამუშაოზე ნუ გახვალთ. განმწესებელს მე ვეტყვი.

აი ასე, რამდენიმე თვის მანძილზე, კვირაში ერთხელ, კრისტი ეწვეოდა ლაგერის გამომძიებლის გაუმთბარ, მყუდროებამოკლებულ საცხოვრებელს, სადაც ელოდა ქალაქების გადწერა, ჩაკერება.

ოცდაჩვიდმეტ-ოცდათვრამეტი წლის უთოვლო ზამთარი მთელი თავისი მომაკვდინებელი ქარებით უკვე შემოჭრილი-

ყო ბარაკებში. განმწესებელი ყოველ ღამით გარბი-გამორბოდნენ, რომელიღაც სიების მიხედვით ეძებდნენ და აღვიძებდნენ ტუსადებს — „ეტაპში“ გასაგზავნად. ეტაპებიდან წინათაც როდი ეწერათ დაბრუნება, ამჟამად კი ამ ღამეულ საქმეებზე აღარც ფიქრობდნენ — რაც არი, ეგ არიო — სამუშაო ძალზე მძიმე იყო და სხვა რამეზე ფიქრის თავი არა ჰქონდათ.

სამუშაო საათებმა იმატა, გაჩნდა ბადრაგი, კვირა გაივლიდა და კრისტი, ცოცხალ-მკვდარი, მილასლასდებოდა გამომძიებლის ნაცნობ კაბინეტამდე და განაგრძობდა ქალაქების ჩაკერებას. კრისტი შეეშვა დაბანვას, პირის პარსვას, მაგრამ გამომძიებელი თითქოსდა ვერ ამჩნევდა კრისტის ჩაცვნილ ლოყებსა და აგზნებულ მზერას. კრისტი კი ბეჯითად განაგრძობდა გადწერას და ჩაკერებას. ქალაქების ოდენობა სულ იზრდებოდა და იზრდებოდა. მათი მონესრიგება ვერანაირად ვერ ხერხდებოდა. კრისტი გადწერდა რაღაც უსასრულო სიებს, სადაც მარტოოდენ გვარები იყო, სიის კენწერო კი გადაეკეცათ, და კრისტი არასოდეს ცდილობდა ჩასწვდომოდა ამ კაბინეტის საიდუმლოებას. თუმცა საკმარისი იქნებოდა, რომ გადმოეშალა მის წინ მდებარე ფურცელი. გამომძიებელი ზოგჯერ ხელში იღებდა „საქმეთა“ დასტას, რომლებიც, კრისტის ჩაურევლად, ვინ იცის, საიდან ჩნდებოდნენ, და ნაჩქარევად კარნახობდა სიებს, ხოლო კრისტი წერდა და წერდა.

თორმეტ საათზე კარნახი თავდებოდა, კრისტი თავის ბარაკში მიემურებოდა და იძინებდა. და ეძინა და ეძინა — ხვალინდელი განწესება სამუშაოზე მას არ ეხებოდა. კვირა მოსდევდა კვირას, კრისტი კი უფრო და უფრო მჭლევდებოდა, სულ წერდა და წერდა.

და აი, ერთხელაც მორიგი საქალაქე რომ აიღო ხელში, რათა მორიგი გვარი წაეკითხა, გამომძიებელს ენა დაემა. კრისტს მიაჩერდა და ჰკითხა:

— თქვენი სახელი, მამის სახელი?

— რობერტ ივანოვიჩი, — მიუგო კრისტმა, ელიმებოდა. გამომძიებელს რომ დაეძახა „რობერტ ივანოვიჩო“ ნაცვლად ჩვეულისა „კრისტ“ თუ „თქვენო“ — ეს არ გაუკვირდებოდა. გამომძიებელი ახალგაზრდა იყო, შვილად ერგებოდა კრისტს. საქალაქე ხელიდან არ გაუშვია და გვარიც არ წარმოუთქვამს, ოღონდ გაფითრდა. ფითრდებოდა და ფითრდებოდა, სანამ თოვლის ფერი არ დაედო. აჩქარებული თითებით გადასინჯა საქალაქეში ჩაკერებული თხელი ქალაქები, არც მეტი იყო და არც ნაკლები, ვიდრე ნებისმიერ საქალაქეში იმ გროვიდან, რომელსაც იატაკი მოეფინა. გამომძიებელმა მერე ფიცხლად გამოალო ღუმელი და ოთახი მყისვე განათდა, თითქოს ძირფესვიანად გაბრწყინდა სული და მასში, სადაც ფსკერზე, აღმოჩნდა რაღაც ძალზე მნიშვნელოვანი, ადამიანური. გამომძიებელმა საქალაქე ნაკუნ-ნაკუნ დახია და ღუმელში შეჩურთა. კიდევ უფრო განათდა ოთახი. კრისტი ვერაფერი ვერა ხვდებოდა. და გამომძიებელმა, არც კი შეუხედავს კრისტისთვის, ისე თქვა:

— შაბლონია. არ ესმით, რასა სჩადიან, არც აინტერესებთ.

— და თავისი პიტალო თვალებით მზერა გაუსწორა კრისტს.

— განვაგრძოთ წერა. თქვენ მზადა ხართ?

— დიახ, მზად ვარ, — მიუგო კრისტმა და მრავალი, მრავალი წლის შემდეგლა მიხვდა, რომ ეს იყო მისი, კრისტის, საქალაქე.

კრისტის უამრავი ამხანაგი უკვე დაეხვრიტათ. ის გამომძიებელიც უკვე დაეხვრიტათ. კრისტი კი ისევ ცოცხალი დარჩენილიყო და ხანდახან — რამდენიმე წელიწადში ერთხელ მაინც — აგონდებოდა აბრიალებული საქალაქე, შეუპოვარი თითები გამომძიებლისა, კრისტის „საქმეს“ რომ ხევენ — აი, ასეთი საჩუქარი ხვდა წილად განწირულს გამწირველისაგან.

ხელწერა კრისტისა იყო მხსნელი, კალიგრაფიული.

სინამდვილისა და სიმაართლის გამოქაჩილი

1940 წელს თბილისის სახელმწიფო უნივერსიტეტის შრომების XVI ტომში, სხვა საინტერესო მასალებთან ერთად, გამოქვეყნდა პროფ. კორნელი კეკელიძის სტატია „ახალი ლიტერატურული წყაროები ლაშა გიორგის ისტორიისათვის“.

ქართული წყაროთმცოდნეობის ამ ფრიად მნიშვნელოვანი ნაშრომის დასაწყისში ვკითხულობთ:

„იმ ლიტერატურულ კოლონიაში, რომელიც 1801 წლის ისტორიული აქტის შემდეგ ფეხს იკიდებს რუსეთში, განსაკუთრებულ ყურადღებას ისტორიოგრაფია იპყრობს; თავისი საქმიანობის ერთ-ერთ მიზნად ეს კოლონია საქართველოს ისტორიის გაშუქებასაც ისახავს. ეს გამონეული იყო, სხვათა შორის, ეროვნული თავდაცვის საჭიროებითაც. ასეთი შრომებით ამ კოლონიას უნდა დაენახებინა შემოსული ძალისათვის, რომ ქართველები მდიდარი, მრავალსაუკუნოვანი ისტორიისა და კულტურის მატარებელი არიან, ამისათვის ისინი ღირსი არიან ახალი ცხოვრების პირობებში შესაფერისი ადგილისა და ყურადღებისა. მეორე მხრით, ამ კოლონიის მოღვაწენი გრძნობენ, რომ უცხო რუსიფიკატორული რეჟიმის ბატონობისას შესაძლებელია ქართველების გათქვეფა და გადნობა ამ უსაზღვრო ოკეანეში, რომელსაც „რუსეთის იმპერია“ ეწოდებოდა. ამის ასაცილებლად საჭიროდ უცვნიათ მათში ეროვნული თვითშეგნების გაღვივება და ეროვნული კულტურული ტრადიციების განმტკიცება“.

კორნელი კეკელიძის აზრით, სწორედ ამ ნიადაგზე უნდა წარმოშობილიყო დავით, თეიმურაზ და ბაგრატ ბატონიშვილთა ისტორიული შრომები, მაგრამ განსაკუთრებით გამოირჩევა იოანე ბატონიშვილის „ისტორია ქართლისა“, რომელიც მოთავსებულია მისსავე „კალმასობაში“, როგორც ორგანული ნაწილი ამ ღირსშესანიშნავი ენციკლოპედიური თხზულებისა.

კორნელი კეკელიძე აღნიშნავს, რომ იოანე ბატონიშვილის (1768-1830) „ისტორია ქართლისა“, ზოგადად და ძირითადად, ვახუშტის ისტორიის თავისი სიტყვით გადმოცემა და გარდათხრობაა, მაგრამ იოანე ბატონიშვილს ვახუშტის თხრობა ალაგ-ალაგ ისეთი დეტალებით შეუვსია და გაუმდიდრებია, რომლებშიც შემონახულა ტრადიციული, გადმოცემითი ცნობები ჩვენი წარსული ცხოვრებისა, ყოფილ სამეფო ოჯახში იმხანად ჯერ კიდევ ცოცხალი რომ იყო, დღეს კი ჩვენთვის მკვდარი და დაკარგული არისო.

ვიდრე აღნიშნული სტატიის მთავარ გმირს მივადგებოდეთ, კიდევ ერთხელ გავიხსენოთ, რომ სწორედ იოანე ბატონიშვილი გვაუწყებს იმ უნიკალურ და ღირსსახსოვარ ინფორმაციას, რომელიც ეხება საქართველოსა და ჯვაროსანთა ურთიერთობას XII საუკუნეში, კერძოდ — იერუსალიმის მეფის ბალდუინ II-ის ვიზიტს საქართველოში („მოვიდა იდუმალ ქართლსა შინა“) დავით აღმაშენებლისათვის სამხედრო დახმარების სათხოვნელად...

კორნელი კეკელიძის ნაშრომში გულდასმით არის ჩამოთვლილი იოანე ბატონიშვილის მიერ გამოყენებული უცხოური თუ ქართული ლიტერატურულ-ისტორიული წყაროები;

ამ ჩამონათვალს კი, თქვენ წარმოიდგინეთ, მთელი ერთი ფურცელი დაუკავებია.

და აი, მივადევით ლაშა-გიორგის, დასახელებული სტატიის მთავარ გმირს, რომელიც ჩვენი დაუფინყარი წარსულის, ალბათ, ყველაზე კოლორიტულ და იდუმალ ფიგურად გვევლინება.

კორნელი კეკელიძე მიუთითებს, რომ დღესდღეობით ცნობილია სამი რედაქცია ლაშა-გიორგის ისტორიისა:

1. ივანე ჯავახიშვილის მიერ აღმოჩენილი ლაშა-გიორგის დროინდელი მემატიანე;
2. XIV საუკუნის ჟამთააღმწერლის თხზულებაში;
3. „ქართლის ცხოვრების“ ვახტანგისეული რედაქცია და მისგან დამოკიდებული ვახუშტის ისტორია (ამ უკანასკნელს დამოუკიდებელი მნიშვნელობა არა აქვს და მასზე არც შევჩერდებით).

კორნელი კეკელიძე ზემოხსენებულ პირველსა და მეორე რედაქციებს შორის „თვალსაჩინო იდეოლოგიურ განსხვავებას“ ხედავს. მკვლევარის სიტყვით, ეს განსხვავება ეხება ლაშა-გიორგის ზნეობრივი ფიზიონომიის შეფასებას. პირველი რედაქცია, ამ მხრივ, ასე გვიხატავს თამარის ძეს: „ვიტყოდით ქებასა მისსა წინაშე ყოველთა კაცთა, არა ვტყუოდეთ, არცა გვრცხვენოდეს. მეფედ დაჯდა ნერგი, კეთილი მოზარდი და ყვაილი, ყოველთა ფერთაგან შემკობილი, უმანკო გონებითა... მოყვარული ყოველთა კაცთა, დიდთა და მცირეთა, მთავართა მათთა პატივითა, მონაზონთა და მღვდელთა მათთა პატივითა, მშვიდი და განურისხებელი ბუნებითა, მონისაცა ერთისა მათრახისა არა დამკვრელი“.

ახლა ყური ვათხოვოთ მეორე რედაქციას (ჟამთააღმწერლის თხზულებაში), რომელიც კორნელი კეკელიძის სიტყვით, „გამანადგურებელ დახასიათებას“ იძლევა: „იყო ლალი, ამპარტავანი, თავხედი, თვითბუნება, სახეობის მოყვარე, ღვინის მოყვარე, გემოთმოყვარე, სმასა და ჭამას შექცეული“.

ამ ორ ტექსტს ერთიმეორის მიყოლებით რომ ვკითხულობთ, გაოგნება გვიპყრობს. მართლაც რამხელა განსხვავებაა! როგორც იტყვიან, ცა და მიწა... როგორ უნდა გაარჩიო აქ მტყუან-მართალი?!

მაგრამ ჟამთააღმწერელი ამოსუნთქვასაც არ გვაცლის და გმობის ექსტაზი ეუფლება. მამ კიდევ რაო? ლაშა-გიორგი ყოფილა ბილწი, მემრუშე, რომელმაც „არა ინება ქორწინება ცოლსა თანა მჯუღიერსა“, არამედ ხასად მოიყვანა ველისციხიდან ერთი გათხოვილი ქალი. შემდეგ მოთხრობილია მეფის ურთიერთობა რინდებთან და ცალი თვალის დაკარგვა.

კორნელი კეკელიძე წერს, რომ ჟამთააღმწერლის შეხედულებით, ყოველივე ეს იყო მიზეზი ყველა იმ უბედურებათა, რაც თავს დაატყდა საქართველოს ანუ მონღოლების შემოსევა და გაბატონება, როგორც ღვთისგან მოვლენილი სასჯელი ჩადენილ უკეთურებათათვის.

ვის მხარეზეა ამ შემთხვევაში სიმაართლე? — სვამს შეკითხვას მკვლევარი და იქვე პასუხსაც სცემს: „**ჟამთააღმწერლის დახასიათება შედეგი უნდა იყოს უფრო მისი მო-**



ლაშა-გიორგის ფრესკა ბეთანიის მონასტერში

რალიზატორული ტენდენციისა და მისტიკურ-ასკეტიკურ სულისკვეთებისა, ვიდრე სინამდვილის ანარეკლი“.

ზემოთქმულთან დაკავშირებით უნდა დავიმომოთ ივანე ჯავახიშვილიც, ჯერ კიდევ 1916 წელს რომ წერდა: „**მაცდურ-სოფელის“ მოძულე ბერი-მემატიანე თავისუფალი აზროვნების და ყოფა-ცხოვრების მიმდევარი საზოგადოებისა და სახელმწიფო მოღვაწეთა დახასიათების დროს პირუთვნელობას ვერ გამოიჩენდა“.**

კორნელი კეკელიძის მოსაზრებით, ავტორი პირველი რედაქციისა, ლაშა-გიორგის თანამედროვე, უფრო სწორად უნდა გადმოგვეცემდეს როგორც მისი მეფობის ფაქტებს, ასევე მის ზნეობრივ პროფილს. ფაქტების მხრივ, სამაგალითოდ უნდა მივიჩნიოთ ლაშა-გიორგის მეფობაში მონაწილეთა ორგზის შემოსევას, დამონებული რომ არის არაბი ისტორიკოსის იბნ ალ-ასირის თხზულებაშიც. რაც შეეხება ზნეობრივ პროფილს, პირველი რედაქციის დახასიათებას სავსებით უჭერს მხარს იოანე ბატონიშვილი ან, უკეთ რომ ვთქვათ, მის მიერ გამოყენებული წყაროები.

როგორც ირკვევა, იოანე ბატონიშვილს განსაკუთრებული ყურადღება მიუქცევია ორი ფაქტისათვის ლაშა-გიორგის ცხოვრებიდან: ცალი თვალის დაკარგვისა და ველისციხეში ქალის ტროფობისათვის. კორნელი კეკელიძე შენიშნავს, ეს ბუნებრივად არის, ვინაიდან საქართველოს მეფის ამორალობას სწორედ ამ ორი ფაქტით ასაბუთებდნენ. მკვლევარი იმონებებს შესაბამის ტექსტებს:

ჟამთააღმწერელი: „შეიყვარა თანამოჰასაკენი მსმურობითა და დედათა უწესოთა თანააღრევითა და ესოდენ უსახურობათა მიიწია, რომელ ოდესმე მსმელი ფრიადისა ღვიინისა, ტფილისს მყოფი, წარიყვანეს რინდთა თანა, რათა მუნ განიძღონ სიბილნე თვისი. ხოლო რინდნი, მუნ მეფისა მისლვისა არამგონებელნი და ღვინითა უცნობოქმნილნი, ზედა მოეტევენეს, მგვემელნი ძლიერად, ვიდრემდი ერთიცა თვალი, მარჯვენე, ხედვისაგან უხედვო ყვეს“.

იოანე ბატონიშვილი: „ხოლო დღესა ერთსა, ვითარცა არს ჩვეულება ბურთაობისა და ჩოგანისა თამაშობისა მოედანსა ზედა, ოდეს არბევდეს ცხენთა და ენებათ ბურთისა გატანა, მაშინ ბარათიანთაგანი ვინმე ჭაბუკი, კარგი ცხენოსანი, მეცადინეობდა გატანად ბურთისა. ხოლო მეფეცა მეცადინეობდა არა დანებებად, და ამასობასა შინა მოახვედრა ბარათაშვილმან მეფესა უცებად ჩოგანი იგი თვალსა შინა და დადავ განუტეხა, ესრეთ რომელ თითქმის თვე ერთი ძლივსადმე განუშთელეს მეფესა და ამის გამო მცირედ ხედვისაგან მოკლებულ იქმნა ცალის თვალითა, ხოლო მეფემან არცალა თუ ერთი ურიგო სიტყვა ჰკადრა ყრმასა მას“.

კორნელი კეკელიძის სიტყვით, იოანე ბატონიშვილის მიერ ამგვარი გაშუქება ამ ფაქტისა სავსებით ახალია ჩვენს ისტორიოგრაფიაში.

ახლა ველისციხელი ქალის ამბავი ვნახოთ.

ჟამთააღმწერელი: „მისრულმან კახეთს სოფელსა ერთსა, ველისციხეს, იხილა ქალი ფრიადქმნული კეთილი და მყის აღტაცებულ იქმნა გულისთქმათა მიერ და... მსწრაფლად თვისად მიიყვანა და შეიყვარა... არა ინება ქორწინება ცოლსა თანა შჯულიერსა, ამისთვის შეკრბეს კათალიკოზი, ეპისკოპოზნი და ვაზირნი და მოახსენებდეს: არა ჯერ არს, რათა მხევალი გესვას, და არა ცოლი... ხოლო მეფესა არა ენება, ამისათვის წარგვარეს ქალი იგი და ქმარსავე მისსა მისცეს, ხოლო არცა მაშინ ექორწინა მეუღლესა, არამედ ეგო უქორწინებულად“.

იოანე ბატონიშვილი: „ინება მეფემან ლაშა კახეთსა შინა წარსვლა და წარვიდა მცირისა უკვე კაცითა და მოვლო ადგილადგილ კახეთისა ადგილნი და გამოიკითხა საქმენი მათნი; და ვისაცა მოხელეთა შეეწუხებინათ ვინმე უსამართლოდ, იგი მოხელენი განაპატიუნდა და ყოველთა აჩვენა კმაყოფილებას. ხოლო ჟამსა ამას იყო დღესასწაულობა ჭერემისა ეკლესიისა, და მუნ

მოილოცავდენ ერნი კახთანი. ინება მეფემანცა მუნ წასვლა სადღესასწაულოდ; ხოლო მისრულმან მეფემან მოილოცა წმიდა ესე ეკლესია და მერე იწყო ქვეითად სიარული ერთა შორის და ჭვრეტა განცხრომათა მათთა. ჟამსა ამას იხილა ქალი ვინმე მშვენიერი, რომელიცა სთნა მეფესა და მშვენიერებამან მისმან მოიცო გული მეფისა, ვინაითგან მეფეცა იყო ჭაბუკი კაცი; და უბრძანა ერთსა თვისსა სანდოსა მსახურსა, რათა გამოიკითხოს საქმე მის ქალისა და ვისიშვილობა და ანუ უქორწინია ანუ არა. წარვიდა მსახური იგი და მეზობელთაგან გამოიკითხა ვითარება ქალისა მის; ხოლო მეზობელთა აცნობეს, რომელ იგი ქალი და მშობელნი მისნი ცხობოვებენ ახამენს სოფელსა შინა, და ესე ქალი არს ქალწულ და შვილი გაღარიბებულთა და ძველთა თავადთა კლდეკარის ერისთავთა გვარისა მინობლიძეთა მონათესავეთაგანნი, გარდმოცვივნულნი არსაკუნიანთა დროთავე შინა, და ან გლეხად მცხოვრებნი, რომელთაცა გლეხთა ან სთხოვს ამას ველისციხეში გლეხი კაცი შვილისა თვისისათვის სასძლოდ, ხოლო დედ-მამა ამა ქალისა არა მნებებლობენ; და აქვე ჯერეთცა ლაპარაკი, და თვით იგი გლეხნი ამბობენ: ჩვენგან აქვს მიცემული ნიშანი ქალსა მას. ხოლო ჰკითხა კაცმან მან სახელი ქალისა მის და ჰრქვა: სუსანა ეწოდებოდა. წარმოვიდა კაცი იგი, ყოველივე აუწყა მეფესა. მაშინ მეფემან მოწონდა მოძღვარსა თვისსა და აფუცა, რათა არავის უთხრას მღვდელმან მან საიდუმლო ესე მეფისა, და წარგზავნა მღვდელი იგი დედამამისა თანა მის ქალისა და ითხოვა ცოლად თვისად. ხოლო მათ ძნად აღუწნდათ საქმე ესე და თქვეს: ჩვენ ან თითქმის გლეხად შერაცხილნი ვართ და ან ვითა ეგების მეფემან ჩვენმან გლეხთა ასული მიიყვანოს ცოლად თვისაო? გარნა მცნობმან ამისმან მეფემან კვალად გაგზავნა მღვდელი იგი და იძულებით წარმოიყვანა ქალი იგი და იდუმალ ყოველთა იკურთხა მოძღვრისა თვისისაგან გვირგვინი“.

ზემოთქმული ტექსტის წამკითხველმა ვაითუ იფიქროს, რომ იოანე ბატონიშვილის გონება და კალამი ერთ მშვენიერ დღეს შემოქმედებით ფანტაზიას დაუწყრია და ამგვარად შეთხზულა ახალი ვერსია ლაშა-გიორგისა და ველისციხელი ქალის რომანისა. მართლაცდა როგორ შევუთავსოთ მისი საკმაოდ ვრცელი და ყოფაცხოვრებითი დეტალებით გადატვირთული მონათხრობი ჟამთააღმწერლის ლაქონიურ ტექსტს, ფრიად მომხიზვლელს მხატვრული თვალსაზრისით და დაკანონებულს ტრადიციისამებრ, ჩვენი წარსულის ავად თუ კარგად მცოდნეთაც ლამის ძვალ-რბილში რომ გვაქვს გამჯდარი.

მაგრამ... აი, ერთი საგულისხმო „მაგრამ“:

იოანე ბატონიშვილი გარკვევით გვამცნობს თავის წყაროს — ეს გახლავთ მღვდელ-მონაზონი იოსებ გამრეკელისძე ანუ იოსებ ახალციხელი.

იოანე ბატონიშვილის სიტყვით, მეფის „სჯულიერი ქორწინების“ მოწმე ყოფილა ექვთიმე კათალიკოსი, ხოლო მოძღვარი მეფისა — გიორგი ხარჭოშელი, რომელმაც ლაშა-გიორგის ჯვარი დასწერაო.

კორნელი კეკელიძე შენიშნავს, რომ მეფის „სჯულიერი ცოლი“ მოხსენიებული ყოფილა აგრეთვე „დავით-საულიანში“. ასეთი თხზულება დღეს არსადა ჩანს, მაგრამ XIX საუკუნის დამდეგს ჯერ კიდევ არსებობდაო.

დასასრულ, დიდებული ქართველი მკვლევარი უაღრესი სიფრთხილით განსჯის: „**სანამ ლაშა გიორგის ისტორიაში გამოყენებული წყაროები აღმოჩენილი არაა, ძნელია მათი ღირებულების შესახებ საბოლოო დასკვნა გავაკეთოთ. ერთი კი შეიძლება ითქვას: ის გარემოება, რომ ლაშა გიორგის პიროვნების შეფასებაში ეს წყაროები სავსებით უჭერენ მხარს ლაშას თანამედროვე მემატიანეს, ჩვენ საბუთი გვაქვს ვიფიქროთ, რომ ამ წყაროებში იმდენად ფანტაზიისა და ხალხური შემოქმედების ანარეკლი არა გვაქვს, რამდენადაც სინამდვილისა და სიმართლის გამოძახილი და კვალი“.**